


167



John Carter Brown





SECUNDO VOLUMINE HAEC


CONTINENTVR.

M. T. C. de natura Deorum	libri	III.
De Divinatione	libri	II.
De Fato	liber	I.
Scipionis somnium, quod e' sex de rep.	libris	superest.
De Legibus	libri	III.
De Vniuersitate	liber	I.
Q. Ciceronis de petitione consulatus ad Marcum fratrem	liber	I.

JOHN CARTER BROWN



Ne quis alius aut Venetijs, aut usquam locorum hos
impune libros imprimat, & Leonis X.
Pontificis Maximi, & Senatus Ve-
neti decreto cautum est.



M. T. C. DE NATURA DEORVM

AD MARCVM BRVTVM

LIBER PRIMVS.

Vm multæ res in philosophia nequa-
 quam satis adhuc explicatæ sunt: tum
 perdifficilis Brute, quod tu minima
 ignoras, & perobscura quæstio est de
 natura deorum: quæ & ad agnitio-
 nem animi pulcherrima est: & ad
 moderandam religionem necessaria. de qua tam va-
 riæ sunt doctissimorum hominum, tamq; discrepan-
 tes sententiæ: ut magno argumento esse debeat, cau-
 sam, idest principium philosophiæ, esse scientiam:
 prudenterq; Academicos a rebus incertis assensionem
 cohibuisse. quid est enim temeritate fortius? aut quid
 tam temerarium? tamq; indignum sapientis graui-
 tate, atq; constantia? q̃ aut falsum sentire? aut quod
 non satis explorate perceptum sit, & cognitum: sine
 ulla dubitatione defendere? uelut in hac quæstione,
 pleriq; quod maxime uerisimile est: & quo omnes
 duce natura uehimur: deos esse dixerunt. dubitare se
 Protagoras: nullos esse omnino Diagoras Melius, &
 Theodorus Cyrenaicus putauerunt. qui uero deos esse
 dixerunt, tanta sunt in uarietate, ac dissensione con-
 stituti: ut eorum molestum sit annumerare sententias.
 nam & de figuris deorum, & de locis, atq; sedibus,
 & actione uitæ multa dicuntur: deq; his summa phi-
 losophorum dissensione certatur. quod uero maxime
 rem, causamq; continet, est: utrum nihil agant: nihil

DE NATURA DEORVM

moliantur : an ab omni curatione , & administra-
 tione rerum uacent : an contra ab his , & à prin-
 cipio omnia facta , & constituta sint : & ad infini-
 tum tempus regantur : atque moueantur . imprimisq;
 magna dissensio est : eaq; nisi diiudicatur , in summo
 errore necesse est homines , atq; in maximarum re-
 rum ignorance uersari . Sunt enim philosophi , &
 fuerunt : qui omnino nullam habere censerent hu-
 manarum rerum procurationem deos . quorum si ue-
 ra sententia est : quæ potest esse pietas ? quæ sanctitas ?
 quæ religio ? hæc enim omnia pure , ac caste tribuen-
 da deorum numini ita sunt : si animaduertuntur ab
 his : & si est aliquid à dijs immortalibus hominum
 generi tributum . sin autem dij neq; possunt nos iuna-
 re : nec uolunt : nec curant omnino : nec quid aga-
 mus animaduertunt : nec est quod ab his ad homi-
 num uitam permanare possit : quid est , quod ullos
 dijs immortalibus cultus , honores , preces adhibea-
 mus ? in specie autem fictæ simulationis , sicut reliquæ
 uirtutes , ita pietas inesse non potest : cum qua simul &
 sanctitatem , & religionem tolli necesse est . quibus
 sublati , perturbatio uitæ sequitur , & magna confu-
 sio . atq; haud scio an pietate aduersus deos sublata ,
 fides etiam , & societas humani generis , & una ex-
 cellentissima uirtus iustitia tollatur . Sunt autem alij
 philosophi : & hi quidem magni , atq; nobiles : qui
 deorum mente , atq; ratione omnem mundum admi-
 nistrari & regi censeant . neq; uero id solum , sed
 etiam ab ijsdem uitæ hominum consuli , & proui-
 deri . nam & fruges , & reliqua , quæ terra pa-
 riat , & tempestates , ac temporum uarietates , cæ-
 liq;

liq; mutationes, quibus omnia quæ terra gignat, maturata pubescant, à dijs immortalibus tribui generi humano putant: multaq; , quæ dicuntur in his libris, colligunt: quæ talia sunt: ut ea ipsa dij immortales ad usum hominum fabricati penè uideantur. contra quos Carneades ita multa disseruit: ut excitaret homines non secordes ad ueri inuestigandi cupiditatem. res enim nulla est: de qua tantopere non solum docti, sed etiam indocti dissentiant. quorum opiniones cum tam uariæ sint, tamq; inter se dissidentes: alterum fieri profecto potest: ut earum nulla: alterum certe non potest: ut plus una uera sit. Qua quidem in causa & beniuolos obiurgatores placare, & inuidos uituperatores confutare possumus: ut alteros reprehendisse poeniteat: alteri se didicisse gaudeant. nam qui admonent, amice docendi sunt: qui inimice insectantur, repellendi. Multum autem fluxisse uideo de libris nostris, quos complures breui tempore edidimus: uariumq; sermonem, partim admirantium, unde hoc philosophandi nobis subito studium extitisset: partim quid quaq; de re certi haberemus scire cupientium. multis etiam sensi mirabile uideri, eam nobis potissimum probatam esse philosophiam: quæ lucem eriperet: & quasi noctem quandam rebus offunderet: desertæq; disciplinæ, & iampridem relictæ patrocinium nec opinatum à nobis esse susceptum. Nos autem nec subito cœpimus philosophari: nec mediocrem à primo tempore ætatis in eo studio operam, curamq; consumpsimus: & cum minime uidebamur: tum maxime philosophabamur. quod & orationes declarant refertæ philosophorum

DE NATURA DEORVM

sententijs : & doctissimorum hominum familiaritates : quibus semper domus nostra floruit : & principes illi Diodorus, Philo, Antiochus, Possidonius : a quibus instituti sumus . Et si omnia philosophiae praecepta referuntur ad uitam : arbitramur nos , & publicis , & privatis in rebus ea praestitisse : quae ratio & doctrina praescripserit . sin autem quis requirit quae causa nos impulerit , ut haec tam sero litteris mandaremus : nihil est quod expedire tam facile possumus . nam cum otio langueremus : & is esset reip. status : ut eam unius consilio , atq; cura gubernari necesse esset : primum ipstus reip. causa philosophiam nostris hominibus explicandam putavi : magni existimans interesse ad decus & laudem civitatis res tam graues tamq; praeclaras latinis etiam litteris contineri . eoq; me minus instituti mei poenitet : quod facile sentio , quam multorum non modo discendi , sed etiam scribendi studia commouerim . complures enim graecis institutionibus eruditi , ea quae didicerant , cum ciuibus suis communicare non poterant : q; illa , quae a graecis acceperant , latine dici posse diffiderent . quo in genere tantum profecisse uidemur : ut a graecis ne uerborum quidem copia uinceremur . Hortata est etiam ut me ad haec conferrem animi aegritudo fortunae magna , & graui commota iniuria . cui si maiorem aliquam leuationem reperire potuissem : non ad hanc potissimum confugissem . ea uero ipsa nulla ratione melius frui potui : q; si me non modo ad legendos libros , sed etiam ad totam philosophiam pertractandam dedissem . omnes autem eius partes , atq; omnia membra tum facillime noscuntur : cum totae quaestiones

nes scribendo explicantur. est enim admirabilis quædam continuatio, seriesq; rerum: ut alia ex alia nexa, & omnes inter se aptæ, colligatæq; uideantur. Qui autem requirunt qd quaq; de re ipsi sentiamus, curiosius id faciunt, quam necesse est. non enim tam authores in disputando, q̃ rationis momenta quærenda sunt. quin etiam obest plerunq; ijs, qui discere uolunt, autoritas eorum, qui se docere profitentur. desinunt enim suum iudicium adhibere: id habent ratum, quod ab eo, quem probant, iudicatum uident. nec uero probare soleo id, quod de Pythagoricis accepiimus: quos ferunt, si quid affirmarent in disputando: cum ex his quæreretur, quare ita esset: respondere solitos: ipse dixit. ipse autem erat Pythagoras. tantum opinio præiudicata poterat: ut etiam sine ratione ualeret autoritas. Qui autem mirantur nos hanc potissimum disciplinam secutos: his quatuor academicis libris satis responsum uidetur. nec uero desertarum, relictarumq; rerum patrocinium suscepimus: non enim hominum interitu scientiæ quoq; occidunt: sed lucem authoris fortasse desiderant: ut hæc in philosophia ratio contra omnia differendi, nullamq; rem aperte iudicandi, profecta a Socrate, repetita ab Arcesila, confirmata a Carneade, usq; ad nostram uiguit ætatem: quam nunc propemodum orbam esse in ipsa græcia intelligo: quod non academiæ uitio, sed tarditate hominum arbitror contigisse. nam si singulas disciplinas percipere magnum est: quanto magis omnes? quod facere ijs necesse est: quibus propositum est, ueri reperiendi causa, & contra omnes philosophos, & pro omnibus dicere. cuius rei tantæ, tamq; difficilis

DE NATURA DEORVM

*facultatem consecutum esse me non profiteor: secutum
 esse prae me fero. Nec tamen fieri potest: ut qui hac
 ratione philosophentur: hi nihil habeant quod se-
 quantur. dictum est hac de re alio loco diligentius:
 sed quia nimis indociles quidam, tardiq; sunt: ad-
 monendi videntur saepius. non enim sumus ij, quibus
 nihil uerum esse uideatur: sed ij, qui omnibus ueris
 falsa quaedam adiuncta esse dicamus, tanta similitu-
 dine: ut in ijs nulla insit certa iudicandi, & assen-
 tiendi nota. ex quo existit & illud, multa esse pro-
 babilia: quae quanquam non perciperentur: tamen
 quia uisum haberent quendam insignem, & illu-
 strem: his sapientis uita regeretur. Sed iam, ut omni
 me inuidia liberem, ponam in medio sententias phi-
 losophorum de natura deorum. quo quidem loco con-
 uocandi omnes uidentur: qui, quae sit earum uera,
 iudicent. tum demum mihi prociux Academia uide-
 bitur: si aut consenserint omnes: aut erit inuentus
 aliquis: qui quid uerum sit inuenerit. Itaq; mihi li-
 bet exclamare, ut Statius in Synephebis:*

- » *Pro deum, popularium omnium adolescentium*
- » *Clamo, postulo, obsecro, oro, ploro, atq; imploro fidem.*
non leuissima de re, ut queritur ille, fieri in ciuitate
facinora capitalia.
- » *Ab amico amante argentū accipere meretrix nō uult.*
sed ut adsint: cognoscant: animaduertant, quid de
religione, pietate, sanctitate, cerimonijs, fide, iure-
iurando, quid de templis, delubris, sacrificijsq; solen-
nibus, quid de ipsis auspicijs, quibus nos praesumus,
existimandū sit. haec enim omnia ad hanc de dijs im-
mortalibus quaestionem referenda sunt. Profecto eos
iplos

ipſos qui ſe aliquid certi habere arbitrantur: addu-
bitare coget doctiſſimorum hominum de maxima re
tanta diſſenſio. Quod cum ſæpe aliàs, tum maxime
animaduerti, cum apud C. Cottam familiarem meum
accurate ſanè, & diligenter de dijs immortalibus di-
ſputatum ſit. Nam cum ferijs latinis ad eum
ipſius rogatu, acceſſuq; ueniſſem: offendi eum ſeden-
tem in exedra: & cum C. Velleio ſenatore diſputan-
tem: ad quem tum Epicuri primas ex noſtris homi-
nibus deferabant. aderat etiam Q. Lucilius Bal-
bus: qui tantos progreſſus habebat in Stoicis: ut cum
excellentiſſimis in eo genere græcis cõpararetur. tum ut
me Cotta uidit: peropportune inquit uenis. oritur enim
mihi magna de re altercatio cum Velleio: cui pro tuo
ſtudio non eſt alienum te intereſſe. Atqui mihi
quoq; uideor inquam ueniſſe, ut dicis, opportune: tres
enim trium diſciplinarũ principes conueniſtis. M. enim
Piſo ſi adeſſet: nullius philoſophiæ, earum quidem,
quæ in honore ſunt, uacaret locus. Tum Cotta, ſi
inquit liber Antiochi noſtri, qui ab eo nuper ad Bal-
bum miſſus eſt, uera loquitur: nihil eſt q̃ Piſonem
familiarem tuum deſideres. Antiocho enim ſtoici cum
peripateticis re conſentire uidentur: uerbis discrepa-
re. quo de libro uelim ſcire Balbe quid ſentias. Ego
ne? inquit ille. miror Antiochum hominem imprimis
acutum non uidiſſe: intereſſe plurimum inter Stoicos,
qui honeſta à commodis non nomine, ſed genere to-
to diſtinguerent: & peripateticos, qui honeſta commi-
ſcerent commodis: ut ea inter ſe magnitudine, & quaſi
gradibus, non genere differrent. hæc enim eſt non
uerborum parua, ſed rerum permagna diſſenſio. ue-

DE NATURA DEORVM

rum hæc aliàs . nunc quod cæpinus , si uidetur .

Mihi uero inquit Cotta uidetur . sed ut hic , qui in-
teruenit , me intuens , ne ignoret quæ res agatur , de
natura agebamus deorum . quæ cum mihi uideretur
perobscura : ut semper uideri solet : Epicuri ex Velleio
sciscitabar sententiam . quamobrem inquit Vellei ,
nisi molestum est : repete quæ cæperas . Repetam
uero : quanquam non mihi sed tibi hic uenit adiutor :
ambo enim inquit arridens , ab eodem Philone nihil
scire didicistis . Tum ego , quid didicerimus , Cotta
uiderit : tu autem nolo existimes me adiutorem huic
uenisse , sed auditorem , & quidem æquum , libero
iudicio , nulla eiusmodi astrictum necessitate , ut mihi
uelim , nolim , sit certa quædam tuenda sententia .

Tum Velleius fidenter sane , ut solent isti , nihil
tam uerens , quàm ne dubitare aliqua de re uideretur :
tanquam modo ex deorum concilio , & ex Epicuri
intermundijs descendisset : audite inquit non com-
mentitias , futilesq; sententias , non opificem , ædifica-
toremq; mundi Platonis de timæo deum , nec animum fa-
tidicam stoicorum $\pi\rho\rho\nu\acute{o}\nu$, quam latine licet proui-
dentiam dicere , neq; uero mundum ipsum animo &
sensibus præditum , rotundum , ardentem , uolubilem
deum , portenta & miracula non differentium phi-
losophorum , sed somniantium . quibus enim oculis
intueri potuit uester Plato fabricam illam tanti ope-
ris ? quæ construi a deo , atq; ædificari mundum facit .
quæ molitio ? quæ ferramenta ? qui uectes ? quæ ma-
chine ? qui ministri tanti muneris fuerunt ? quemad-
modum autem obedire , & parere uoluntati archite-
cti , ær , ignis , aqua , terra potuerunt ? unde uero

ortæ illæ quinq; formæ? ex quibus reliquæ forman-
tur, apte cadentes ad animum efficiendum, parien-
dosq; sensus? longum est iter ad omnia quæ talia sunt:
ut optata magis, quàm inuenta uideantur. Sed illa
palmaris quidem: quod qui non modo natum mun-
dum introduxerit: sed etiam manu penè factum: is
eum dixerit fore sempiternum. hunc censes primis,
ut dicitur, labris gustasse phisiologiam, idest naturæ
rationem? qui quicquam, quod ortum sit, putet æter-
num esse posse. quæ est enim coagmentatio non disso-
lubilis? aut quid est, cuius principium aliquod sit:
nihil sit extremum? Pronoë uero si uestra est Lucili
eadem: requiro quæ paulo ante: ministros, machinas,
omnem totius orbis designationem, atq; apparatus:
sin alia est: cur mortalem fecerit mundum, non
quemadmodum platonius deus, sempiternum? ab
utroq; autem sciscitor: cur mundi ædificatores repen-
te extiterint? innumerabilia ante secula dormierint?
non enim si mundus nullus erat: secula non erant.
secula nunc dico, non ea, quæ dierum noctiumq;
numero annuis cursibus conficiuntur: nam fateor ea
sine mundi conuersione effici non potuisse. sed fuit
quædam ab infinito tempore æternitas: quam nulla
temporū circumscriptio metiebatur: spatio tamen qua-
lis ea fuerit intelligi non potest: quod ne in cogita-
tionem quidem addit: ut fuerit tempus aliquod: nul-
lam cum tempus esset. isto igitur tam immenso spa-
tio quæro Balbe cur Pronoë uestra cessauerit? labo-
rem ne fugiebat? at iste nec attingit deum: nec erat
ullus: cum omnes naturæ nummi diuino, cælum, ignes,
terræ, maria parerent. quid autem erat, quod con-

DE NATURA DEORVM

cupisceret deus mundum signis, & luminibus, tanquam ædilis ornare? si ut deus ipse melius habitaret: antea uidelicet tempore usfinito in tenebris tanquam in gurgustio habitauerit: post autem * uarietate ne eum delectari putamus: qua cælum & terras exornatas uidemus? quæ ista potest esse oblectatio deo? quæ si esset: non ea tandiu carere potuisset. An hæc ut ferè dicitis, hominum causa à deo constituta sunt? sapientum ne? propter paucos ergo tanta est facta rerum molitio. an stultorum? at primum causa non fuit, cur de improbis bene mereretur. deinde quid est affecutus: cum omnes stulti sint sine dubio miserimi: maxime quod stulti sunt: miserius enim stultitia quid possumus dicere? deinde quod ita multa sunt incommoda in uita: ut ea sapientes commodorum compensatione leniant: stulti nec uitare uenientia possint: nec ferre præsentia. Qui uero mundum ipsum animantem, sapientemque esse dixerunt, nullo modo uiderunt animi naturam, intelligentes in quam figuram cadere posset: de quo dicam paulopost. nunc autem hætenus admirabor eorum tarditatem: qui animantem, immortalem, & eundem beatum, & rotundum esse uelint: quod ea forma ullam neget esse pulchriorem Plato. At mihi uel chylandri, uel quadrati, uel coni, uel pyramidis uidetur esse formosior. Quæ uero uita attribuitur isti rotundo deo? nempe ut ea celeritate contorqueatur: cui par nulla, ne cogitari quidem possit. in qua non uideo ubi nam mens constans, & uita beata possit insistere: quodque in nostro corpore si minima ex parte significetur, molestum sit: cur hoc idem non habeatur molestum in deo. terra

enim profecto quoniam pars mundi est, pars est etiam dei. atqui terræ maximas regiones inhabitabiles, atque incultas uidemus: quod pars earum appulsu solis exarsit: pars obriguerit niue, pruinaque, longinquo solis abscissu. quæ, si mundus est deus: quoniam partes mundi sunt: dei membra partim ardentia, partim refrigerata dicenda sunt. Atque hæc quidem uestra Lucili. qualia uero sint, ab ultimo repetam, superiorum. Thales milesius, qui primus de talibus rebus quæsiuit: aquam dixit esse initium rerum. deum autem eam mentem: quæ ex aqua cuncta fingeret. Si dii possunt esse sine sensu et mente: cur aquæ adiunxit? si ipsa mens constare potest uacans corpore: * Anaximandri autem opinio est natiuos esse deos: longis interuallis orientes, occidentesque: eosque innumerales esse mundos. sed nos nisi deum sempiternum intelligere qui possumus? Post Anaximenes aëra deum statuit: eumque gigni: esseque immensum, et infinitum, et semper in motu: quasi aut aër sine ulla forma deus esse possit: cum præsertim deum non modo aliqua, sed pulcherrima specie esse deceat: aut non omne, quod ortum sit, mortalitas consequatur. inde Anaxagoras, qui accepit ab Anaximene disciplinam: primus omnium rerum descriptionem, et modum mentis infinitæ ui ac ratione designari, et confici uoluit: in quo non uidit: neque motum sensui coniunctum et continentem in infinito ullum esse posse: neque sensum omnino, quo non ipsa natura pulsa sentiret. Deinde si mentem istam quasi animal aliquod esse uoluit: erit aliquid interius: ex quo illud animal nominetur. quid autem interius mente? cingitur igitur corpore externo.

DE NATURA DEORVM

quod quoniam non placet: aperta simplexq; mens
 nulla re adiuncta, quæ sentire possit, fugere intel-
 ligentiæ nostræ vim & notionem uidetur. Croto-
 niates autem Alcmeo, qui soli, & lunæ, reliquisq;
 syderibus, animoq; præterea, diuinitatem dedit: non
 sensit sese mortalibus rebus immortalitatem dare.
 Nam Pythagoras, qui censuit animum esse per natu-
 ram rerum omnem intentum & commeantem: ex quo
 nostri animi carperentur: non uidit distractione hu-
 manorum animorum discerpi, & dilacerari deum:
 & cum miseri animi essent: quod plerisq; continge-
 ret: tum dei partem esse miseram: quod fieri non po-
 test. cur autem quicquam ignoraret animus hominis:
 si esset deus? quomodo porro deus iste, si nihil esset
 nisi animus: aut infixus, aut infusus esset in mun-
 do? Tum Xenophanes, qui mente adiuncta omne præ-
 terea quod esset infinitum, deum uoluit esse: de ipsa men-
 te ita reprehenditur, ut cæteri: de infinitate autem
 uehementius: in qua nihil neq; sentiens, neq; coniun-
 ctum esse potest. Nam Parmenides commentitiū quid-
 dam coronæ similitudine efficit: Stephanem appel-
 lat: continentem ardore lucis orbem, qui cingit cæ-
 lum: quem appellat deum. in quo neq; figuram
 diuinam; neq; sensum quisquam suspicari potest. mul-
 ta eiusdem monstra: quippe qui bellum, qui discor-
 diam, qui cupiditatem, cæteraq; generis eiusdem ad
 deum reuocat: quæ uel morbo, uel somno, uel obli-
 uione, uel uetustate delentur. eademq; de syderibus.
 quæ reprehensa iam in alio in hoc omittantur. Em-
 pedocles autem multa alia peccans in deorum opinio-
 ne turpissime labitur. Quatuor enim naturas, ex

quibus omnia constare uult, diuinas esse censet: quas
et nasci, et extinguī perspicuum est: et sensu omni
carere. Nec uero Protagoras, qui sese negat omnino
de dijs habere quod liqueat, sint, non sint, qualesue
sint: quicquam uidetur de natura deorum suspicari.
Quid Democritus: qui tum imagines, earumq; cir-
cuitus in deorum numero refert: tum illam naturam
quæ imagines fundat, ac mittat: tum scientiam, in-
telligentiamq; nostram: nonne in maximo errore
uersatur? cum idem omnino quia nihil semper suo sta-
tu maneat, neget esse quicquam sempiternum: non-
ne deum ita tollit omnino: ut nullam opinionem eius
reliquam faciat. Quid aër? quo Diogenes apollo-
niates utitur deo: quem sensum habere potest? aut
quam formam dei? Iam de Platonis inconstantia lon-
gum est dicere: qui in timæo, patrem huius mundi
nominari neget posse. in legum autem libris quid sit
omnino deus inquiri oportere non censet. quod uero
sine corpore ullo deum uult esse, ut græci dicunt,
ἀσώματον, id quale esse possit intelligi non potest. ca-
reat enim sensu necesse est: careat prudentia: careat
uoluptate: quæ omnia unā cum deorum notione com-
prehendimus. Idem et in timæo dicit, et in legibus,
et mundum deum esse, et cælum, et astra, et ter-
ram, et animos, et eos quos maiorum institutis ac-
cepimus: quæ et per se sunt falsa perspicue, et in-
ter sese uehementer repugnantia. Atq; etiam Xeno-
phon paucioribus uerbis eadem ferè peccat. facit enim
in ijs, quæ a Socrate dicta rettulit, Socratem dispu-
tantem formam dei quæri non oportere: eundemq; et
solem, et animum, deum dicere: et modo unum,

DE NATURA DEORVM

tum autem plures deos. quæ sunt iisdem in erratis
ferè: quibus ea quæ de Platone dicimus. Atq; Anti-
sthenes in eo libro, qui physicus inscribitur: popula-
res deos multos, naturalem unum esse dicens, tollit
uim & naturam deorum. nec multo secus Speusippus
Platonem auunculum subsequens, & uim quandam
dicens, qua omnia regantur, eamq; animalem, euel-
lere ex animis conatur cognitionem deorum. Aristote-
les quoq; in tertio de philosophia libro multa turbat,
à magistro Platone uno dissentiens. modo enim menti
tribuit omnem diuinitatem: modo mundum ipsum deū
dicit esse: modo quendam alium præficiat mundo: eiq;
cas partes tribuit: ut replicatione mundi quadam mo-
tum regat, atque tueatur: tum cæli ardorem deum
dicit esse: non intelligens cælum mundi esse partem:
quam alio loco ipse designarit deum. quomodo autem
cæli diuinus ille sensus in celeritate tanta conseruari
potest? ubi deinde illi tot dii: si numeramus etiam cæ-
lum deum? cum autem sine corpore idem uult esse
deum: omni illum sensu priuat, & prudentia. quo
porro modo mundus moueri potest carens corpore?
aut quomodo semper se mouens esse quietus & bea-
tus potest? Nec uero eius condiscipulus Xenocrates in
hoc genere prudentior: in cuius libris qui sunt de na-
tura deorum, nulla species diuina describitur. deos
enim octo esset dicit: quinq; eos qui in stellis uagis no-
minantur: unum qui ex omnibus syderibus quæ in-
fixa cælo sunt ex dispersis quasi membris simplex sit
putandus deus: septimum solem adiungit, octauamq;
lunam: qui quo sensu beati esse possint, intelligi non
potest. Ex eadem Platonis schola Ponticus Heraclides
puerilibus

puerilibus fabulis referat libros: et tamen modo mundum, tum mentem diuinam esse putat: errantibus etiã stellis diuinitatem tribuit: sensuq; deum priuat: et eius formam mutabilem esse uult. eodemq; libro rursus terram, & cælum refert in deos. Nec uero Theophrasti inconstantia ferenda est. modo enim menti diuinum tribuit principatum: modo cælo: tum autem signis, syderibusq; cælestibus. Nec audiendus eius auditor Strato, is qui physicus appellatur: qui omnem uim diuinam in natura sitam esse censet: quæ causas gignendi, augendi, minuendiue habeat: sed careat omni sensu & figura. Zeno autem (ut iam ad uestros Balbe ueniam) naturalem legem diuinam esse censet: eamq; uim obtinere recta imperantem, prohibentemq; contraria. quam legem quomodo efficiat animantem intelligere non possumus. deum autem animantem certe uolumus esse. atque hic idem alio loco æthera deum dicit esse. si intelligi potest nihil sentiens deus: qui nunquam nobis occurrit neq; in precibus, neq; in optatis, neq; in uotis. alijs autem libris rationem quandam per omnem pertinentem naturam, ut diuina sit, effectum putat. idem astris hoc idem tribuit: tum annis, mensibus, annorumq; mutationibus. Cum uero Hesiodi theogoniam id est originem deorum interpretatur: tollit omnino usitatas, perceptasq; cognitiones deorum. neq; enim Iouem, neq; Iunonem, neq; Vestam, neq; quenquam, qui ita appelletur in deorum habet numero: sed rebus inanimatis, atque mutis per quandam significationem hæc docet tributa nomina. Cuius discipuli Aristonis non minus magno in errore sententia est: qui neq; formam dei in-

DE NATURA DEORVM

telligi posse censeat: neq; in dijs sensum esse dicat: dubitetq; omnino deus animans nec ne sit. Cleanthes autem, qui Zenonem audiuit una cum eo, quem proxime nominavi: tum ipsum mundum deum dicit esse: tum totius naturæ menti, atq; animo hoc nomen tribuit: tum ultimum, & altissimum, atq; undiq; circumfusum, & extremum, omnia cingentem, atque complexum ardorem, qui æther nominetur: certissimum deum iudicat. idem quasi delirans in his libris, quos scripsit contra uoluptatem: tum fingit formam quandam, & speciem deorum: tum diuinitatem omnem tribuit astris: tum nihil ratione censet esse diuinius. ita fit ut deus ille, quem mente noscimus: atq; in animi notione tanquam in uestigio uolumus reponere: nusquam prorsus appareat. At perseus eiusdem Zenonis auditor eos dicit esse habitos deos: a quibus magna utilitas ad uitæ cultû esset inuenta: ipsasq; res utiles, & salutare deorum esse uocabulis nuncupatas: ut ne hoc quidem diceret, illa inuenta esse deorum: sed ipsa diuina. quo quid absurdius? quàm aut res sordidas, atq; deformes deorum honore afficere? aut homines iam morte deletos reponere in deos? quorum omnis cultus esset futurus in luctu? Iam uero Chrysippus qui stoicorum somniorum uafferimus habetur interpret: magnam turbam congregat ignotorum deorum, atq; ita ignotorum, ut eos ne coniectura quidem informare possimus: cum mens nostra quiduis uideatur cogitatione posse depingere: ait enim uim diuinam in ratione esse positam, & uniuersæ naturæ animo, atq; mente: ipsumq; mundum deum dicit esse, & eius animi fusionem uniuersam:

uersam : tum eius ipsius principatum , qui in mente
et ratione uersetur : communemq; rerum naturam
uniuersa , atq; omnia continentem , tum fatalem um-
bram , et necessitatem rerum futurarum . ignem præ-
terea , et eum , quem antea dixi , æthera : tum ea
quæ natura fluere , atq; manere , ut aquam , et
terram , et aëra , solem , lunam , sydera , uniuersitatemq; rerum , qua omnia continerentur , atq; homines etiam eos , qui immortalitatem essent consecuti . idemq; disputat æthera esse eum , quem homines Iouem appellarent : quiq; aër per maria maneret , eum esse Neptunum : terramq; , eam , quæ Ceres diceretur . similiq; ratione persequitur uocabula reliquorum deorum . idemq; etiam legis perpetuæ , et æternæ uim , quæ quasi dux uitæ , et magistra officiorum sit , Iouem dicit esse : eandemq; fatalem necessitatem appellat , sempiternam rerum futurarum ueritatem : quorum nihil tale est : ut in eo uis diuina inesse uideatur . et hæc quidem in primo libro de natura deorum . in secundo autem uult Orphei , Musæi , Hesiodi , Homeriq; fabellas accomodare ad ea , quæ ipse primo libro de dijs immortalibus dixerit : ut etiam ueterrimæ poëtæ , qui hæc ne suspicati quidem sint , stoici fuisse uideantur . Quem Diogenes Babilonius consequens in eo libro , qui inscribitur de Minerva , partum Iouis , ortumq; uirginis ad physiologiam traducens , disiungit à fabula . Exposui fere non philosophorum iudicia , sed delirantium somnia . nec enim multo absurdiora sunt ea , quæ poëtarum uocibus fusa , ipsa suauitate nocuerunt : qui et ira inflammatos , et libidine furentes induxerunt deos : feceruntq; ut eorum

DE NATURA DEORVM

bella, pugnas, praelia, uulnera uideremus: odia præ-
 terea, dissidia, discordias, ortus, interitus, querelas;
 lamentationes, effusas in omni intemperantia libidi-
 nes, adulteria, uincula, cum humano genere con-
 cubitus, mortalesq; ex immortali procreatos. Cum
 poëtarum autem errore coniungere licet portenta ma-
 gorum: ægyptiorumq; in eodem genere dementiam:
 tum etiam uulgi opiniones: quæ in maxima incon-
 stantia, ueritatis ignoratione uersantur. Ea qui consi-
 deret q̄ inconsulte ac temere dicantur, uenerari Epi-
 curum, & in eorum ipsorum numero, de quibus
 hæc quæstio est, habere debeat. solus enim uidit
 primum esse deos: q̄ in omnium animis eorum no-
 tionem impressisset ipsa natura. quæ est enim gens?
 aut quod genus hominum? quod non habeat sine do-
 ctrina anticipationem quandam deorum? quam ap-
 pellat προληψις Epicurus: idest anteceptam animo
 rei quandam informationem: sine qua nec intelligi
 quicquam, nec quæri, nec disputari possit. cuius ra-
 tionis uim atq; utilitatem ex illo cælesti Epicuri de
 regula, & iudicio uolumine accepimus. quod igitur
 fundamentum huius quæstionis est, id præclare ia-
 ctum uidetis. cum enim non instituto aliquo, aut mo-
 re, aut lege, sit opinio constituta: maneatq; ad unum
 omnium firma consensus: intelligi necesse est, esse deos:
 quoniam insitas eorum, uel potius innatas cognitiones
 haberemus. de quo autem omnium natura consentit:
 id uerum esse necesse est. esse igitur deos confitendum
 est. quod quoniam fere constat inter omnes, non phi-
 losophos solum, sed etiam indoctos: fateamur con-
 stare illud etiam, hanc nos habere, siue anticipatio-
 nem, ut

nem, ut ante dixi, siue prænotionem deorum. sunt enim rebus nouis noua ponenda nomina: ut Epicurus ipse, *πρόληψιν* appellauit: quam antea nemo eo uerbo nominarat. hanc igitur habemus: ut deos beatos, & immortales putemus. quæ enim nobis natura informationem deorum ipsorum dedit: eadem insculpsit in mentibus: ut eos æternos & beatos haberemus. quod si ita est, uere exposita illa sententia est ab Epicuro: quod æternum beatumq; sit, id nec habere ipsum negocij quicquam: nec exhibere alteri: itaq; neq; ira, neq; gratia teneri: quod quæ talia essent: imbecilla essent omnia. si nihil aliud quæreremus: nisi ut deos pie coleremus: & ut superstitione liberaremur: satis erat dictum. nam & præstans deorum natura hominū pietate coleretur: cum & æterna esset, & beatissima. habet enim uenerationem iustam quicquid excellit. & metus omnis, à ui atq; ira deorum pulsus esset. intelligitur enim à beata immortalisq; natura & iram & gratiam segregari. quibus remotis nullos à superis impendere metus. Sed ad hanc confirmandam opinionem inquirat animus & formam & uitam, & actionem mentis; atq; agitationem in deo. Ac de forma quidem partim natura nos admonet: partim nos ratio docet. nam à natura habemus omnes omnium gentium, speciem nullam aliam, nisi humanam, deorum. quæ enim alia forma occurrit unquam aut uigilanti cuiquam? aut dormienti? Sed ne omnia reuocentur ad primas notiones: ratio hoc idem ipsa declarat. nam cum præstantissimam naturam uel quia beata est: uel quia sempiterna: conuenire uideatur eandem esse pulcherram

DE NATURA DEORVM

rimam: quæ compositio membrorum, quæ conformatio lineamentorum, quæ figura, quæ species, humana potest esse pulchrior. uos quidē. Lucili soletis, nam Cotta meus modo hoc, modo illud: cum artificium effingitis, fabricamq; diuinam: quam sint omnia in hominis figura non modo ad usum, uerum etiam ad uenustatem apta, describere. quod si omnium animantium formam uincit hominum figura: deus autem animans est: ea figura profecto est: quæ pulcherrima sit omnium. Quoniamq; deos beatissimos esse constat: beatus autē esse sine uirtute nemo potest: nec uirtus sine ratione constare: nec ratio usquam inesse, nisi in hominis figura: hominis esse specie deos confitendum est. Nec tamen ea species corpus est: sed quasi corpus: nec habet sanguinem: sed quasi sanguinem. hæc quanquam & inuenta sunt acutius, & dicta subtilius ab Epicuro: quàm ut quis ea possit agnoscere: tamen fretus intelligentia uestra, dissero breuius, quàm causa desiderat. Epicurus autem qui res occultas & penitus abditas, non modo uiderat animo: sed etiam sic tractat: ut doceat nos manu: eam esse uim & naturam deorum: ut primum non sensu, sed mente cernatur: nec soliditate quadam, nec ad numerum, ut ea, quæ ille propter firmitatem Steremia appellat: sed imaginibus similitudine, & transitione perceptis: cum infinita simillimarum imaginum species ex innumerabilibus indiuiduis existat: & ad deos effluat: cum maximis uoluptatibus in eas imagines mentem intentam, infixamq; nostram intelligentiam, capere quæ sit & beata natura & æterna. Summa uero uis infinitatis, & magna, ac diligenti contemplatione dignissima

dignissima est: in qua intelligi necesse est, eam esse naturam: ut omnia, omnibus paribus paria respondeant: hanc ἰσορομία appellat Epicurus, idest æquabilem tributionem. ex hac igitur illud efficitur: si mortaliū tanta multitudo sit, esse immortalium non minorem: Et si quæ interimant innumerabilia sunt: etiam ea quæ conseruent infinita esse debere. Et quæ rere à nobis Balbe soletis, quæ uita deorum sit: quæq; ab ijs degatur ætas. ea uidelicet, qua nihil beatius, nihil omnino bonis omnibus affluentius excogitari potest. nihil enim agit: nullis occupationibus est implicatus: nulla opera molitur: sua sapientia, Et uirtute gaudet: habet exploratum fore se semper tum in maximis, tum in æternis uoluptatibus. Hunc deum rite beatum dixerimus. uestrum uero laboriosissimum. siue enim ipse mundus deus est: quid potest esse minus quietum? quàm nullo puncto temporis intermisso uersari circum axem cæli, admirabili celeritate? nisi quietum autem nihil beatum est. siue in ipso mundo deus inest aliquis, qui regat: qui gubernet: qui cursus astrorum, mutationes temporum, rerum uicissitudines, ordinesq; conseruet: terras Et maria contemplanis hominum commoda, uitasq; tueatur: ne ille est implicatus molestis negocijs, Et operosis. nos autem beatam uitam in animi securitate, Et in omnium uacatione munerum ponimus. docuit enim nos idem qui cætera: natura effectum esse mundum: nihil opus fuisse fabricæ: eamq; rem esse facilem: quam uos negatis effici sine diuina posse solertia: ut innumerabiles natura mundos effectura sit: efficiat: effecerit. quod quia quemadmodum natura efficere sine aliqua

DE NATURA DEORVM

mente possit non uidetis : ut tragici poëtae, cum explicare argumenti exitum non potestis : confugitis ad deum . cuius operam profecto non desideraretis : si immensam , & interminatam in omnis partes magnitudinem regionum uideretis : in quam se iniiciens animus , & intendens, ita late , longeque peregrinatur : ut nullam tamen oram ultimam uideat : in qua possit insistere . in hac igitur immensitate latitudinum , longitudinum , altitudinum , infinita uis innumerabilium uolitat atomorum : quæ interiecto inani cohaerescunt tamen inter se : & aliæ alias apprehendentes continuantur : ex quo efficiuntur hæ rerum formæ , atque figuræ : quas uos effici posse sine foliis, & inculibus non putatis . itaque imposuistis in ceruicibus nostris sempiternum dominum : quem dies , & noctes timeremus . quis enim non timeat omnia prouidentem , & cogitantem , & animaduertentem , & omnia ad se pertinere putantem , curiosum , & plenum negocij deum ? Hinc uobis extitit primum illa fatalis necessitas : quam ἐμάρτυρον dicatis : ut quicquid accidat, id ex æterna ueritate, causarumque continuatione fluxisse dicatis . quanti autem hæc philosophia æstimanda est ? cui tanquam aniculis, & his quidem indoctis , fato fieri omnia uideantur ? sequitur μάρτυρ uestra : quæ latine diuinitas dicitur : qua tanta imbueremur superstitione , si uos audire uellemus : ut aruspices , augures , arioli , uates , & coniectores nobis essent colendi . His terroribus ab Epicuro soluti , & in libertatem uendicati , nec metuemus eos : quos intelligimus nec sibi fingere ullam molestiam, nec alteri quærere : & pie sancteque colimus naturam
excellentem,

excellentem, atq; præstantem. Sed elatus studio uereor ne longior fuerim. erat autem difficile rem tantam, tamq; præclaram, inchoatam relinquere. quanquam non tam dicendi mihi ratio habenda fuit: q̄ audiendi.

Tum Cotta comiter, ut solebat, atq; inquit Vellei nisi tu aliquid dixisses: nihil sanè ex me quidem audire potuisses. mihi enim non tam facile in mentem uenire solet, quare uerum sit aliquid: quàm quare falsum. idq; cum sæpe, tum cum te audirem paulo-ante contigit. roges me qualem deorum naturam esse ducam: nihil fortasse respondeam. quæras putem ne talem esse, qualis modo à te sit exposita? nihil dicam mihi uideri minus. Sed antequam aggrediar ad ea quæ à te disputata sunt, de te ipso dicam quid sentiam. sæpe enim de L. Crasso familiari tuo illo, uideor audisse: cum te togatis omnibus sine dubio anteferret: & paucos tecum epicureos è græcia compararet. sed q̄ ab eo te mirifice diligi intelligebam: arbitrabar illum propter beniuolentiam id uberius dicere. ego autem, & si uereor laudare præsentem: iudico tamen de re obscura, atq; difficili, à te dictum esse diluade: neq; sententijs solum copiose, sed uerbis etiam ornatis, q̄ solent uestri. Zenonem, quem Philo noster corypheum appellare epicureorum solebat: cum athenis essem, audiebam frequenter: & quidem ipso authore Philone: credo ut facilius iudicaretur quam illa bene refellerentur: cum à principe epicureorum accepissem quemadmodum dicerentur. non igitur ille, ut pleriq; sed isto modo, ut tu, distincte, grauiter, ornate. sed quod in illo mihi usu sæpe uenit: idem modo, cum te audirem, acciderat: ut moleste ferrem tantum inge-

DE NATURA DEORVM

nium (bona uenia me audies) in tam leues, ne dicam
in tam ineptas sententias incidisse. nec ego nunc ipse
aliquid afferam melius. ut enim modo dixi, omnibus
ferè in rebus, et maxime in physicis, quid non sit
citius, quàm quid sit dixerim. roges me quid, aut qualis sit
deus: authore utar Symonide: de quo cum quæsiuisset hoc
idem tyrannus Hiero: deliberandi causa sibi unum
diem postulauit. cum idem ex eo postridie quæreret:
biduum petiuit. cum sæpius duplicaret numerum die-
rum: admiransque Hiero quæreret cur ita faceret: quia
quanto inquit diutius considero: tanto mihi res uide-
tur obscurior. sed Simonidem arbitror, non enim
poëta solum suauis, uerum etiam cætera quoque do-
ctus sapiensque traditur: quia multa uenirent in men-
tem acuta, et subtilia: dubitantem quid eorum esset
uerissimum, desperasse omnem ueritatem. Epicurus
uero tuus, nam cum illo malo differere quàm tecum: quid
dicit, quod non modo philosophia dignum esset? sed
etiam mediocri prudentia? Quæritur primum in ea
quæstione, quæ est de natura deorum sintne dii, nec-
ne sint. difficile est negare. credo, si in concione quæ-
ratur: sed in huiusmodi sermone, et confesso, facil-
limum. Itaque ego ipse Pontifex, qui cerimonias, re-
ligionesque publicas sanctissime tuendas arbitror: hoc,
quod primum est, esse deos; persuaderi mihi non
opinionem solum, sed etiam ad ueritatem plane uelim.
multa enim occurrunt: quæ conturbent: ut interdum
nulli esse uideantur. sed uide quam tecum agam libe-
raliter. quæ communia sunt uobis cum cæteris philo-
sophis, non attingam: ut hoc ipsum. placet enim omni-
bus ferè, mihique ipsi in primis, deos esse. itaque non

pugno: rationem tamen eam, quæ à te affertur, non satis firmam puto. Quod enim omnium gentium, generumq; hominibus ita uideretur, id satis magnum esse argumentum dixisti: cur esse deos confiteremur. quod cum leue per se, tum etiam falsum est. primum enim unde notæ tibi sunt opiniones nationum? equidem arbitror: multas esse gentes sic immanitate effe-
ratas: ut apud eas nulla suspitio deorum sit. quid? Dyagoras, Atheos qui dictus est: posteaq; Theodorus; non ne aperte deorum naturam sustulerunt? nam Abderitis quidem Prothagoras cuius à te modo men-
tio facta est, sophistes temporibus illis uel maximus, cum in principio libri sui sic posuisset: de dijs neq; ut sint, neq; ut non sint, habeo dicere: Atheniensium iussu urbe atq; agro est exterminatus: libriq; eius in concione cõbusti. ex quo eadem existimo tardiores ad hanc sententiam profitendam multos esse factos. quippe cum poena mne dubitatio quidem effugere potuisset. qd de sacrilegis? quid de impijs, periurisq; dicemus?

11 = Tubulus si lucius unquam:

20 Si Lupus, aut Carbo, aut Neptuni filius:-

ut ait Lucilius putasset esse deos: tam periurus, aut tam impius fuisset? non est igitur tam explorata ista ratio, ad id quod uultis confirmandum, quàm uide-
tur. sed quia commune est hoc argumentum aliorum etiam philosophorum: omittam hoc tempore: ad ue-
stra propria uenire malo. concedo esse deos: doce me igitur unde sint: ubi sint: quales sint corpore, ani-
mo, uita. hæc enim scire desidero. Abuteris ad omnia atomorum regno ex licentia. hinc quodcunq; in so-
lum uenit, ut dicatur, effingis: atq; efficis. quæ pri-

DE NATURA DEORVM

num nullæ sunt : nihil est enim quod uacet corpore
 corporibus autem omnis obsidetur locus . ita nullum
 inane , nihil esse indiuiduum potest . hæc ego nunc
 physicorum oracula fundo : uera an falsa , nescio : sed
 ueri tamen similia , quàm uestra . ista enim flagitia
 Democriti , siue etiam ante Leucippi , esse corpuscula ,
 quædam leuia : alia aspera : rotunda alia : partim
 angulata : curuata quædam , & quasi adunca . ex his
 effectum esse cælum , atq; terras , nulla cogente na-
 tura , sed concursu quodam fortuito . hanc tu opinio-
 nem C. Vellei usq; ad hanc ætatem perduxisti : priusq;
 te quis de omni uitæ statu , q̄ de ista authoritate deie-
 cerit . ante enim iudicasti Epicureum te esse oportere :
 q̄ ista cognouisti . ita necesse fuit aut hæc flagitia ani-
 mo concipere : aut susceptæ philosophiæ nomen amit-
 tere . quid enim mereas ut Epicurus esse desinas ? nihil
 equidem inquis : ut rationem uitæ beatæ , uerita-
 temq; deseram . ista igitur est ueritas ? nam de uitæ
 beatæ nihil repugno : quam tu ne in deo quidem esse
 censes : nisi plane ocio langueat . sed ubi est ueritas ? in
 mundis credo innumerabilibus , omnibus minimis tem-
 porum punctis , alijs nascentibus , alijs cadentibus ?
 an in indiuiduis corpusculis , tam præclara opera ,
 nulla moderante natura , nulla ratione , fingentibus ?
 sed oblitus liberalitatis meæ , qua tecum pauloante uti
 cœperam : plura complector . Concedam igitur ex in-
 diuiduis constare omnia . quid ad rem ? Deorum enim
 natura quæritur . Sint sane ex atomis . non igitur æter-
 ni . quod enim ex atomis sit , id natum aliquando sit :
 si natum : nulli dij ante q̄ nati . & si ortus est deorum :
 interitus sit necesse est : ut tu pauloante de Platonis

mundo disputabas. ubi igitur illud uestrum beatum,
et æternum? quibus duobus uerbis significatis deū?
quod cum efficere uultis: indumenta tamen corripiti-
tis. ita enim dicebas, non corpus esse in deo: sed quasi
corpus: nec sanguinem: sed quasi sanguinem. hoc
persæpe facitis: ut cum aliquid non uerisimile dicat-
is: et effugere reprehensionem uelitis: afferatis ali-
quid: quod omnino ne fieri quidem possit: ut satius
fuerit id ipsum, de quo ambigebatur, concedere: quàm
tam impudenter resistere. uelut Epicurus, cum ui-
deret si atomi ferrentur in locum inferiorem suo pte
pondere: nihil fore in nostra potestate: quod esset ea-
rum motus certus, et necessarius: inuenit quo mo-
do necessitatem effugeret: quod uidelicet Democritum
fugerat. ait atomum cum pondere et grauitate di-
recto deorsum feratur: declinare paululum. hoc di-
cere turpius est: quàm illud, quod uult, non posse
defendere. idem facit contra dialecticos: a quibus
cum traditum sit, in omnibus disunctionibus, in qui-
bus aut est, aut non poneretur: alterutrum uerum
esse: pertimuit, ne si concessum esset huius aliquid, aut
uiuet cras, aut non uiuet epicurus: alterutrum fieret
necessarium. totum hoc aut est, aut non, negauit esse
necessarium. quo quid dici potest obtusius? urgebat
Arcefilas Zenonem: cum ipse omnia falsa diceret, quæ
sensibus uiderentur: Zeno autem non nulla uisa esse
falsa: non omnia. timuit Epicurus: ne, si unum ui-
sum esset falsum: nullum esset uerum. omnes sensus
ueri nuncios dixit esse. nihil horum nisi ualde graui-
orem enim plagam accipiebat: ut leuiorem repelleret.
Idem facit in natura deorum. dum indiuiduorum

DE NATURA DEORVM

corporum concretionem fugit: ne interitus & dissipatio consequatur: negat esse corpus deorum: sed tanquam corpus: nec sanguinem: sed tanquam sanguinem. mirabile uidetur, q̄ non rideat aruspex, cum aruspicem uiderit. hoc mirabilius: q̄ uos inter uos risum tenere possitis. Non est corpus: sed quasi corpus: hoc intelligerem quale esset: si id in cereis fingeretur, aut fictilibus figuris. in deo quid sit quasi corpus, aut quasi sanguis, intelligere non possum. ne tu quidem uellei. sed non uis fateri. ista enim à uobis quasi dictata redduntur: quæ Epicurus oscitans allucinatus est. cum quidem gloriaretur, ut uidemus in scriptis, se magistrum habuisse nullum. quod & non prædicanti tam facile quidem credam: sicut mali ædificij domino glorianti se architectum non habuisse. nihil enim floret ex academia: nihil ex liceo: nihil ne è puerilibus quidem disciplinis. Xenocratem audire potuit: quem uirum dij immortales: & sunt qui putant audiuisse: ipse non uult: credo plus nemini. Pamphilum quendam platonis auditorem ait à se samè auditum. ibi enim adolescens habitabat cum patre & fratribus: q̄ in eam pater eius Neocles agripeta uenerat. sed cum agellus eum non satis aleret: ut opinor, ludi magister fuit. sed hunc Platonicum mirifice contemnit Epicurus. ita metuit, ne quid unquam didicisse uideatur. in Nausiphane democriteo tenetur. quem cum à se neget auditum: uexat tamen omnibus contumelijs. at qui si hæc democritea non audisset: quid audierat? quid est in physicis Epicuri non à Democrito? nam & si quædam commutauit: ut quod paulo ante de inclinatione atomorum dixi: tamen pleraq̄

dicat eadem: atomos, inane, imagines, infinitatem locorum, innumerabilitatemque mundorum, eorum ortus, & interitus, omnia fere, quibus naturæ ratio continetur. nunc istuc quasi corpus, & quasi sanguinem, quid sit, intelligis? ego enim scire te ista melius quam me, non fateor solum: sed etiam facile patior. cum quidem semel dicta sunt: quid est quod Velleius intelligere possit? Cotta non possit? itaque corpus quid sit, sanguis quid sit, intelligo: quasi corpus quid sit, et quasi sanguis quid sit, nullo prorsus modo intelligo. Nec tamen celas: ut Pithagoras solebat alienos: nec consulto dicis occulte: tanquam Eraclitus: sed quod inter nos liqueat ne tu quidem intelligis. illud uideo pugnare te: species ut quædam sit deorum: quæ nihil concreti habeat: nihil solidi: nihil expressi: nihil eminentis: sitque pura, levis, perlucida. dicemus ergo idem, quod in uenere coa: corpus non est: sed simile corpori: nec ille fusus, & candore mixtus rubor sanguis est: sed quædam sanguinis similitudo: sic in Epicureo deo non res, sed similitudines rerum esse. fac id, quod ne intelligi quidem potest, mihi esse persuasum: cedo mihi istorum adumbratorum deorum liniamenta, atque formas. non deest hoc loco copia rationum: quibus docere uelitis humanas esse formas deorum. primum quod ita sit informatum, anticipatumque mentibus nostris: ut homini cum de deo cogitet, forma occurrat humana. deinde ut quoniam rebus omnibus excellat natura diuina: forma quoque esse pulcherrima debeat: nec esse humana ullam pulchriorem. tertiam rationem affertis: possit quod nulla alia figura domicilium mentis esse. Primum igitur

DE NATURA DEORVM

tur omnium quicquam consideras quale sit? arripe-
 re enim mihi uideamini quasi uestro iure rem nul-
 lo modo probabilem. quis tam cæcus in contemplan-
 dis rebus unquam fuit? ut non uideret species istas
 hominum collatas in deos, aut consilio quodam sa-
 pientum: quo facilius animos imperitorum ad deo-
 rum cultum a uitæ prauitate conuerterent? aut su-
 persitione: ut essent simulacra, quæ uenerantes, deos
 ipsos se adire crederent? auxerunt autem hæc ea-
 dem poëtæ, pictores, opifices. erat autem non faci-
 le agentis aliquid & molientis deos in aliarum for-
 marum imitatione seruare. accessit etiam ista opi-
 nio fortasse: qd homini homine nihil pulchrius uidea-
 tur. sed tu hoc physice non uides: quàm blanda con-
 ciliatrix, & quasi sui sit lena natura. an putas ullam
 esse terra mariq; beluam? quæ non sui generis belua
 maxime delectetur? quod ni ita esset: cur non ge-
 stiret taurus equæ contrectatione? equus uaccae? an
 tu aquilam, aut leonem, aut delphinum, ullam ante-
 ferre censes figuram suæ? quid igitur mirum? si
 hoc eodem modo homini natura præscripsit: ut ni-
 hil pulchrius q̃ hominem putaret: eam esse causam;
 cur deos hominum similes putaremus? quid censes si
 ratio esset in beluis: non suo quasq; generi pluri-
 mum tributuras fuisse? at mehercle ego (dicam enim
 ut sentio) quamuis amem ipse me: tamen non audeo
 dicere pulchriorem esse me: quàm ille fuit taurus,
 qui uexit Europam. non enim hoc loco de inge-
 nijs, aut de orationibus nostris, sed de specie, figu-
 raq; quæritur. quod si fingere nobis, & iungere
 formas uelimus: qualis ille maritimus Triton pin-
 gatur,

gitur, natantibus inuehens beluis, adiunctis humano corpori, nolis esse. difficili in loco uersor. est enim uis tanta naturæ: ut homo nemo uelit nisi homini similis esse. & quidem formica formicæ. sed tamen cuius hominis? quotus enim quisque formosus est? Athenis cum essem: e gregibus epheborum uix singuli reperiiebantur. uideo quid arriseris: sed tamen ita res se habet. deinde nobis, qui concedentibus philosophis antiquis, adolescentulis delectamur: etiam uitia sæpe iocunda sunt. neuus in articulo pueri delectat Alcæum. at est corporis macula neuus. illi tamen hoc lumen uidebatur. Quintus Catulus huius collegæ & familiaris nostri pater, dilexit municipem tuum Roscium: in quem etiam illud est eius.

» Consteram exorientem auroram forte salutans:

» Cum subito a læua Roscius exoritur.

» Pace mihi liceat cœlestes dicere uestra:

» Mortalis uisus pulchrior esse deo.

huic pulchrior deo aderat, sicut hodie est, peruersissimis oculis. quid refert? si hoc ipsum falsum & uenustum illi uidebatur. redeo ad deos: ecquos si non tam strabones, at petulos esse arbitramur? ecquos neuum habere? ecquos silos, flacos, frontones, capitones? quæ sunt in nobis. an omnia emendata in illis? detur id uobis? num etiam est una omnium facies? nam si plures: aliam esse alia pulchriorem necesse est. igitur aliquis non pulcherrimus deus. si una omnium facies est: florere in cælo academiā necesse est. si enim nihil inter deum. & deū differt: nulla est apud deos cognitio: nulla perceptio. quid si etiam Vellei falsum illud omnino est? nullam aliam nobis de deo cogi-

DE NATURA DEORVM

tantibus speciem nisi hominis occurrere? tamen ne ista
 tam absurda defendes? nobis fortasse si occurrit ut
 dicis: Iouem, Iunonem, Minervam, Neptunum, Vulca-
 num, Apollinem, reliquos deos, ea facie nouimus: qua
 pictores, fectoresq; uoluerunt: neq; solum facie: sed
 etiam ornatu, ætate, atq; uestitu. at non Aegyptij,
 nec syri, nec fere cuncta barbaries. firmiores enim
 uideas apud eos opiniones esse de bestijs quibusdam: q̃
 apud nos de sanctissimis templis, & simulacris deo-
 rum. etenim fana multa expoliata, & simulacra
 deorum de locis sanctissimis ablata uidemus a no-
 stris. at uero ne fando quidem auditum est, Croco-
 dilum, aut ibim, aut fellem uiolatum ab ægypto. quid
 igitur censes? Apim illum sanctum ægyptiorum bo-
 uem, non'ne deum uideri ægyptijs? tam hercle, q̃
 tibi illam nostram sospitam: quam tu nunquam, ne
 in somnis quidem uides, nisi cum pelle caprina, cum
 hasta, cum scutulo, cum calceolis repandis. At non est
 talis argua, nec romana Iuno. ergo alia species
 Iunonis arguis: alia Latinis. & quidem alia no-
 bis Capitolini, alia affris Ammonis Iouis. Non pudet
 igitur physicum, idest speculatorem, uenatoremq; na-
 turæ, ab animis consuetudine imbutis petere testimo-
 nium ueritatis? Isto enim modo dicere licebit Iouem
 semper barbatus: Apollinem semper imberbem: ce-
 sios oculos Mineruæ: ceruleos esse Neptuni. & quidem
 Athenis laudamus Vulcanum eum: quem fecit Alca-
 menes: in quo stante, atq; uestito apparet claudicatio
 non deformis. claudum igitur habebimus deum: quo-
 niam de Vulcano sic accepimus. Age & his uocabu-
 lis deos esse facimus: quibus a nobis nominantur. At
 primum

primum quot hominum linguæ, tot nomina deorum. non enim ut tu Velleius quocunq; ueneris: sic idem in Italia Vulcanus: idem in Africa: idem in Hispania. deinde nominum non magnus numerus ne in Pontificijs quidem nostris. deorum autem innumerabilis. an sine nominibus sunt? istud quidem ita uobis dicere necesse est. quid enim attinet, cum una facies sit: plura esse nomina? quàm bellum erat Vellei, confiteri potius nescire quod nescires: quàm ista effutientem nauscare: atq; ipsum sibi displicere. an tu mei similem putas esse, aut tui deum? profecto non putas. quid ergo? solem dicam, aut lunam, aut cælum deum? ergo etiam beatum. quibus fruente[m] uoluptatibus? & sapientem. qui potest esse in eiusmodi trunco sapientia? hæc uestra sunt. si igitur nec humano uisu, quod docui: nec tali aliquo, quod tibi persuasum est: quid dubitas negare deos esse? non audes sapienter id quidem. & si hoc loco non populum metuis: sed ipsos deos. noui ego epicureos omnia sigilla numerantes: quanquam uideo nonnullis uideri epicurum, ne in offensionem Atheniensium caderet, uerbis reliquisse deos: re sustulisse. Itaq; in illis selectis eius breuib[us]q; sententijs, quas appellatis *νυπιδας* & *δοξας*: hæc ut opinor prior sententia est. Quod beatum & immortale est: id nec habet, nec exhibet cuiquam negotium. In hac ita exposita sententia, sunt qui existiment, quod ille inscitia plane loquendi fecerit: fecisse consulto. de homine minime uasro male existimant. dubium est enim utrum aliquid dicat iste beatum & immortale: aut si quod sit: id esse immortale. Non animaduertunt, hic eum ambigue lo-

DE NATURA DEORVM

cutum esse: sed multis alijs locis, & illum, & Metrodorum tam aperte, q̃ paulo ante te. ille uero deos esse putat: nec quenquam uidi, qui magis ea, quæ timenda esse negaret, timeret: mortem dico & deos. quibus mediocres homines non ita ualde mouentur: his ille clamat omnium mortalium mentes esse perterritas. tot milia latrocinantur morte proposita. alij omnia quæ possunt, fana, compilant. credo aut illos mortis timor terret: aut hos religionis. sed quoniam non audes (iam enim cum ipso Epicuro loquar) negare esse deos: quid est quod te impediat aut solem, aut lunam, aut mundum, aut mentem aliquam sempiternam in deorum natura ponere? nunquam uidi inquit animam rationis consilijq; participem in ulla alia, nisi humana figura. quid? solis nunquid nam aut lunæ, aut quinque errantium syderum simile uidisti? Sol duabus unius orbis ultimis partibus definiens motum, cursus annuos conficit. huius hanc illustrationem eiusdem incensam radijs menstruo spatio luna complet. quinque autem stellæ eundem orbem tenentes, aliæ propius a' terris, aliæ remotius, ab iisdem principijs, disparibus temporibus eadem spatia conficiunt. nunquid tale Epicure uidisti? ne sit igitur sol: ne luna: ne stellæ. quoniam nihil esse potest, nisi quod attigimus, aut uidimus. quid? deum ipsum num ne uidisti? cur igitur credis esse? tollamus ergo omnia: quæ aut historia nobis, aut noua ratio affert. ita sit ut mediterranei mare esse non credant. quæ sunt tantæ animi angustiae? ut si Seryphi natus esses: nec unquam egressus ex insula: in qua lepusculos, uulpeculasq; sæpe uidisses: non crederes leones, & pantheras

ras esse: cum tibi quales essent, diceretur. si uero de elephanto quis diceret: etiam irrideri te putares. Et tu quidem vellei non uestro more, sed dialecticorum, quæ funditus gens uestra non nouit: argumenti sententiam conclusisti: beatos esse deos sumpsisti. concedimus. beatum autem sine uirtute neminem esse posse. id quoque damus: & libenter quidem. uirtutem autem sine ratione constare non posse. conueniat id quoque necesse est. adiungis nec rationem esse nisi in hominis figura. quæ tibi hoc daturum putas? si enim ita esset: quid opus erat te gradatim istuc peruenire? quid autem est istuc gradatim? sumpsisses tuo iure. nam a' beatis ad uirtutem, a' uirtute ad rationem, uideo te uenisse gradibus. a' ratione ad humanam figuram quo modo accedis? præcipitare istuc quidem est: non descendere. Nec uero intelligo: cur maluerit Epicurus deos hominum similes dicere: quam homines deorum. quæres quid intersit. si enim hoc illi simile sit: esse illud huic uideo. sed hoc dico: non ab hominibus formæ figuram peruenisse ad deos: dii enim semper fuerunt: & nati nunquam sunt: si quidem æterni sunt futuri. at homines nati. ante igitur humana forma quàm homines: eaque erant forma dii immortales. non ergo illorum humana forma, sed nostra diuina dicenda est. Verum hoc quidem ut uoletis. illud quæro: quæ fuerit tanta fortuna: nihil enim in rerum natura ratione factum esse uultis. sed tamen quis iste tantus casus? unde tam felix concursus atomorum? ut repente homines deorum forma nascerentur? semina deorum cecidisse de caelo in terras putamus? & sic homines patrum similes extitisse? uellem diceretis. deorum cognationem

DE NATURA DEORVM

agnoscerem non inuitus. nihil tale dicatis. sed casu esse factum, ut deorum similes essemus. Et nunc argumenta querenda sunt: quibus hoc refellatur. utnam tam facile uera inuenire possem: quam falsa conuincere. Et enim enumerasti memoriter, & copiose, ut mihi quidem admirari liberet in homine esse romano tantam scientiam: usq; a Thalete milesio de natura deorum philosophorum sententias. omnes ne tibi illi delirare uisi sunt? qui sine manibus & pedibus constare deum posse decreuerunt? nec hoc quidem uos mouet considerantes quæ sit utilitas, quæq; opportunitas in homine membrorum: ut iudicetis membris humanis deos non egere. quid enim pedibus opus est, sine ingressu? quid manibus si nihil comprehendatur? quid reliqua descriptione omnium corporis partium? in qua nihil inane, nihil sine causa, nihil superuacaneum est. itaq; nulla ars imitari solertiam naturæ potest. habebit igitur linguam deus: & non loquetur: dentes, palatum, fauces nullum ad usum. quæq; procreationis causa natura corpori affixit, ea frustra habebit deus. nec externa magis q̃ interiora. cor, pulmones, iecur, cæteraq; detracta utilitate quid habent uenustatis? quandoquidem hæc esse in deo propter pulchritudinem uultis. Isthis ne fidentes somnijs non modo Epicurus, & Metrodorus, & Hermacus, contra Pythagoram, Platonem, Empedoclemq; dixerunt? sed meretricula etiam leontium contra Theophrastum scribere ausa est? scito quidem illa sermone & attico. sed cum tantum Epicuri hortus habuerit licentiae: etiam soletis queri: Zeno quidem etiam litigabat: quid dicam Albutium? nam phedro nihil elegantius,

gantius, nihil humanius. sed stomachabatur senex, si
quid asperius dixeram: cum Epicurus contumeliosis-
sime Aristotelem uexarit: Phedoni Socratico turpissimo
maledixerit: Metrodori sodalis sui fratrem Timocra-
tem, quia nescio quid in philosophia dissentiret: totis uo-
luminibus conciderit: in Democritum ipsum, quem se-
cutus est, fuerit ingratus: Nausiphanem magistrū suū
a quo nihil didicerat, tam male acceperit: Zeno quidē
non eos solum, qui tum erant, Apollodorum, Syllum,
ceterosq; figebat maledictis: sed Socratem ipsum, pa-
rentem philosophiæ, latino uerbo utens, scurrā at-
ticū fuisse dicebat: Chrysippum nunquam nisi Ce-
sippum uocabat. tu ipse pauloante, cum tanquam se-
natum philosophorum citares: summos uiros desipere,
delirare, dementes esse, dicebas. quorum si nemo ue-
rum uidit de natura deorum: uerendum est ne nul-
la sit omnino. nam ista quæ uos dicitis sunt tota com-
mentitia, uix digna lucubratione anicularum. non
enim sentitis q̄ multa uobis suscipienda sint: si impe-
traueritis, ut concedamus eandem esse hominum &
deorum figuram. omnis cultus, & curatio corporis
erit eadem adhibenda deo, quæ adhibetur homini:
ingressus, cursus, acubatio, inclinatio, sessio, compre-
hensio, ad extremum etiam sermo, et oratio. nam quod
& mares deos, & feminas esse dicitis, quid sequatur
uidetis. Equidem mirari satis non possum unde ad
istas opiniones uester ille princeps uenerit. sed clama-
re non desinitis retinendum hoc esse, deus ut beatus
immortalisq; sit. quid autem obstat quo minus sit bea-
tus: si non sit bipes? At ista siue beatitas, siue beati-
tudo dicenda sunt (utrumq; omnino durum: sed usu

DE NATURA DEORVM

mollienda nobis uerba sunt) uerum ea, quaecumq; est: cur aut in solem illum, aut in hunc mundum, aut in aliquam mentem eternam, figura membrisque corporis uacuam, cadere non potest? nihil aliud dicis: nisi nunquam uidi solem, aut mundum beatum. quid? mundum praeter hunc unquam ne uidisti? negabis. cur igitur non sexcenta millia esse mundorum, sed innumerabilia ausus es dicere? ratio docuit. Ergo hoc te ratio non docebit? cum praestantissima natura quaeratur, eaq; beata, & aeterna: quae sola in diuina natura sunt: ut immortalitate uincamur ab ea natura: sic animi praestantia uinci: atque ut animi, item corporis. cur igitur, cum ceteris rebus inferiores simus: forma pares sumus? ad similitudinem enim deo propius accedebat humana uirtus, quam figura. an quicquam tam puerile dici potest (ut eundem locum diutius urgeam) quam si ea genera beluarum, quae in rubro mari indiaue gignantur: nulla esse dicamus? atqui ne curiosissimi quidem homines exquirendo audire tam multa possunt: quam sunt multa, quae terra, mari, paludibus, fluminibus existunt. quae negemus esse: quia nunquam uidimus. ipsa uero, quam nihil ad rem pertinet, quae uos delectat maxime, similitudo. qd? canis non ne similis lupo? atq; ut Ennius,

Simia quam similis turpissima bestia nobis:
at mores in utroque dispares. Elephanto beluarum nulla prudentior. at figura quae uastior? de bestiis loquor. quid? inter ipsos homines non ne & simillimis formis dispares mores? & moribus figura dissimilis? etenim si semel uellei suscipimus genus hoc argumenti: attende quo serpat. tu enim sumebas nisi in hominis

hominis figura rationem inesse non posse. sumet alius nisi in terrestri : nisi in eo qui natus sit : nisi in eo qui adoleuerit : nisi in eo q̄ didicerit : nisi in eo qui ex animo constet, & corpore caduco, & infirmo : postremo nisi in homine, atq; mortali. quod si in omnibus his rebus obsistis : quid est, q̄ te una forma conturbet? his enim omnibus quæ proposui adiunctis, in homine rationem esse, & mentem uidebas. quibus detractis deum tamen nosse te dicis : modo liniamenta maneant. hoc est non considerare, sed quasi sortiri quid loquere. nisi forte ne hoc quidem attendis : non modo in homine, sed etiam in arbore quicquid supernacneum sit, aut usum non habeat, obstare. quam molestum est uno digito plus habere? quid ita? quia nec speciem nec usum alium quinque desiderant. tuus autem deus non digito uno redundat : sed capite, collo, cervicibus, lateribus, aluo, tergo, poplitibus, manibus, pedibus, feminibus, cruribus. si ut immortalis sit : quid hæc ad uitam membra pertinent? quid ipsa facies? magis illa, cerebrum, cor, pulmones, iecur. hæc enim sunt domicilia uitæ. oris quidem habitus ad uitæ firmitatem nihil pertinet. At eos uituperabas, qui ex operibus magnificis, atque præclaris, cum ipsum mundum, cum eius membra, cælum, terras, maria, cunq; horum insignia solem, lunam, stellasq; uidissent : cumq; temporū mutationes, maturitates, uicissitudinesq; cognouissent : suspicati essent aliquam excellentem esse, præstantemq; naturam : quæ hæc fecisset : moueret : regeret : gubernaret. qui, etiam si aberrant à coniectura : uideo tamen quid sequantur. tu quod opus tandem magnum, & egregium habes? quod effectum diuina

DE NATURA DEORVM

mente uideatur: ex quo esse deos suspicere: habeo in-
 quis in animo insitam informationem quandam dei.
 Et barbati quidem Iouis, galeatæ Minervæ. num
 igitur tales putas: quanto melius hæc vulgus impe-
 ritorum: qui non membra solum hominis deo tribu-
 unt: sed usum etiam membrorum. dant enim ar-
 cum, sagittas, hastam, clypeum, fuscina, fulmen.
 Et si actiones quæ sint deorum non uident: nihil
 agentem tamen deum, non queunt cogitare. ipsi, qui
 irridentur, ægyptij, nullam beluam, nisi ob ali-
 quam utilitatem, quam ex ea caperent, consecrauerunt.
 Ibes maximam uim serpentium conficiunt: cum sine
 aues excelsæ, cruribus rigidis, corneo proceroque ro-
 stro: auertunt pestem ab ægypto: cum uolucres angues
 ex uastitate libyæ uento affrico inuectas; interfici-
 unt, atque consumunt. ex quo fit: ut illæ nec morsu
 uiuæ noceant, nec odore mortuæ. possum de ichneu-
 monum utilitate, de crocodillorum, de felium dicere:
 sed nolo esse longus. ita concludam tamen, beluas à
 barbaris propter beneficium consecratas: uestrorum
 deorum non modo beneficium nullum extare: sed ne
 factum quidem omnino. Nihil habet inquit negotij.
 profecto Epicurus, quasi pueri delicati, nihil cessatione
 melius existimat. at ipsi tamen pueri, etiam cum ces-
 sant, exercitatione aliqua ludicra delectantur. deum
 sic feriatum uolumus cessatione torpere: ut, si se com-
 mouerit, uereamur, ne beatus esse non possit. hæc ora-
 tio non modo deos spoliât motu, et actione diuina: sed
 etiam homines inertes efficit: si quidem agens aliquid,
 ne deus quidem esse beatus potest. Verum sit sane, ut
 uultis, deus effigies hominis, et imago. quod eius est

domicilium? quæ sedes? qui locus? quæ deinde actio
vitæ? quibus rebus, id quod vultis, beatus est? utatur
enim suis bonis oportet, & fruatur: qui beatus fu-
turus est. nam locus quidem, his etiam naturis, quæ
sine animis sunt, suus est cuique proprius: ut terra in-
firmum teneat: hanc inundet aqua: superior aer:
ignibus altissima ora reddatur. bestiarum autem ter-
renæ sunt aliæ: partim aquatiles: aliæ quasi acci-
pites, in utraq; sede uiuentes: sunt quædam etiam,
quæ igne nasci putentur: appareantq; in ardentibus
fornacibus sæpe uolitantes. quæro igitur, uester deus
primum ubi habitet. deinde quæ causa eum loco mo-
ueat: si modo mouetur aliquando. postremo, cum hoc
proprium sit animantium: ut aliquid appetant, quod
sit naturæ accommodatum: deus quid appetat: ad quam
deniq; rem motu mentis, ac rationis utatur. postremo
quomodo beatus sit: quomodo æternus. quicquid enim
horum attigerit, ulcus est. ita male instituta ratio exi-
tum reperire non potest. Sic enim dicebas speciem dei
percipi cogitatione, non sensu: nec esse in ea ullam
soliditatem: neq; eandem ad numerum permanere:
eamq; esse eius uisionem: ut similitudine & transitione
cernatur: neq; deficiat unquam ex infinitis corpori-
bus similitum accessio: ex eoq; fieri: ut in hæc inten-
ta mens nostra beatam illam naturam, & sempiter-
nam putet. hoc, per ipsos deos, de quibus loquimur,
quale tandem est? nam si tantummodo ad cogitatio-
nem ualent: nec ullam habent soliditatem, nec emi-
nentiam: quid interest utrum de hypocentauro, an de
deo cogitemus? omnem enim talem confirmationem
animi cæteri philosophi motum inanem uocant. uos

DE NATURA DEORVM

autem aduentum in animos, & introitum imaginum
 dicitis. ut igitur Tiberium Gracchum cum uideor
 concionantem in capitolio uidere de M. Octauio de-
 ferentem sitellatū eum motū animi dico esse inanem.
 tu autem & Gracchi & Octauij imagines remane-
 re: quæ in capitolium cum peruenerint: tum ad ani-
 mum meum referantur. hoc idem fieri in deo: cuius
 crebra facie pellantur animi: ex quo esse beati atque
 æterni intelligantur. fac imagines esse quibus pulsen-
 tur animi: species duntaxat obijciatur quædam. num
 etiam cur beata sit, cur æterna? quæ autem istæ ima-
 gines uestre? aut unde? à Democrito omnino hæc li-
 centia. sed & ille reprehensus à multis est: nec uos
 exitum reperitis: totaq; res uacillat, & claudicat. nam
 quid est quod minus probari possit: quàm omnium in
 me incidere imagines? Homeri, Archilochi, Romuli,
 Numæ, Pythagoræ, Platonis: nec ea forma, qua illi
 fuerunt? quomodo ergo illi? & quorum imagines?
 Orpheum poetam docet Aristoteles nunquam fuisse: &
 hoc orphicum carmen Pythagorici ferunt cuiusdam
 fuisse cerdonis. At Orpheus, idest imago eius, ut uos
 uultis, in animum meum sæpe incurrit. quid? quod
 eiusdem hominis in meum aliæ? aliæ in tuum? quid?
 quod earum rerum, quæ nunquam omnino fuerunt:
 neq; esse potuerunt? ut Scyllæ, ut chimæræ? quid? quod
 hominum, locorum, urbium earum, quas nunquam
 uidimus? quid? quod simulac mihi collibitum est, præ-
 sto est imago? quid? quod etiam ad dormientem ue-
 niunt inuocatæ? tota res Vellei nugatoria est. uos au-
 tem non modo oculis imagines, sed etiam animis in-
 calcatis: tanta est impunitas garriendi. At quam li-

center fluentium frequenter transitio fit uisionum: ut
e multis una uideatur. puderet me dicere non intel-
ligere: si uos ipsi intelligeretis, qui ista defenditis. quo
modo enim probas continenter imagines ferri? aut si
continenter: quo modo æternæ? Innumerabilitas in-
quit suppeditat Athomorum-num eadem ergo ista fa-
cient: ut sint omnia sempiterna. Confugis ad æqui-
libralitatem: sic enim ἰσορρομία, si placet, appelle-
mus: & ais quoniam sit natura mortalis: immor-
talem etiam esse oporteret. isto modo, quoniam homi-
nes mortales sunt: sint aliqui immortales: & quo-
niam nascuntur in terra: nascantur in aqua. & quia
sunt quæ interimant: sint quæ conseruent. sint sanè:
sed ea conseruent quæ sunt. deos istos esse non sentio.
omnis tamen ista rerum effigies ex indiuiduis quomo-
do corporibus oritur? quæ etiam si essent, quæ nulla
sunt: pellere se ipsa & agitari inter se concursu for-
tasse possent: formare, figurare, colorare, animare non
possent. nullo igitur modo immortalem deum effi-
citis. Videamus nunc de beato. sine uirtute certe nul-
lo modo. uirtus autem actiuosa: & deus uester nihil
agens. expers uirtutis igitur. ita ne beatus quidem.
quæ ergo uita? suppeditatio inquis bonorum nullo
malorum interuentu. quorum tandem bonorum? uo-
luptatum. credo. nempe ad corpus pertinentium. nul-
lam enim nouistis nisi profectam à corpore, & re-
deuntem ad corpus animi uoluptatem. non arbitror
te Vellei similem esse epicureorum reliquorum: quos
pudeat earum Epicuri uocum: quibus ille testatur, se
ne intelligere quidem ullum bonum: quod sit seiun-
ctum à delicatis, & obscenis uoluptatibus: quas qui-

DE NATURA DEORVM

dem non erubescens persequitur omnes nominatim: quem cibum igitur, aut quas potiones, aut quas uocum & florum uarietates, aut quos tactus, quos odores adhibebis ad deos? ut eos perfundas uoluptatibus? At poëtae quidem nectar, ambrosiam, epulas comparant: & aut Iuuentutem, aut Ganymedem pocula ministrantem. tu autem Epicure quid facies? neque enim unde habeat ista deus tuus uideo: nec quomodo utatur. locupletior igitur hominum natura ad beate uiuendum est, quam deorum: quod pluribus generibus fruitur uoluptatum. At has leniores ducis uoluptates: quibus quasi titillatio (Epicuri enim hoc uerbum) sensibus adhibetur. quousque ludis? nam Philo noster ferre non poterat aspernari Epicureos, molles, & delicatas uoluptates. summa enim memoria pronuntiabat plurimas Epicuri sententias, his ipsis uerbis, quibus erant scriptae: Metrodori uero, qui est epicuri collega sapientiae: multa impudentiora recitabat. accusat .n. Timocratem fratrem suum Metrodorus: quod dubitet omnia, quae ad beatam uitam pertineant: uentre metiri: neque id semel dicit: sed saepius. Annuere te uideo: nota enim tibi sum. proferrem libros: si nequeres. neque nunc reprehendo: quod ad uoluptatem omnia referantur. alia est ea quaestio. sed doceo deos uestros esse uoluptatis expertes. ita uestro iudicio ne beatos quidem. at dolore uacant. satius est id ad illam abundantem bonis, uitam beatissimam: cogitant inquit assidue beatos esse se. habent enim nihil aliud quod agitent in mente. comprehendere igitur animo, & propone ante oculos, deum nihil aliud in omni eternitate, nisi mihi pulchre est, & ego beatus sum, cogitantem. nec tamen uideo

quo modo uideatur iste deus beatus: cum sine ulla intermissione pulsetur, agiteturq; incursione atomorum sempiterna: cumq; ex ipso imagines semper affluant. ita nec beatus est uester deus: nec æternus. At etiam de sanctitate, de pietate aduersus deos, libros scripsit Epicurus. at quo modo in his loquitur? ut Corrun-
cium, aut Scenolam pontifices maximos te audire dicas: non eum qui sustulerit omnem funditus religionem: nec manibus, ut Xerxes, sed rationibus, deorum immortalium templa et aras euerterit. quid est enim cur deos ab hominibus colendos dicas? cum dii non modo homines non colant: sed omnino nihil curent: nihil agant. At est eorum eximia quædam præstansq; natura: ut ea debeat ipsa per se ad se colendam elicere sapientem. an quicquam eximium potest esse in ea natura? quæ sua uoluptate lætans, nihil nec actura sit unquam: neq; agat: neq; egerit? quæ porro pietas ei debetur? a quo nihil acceperis? aut quid omnino, cuius nullum meritum sit, ei deberi potest? Est enim pietas, iustitia aduersum deos: cum qbus quid potest nobis esse iuris? cum homini nulla cum deo sit communitas. Sanctitas autem, est scientia colendorum deorum: qui quamobrem colendi sunt non intelligo, nullo nec accepto ab ijs, nec sperato bono. quid est autem, qd eos ueneremur propter admirationem eius naturæ? in qua egregium nihil uidemus? Nam superstitione, quod gloriari soletis: facile est liberare: cum sustuleris omnem uim deorum. Nisi forte Diagoram, aut Theodorum, qui omnino deos esse negabant: censes supersticiosos esse potuisse. ego ne Prothagoram quidem: cui neutrum liquerit, nec esse deos, nec non esse. ho-

DE NATURA DEORVM

rum enim sententiæ omnium non modo superstitionem tollunt: in qua inest timor inanis deorum: sed etiam religionem: quæ deorum cultu pio continetur. quid? hi, qui dixerunt totam de dijs immortalibus opinionem fictam esse ab hominibus sapientibus reip. causa: ut quos ratio non posset, eos ad officium religio duceret: nonne omnem religionem funditus sustulerunt? quid Prodicus chiis? qui ea quæ prodesse hominum uitæ, deorum in numero habita esse dixit: quam tandem religionem reliquit? quid qui aut fortes, aut claros, aut potentes viros tradunt post mortem ad deos peruenisse? eosq; esse ipsos, quos nos colere, precari, venerariq; soleamus? nonne expertes sunt religionum omnium? quæ ratio maxime tractata ab Euhemero est: quem noster & interpretatus & secutus est præter cæteros Ennius. ab Euhemero autem, & mortes, & sepulturæ demonstrantur deorum. utrum igitur hic confirmasse religionem uidetur? an penitus totam sustulisse? omitto Eleusinam sanctam illam & augustam:

» Vbi inciantur gentes orarum ultimæ:

Præterea samothraciam: eaq; quæ lemni nocturno aditu occulta coluntur siluestribus sepibus densa. quibus explicatis, ad rationemq; reuocatis, rerum magis natura cognoscitur, quàm deorum. Mihi quidem etiam Democritus uir magnus imprimis, cuius fontibus Epicurus hortulos suos irrigauit: nutare uidetur in natura deorum: tum enim censet imagines diuinitate præditas inesse uniuersitati rerum: tum principia, mentesq; quæ sunt in eodem uniuerso deos esse dicit: tum animantes imagines, quæ uel prodesse nobis solent:

bis solent: uel nocere: tum ingentes quasdam imagines, tantasq; , ut uniuersum mundum complectantur extrinsecus. quæ quidem omnia sunt patria Democriti, q̄ Democrito digniora. quis enim istas imagines comprehendere animo potest? quis admirari? quis aut cultu, aut religione dignas iudicare? Epicurus uero ex animis hominum extraxit radicatus religionem: cum dijs immortalibus & opem, & gratiam sustulit. cum enim optimam & præstantissimam naturam dei dicat esse: negat idem esse in deo gratiam. tollit id quod maxime proprium est optimæ præstantissimæq; naturæ. quid enim est melius, aut quid præstantius, bonitate, & beneficentia? qua cum carere deum uultis: neminem deo nec deum, nec hominem carum, neminem ab eo amari, neminem diligere uultis. Ita fit ut non modo homines à dijs, sed ipsi dij inter se ab alijs alij negligantur. Quanto stoici melius: qui à uobis reprehenduntur. censent autem sapientes sapientibus etiam ignotis esse amicos. nihil est enim uirtute amabilius. quam qui adeptus erit, ubicunq; erit gentium, à nobis diligetur. uos autem quid mali datis? cum imbecillitatem gratificationem, & beniuolentiam ponitis. ut enim omittam uim & naturam deorum: ne homines quidem censetis, nisi imbecilli essent: futuros beneficos, & benignos fuisse. nulla est charitas naturalis inter bonos. charum ipsum uerbum est amoris: ex quo amicitiae nomen est ductum: quam si ad fructum nostrum referemus, non ad illius commoda, quem diligimus: non erit ista amicitia, sed mercatura quædam utilitatum suarum. prata, & arua, & pecudum greges diliguntur isto

DE NATURA DEORVM

modo : q̄ fructus ex eis capiuntur . hominum chari-
tas , & amicitia , gratuita est . quanto igitur magis
deorum ? qui nulla re egentes & inter se diligunt : &
hominibus consulunt . quod ni ita sit : quid uenera-
mur , quid precamur deos ? cur sacris Pontifices , cur
auspicijs augures præsunt ? quid optamus a dijs im-
mortalibus ? quid nouemus ? At etiam Epicuri liber
est de sanctitate . ludimur ab homine non tam faceto ,
quàm ad scribendi licentiam libero . quæ enim potest
esse sanctitas ? si dij humana non curant ? quæ autem
animans natura , nihil curans ? uerius est igitur illud
nimirum : quod familiaris omnium nostrum Possido-
nius disseruit in libro quinto de natura deorum : nul-
los esse deos Epicuro uideri : quæq; is de dijs immor-
talibus dixerit , inuidiæ detestandæ gratia dixisse .
neq; enim tam desipiens fuisset : ut homunculis similem
deum fingeret , liniamentis duntaxat extremis , non
habitu solido : membris hominis præditum omnibus ,
usu membrorum ne minimo quidem : exilem quen-
dam , atq; perlucidum , nihil cuiquam tribuentem ,
nihil gratificantem , omnino nihil curantem , nihil
agentem . quæ natura primum nulla esse potest : idq;
uidens Epicurus , re tollit , oratione reliquit deos . de-
inde si maxime talis est deus : ut nulla gratia , nulla
hominum charitate teneatur : ualeat : quid enim di-
cam propitius sit ? esse enim propitius potest nemini :
quoniam ut dicatis omnis in imbecillitate est & gra-
tia , & charitas .

M. T. C.

M. TVLLII CICERONIS

DE NATURA DEORVM

LIBER SECVNDVS.

Væ cum Cotta dixisset: tum Velleius;
 ne ego inquit incautus: qui cum acad-
 demico, & eodem rhetore congrédi
 conatus sum. nam neq; indisertum acad-
 demicum pertinuissém: nec sine ista
 philosophia, rhetorem quamuis elo-
 quentem. neq; enim flumine conturbor inanium uer-
 borum: nec subtilitate sententiarum, si orationis est
 siccitas. tu autem Cotta utraq; re ualuisisti: corona tibi,
 & indices defuerunt. sed ad ista aliis. nunc Lucilium
 si ipsi commodum est: audiamus. Tum Balbus eun-
 dem inquit malle audire Cottam: dum qua eloquen-
 tia falsos deos sustulit: eadem ueros inducat. est enim
 & philosophi, & pontificis, & Cottæ: de dijs im-
 mortalibus habere non errantem, & uagam, ut acad-
 demici, sed ut nostri stabilem, certamq; sententiam.
 nam contra Epicurum satis superq; dictum est. sed
 aueo audire tu ipse Cotta quid sentias. An inquit
 oblitus es, quod initio dixerim, facilius me, talibus
 præsertim de rebus, quid non sentirem, quàm quid
 sentirem posse dicere? quod si haberem aliquid, quod
 liqueret: tamen te audire uicissim uellem: cum ipse
 tam multa dixissem. Tum Balbus geram tibi mo-
 rem: & agam quam breuissime potero. & enim con-
 uictis epicuri erroribus, longa de mea disputatione
 detracta oratio est. Omnino diuidunt nostri totam

DE NATURA DEORVM

istam de dijs immortalibus quæstionem in partes quattuor. Primum docent esse deos. Deinde quales sint. Tum mundum ad his administrari. Postremo consulere eos rebus humanis. Nos autem hoc sermone, quæ priora duo sunt, sumamus: tertium, & quartum, quia maiora sunt, puto in aliud esse tempus differenda. Minime uero inquit Cotta: nam & ociosi sumus: & ijs de rebus agimus, quæ sunt etiam negocijs anteponendæ. Tum Lucilius ne egere quidem uidetur inquit oratione prima pars. quid enim potest esse tam apertum, tamq; perspicuum? cum cælum suspeximus: cælestiaq; contemplati sumus: quàm esse aliquod numen præstantissimæ mentis: quo hæc regantur? quod ni ita esset: qui potuisset assensu omnium dicere Ennius,

» Aspice hoc sublime candēs: quem inuocant omnes Iouē.
Illum uero & Iouem, & dominatorem rerum, &
omnia nutu regentem, & ut idem Ennius,

» -patrem, diuūmq; hominumq;
Et præsentem, ac præpotentem deū. quod qui dubitat,
haud sane intelligo, cur non idem, sol sit, an nullus sit
dubitare possit. quid enim est hoc illo euidentius? quod
nisi cognitum cōprehensumq; animis haberemus: non
tam stabilis opinio pmaneret: nec confirmaretur diu-
turnitate tēporis: nec unā cū sæculis, ætatibusq; homi-
num inueterare potuisset. etenim uidemus cæteras opi-
niones fictas, atq; uanas diuturnitate extabuisse. quis. nō
hyppocentaurum fuisse, aut chimera putat? quæ ue-
nus tam excors inueniri potest? quæ illa, quæ quondā
credebantur, apud inferos portenta extimescat? opinio-
num enim commenta delet dies: naturæ iudicia con-
firmat.

firmat. itaq; & in nostro populo, & in cæteris, deorum cultus religionumq; sanctitates existunt in dies maiores, atq; meliores. Idq; euenit non temere, nec casu: sed q; præsentiam sæpe diui suam declarant: ut & apud regillum bello latinorum: cum A. Posthumus dictator cum Octauio Mamelio tusculano prælio dimicaret: in nostra acie Castor, & Pollux ex equis pugnare uisi sunt: & recentiore memoria iðem tyn-
daridæ Persæm uictum nunciauerunt. P. enim Vaci-
nus, auus huius adolescentis, cum e' præfectura reat-
ina romam uenienti noctu duo iuuenes cum equis
albis dixissent, regem Persæm illo die captum: senatus
nunciauit: & primo quasi temere de rep. locutus esset,
in carcerem coniectus est: post à paulo litteris allatis
cum idem dies constitisset: & agro à senatu, & ua-
catione donatus est. Atq; etiam cum ad finium sa-
gram crotoniatis locri maximo prælio deuicissent: eo
ipso die auditam esse eam pugnam ludis olympiæ me-
moræ proditum est. Sæpe faunorum uoces exauditæ,
sæpe uisæ formæ deorum, quemuis aut non hebetem,
aut impium, deos præsentem esse confiteri coegerunt.
Prædictiones uero, & præensiones rerum futurarum
quid aliud declarant? nisi hominibus ea, quæ sint,
ostendi, monstrari, portendi, prædici? ex quo illa
ostenta, monstra, portenta, prodigia dicuntur. Quod
si ea ficta credimus licentia fabularum, Mopsus, Ti-
resiam, Amphiaræum, Calchantem, Helenum: quos
tamen augures ne ipsæ quidem fabulæ ascriuissent: si
res omnino repudiarent: ne domesticis quidem exem-
plis docti, numen deorum comprobauimus? nihil nos
P. Claudij bello punico primo temeritas mouebit? qui

DE NATURA DEORVM

etiam per iocum deos irridens, cum cauea liberati
 pulli non pascerentur: mergi eos in aquam iussit: ut
 biberent, quoniam esse nollent. qui risus classe deuicta
 multas ipsi lachrymas, magnam populo romano cla-
 dem attulit. quid? collega eius Iunius, eodem bello,
 nonne tempestate classem amisit? cum auspicijs non
 paruisset? itaq; P. Claudius a populo condemnatus est.
 Iunius necem sibi ipse conscivit. C. Flaminius Ce-
 lius religione neglecta cecidisse apud Thrasimenū scri-
 bit, cum magno reip. vulnere. quorum exitio intelli-
 gi potest: eorum imperijs remp. amplificatam, qui
 religionibus paruissent. Et si conferre uolumus nostra
 cum externis: cæteris rebus aut pares, aut etiam in-
 feriores reperiemur: religione, idest cultu deorum,
 multo superiores. An Actij Nauij lituus ille, quo ad
 inuestigandum suam regiones uineæ terminauit, con-
 temnendus est? crederem: nisi eius augurio rex Ho-
 stilius maxima bella gessisset. sed negligentia nobili-
 tatis augurum disciplina omiſsa, ueritas auspiciorum
 sprete est: species tantum retenta. Itaq; maximæ Reip.
 partes, in his bella, quibus Reipu. salus continetur:
 nullis auspicijs administrantur: nulla perennia ser-
 uantur: nulla ex acuminibus: nulli uiri uocantur: ex
 quo in procinctu testamenta perierunt. tum enim bela
 la gerere nostri duces incipiunt: cum auspicia posue-
 runt. at uero apud maiores tanta religionis uis fuit:
 ut quidam imperatores etiam seipsos dijs immorta-
 libus capite uelato uerbis certis pro rep. deuouerent.
 Multa ex sibillinis uaticinationibus, multa ex aruſpi-
 cum responsis commemorare possum: quibus ea con-
 firmentur: quæ dubia nemini debent esse. Atqui et
 nostrorum

nostrorum augurum, & hetruscorum, & aruspicum disciplinam, P. Scipione, C. Figulo consulibus res ipsa probauit. quos cum Tibe. Gracchus consul iterum crearet, primus rogatorum, ut eos rettulit, ibidem est repente mortuus. Gracchus cum comitia nihilo minus peregisset: remq; illam in religionem populo uenisse sentiret: ad senatum rettulit: senatus quos ad soleret, referendum censuit. aruspices introducti, responderunt, non fuisse iustum comitiorum rogatorem. tum Gracchus, ut e' patre audiebam, incensus ira, ita ne uero? ego non iustus? qui & consul rogatus, & augur, & auspicator? an uos thusci ac barbari auspiciorum populi ro. ius tenetis? & interpretes esse comitiorum potestis? itaq; tum illos exire iussit. post autem ex provincia litteras ad collegium misit: se cum legeret libros, recordatum esse uitio sibi tabernaculum capium fuisse in hortos Scipionis. quod cum pomerium postea intrasset habendi senatus causa: in redeundo, cum idem pomerium transiret, auspicari esset oblitus. itaq; uitio creatos esse consules. augures rem ad senatum. senatus ut abdicarent. consules, abdicauerunt. quæ quærimus exempla maiora? uir sapientissimus, atq; haud scio an omnium præstantissimus, peccatum suum, quod celari posset, confiteri maluit: q̄ hærere in rep. religionem: Consules summum imperium statim deponere: q̄ id tenere punctum temporis contra religionem. magna augurum authoritas. quid aruspicum ars? non'ne diuina? hæc innumerabilia ex eodem genere qui uideat, non'ne cogatur confiteri deos esse: quorum enim interpretes sunt, eos ipsos esse certe necesse est. deorum autem

DE NATURA DEORVM

interpretes sunt. deos igitur esse fateamur. At fortasse non omnia eueniunt, quæ prædicta sunt. ne ægri quidem, quia non omnes conualescunt, ideo ars nulla medicina est. Signa ostenduntur à dijs rerum futurarum. in his, si qui errauerunt: non deorum natura, sed hominum coniectura peccauit. itaq; inter omnes omnium gentium sententia constat. omnibus enim innatum est, et in animo quasi insculptum, esse deos. Quales sint uarium est: esse nemo negat. Cleanthes quidem noster quattuor de causis dixit in animis hominum informatas deorum esse notiones. Primam posuit eam, de qua modo dixi: quæ orta esset ex præsentione rerum futurarum. Alteram, quam ceperimus ex magnitudine commodorum: quæ percipiuntur cæli temperatione, fecunditate terrarum, aliarumq; commoditatum complurium copia. Tertiam, quæ terreret animos fulminibus, tempestatibus, nimbis, niuibus, grandinibus, uastitate, pestilentia, terræmotibus, et sæpe fremitibus, lapideisq; hymbribus, et guttis hymbrium quasi cruentis, tum lapidibus, aut repentinis terrarum hiatibus, tum præter naturam hominum, pecudumq; portentis, tum facibus uisis cælestibus, tum stellis his, quas græci Cometas, nostri crinitas uocant: quæ nuper bello Octauiano magnarum fuerunt calamitatum prænuntia: tum sole geminato, quod ut e' patre audiui, Tuditano, et Aquilio Consulibus euenerat: quo quidem anno, P. africanus sol alter extinctus est. quibus exterriti homines, uim quandam esse cælestem, et diuinam suspicati sunt. Quartam causam esse: eamq; uel maximam, æquabilitatem motus, conuersionem cæli, solis, lune,

lunæ, syderumq; omnium distinctionem, utilitatem; pulchritudinem, ordinem: quarum rerum aspectus ipse satis indicaret non esse fortuita. Vt si quis in domum aliquam, aut in gymnasium, aut in forum uenerit: cum uideat omnium rerum rationem, modum, disciplinam: non possit ea sine causa fieri iudicare: sed esse aliquem intelligat: qui præsit: Et cui pareatur. multo magis in tantis motibus, tantisq; uicissitudinibus, tam multarum rerum, atq; tantarum ordinibus, in quibus nihil unquam immensa, et infinita uetustas mentita sit: statuatur necesse est, ab aliqua mente tantos naturæ motus gubernari. Chrysippus quidem quamquam est acerrimo ingenio: tamen ea dicit: ut ab ipsa natura didicisse, non ut ipse reperisse uideatur. Si enim inquit est aliquid in rerum natura: quod hominis mens, quod ratio, quod uis, quod potestas humana efficere non possit: est certe id, quod illud efficit, homine melius. atqui res cælestes, omnesq; hæ, quarum est ordo sempiternus, ab homine confici non possunt. est igitur id, quo illa conficiuntur, homine melius. id autem quid potius dixerim, q̄ deum? etenim si dii non sunt: quid esse potest in rerum natura homine melius? in eo enim solo ratio est: qua nihil potest esse præstantius: esse autem hominem, qui nihil in omni mundo melius esse, q̄ se putet, desipientis arrogantia est. ergo est aliquid melius. est igitur profecto deus. An uero si domum magnam, pulchramq; uideris, non possis adduci, ut, etiam si dominum non uideas, muribus illam, et mustellis ædificatam putes? tantum uero ornatum mundi, tantam uarietatem, pulchritudinemq; rerum cælestium, tantam uim, et magnitudinem

DE NATURA DEORVM

maris, atq; terrarum, si tuum, ac non deorum im-
mortalium domicilium putes: nonne plane desipere
uideare? An ne hoc quidem intelligimus? omnia su-
pera esse meliora: terram autem esse infimam: quam
crassissimus circumfundat aër: ut ob eam ipsam cau-
sam, quod etiam quibusdam regionibus, atq; urbi-
bus contingere uidemus: hebetiora ut sint hominum
ingenia, propter cæli plenioris naturam: hoc idem
generi humano euenerit: q̃ in terra, hoc est in cras-
sissima regione mundi collocati sint. Et tamen ex ipsa
hominum solertia, esse aliquam mentem, Et eam qui-
dem acriorem, Et diuinam existimare debemus. unde
enim hanc homo arripuit? ut apud Xenophontem
Socrates. quin Et humorem, Et calorem, qui est
fusus in corpore, Et terrenam ipsam uiscerum soli-
ditatem, animum deniq; illum spirabilem, si quis
quærat unde habemus: apparet q̃ aliud à terra
sumpsimus: aliud ab humore: aliud ab igne: aliud
ab aëre eo, quem spiritu ducimus. illud autem, quod
vincit hæc omnia, rationem dico, Et si placet plu-
ribus uerbis, mentem, consilium, cogitationem, pru-
dentiam, ubi inuenimus? unde sustulimus? an cætera
mundus habebit omnia? hoc unum, quod plurimum
est, non habebit? Atqui certe nihil omnium rerum
melius est mundo: nihil præstabilius: nihil pulchrius:
nec solum nihil est: sed ne cogitari quidem quicquam
melius potest. Et si ratione Et sapientia nihil est me-
lius: necesse est hæc inesse in eo, quod optimum esse
concedimus. Quid uero tanta rerum consentiens, con-
spirans, continuata cognatio? quem non coget ea quæ
à me dicuntur comprobare? posset ne uno tempore

florere, deinde uicissim horrere terra? aut tot rebus
 ipsis se immutantibus, solis accessus, discessusq; solsti-
 tijs, brumisq; cognosci? aut æstus maritimi, freto-
 rumq; angustiae ortu, aut obitu lunæ commoueri? aut
 una totius cæli conuersione cursus astrorum dispares
 conseruari? hæc ita fieri omnibus inter se concinenti-
 bus mundi partibus profecto non possent: nisi ea uno
 diuino, & continuato spiritu continerentur. Atq; hæc
 cum uberius disputantur, & fusius: ut mihi est in
 animo facere: facilius effugiunt Academicorum ca-
 lumniam. cum autem, ut Zeno solebat, breuius, an-
 gustiusq; concluduntur: tum apertiora sunt ad repre-
 hendendum. nam ut profluens amnis, aut uix, aut
 nullo modo: conclusa autem aqua facile corrumpitur:
 sic orationis flumine reprehensoris uicia diluuntur:
 angustia autem conclusæ orationis non facile se ipsa tu-
 tatur. hæc enim quæ dilatantur a nobis, Zeno sic
 premebat. Quod ratione utitur, id melius est, quàm
 id quod ratione non utitur. nihil autem mundo me-
 lius. ratione igitur mundus utitur. similiter effici po-
 test sapientem esse mundum: similiter beatum: similiter
 æternum. omnia enim hæc meliora sunt, q̃ ea, quæ
 sunt his carentia: nec mundo quicquam melius: ex
 quo efficitur esse mundum deum. Idemq; hoc modo,
 nullius sensu carentis, pars aliqua potest esse sentiens:
 mundi autem partes sentientes sunt: non igitur caret
 sensu mundus. pergit idem, & urget angustus. nihil
 inquit quod animi, quodq; rationis est expers: id gene-
 rare ex se potest animantem, compotemq; rationis: mun-
 dus autem generat animantes, compotesq; rationis.
 animans est igitur mundus, composq; rationis. Idemq;

DE NATURA DEORVM

similitudine, ut sæpe solet, rationem conclusit hoc modo. si ex oliua modulate canentes tibiæ nascerentur: non dubitares, quin esset in oliua tibianis quædam scientia. quid si platani fidiculas ferrent numero se sonantes? idem scilicet censeret in platani inesse musicam. cur igitur mundus non animans, sapiensq; iudicetur? cum ex se procreet animantes, atq; sapientes? Sed quoniam cæpi secus agere, atq; initio dixeram. negaram enim hanc primam partem egere oratione: quod esset omnibus perspicuum, deos esse: tamen id ipsum rationibus physicis confirmari uolo. sic enim res se habet: ut omnia, quæ alantur, & crescant, contineant in se uim caloris: sine qua neq; ali possent, neq; crescere. nam omne quod est calidum, & igneum: cietur, & agitur motu suo: quod autem alitur, & crescit, motu quodam utitur certo, & æquabili: qui quâdiu remanet in nobis: tãdiu sensus, & uita remanet. refrigerato autem, & extincto calore, occidimus ipsi, & extinguimur. quod quidem Cleanthes his etiam argumentis docet, quanta uis insit caloris in omni corpore. negat enim ullum esse cibum tam grauem: quin is die, & nocte concoquatur: cuius etiam in reliquijs inest calor his, quas natura respuerit. Iam uero uenæ, & arteriæ mactare non desinunt, quasi quodam igneo motu: animaduersumq; sæpe est, cum cor animantis alicuius euulsam, ita mobiliter palpitaret: ut imitaretur igneam celeritatem. Omne igitur quod uiuit, siue animal, siue terra editum, id uiuit propter inclusum in eo calorem. ex quo intelligi debet eam caloris naturam uim in se habere uitalem per omnem mundum pertinentem. Atq;

id facilius cernemus toto genere hoc igneo, quod trahit omnia, subtilius explicato. Omnes igitur partes mundi tangam: quæ maximo calore fulctæ sustinentur. quod primum in terrena natura perspicui potest. nam & lapidum conflictu, atq; tritu elici ignem uideamus: & recenti fossione

20 - terram fumare calentem:

atq; etiam ex puteis ingibus aquam calidam trahi: & id maxime hibernis fieri temporibus: quod magna uis terræ cauernis contineatur caloris: eaq; hyeme sit densior: ob eamq; causam calorem insitum in terris contineat arctius. Longa est oratio, multæq; rationes: quibus doceri possit, omnia, quæ terra concipiat semina: quæq; ipsa ex se generata stirpibus infixæ contineat: ea temperatione caloris & oriri, & augescere. Atq; aquæ etiam admistum esse calorem, primum ipse liquor, tum aquæ declarat effusio: quæ neq; congelaretur frigoribus: neq; niue pruinaq; concrederet: nisi eadem se admisto calore liquefacta, & dilapsa diffunderet. itaq; & aquilonibus, reliquisq; frigoribus adiectis durefcit humor: & idem uicissim mollietur tepesfactus, & tabescit calore. atq; etiam maria agitata uentis ita tepescunt: ut intelligi facile possit in tantis illis humoribus inclusum esse calorem. nec enim ille externus, & aduentitius habendus est tepor: sed ex intimis maris partibus agitatione excitatus: quod nostris quoq; corporibus contingit, cum motu atque exercitatione recalescunt. Ipse uero aër, qui natura est maxime frigidus: minime est expers caloris. ille uero & multo quidem calore admistus est. ipse enim oritur ex respiratione aquarum. earum enim quasi

DE NATURA DEORVM

vapor quidam aër habendus est. is autem existit mo-
 tu eius caloris, qui aquis continetur. quam similitudi-
 nem cernere possumus in his aquis, quæ effervescentes
 subditis ignibus. Iam uero reliqua quarta pars mun-
 di, ea & ipsa tota natura feruida est: & cæteris na-
 turis omnibus salutarem impertit, & uitalem calo-
 rem. ex quo concluditur, cum omnes mundi partes
 sustineantur calore: mundum etiam ipsum simili, pa-
 riq; natura in tanta diuturnitate seruari: eoq; magis,
 quod intelligi debet calidum illud, atq; igneum ita in
 omni fusum esse natura: ut in eo insit procreandi uis,
 & causa gignendi: à quo & animantia omnia, &
 ea quorum stirpes terra continentur, & nasci sit ne-
 cesse, & augescere. natura est igitur quæ contineat
 mundum omnem: eumq; tueatur: & ea quidem, non
 sine sensu, atq; ratione. omnem enim naturam necesse
 est, quæ non solitaria sit, neq; simplex, sed cum alio
 coniuncta, atq; connexa: habere aliquem in se prin-
 cipatum: ut in homine mentem: in bellua quiddam
 simile mentis: unde oriantur rerum appetitus. In ar-
 borum autem, & earum rerum quæ gignuntur e' ter-
 ra, radicibus inesse principatus putatur. Principatum
 autem id dico: quod græci ἡγεμονικόν uocant: quo ni-
 hil in quoq; genere nec potest, nec debet esse præstan-
 tius. itaq; necesse est illud etiam, in quo sit totius na-
 turæ principatus: esse omnium optimum, omniumq; re-
 rum potestate dominatuq; dignissimum. uidemus au-
 tem in partibus mundi (nihil est enim in omni mundo:
 quod non pars uniuersi sit) inesse sensum et rationem.
 in ea parte igitur, in qua mundi est principatus, hæc
 inesse necesse est: & acriora quidem, atq; maiora. quo

erat sapientem esse mundum necesse est: naturamq;
eam, quæ res omnes complexa teneat, perfectione
rationis excellere: eoq; deum esse mundum: omnemq;
uim mundi diuina natura contineri. Atq; mundi fer-
uor ille purior, perlucidior, mobiliorq; multo, ob easq;
causas aptior ad sensus commouendos: quam hic no-
ster calor: quo hæc quæ nota nobis sunt, retinentur,
et uigent. absurdum est igitur dicere, cum homines,
bestiæq; hoc calore teneantur: et propterea mouean-
tur, et sentiant: mundum esse sine sensu: qui inte-
gro, et puro, et libero, eodemq; acerrimo, et mobi-
lissimo ardore teneatur: præsertim cum is ardor, qui
est mundi, non agitur ab alio, neq; externo pulsu,
sed per se ipse, ac sua sponte moueatur. nam quid po-
test esse mundo ualentius? quod pellat, atq; moueat
calorem eum, quo ille teneatur? audiamus enim Pla-
tonem quasi quendam deum philosophorum: cui duos
placet esse motus: unum suum, alterum externum: esse
autem diuinius, quod ipsum ex se sua sponte mouea-
tur: quàm quod pulsu agitur alieno. hunc autem
motum in solis animis esse ponit: ab hisq; principium
motus esse ductum putat. Quapropter quoniam ex
mundi ardore motus omnis oritur: is autem ardor
non alieno impulsu, sed sua sponte mouetur: animus
sit necesse est. ex quo efficitur animantem esse mundum.
Atq; ex hoc quoq; intelligi poterit, in eo inesse intel-
ligentiam: quod certe est mundus melior q̃ ulla na-
tura. ut enim nulla pars corporis nostri est: quæ non
sit minor, quàm nosmetipsi sumus: sic mundum uni-
uersum pluris esse necesse est, quàm partem aliquam
unuerſi. quod si ita est: sapiens sit mundus necesse est.

DE NATURA DEORVM

nam nō ita esset, hominem, qui est mundi pars, quoniam rationis est particeps: pluris esse quā mundum omnem oporteret. Atq; etiam si à primis inchoatisq; naturis ad ultimas perfectasq; uolumus procedere: ad deorum naturam perueniamus necesse est. primo enim animaduertimus à natura sustineri ea, quæ gignuntur è terra: quibus natura nihil tribuit amplius: quā ut ea alendo, atq; augendo tueretur. bestiis autem sensum & motum dedit, & cum quodam appetitu accessum ad res salutes, à pestiferis recessum. hominī hoc amplius: q̃ addidit rationem, qua regerentur animi appetitus: qui tum remitterentur: tum continerentur. quartus autem gradus, & altissimus, eorum, qui natura boni, sapientesq; gignuntur: quibus à principio innascitur ratio recta, constansq;: quæ supra hominem putanda est, deoq; tribuenda, idest mundo: in quo necesse est perfectam illam, atq; absolutam inesse rationem. neq; enim dici potest in ulla rerum institutione non esse aliquid extremum, atq; perfectum. ut enim in uite ut in pecude (nisi quæ uis obstitit) uidemus naturam suo quodam itinere ad ultimum peruenire: atq; ut pictura, & fabrica, ceteraq; artes habent quendam absoluti operis effectum: sic in omni natura, ac multo etiam magis, necesse est absolui aliquid ac perfici. etenim cæteris naturis multa externa, quo minus perficiantur, possunt obsistere: uniuersam autem naturam nulla res potest impedire: propterea quod omnes naturas ipsa cohibet, & continet. quo circa necesse est esse illum quartum, & altissimum gradum: quo nulla uis possit accedere. is autem gradus est: in quo rerum omnium natura ponitur: quæ
quoniam

quoniam talis est, ut præsint omnibus: & eam nulla res possit impedire: necesse est intelligentem esse mundum, & quidem etiam sapientem. Quid autem est inscitius? quam eam naturam, quæ omnis res sit complexa, non optimam dici? aut cum sit optima: non primum animantem esse? deinde rationis, & consilij compotem? postremo sapientem? qui enim aliter potest esse optima? neq; enim si stirpium similis sit, aut etiam bestiarum, optima putanda sit potius, quam deterrima: nec uero si rationis particeps sit: nec sit tamen a principio sapiens: non sit deterior mundi potius, quam humana conditio. homo enim sapiens fieri potest: mundus autem, si in æterno præteriti temporis spatio fuit insipiens: nunquam profecto sapientiam consequetur. ita erit homine deterior. quod quoniam absurdum est: & sapiens a principio mundus, & deus habendus est. neq; enim est quicquam aliud præter mundum: cui nihil absit: quodq; undiq; aptum, atq; perfectum, expletumq; sit omnibus suis numeris, & partibus. Scite enim Chrysippus, ut clypei causa inuolucrum, uaginam autem gladij, sic præter mundum cætera omnia aliorum causa esse generata: ut eas fruges, atq; fructus, quos terra gignit, animantium causa, animantes autem hominum, ut equum uehendi causa, arandi bouem, uenandi, & custodiendi canem, ipse autem homo ortus est ad mundum contemplandum, & mirandum, nullo modo perfectus, sed quedam particula perfecti: sic mundus, quoniam omnia complexus est: nec est quicquam quod non insit in eo: perfectus undiq; est. quid igitur potest ei deesse, quod est optimum? nihil autem est mente &

DE NATURA DEORVM

ratione melius. ergo hæc mundo deesse non possunt. Bene igitur idem Chrysippus: qui similitudines adiungens omnia in perfectis, & maturis docet esse meliora: ut in equo, quàm in equulo, in cane, quàm in catulo, in uiro, quàm in puero. item quod in omni mundo optimum sit, id in perfecto aliquo, atq; absoluto esse debere. est autem mundo nihil perfectius: nihil uirtute melius: igitur mundi est propria uirtus. nec uero hominis natura perfecta est: & efficitur tamen in homine uirtus. quanto igitur in mundo facilius? est ergo in eo uirtus. sapiens igitur est: & propterea deus. Atq; hac mundi diuinitate perspecta, tribuenda est syderibus eadem diuinitas: quæ ex mobilissima, purissimaq; ætheris parte gignuntur: neq; ulla præterea sunt admixta natura: totaq; sunt calida, atq; perlucida: ut ea quoq; rectissime & animantia esse, & sentire, atq; intelligere dicantur. Atq; ea quidem tota esse ignea duorum sensuum testimonio confirmari Cleanthes putat, tactus, & oculorum. nam solis candor illustrior quàm ullus ignis: quippe qui immenso mundo tam longe, lateq; colluceat: & is eius tactus est: non ut tepesciat solum: sed etiam sæpe comburat. quorum neutrum faceret, nisi esset igneus. ergo inquit, cum sol igneus sit: oceaniq; alatur humoribus: quia nullus ignis sine pastu aliquo possit permanere: necesse est aut ei similis sit igni, quem habemus ad usum, atq; ad uictum: aut ei, qui corporibus animantium continetur. atq; hic noster ignis, quem usus uitæ requirit, confector est, & consumptor omnium: idemq; quocunq; inuasit, cuncta disturbat, ac dissipat. contra ille corporeus, uitalis, & salutaris omnia conseruat, alit, auget,

alit, auget, sustinet, sensuq; afficit. negat ergo esse dubium, horum ignium sol utri similis sit: cum is quoq; efficiat, ut omnia floreat: & in suo quaq; genere pubescant. quare cum solis ignis similis eorum ignium sit: qui sunt in corporibus animantium: solem quoq; animantem esse oportet. & quidem reliqua astra: quæ oriantur in ardore cœlesti: qui æther, vel cælum nominatur. cum igitur aliorum animantium ortus in terra sit: aliorum in aqua: in aëre aliorum: absurdum esse Aristoteli uidetur, in ea parte, quæ sit ad gignenda animalia aptissima, animal gigni nullum putare. sydera autem æthereum locum obtinent: qui quoniam tenuissimus est: & semper agitur, & uiget: necesse est, quod animal in eo gignatur, idem quoq; sensu acerrimo, & mobilitate celerrima esse. quare cum in æthere astra gignantur: consentaneum est, in his sensum inesse, & intelligentiam. ex quo efficitur. in deorum numero astra esse ducenda. etenim licet uidere acutiora ingenia, & ad intelligendum aptiora eorum, qui terras incolant eas, in quibus aër sit purus, ac tenuis: quàm illorum, qui utantur crasso cælo, atq; concreto. Quin etiam cibo quo utare, interesse aliquid ad mentis aciem putant. probabile est igitur præstantem intelligentiam in syderibus esse: quæ & ætheream mundi partem incolant: & marinis, terrenisq; humoribus longo intervallo extenuatis alantur. Sensum autem astrorum, atq; intelligentiam maxime declarat ordo eorum, atq; constantia. nihil est enim quod ratione, & numero moueri possit, sine consilio: in quo nihil est temerarium: nihil uarium: nihil fortuitum. ordo autem syderum, & in

DE NATURA DEORVM

omni aeternitate constantia, neque naturam significat: est enim plena rationis: neque fortunam: quae amica uarietati constantiam respuit. sequitur ergo, ut ipsa sua sponte, suo sensu, ac diuinitate moueantur. Nec uero Aristoteles non laudandus in eo: quod omnia, quae mouentur, aut natura moueri censuit, aut ui, aut uoluntate. moueri autem solem, & lunam, & sydera omnia. quae autem natura mouerentur: haec aut pondere deorsum, aut leuitate in sublime ferri: quorum neutrum astris contingeret: propterea quod eorum motus in orbem circumferretur. nec uero dici potest ui quadam maiore fieri: ut contra naturam astra moueantur. quae enim potest maior esse? restat igitur ut motus astrorum sit uoluntarius. quae qui uideat: non indocte solum, uerum etiam impie faciat: si deos esse neget. Nec sane multum interest, utrum id neget, an eos omni procuratione, atque actione priuet. mihi enim qui nihil agit, esse omnino non uidetur. Esse igitur deos ita perspicuum est: ut id qui neget, uix eum sanae mentis existinem. Sane restat, ut qualis eorum natura sit, consideremus: in quo nihil est difficilius, quam a consuetudine oculorum aciem mentis abducere: ea difficultas induxit & uulgo imperitos, & similes philosophos imperitorum: ut nisi figuris hominum constitutis, nihil possent de dijs immortalibus cogitare. cuius opinionis leuitas confutata a Cotta non desiderat orationem meam. sed cum talem esse deum certa notione animi praesentiamus: primum ut sit animans: deinde ut in omni natura nihil eo sit praestantius: ad hanc praesensionem, notionemque nostram, nihil uideo quod potius accomodem: quam ut primum

num hunc ipsum mundum, quo nihil fieri excellentius potest: animantem esse, & deum iudicem. Hic quod uolet Epicurus iocetur, homo non aptissimus ad iocandum: minimeque respiciens patriam: & dicat se non posse intelligere, qualis sit uolubilis, & rotundus deus: tamen ex hoc, quod ipse etiam probat: nunquam me mouebit. placet enim illi esse deos: quia necesse sit præstantem aliquam esse naturam: qua nihil sit melius. mundo autem certe nihil est melius. nec dubium quin quod animans sit, habeatque sensum, & rationem, & mentem: id sit melius, quam id, quod his careat. ita efficitur animantem, sensus, mentis, rationis mundum esse compotem. qua ratione deum esse mundum concluditur. sed hæc paulopost facilius cognoscentur ex his rebus ipsis: quas mundus efficit. interea vellei noli quæso præferre uos plane expertes esse doctrinæ. conum tibi ais, & chilindrum, & pyramidem pulchriorem quam sphaeram uideri. nouum etiam oculorum iudicium habetis. sed sint ista pulchriora, dumtaxat aspectu: quod mihi tamen ipsum non uidetur. quid enim pulchrius ea figura? quæ sola omnes alias figuras complexa continet: quæque nihil asperitatis habere, nihil offensionis potest: nihil incisum angulis, nihil anfractibus, nihil emnens, nihil lacunosum. cumque duæ formæ præstantes sint, ex solidis globus (sic enim σφαῖρα interpretari placet) ex planis autem circulus, aut orbis: qui κύκλος græce dicitur: his duabus formis contingit solis, ut omnes earum partes sint inter se similes: à medioque tantum absit extremum, quantum idem à summo. quo nihil fieri potest aptius. sed si

DE NATURA DEORVM

hæc non uidetis: quia nunquam eruditum illum pul-
uerem attigistis: an ne hoc physica quidem intelligere
potuistis? hanc æqualitatem motus, constantiamq; or-
dinum, in alia figura non potuisse seruari: itaq; ni-
hil potest esse indoctius: quàm quod a' uobis affirma-
ri solet. nec enim hunc ipsum mundum pro certo ro-
tundum esse dicitis. nam posse fieri ut sit alia figura:
innumerabilesq; mundos, alios aliarum esse forma-
rum. quæ, si bis bina quid essent didicisset Epicurus,
certe non diceret. sed dum palato quid sit optimum
iudicat: celi palatum (ut ait Ennius) non suspexit.
nam cum duo sint genera syderum: quorum alterum
spacijs immutabilibus ab ortu ad occasum commeans,
nullum unquam cursus sui uestigium inflectat: alte-
rum autem continuas conuersiones duas hisdem spa-
cijs cursibusq; conficiat: ex utraq; re & mundi uolu-
bilitas, quæ nisi in globosa forma esse non posset, &
stellarum rotundi ambitus cognoscuntur: primusq; sol
qui astrorum obtinet principatum, ita mouetur: ut
cum terras larga luce compleuerit: easdem modo his,
modo illis partibus opacet. ipsa enim umbra terræ
soli officiens, noctem efficit. Nocturnorum autem spa-
tiorum eadem est æqualitas, quæ diurnorū. eiusdemq;
solis tum accessus modici, tum recessus, & frigoris, &
caloris modum temperant. Circuitus enim solis or-
bium V defectibus & LX & CCC, quarta fere
diei parte addita, conuersionem conficiunt annuam. in-
flectens autem sol cursum tum ad septentriones, tum
ad meridiem, æstates, & hyemes efficit: & ea duo
tempora: quorum alterum hyemi senescenti adiun-
ctum est: alterum æstati. ita ex quattuor temporum
mutationibus

mutationibus omnium, quæ terra, mariq; gignuntur, initia, causæq; ducuntur. Iam solis annuos cursus spacijs mensuris luna consequitur: cuius tenuissimum lumen facit proximus accessus ad solem: digressus autem longissimus quisq; , plenissimum. neq; solum eius species ac forma mutatur tum crescendo, tum defectionibus in initia recurrendo: sed etiam regio: quæ tum est aquilonalis: tum australis. In lunæ quoq; cursu est & brumæ quædam, & solstitij similitudo: multaq; ab ea manant, & fluunt: quibus & animantes alantur, augeantq;: & pubescant, maturitatemq; assequantur, quæ oriuntur e' terra. Maxime uero admirabiles sunt motus earum quinque stellarum: quæ falso uocantur errantes. nihil enim errat: quod in omni æternitate conseruat progressus, & regressus, reliquosq; motus, constantes, & ratos. quod eo est admirabilius in his stellis, quas dicimus: quia tum occultantur: tum rursus aperiuntur: tum abeunt: tum recedunt: tum antecedunt: tum subsequuntur: tum celerius mouentur: tum tardius: tum omnino ne mouentur quidem: sed ad quoddam tempus insistant. quarum ex disparibus motionibus magnum annum mathematici nominauerunt: qui tum efficitur: cum solis, & lunæ, & quinque errantium ad eandem inter se comparisonem confectis omnium spatijs est facta conuersio. quæ q̄ longa sit, magna quæstio est: esse uero certam, & definitam necesse est. nam ea quæ Saturni stella dicitur: phænonq; a' græcis nominatur: quæ a' terra abest plurimum: XXX fere' annis cursum suum confiat. in quo cursu multa mirabiliter efficiens tum antecedendo, tum retardando, tum ue-

DE NATURA DEORVM

spectantibus temporibus delitescendo, tum matutinis rursum se aperiendo, nihil immutat sempiternis seculorum ætatibus: quin eadem hisdem temporibus efficiat. Infra autem hanc proprius à terra Iouis stella fertur quæ Phæton dicitur: eaq; eundem XII signorum orbem annis XII conficit: easdemq;, quas Saturni stella, efficit in cursu uarietates. huic autem proximum inferiorem orbem tenet Pyrois: quæ stella Martis appellatur: eaq; IIII & XX mensibus VI ut opinor, diebus minus, eundem lustrat orbem, quem duæ superiores. Infra hanc autem stella Mercurij est: ea stilbon appellatur à græcis: quæ anno fere uertente signiferum lustrat orbem: neq; à sole longius unquam unius signi intervallo discedit, tum anteuertens, tum subsequens. Infima est quinque errantium, terræq; proxima stella Veneris: quæ phosphoros græce, lucifer latine dicitur, cum antegreditur solem: cum subsequitur autem, hesperos. Ea cursum anno confiat, & latitudinem lustrans signiferi orbis, & longitudinem: quod idem faciunt stellæ superiores: neq; unquam ab sole duorum signorum intervallo longius discedit tum antecedens, tum subsequens. Hanc igitur in stellis constantiam, hanc tantam, tam uarijs cursibus in omni æternitate convenientiam temporum, non possum intelligere sine mente, ratione, consilio. quæ cum in syderibus inesse uideamus: non possumus ea ipsa non in deorum numero reponere. Nec uero stellæ hæ, quæ inerrantes uocantur: non significant eandem mentem, atq; prudentiam: quarum est quotidiana conueniens, constansq; conuersio. nec habent æthereos cursus, neq; cælo inherentes, ut pleriq; dicunt physice rationis ignari.

ignari. non est enim ætheris ea natura: ut ui sua stel-
las complexa contorqueat. nam tenuis, ac perlucens,
et æquabili calore suffusus æther, non satis ad stel-
las continendas uidetur. habent igitur suam sphaeram
stellæ inerrantes ab æthereâ coniunctione secretam,
et liberam. Earum autem perennes cursus, atq; per-
petui, cum admirabili, incredibiliq; constantia, decla-
rant in his uim, et mentem esse diuinam: ut hæc ipsa
qui non sentiat deorum uim habere, is nihil omnino
sensurus esse uideatur. nulla igitur in cælo nec for-
tuna, nec temeritas, nec erratio, nec uanitas inest.
contraq; omnis ordo, ueritas, ratio, constantia. quæq;
his uacant, ea mentita, et falsa, plenaq; erroris eune
circum terras, infra lunam: quæ omnium ultima est,
in terrisq; uersatur. Cælestem ergo admirabilem or-
dinem, incredibilemq; constantiam, ex qua conserua-
tio, et salus omnium omnis oritur: qui uacare mente
putat: is ipse mentis expers habendus est. Haud ergo,
ut opinor, errauero: si à principe inuestigandæ ueri-
tatis huius disputationis principium duxero. Zeno igi-
tur ita naturam diffinit: ut eam dicat ignem esse ar-
tificiosum ad gignendum progredientem uia. censet
enim artis maxime proprium esse, creare, et gignere:
quodq; in operibus nostrarum artium manus efficiat:
id multo artificiosius naturam efficere: idest ut dixi
ignem artificiosum, magistrum artium reliquarum.
Atq; hac quidem ratione omnis natura artificiosa est:
quod habet quasi uiam quandam, et sectam, quam
sequatur. ipsius uero mundi, qui omnia complexu suo
coercet, et continet, natura, non artificiosa solum,
sed plane artifex, ab eodem Zenone dicitur consul-

DE NATURA DEORVM

trix, & prouida utilitatum, oportunitatumq; omnium. Atq; ut cæteræ naturæ suis seminibus quæq; gignuntur: augescunt: continentur: sic natura mundi omnes motus habet uoluntarios: conatusq;, & appetitiones; quas ὁρμῆς græci uocant, & his consentaneas actiones, sic adhibet: ut nosmetipsi: qui animis mouemur & sensibus. Talis igitur mens mundi cum sit: ob eamq; causam prouidentia appellari recte possit: græce enim πρὸν δicitur: hæc potissimum prouidet: & in his maxime est occupata: primum, ut mundus q̄ aptissimus sit ad permanendum. deinde, ut nulla re egeat. maxime autem, ut in eo eximia pulchritudo sit, atq; omnis ornatus. Dictum est de uniuerso mundo: dictum est etiam de syderibus: ut iam propemodum appareat multitudo nec cessantium deorum: nec ea quæ agant molientium cum labore operoso, ac molesto. Non enim uenis, & neruis, & ossibus continentur: nec his escis aut potionibus uescuntur: ut aut nimis acres, aut nimis concretos humores colligant. nec his corporibus sunt: ut aut casus, aut ictus extimescant: aut morbos metuant ex defatigatione membrorum. Quæ uerens Epicurus monogrammos deos & nihil agentes commentus est. illi autem pulcherrima forma præditi, purissimaq; in regione celi collocati, ita feruntur, moderanturq; cursus: ut ad omnia conseruanda, & tuenda consensisse uideantur. Multæ autem aliæ naturæ deorum ex magnis beneficijs eorum non sine causa & à græciæ sapientibus, & à maioribus nostris constitutæ, nominatæq; sunt. quicquid enim magnam utilitatem generi afferret humano: id non sine diuina bonitate erga homines fieri ar-

bitrabantur: itaq; tum illud, quod erat à deo natum,
nomine ipsius dei nuncupabant: ut cum fruges cere=
rem appellamus: uinum autem liberum: ex quo illud
Terentiij,

sine cerere, & libero friget uenus:
tum autem res ipsa, in qua uis inest maior aliqua, sic
appellatur: ut ea ipsa uis nominetur deus: ut fides,
ut mens: quas in capitolio dedicatas uidemus proxime
à M. Aemilio Scauro: ante autem ab Attilio Cala=
tino erat fides consecrata. uides uirtutis templum: ui=
des honoris à M. Marcello renouatum: quod multis
ante annis erat bello ligustico à Quinto Maximo de=
dicatum. quid Opis? quid Salus? quid Concordiæ?
Libertatis? Victoriæ? quarum omnium rerum quia
uis erat tanta ut sine deo regi non posset ipsa res deo=
rum nomen obtinuit. Quo ex genere Cupidinis, &
Voluptatis, & Libitinæ Veneris uocabula consecrata
sunt: uitiosarum rerum, neque naturalium: quan=
quam Velleius aliter existimat: sed tamen ea ipsa ui=
tia naturam uehementius sæpe pulsant. utilitatum igr=
tur magnitudine constituti sunt hi dij, qui utilitates
quasque gignebant. Atq; his quidem nominibus quæ
pauloante dicta sunt à me, quæ uis sit in quoq; de=
claratur deo. suscepit autem uita hominum, consuetu=
doq; communis: ut beneficijs excellentes uiros, in cæ=
lum fama, ac uoluntate tollerent. hinc Hercules: hinc
Castor, & Pollux: hinc Aesculapius: hinc Liber
etiam: hunc dico liberum Semele natum: non eum,
quem nostri maiores auguste, sancteq; liberum, cum
Cerere, & libera consecrauerunt: quod quale sit ex
mysterijs intelligi potest. sed q; ex nobis natos liberos

DE NATURA DEORVM

appellamus: ideo cerere nati nominati sunt liberi;
 & libera: quod in libero seruant, in libera non item.
 hinc etiam Romulus, quem quidam eundem esse Qui-
 rinum putant: quorum cum remanerent animi, atq;
 eternitate fruerentur: dii rite sunt habiti: cum &
 optimi essent, & æterni. Alia quoq; ex ratione, &
 quidem physica, magna fluxit multitudo deorum: qui
 induti specie humana fabulas poetis suppeditauerunt:
 hominum autem uitã superstitione omni referferunt.
 Atq; hic locus à Zenone tractatus, post à Cleante, &
 Chrysippo pluribus uerbis explicatus est. Nam uetus
 hæc opinio græcam oppluit: exectum Celum à fi-
 lio Saturno: uinctum autem Saturnum ipsum à fi-
 lio Ioue. physica ratio non inelegans, inclusa est in
 impias fabulas. celestem enim altissimam, æthere-
 amq; naturam, idest igneam, quæ per sese omnia gi-
 gneret: uacare uoluerunt ea parte corporis: quæ con-
 iunctione alterius egeret ad procreandum. Saturnum
 autem eum esse uoluerunt: qui cursum, & conuer-
 sionem spaciourum, ac temporum contineret: qui deus
 græce id ipsum nomen habet: Κρόνος enim dicitur:
 qui est idem temporis spatium. Saturnus autem est
 appellatus, q̃ saturatur annis. ex se enim natos co-
 mēsse fingitur solitus: quia consumit ætas temporum
 spacia: annisq; præteritis insaturabiliter expletur.
 uinctus est autem à Ioue, ne immoderatos cursus
 haberet: atq; ut eum syderum uinculis alligaret. sed
 ipse Iuppiter, idest iuuans pater, quem conuersis casti-
 bus appellamus à iuuando Iouem, à poetis pater
 diuinq; hominumq; dicitur: à maioribus autem no-
 stris optimus, maximus: & quidem ante optimus, idest

beneficentissimus, quàm maximus: quia maius est, certèq; gratius prodesse omnibus: quàm opes magnas habere. Hunc igitur Ennius, ut supra dixi, nuncupat ita dicens,

- » Aspice hoc sublime candens, quem invocant omnes Iouē. Planiusq; alio loco idem.
- » Cui quod in me est, execrabor hoc, quo lucet qcqd est. Hunc etiam augures nostri cum dicunt Iouem fulgentem, tonantem: dicunt enim in cælo fulgentem, & tonantem. Euripides autem, ut multa præclare, sic hoc breuiter,
- » Vides sublime fufum, immoderatum æthera:
- » Qui tenero terram circumuectu amplectitur:
- » Hunc summum habeto diuum: hunc perhibeto Iouem. Aer autem, ut stoici disputant, interiectus inter mare & cælum Iunonis nomine consecratur: quæ est soror, & coniux Iouis, q̃ & similitudo est ætheris: & cum eo summa coniunctio. effeminarunt autem eum, Iunoniq; tribuerunt: q̃ nihil est eo mollius: sed Iunonem à iunando credo nominatam. Aqua restabat & terra: ut essent ex fabulis tria regna diuisa. datum est igitur Neptuno altero Iouis, ut uolunt, fratri maritimum omne regnum: nomenq; productum, ut Protunus à portu, sic Neptunus à nando, paulum primis litteris immutatis. Terrena autem uis omnis, atq; natura diti patri dedicata est: qui Dis, ut apud græcos πλούτων, quia & recidant omnia in terras: & oriantur e' terris. Cui Proserpinam, quod græcorum nomen est: ea enim est, quæ περσεφόνη græce nominatur: quam frugum semen esse uolunt: absconditamq; quæri à matre fingunt. mater autem

DE NATURA DEORVM

est, a' gerendis frugibus Ceres, tanquam gerēs: casuq; prima littera itidem immutata, ut a' græcis: nam ab illis quoq; Δημήτηρ, quasi ῥημήτηρ nominata est. Iam qui magna uerteret Maiors: Minerva autem quæ uel munueret, uel minaretur. cumq; in omnibus rebus uim haberent maximam prima, & extrema: principem in sacrificando Ianum esse uoluerunt: quod ab eundo nomen est ductum: ex quo transitiones peruiæ, Iani: foresq; in liminibus profanarum ædium, ianue nominantur. nam Vestæ nomen a' græcis: ea est enim quæ ab illis ἱστία dicitur. uis autem eius ad aras, & focos pertinet. itaq; in ea dea, quæ est rerum custos intimarum: omnis & precatio, & sacrificatio extrema est. nec longe absunt ab hac ui dii penates, siue a' penu ducto nomine: est enim omne quo uestuntur homines penus: siue ab eo, q' penitus insident: ex quo etiam penetrales a' poetis uocantur. Iam Apollinis nomen est græcum: quem solem esse uolunt: dianam autem, & lunam eandem esse putant: cum sol dictus sit, uel quia solus ex omnibus syderibus est tantus: uel quia cum est exortus obscuratis omnibus solus apparet: Luna a' lucendo nominata sit. eadem est enim lucina. itaq; ut apud græcos Dianam, eamq; luciferam, sic apud nostros Iunonem lucinam in pariendo inuocant: quæ eadem Diana omniuaga dicitur: non a' uenando, sed q' in septem numeratur tanquam uagantibus. Diana dicta quia noctu quasi diem efficeret. adhibetur autem ad partus: quod ij maturescunt aut septem nonnunquam, aut plerunq; nouem lunæ cursibus: qui q' a mensa spacia conficiunt, menses nominantur. concinneq; ut multa

Timæus : qui cum in historia dixisset , quā nocte natus Alexander esset : eadem Dianæ ephesiae templum deflagrauisse : adiunxit minime id esse mirandum : quod Diana cum in partu olympiadis adesse uoluisset : abfuisset domo . Quæ autem dea ad res omnes ueniret , Venerem nostri nominauerunt : atque ex ea potius uenustas , quam uenus ex uenustate . Videtis ne igitur ut a physicis rebus bene , atque utiliter inuentis tractata ratio sit ad commentitios , et fictos deos : quæ res genuit falsas opiniones , erroresque turbulentos , et superstitiones pene aniles . Et formæ enim nobis deorum , et ætates , et uestitus , ornatusque noti sunt . genera præterea , coniugia , cognationes , omniaque traducta ad similitudinem imbecillitatis humanæ . nam et perturbatis animis inducuntur . accipimus enim deorum cupiditates , ægritudines , iracundias : nec uero , ut fabulæ ferunt , dii bellis , præliisque aruerunt : nec solum , ut apud Homerum , cum duos exercitus contrarios alij dii ex alia parte defenderent : sed etiam cum Titanis , cum gigantibus propria bella gesserunt . Hæc et dicuntur , et creduntur stultissime : et plena sunt futilitatis , summæque leuitatis . Sed tamen his fabulis spretis , ac repudiatis , deus pertinens per naturam cuiusque rei , per terras Ceres , per maria Neptunus , alij per alia , poterunt intelligi qui , qualesque sunt , quoque eos nomine consuetudo nuncupauerit , quos deos et uenerari , et colere debemus . cultus autem deorum est optimus : idemque castissimus , atque sanctissimus , plenissimusque pietatis : ut eos semper pura , integra , incorrupta , et mente , et uoce ueneremur . non enim philosophi solum , uerumetiam maiores no-

DE NATURA DEORVM

stri superstitionem, à religione separauerunt. nam qui totos dies precabantur, & immolabant, ut sui liberi sibi superstites essent: superstitiosi sunt appellati: quod nomen postea latius patuit. qui autem omnia, quæ ad cultum deorum pertinerent, diligenter pertractarent: & tanquam relegerent: sunt dicti religiosi, ex relegendo: ut elegantes, ex eligendo, tanquam à deligendo diligentes, ex intelligendo intelligentes. his enim in uerbis omnibus, inest uis legendi eadem, quæ in religioso. ita factum est in superstioso, & religioso, alterum uitij nomen, alterum laudis. Ac mihi uideor satis & esse deos, & quales essent ostendisse. Proximum est ut doceam deorum prouidentia mundum administrari. Magnus sane locus est: & à uestris Cotta uexatus: ac nimirum uobiscum omne certamen est. nam uobis Vellei minus notum est, quemadmodum quicq; dicatur. uestra enim solum legitis: uestra amatis: cæteros causa incognita condemnatis. uelut à te ipso hesterno die dictum est, anum fatidicam προνοῖν à stoicis induci, idest prouidentiam. quod eo errore dixisti: quia existimas ab his prouidentiam fingi quasi quandam deam singularem: quæ mundum omnem gubernet, & regat. sed id præcise dicitur: ut si quis dicat Atheniensium Rempublicam consilio regi: desit illud, Ariopagi. sic cum dicimus prouidentia mundum administrari: deesse arbitrator, deorū. plene autem & perfecte sic dici existimato: prouidentia deorum mundum administrari. ita salem istum, quo caret uestra natio, in irridendis nobis nolite consumere. & me hercle, si me audiat: ne experiamini quidem. non decet: non datum est: non potestis.

non potestis. Nec uero hoc in te uno conuenit moribus domesticis, ac nostrorum hominum urbanitate limato: sed cum in reliquos uestros: tum in eum maxime, qui ista peperit, hominem sine arte, sine litteris, insultantem in omnes, sine acumine ullo, sine authoritate, sine lepore. Dico igitur providentia deorum mundum, et omnes mundi partes, et initio constitutas esse: et omni tempore administrari: eamq; disputationem tres in partes nostri fere diuidunt: quarum pars prima est: quæ ducitur ab ea ratione, quæ docet esse deos: quo concesso, confitendum est eorum consilio mundum administrari. Secunda est autem, quæ docet omnes res subiectas esse naturæ sentienti: ab eaq; omnia pulcherrime geri: quo constituto, sequitur ab animantibus principijs eam esse generatam. Tertius locus est: qui ducitur ex admiratione rerum cælestium, atq; terrestrium. Primum igitur aut negandum est deos esse: quod et Democritus simulacra, et Epicurus imagines inducens quodam pacto negat: aut qui deos esse concedant: his fatendum est, eos aliquid agere: idq; præclarum. nihil est autem præclarius mundi administratione: deorum igitur consilio administratur. quod si aliter est: aliquid profecto sit necesse est melius, et maiore ui præditum, q̄ deos: quale id cunq; est, siue inanima natura, siue necessitas ui magna incitata: hæc pulcherrima opera efficiens, quæ uidemus. non est igitur natura deorum præpotens, neq; excellens: siquidem ea subiecta est ei uel necessitati, uel naturæ: quæ cælum, maria, terræq; regantur. nihil autem est præstantius deo: ab eo igitur necesse est mundum regi. nulli igitur est naturæ obediens, aut subiectus deus.

DE NATURA DEORVM

omnem ergo regit ipse naturam. etenim si concedimus
 intelligentes esse deos: concedimus etiam providentes.
 & rerum quidem maximarum. ergo utrum igno-
 rant, quæ res maximæ sint: quoq; hæc modo tra-
 ctandæ, & tuendæ? an vim non habent? qua tan-
 tas res sustineant & gerant? at & ignoratio rerum
 aliena naturæ deorum est: & sustinendi muneris pro-
 pter imbecillitatem difficultas, minime cadit in ma-
 iestatem deorum. ex quo efficitur id, quod uolumus:
 deorum providentia mundum administrari. Atqui
 necesse est cum sint dii: si modo sint: ut profecto sunt:
 animantes esse: nec solum animantes: sed etiam ra-
 tionis compotes, inter seq; quasi civili conualiatione &
 societate coniunctos, unum mundum, ut communem
 Remp. atq; urbem aliquam regentes. sequitur ut ea-
 dem sit in his, quæ in genere humano, ratio: eadem
 ueritas utrobq; sit: eademq; lex: quæ est recti præ-
 ceptio, prauiq; depulsio. ex quo intelligitur pruden-
 tiam quoq; & mentem a dijs ad homines peruenisse:
 ob eamq; causam maiorum institutis mens, fides, uir-
 tus, concordia, consecratæ, & publice dedicatæ sunt.
 quæ qui conuenit penes deos esse negare? cum eorum
 augusta, & sancta simulacra ueneremur? quod si inest
 in hominum genere mens, fides, uirtus, concordia:
 unde hæc in terras, nisi a superis, defluere potue-
 runt? cumq; sit in nobis consilium, ratio, pruden-
 tia: necesse est deos hæc ipsa habere maiora: nec ha-
 bere solum: sed etiam his uti in maximis, & optimis
 rebus. nihil autem est nec maius, nec melius mundo.
 necesse est ergo eum deorum consilio, & providentia
 administrari. Postremo cum satis docuerimus hos esse
 deos,

deos, quorum insignem vim, & illustrem faciem uideremus: solem dico, & lunam, & uagas stellas, & inerrantes, & celum, & mundum ipsum, & earum rerum vim, quæ inessent in omni mundo cum magno usu, & commoditate generis humani: efficitur omnia regi diuina mente atq; prouidentia. Ac de prima quidem parte satis dictum est. sequitur ut doceam omnia subiecta esse naturæ: eaq; ab ea pulcherrime regi. sed quid sit ipsa natura explicandum est ante breuiter: quo facilius id, quod docere uolumus, intelligi possit. Namq; alij naturam censent esse vim quandam, siue rationem, cientem motus in corporibus necessarios. alij autem vim participem rationis, atq; ordinis, tanquam uia progredientem, declarantemq; quid cuiusq; rei causa efficiat: quid sequatur. cuius solertiam nulla ars, nulla manus, nemo opifex consequi possit imitando. seminis enim vim esse tantam: ut id, quanquam sit perexiguum, tamen si inciderit in concipientem, comprehendentemq; naturam: nactumq; sit materiam, qua ali, augetiq; possit: ita fingat, & efficiat in suo quicq; genere: partim ut tantum modo per stirpes alantur suas: partim ut moueri etiam, & sentire, & appetere possint: & ex sese similia sui gignere. sunt autem qui omnia naturæ nomine appellent: ut Epicurus: qui ita diuidit: omnium quæ sint, naturam esse, corpora, & inane, quæq; his accidunt. sed nos cum dicimus natura constare, administrariq; mundum: non ita dicimus ut glebam, aut fragmentum lapidis, aut aliquid eiusmodi nulla coherendi natura: sed ut arborem, ut animal: in quibus nulla temeritas, sed ordo apparet, & artis quæ-

DE NATURA DEORVM

dam similitudo. quod si ea, quæ à terra stirpibus continentur, arte naturæ uiuunt, & uigent: profecto ipsa terra eadem ui continetur & arte naturæ: quippe quæ grauidata seminibus omnia pariat, et fundat ex sese: stirpes amplexa alat, & augeat: ipsaq; alatur uicissim à superis, externisq; naturis. eiusdemq; expirationibus aër alitur, & æther, & omnia sydera: ita si terra natura tenetur, & uiget: eadem ratio in reliquo mundo est. stirpes enim terræ inhærent: animantes autem à spiratione aëris sustinētur: ipseq; aër nobiscum uidet: nobiscum audit: nobiscum sonat. nihil enim eorum sine eo fieri potest. quin etiam mouetur nobiscum. quacunq; enim imus, quacunq; mouemur, uidetur quasi locum dare, & cedere. quæq; in medium locum mundi, qui est infimus, & quæ à medio in superum, quæq; conuersione rotunda circum medium feruntur, ea continentem mundi efficiunt; unamq; naturam. & cum quattuor sint genera corporum: uicissitudine eorum mundi continuata natura est. nam ex terra aqua, ex aqua oritur aër, ex aëre æther: deinde retrorsum uicissim ex æthere aër, ex aëre aqua, ex aqua terra infima. sic naturis his, ex quibus omnia constant, sursum, deorsum, ultro, citroq; commeantibus, mundi partium coniectio continetur. quæ aut sempiterna sit necesse est, hoc eodem ornatu, quem uidemus: aut certe per diuturna, permanens ad longinquum, & immensum penè tempus. quorum utrumuis ut sit: sequitur natura mundum administrari. quæ enim classium nauigatio, aut quæ instructio exercitus, aut rursus (ut ea quæ natura efficit conferamus) quæ procreatio uitis, aut arboris, quæ
porro

porro animantis figura conformatioq; membroru, tam
tam naturæ solertiam significat? quantam ipse mun-
dus? aut igitur nihil est quod sentiente natura regatur:
aut mundum regi confitendum est. etenim qui reliquas
naturas omnes, earumq; semina contineat: qui potest
ipse non natura administrari? ut si quis dantis, &
pubertatem natura dicat existere: ipsum autem ho-
minem, cui ea existant, non constare natura: non
intelligat ea, quæ efferant aliquid ex se, perfectiorem
habere naturam, quàm ea quæ ex his efferantur.
omnim autem rerum quæ natura administrantur se-
minator, & sator, & parens, ut ita dicam, atq; edu-
cator, & altor est mundus: omniaq; sicut membra, &
partes suas, nutritur, & continet. quod si mundi
partes natura administrantur: necesse est mundum
ipsum natura administrari: cuius quidem admini-
stratio nihil habet in se, quod reprehendi possit. ex
ijs enim naturis, quæ erant, quod effici potuit opti-
mum, effectum est. doceat ergo aliquis potuisse me-
lius. sed nemo unquam docebit. & si quis corrigere
aliquid uolet: aut deterius faciet: aut id quod fieri
non potuit, desiderabit. quod si omnes mundi partes
ita constitutæ sunt: ut neq; ad usum meliores potue-
rint esse: neq; ad speciem pulchriores: uideamus utrū
ea fortuita sint: an eo statu, quo coherere nullo mo-
do potuerint, nisi sensu moderante, diuināq; proui-
dentia. Si ergo meliora sunt ea, quæ natura, quàm
illa, quæ arte profecta sunt: nec ars efficit quicquam
sine ratione: ne natura quidem rationis expers est ha-
benda. qui igitur conuenit signum, aut tabulam pi-
ctam cum aspexeris: scire adhibitam esse artem? cūq;

DE NATURA DEORVM

procul cursum nauigij uideris : non dubitare quin id ratione atq; arte moueatur : aut cum solarium uel descriptum , aut ex aqua contemplare : intelligere declarari horas arte , non casu : mundum autem , qui & has ipsas artes , & earum artifices , & cuncta complectatur : consilij , & rationis esse expertem putare : quod si in Scythiam , aut in Britanniam , spheram aliquis tulerit hanc , quam nuper familiaris noster effecit Possidonius : cuius singulae conuersiones idem efficiunt in sole , & in luna , & in quinque stellis errantibus , quod efficitur in caelo singulis diebus , & noctibus : quis in illa barbarie dubitet , quin ea sphaera sit perfecta ratione : hi autem dubitant de mundo , ex quo oriuntur , & fiunt omnia : casu ne ipse sit effectus , an necessitate aliqua , an ratione , an mente diuina : & Archimedem arbitrantur plus ualuisse in imitandis sphaerae conuersionibus : quam naturam in efficiendis : praesertim cum multis partibus sine illa perfecta , quam haec simulata solertius . Atq; ille apud Aetium pastor , qui nauem nunquam ante uidisset : ut procul diuinum , et nouum uehiculum argonautarum e monte conspexit : primo admirans , & perterritus hoc modo loquitur :

- » - tanta moles labitur
- » Fremebunda ex alto ingenti sonitu & spiritu.
- » Praese undas uoluit : uertices uis suscitatur :
- » Ruit prolapsa : pelagus respergit : restat :
- » Ita dum interruptum credas nimbum uoluer :
- » Dum quod sublime uentis expulsum rapi
- » Saxum , aut procellis : uel globosos turbines
- » Existere ictos undis concursantibus .
- » Nisi quas terrestres pontus strages conciet :

Aut forte

- » Aut forte triton fuscina euertens specus,
 » Subter radices penitus undanti in freto
 » Molem ex profundo saxeam ad cælum uomit.
 Dubitat primo quæ sit ea natura, quam cernit igno-
 tam: idemq; inuenibus uisis, auditoq; nautico cantu,
 » Sicut inati atq; alacres rostris persfremunt
 » Delphini- item alia multa.
 » -syluari melo
 » Consimilem ad aures cantum, & auditum refert.
 Ergo ut hic primo aspectu inanimatum quiddam sen-
 suq; uacuum se putat cernere: post autem signis certio-
 ribus, quale sit id, de quo dubitauerat, incipit suspi-
 cari: sic philosophi debuerunt, si forte eos primus
 aspectus mundi conturbauerat: postea cum uidissent
 motus eius finitos, & æquabiles, omniaq; ratis ordi-
 nibus moderata, immutabilisq; constantia: intelligere
 inesse aliquem non solum habitatorem in hac cælesti
 ac diuina domo, sed etiam rectorem, & moderato-
 rem, & tanquam architectum tanti operis, tantiq;
 muneris. nunc autem mihi uidentur ne sufficari qui-
 dem, quanta sit admirabilitas cælestium rerum, atq;
 terrestrium. Principio enim terra sita in media parte
 mundi circumfusa undiq; est hac animabili, spirabilisq;
 natura: cui nomen est aër: græcum illud quidem sed
 receptum iam tamen usu a nostris: tritum est enim
 pro latino. hunc rursus amplectitur immensus æther:
 qui constat ex altissimis ignibus. mutuemur hoc quoq;
 uerbum: dicaturq; tam æther latine, quàm dicitur
 aër: & si interpretatur Pacuius
 » Hoc, quod memoro, nostri cælū, graui phibent æthera.
 quasi uero non grauius hoc dicat, at latine loquitur. si-

DE NATURA DEORVM

quidem nos non quasi græce loquentem audiamus.
docet idem alio loco

» Graiugena de isto aperit ipsa oratio .
sed ad maiora redeamus . Ex æthere igitur innume-
rabiles flammæ syderum existunt : quorum est prin-
ceps sol, omnia clarissima luce collustrans, multis par-
tibus maior atq; amplior, quàm terra uniuersa: de-
inde reliqua sydera magnitudinibus immensis. Atq; hi
tanti ignes, tamq; multi, non modo nihil nocent ter-
ris, rebusq; terrestribus : sed ita prosunt: ut, si mota
loco sint: conflagrare terras necesse sit a' tantis ardo-
ribus, moderatione & temperatione sublata. Hic ego
non mirer esse quenquam? qui sibi persuadeat corpo-
ra quædam solida, atq; indiuidua, ui & grauitate
ferri: mundumq; effici ornatissimum, & pulcherri-
mum ex eorum corporu concursione fortuita? hoc qui
existimat fieri potuisse: non intelligo cur non idem
putet, si innumerabiles unius, & uiginti formæ lit-
terarum uel aureæ, uel quales libet, aliquo conijcian-
tur: posse ex his in terram excussis, annales Ennij,
ut deinceps legi possint, effici: quod nescio an ne
in uno quidem uersu possit tantum ualere fortuna. isti
autem, quemadmodum asseuerant ex corpusculis non
colore, non qualitate aliqua, quam ποιότητα græci
uocant, non sensu præditi, sed concurrentibus teme-
re, atq; casu, mundum esse perfectum? uel innume-
rabiles potius in omni puncto temporis, alios nasci,
alios interire? quod si mundum efficere potest concur-
sus atomorum: cur porticum, cur templum, cur do-
mum, cur urbem non potest? quæ sunt minus opero-
sa: & multo quidem facilia. certe ita temere de mun-
do effutunt:

do effutiunt : ut mihi quidem nunquam hunc admirabilem cæli ornatum , qui locus est proximus : suspexisse uideantur. Præclare ergo Aristoteles , si essent inquit , qui sub terra semper habitauissent bonis , & illustribus domicilijs : quæ essent ornata signis , atq; picturis , instructa q; rebus his omnibus , quibus abundant hi , qui beati putantur : nec tamen exissent unquam supra terram : acceperunt autem fama , & auditione , esse quoddam numen , & uim deorum : deinde aliquo tempore patefactis terræ faucibus , ex illis abditis sedibus euadere in hæc loca , quæ nos incolimus , atq; exire potuissent : cum repente terram , & maria , cælumq; uidissent : nubium magnitudinem , uentorumq; uim cognouissent : aspexissentq; solem : eiusq; tum magnitudinem , pulchritudinemq; , tum etiam efficiantiam cognouissent : q; is diem efficeret , toto cælo luce diffusa : cum autem terras nox opacasset : tum cælum totum cererent astris distinctum , & ornatum : lunæq; luminum uarietatem tum crescentis , tum senescentis , eorumq; omnium ortus , & occasus , atque in omni æternitate ratos , immutabilesq; cursus : quæ cum uiderent : profecto & esse deos , & hæc tanta opera deorum esse arbitrarentur . Atq; hæc quidem ille . Nos autem tenebras cogitemus tantas : quantæ quondam eruptione ethneorum ignium finitimas regiones obscurauisse dicuntur : ut per biduum nemo hominem homo agnosceret : cum autem tertio die sol illuxisset : tum ut reuixisse sibi uiderentur . quod si hoc idem ex æternis tenebris contingeret : ut subito lucem aspiceremus : quænam species cæli uideretur ? sed assiduitate quotidiana , & consuetudine oculorum ,

DE NATURA DEORVM

assuescunt animi : neq; admirantur : neq; requirunt rationes earum rerum , quas semper uident : perinde quasi nouitas nos magis , quam magnitudo rerum debeat ad exquirendas causas excitare . quis enim hunc hominem dixerit ? qui cum tam certos cæli motus , tam ratos astrorum ordines , tamq; omnia inter se connexa , & apta uiderit : neget in his ullam inesse rationem : eaq; casu fieri dicat : quæ quanto consilio gerantur : nullo consilio assequi possumus . An cum machinatione quadã moueri aliquid uidemus : ut spheram , ut horas , ut alia permulta : non dubitamus quin illa opera sint rationis ? cum autem impetum cæli admirabili cum celeritate moueri , uertiq; uideamus , constantissime conficiantem uicissitudines anniuersarias , cum summa salute , & conseruatione rerum omnium : dubitamus quin ea non solum ratione fiant ? sed etiam excellenti quadam diuinãq; ratione ? Licet enim iam remotâ subtilitate disputandi oculis quodammodo contemplari pulchritudinem rerum earum , quas diuina prouidentia dicimus constitutas . Ac principio terra uniuersa cernatur locata in media mundi sede , solida , & globosa , & undiq; ipsa in sese nutibus suis conglobata , uestita floribus , herbis , arboribus , frugibus . quorum omnium incredibilis multitudo insatiabili uarietate distinguitur . adde huc fontium gelidas perennitates , liquores perlucidos amnium , riparum uestitus uiridissimos , speluncarum concauas altitudines , saxorum asperitates , impendentium montium altitudines , immensitatesq; camporum . adde etiam reconditas auri , argentiq; uenas , infinitamq; uim marmoris . quæ uero , & quàm uaria genera bestiarum , uel acutum ,

uel ferarum? qui uolucrum lapsus, atq; cantus? qui pe-
 gnum pastus? quæ uitæ siluestrium? quid iam de ho-
 minum genere dicam? qui quasi cultores terræ consti-
 tuti, non patiuntur eam nec immanitate beluarum ef-
 ferari: nec stirpium asperitate uastari: quorumq; ope-
 ribus agri, insulæ, littoraq; collucens, distincta testis, et
 urbibus. quæ, si ut animis, sic oculis uidere posse-
 mus: nemo cunctam intuens terram, de diuina ratione
 dubitaret. At uero quanta maris est pulchritudo?
 quæ species uniuersi? quæ multitudo, et uarietas insu-
 larum? quæ amenitates orarum, et littorum? quot
 genera quamq; disparia partim submersarum, partim
 fluitantium, et innatantium beluarum? partim ad
 saxa natuis testis inhaerentium? ipsum autem mare
 sic terram appetens littoribus cludit: ut una ex dua-
 bus naturis conflata uideatur. Exinde mari finitimus
 aer, die, et nocte distinguitur. isq; tum fusus et exte-
 nuatus in sublime fertur: tum autem concretus in nu-
 bes cogitur: humoremq; colligens terram auget imbri-
 bus: tum effluens huc et illuc uentos efficit. idem an-
 nias frigorum, et calorum facit uarietates: idemq; et
 uolatus alitum sustinet: et spiritu ductus alit, et su-
 stentat animantes. Restat ultimus et à domicilijs no-
 stris altissimus omnia cingens et coercens cali com-
 plexus: qui idem æther uocatur: extrema ora, et
 determinatio mundi: in quo cum admirabilitate ma-
 xima igneæ formæ cursus ordinatos definitum. ex qui-
 bus sol, cuius magnitudine multis partibus terra su-
 peratur: circum eam ipsam uoluitur: isq; oriens, et
 occidens, diem, noctemq; conficit: et modo accedens,
 tum autem recedens, binas in singulis annis reuersiones

DE NATURA DEORVM

ab extremo contrarias facit: quarum intervallo tum
quasi tristitia quadam contrahit terram: tum vicissim
laetificat: ut cum caelo hilarata uideatur. Luna au-
tem, quæ est, ut ostendunt mathematici, maior quàm
dimidia pars terræ: hisdem spacijs uagatur, quibus
sol. sed tum congregiendi cum sole, tum digrediendi,
et eam lucem, quam à sole accipit, mittit in terras:
et uarias ipsa mutationes lucis habet. atq; etiam, tum
subiecta, atq; opposita soli, radios eius, et lumen ob-
scurat: tum ipsa incidens in umbram terræ, cum est
e regione solis, interposita, interiectaq; terræ repente
deficit. hisdemq; spacijs hæ stellæ, quas uagas dicimus,
circum terram feruntur: eodemq; modo oriuntur, et
ocidunt. quarum motus tum incitantur: tum retardan-
tur: sæpe etiam insistent. quo spectaculo nihil potest
admirabilius esse: nihil pulchrius. Sequitur stellarum
inerrantium maxima multitudo: quarum ita descri-
pta distinctio est: ut ex notarum figurarum similitu-
dine nomina inuenerint. Atq; hoc loco me intuens,
ut ait inquit carminibus Arati eis, quæ a te admodum
adolescentulo cuncta, ita me delectant, quia latina
sunt: ut multa ex ijs memoria teneam. Ergo ut oculis
assidue uidemus sine ulla mutatione, aut uarietate:

» Cætera labuntur celeri cælestia motu:

» Cum caeloq; simul noctesq; diesq; feruntur.

Quorum contemplatione nullius expleri potest ani-
mus naturæ constantiam uidere cupientis.

» Extremusq; adeo duplici de cardine uertex

» Dicitur esse polus. =

hunc circum arctus duæ feruntur, nunq; occidentes.

» Ex his altera apud græcos cynosura uocatur:

- » Altera dicitur esse helice.
 cuius qdem clarissimas stellas totis noctibus cernimus.
 » Quas nostri septem soliti uocitare triones.
 Paribusq; stellis similiter distinctis eundem celi uer-
 ticem lustrat parua cynosura.
 » Hac fidunt duce nocturna phoenices in alto.
 » Sed prior illa magis stellis distincta refulget:
 » Et late prima confestim a nocte uidetur.
 » Hæc uero parua est. sed nautis usus in hac est:
 » Nam cursu interiore breui conuertitur orbe.
 Et quo sit earum stellarum admirabilior aspectus.
 » Has inter ueluti rapido cum gurgite flumen:
 » Torui draco serpit subter, supraq; reuoluens
 » Sese, conficiensq; sinus e corpore flexos.
 Eius cum totius est præclara species: imprimis suspi-
 cienda est figura capitis, atq; ardor oculorum.
 » Huic non una modo caput ornans stella relucet:
 » Verum tempora sunt duplici fulgore notata:
 » E' truncibusq; oculis duo feruida lumina flagent:
 » Atq; uno mentum radianti sydere lucet:
 » Obstipum caput & tereti ceruice reflexum
 » Obtutum in cauda maioris figere dicas.
 Et reliquum quidem corpus draconis totis noctibus
 cernimus.
 » Hoc caput hic paulum sese subitoq; recondit:
 » Ortus ubi atq; obitus parte admiscetur in una.
 Id autem caput,
 » Attingens defessa uelut merentis imago
 uertitur. — quam quidem græci
 » Engonasin uocitant: genibus quia nixa feratur.
 » Hic illa eximio posita est fulgore corona.

DE NATURA DEORVM

Atq; hæc quidem a tergo: propter caput autem anguitenens:

- » Quem claro perhibent Ophiucum nomine graij.
- » Hic pressu duplici palmarum continet anquem:
- » Atq; ei ipse manet religatus corpore toto.
- » Nanq; uirum medium serpens sub pectora cingit.
- » Ille tamen nitens grauius uestigia ponit:
- » Atq; oculos urget pedibus: pectusq; Nepai.
- Septentriones autem sequitur
- » Arctophylax uulgo qui dicitur esse bootes:
- » Quod quasi themone adiunctam præ se quatit arctū.
- Dein quæ sequuntur. hinc enim
- » Boeti subter præcordia fixa uidetur
- » Stella micans radijs arcturus nomine claro:
- Cui subiecta fertur:
- » Spicum illustre tenens splendenti corpore uirgo.
- Atq; ita demetata signa sunt: ut in tantis descriptionibus diuina solertia appareat.
- » Et natos geminos inuises sub caput arcti.
- » Subiectus media est cancer: pedibusq; tenetur
- » Magnu' leo tremulam quatiens e corpore flammam.
- Auriga
- » Sub leua geminorum obductus parte feretur.
- » Aduersum caput huic helice truculenta tuetur.
- » At capra leuum humerum claro obtinet. =
- tum quæ sequuntur.
- » Verum hæc est magno atq; illustri prædita signo.
- » Contra hædi exiguum iaciunt mortalibus ignem.
- cuius sub pedibus.
- » Corniger est ualido connexus corpore taurus.
- Eius caput stellis conspersum est frequentibus:

Has græci stellas hyadas uocitare suerunt
 à pluendo, ùr enim est pluere. nostri imperite suc-
 culas, quasi à suibus essent, non ab imbribus nomi-
 natæ. minorem autem septentrionem Cepheus passis
 palmis terga subsequitur.

Namq; ipsum ad tergum cynosuræ uertitur arcti.
 Hunc antecedit:

Obscura specie stellarum casiopea.

Hanc autem illustri uersatur corpore propter
 Andromeda, aufugiens aspectum mœsta parentis.

Huic equus ille iubam quatiens fulgore micanti

Summum contingit caput aluo: stellaq; iungens

Vna, tenet duplices communi lumine formas,

Aeternum ex astris cupiens connectere nodum.

Exin contortis aries cum cornibus hæret.

Quem propter

Pisces, quorum alter paulum prælabitur ante.

Et magis horriferis aquilonis tangitur alis.

Ad pedes andromedæ Perseus describitur.

Quem summa ab regione aquilonis flamina pulsant.

Cuius propter leuum genu

: uergiliæ tenui cum luce uidebis.

Inde fides leuiter posita & connexa uidetur.

Inde est ales auis lato sub tegmine cæli.

Capiti autem equi proximat aquarij dextra: totusq;
 deinceps aquarius.

Tum gelidum ualido de pectore frigus anhelans,

Corpore semifero magno capricornus in orbe.

Quem cum perpetuo uisuit lumine titan:

Brumali flectens contorquet tempore currum.

binc autem aspicitur

DE NATURA DEORVM

- » Vt sese emergens ostendat scorpius alte
 - » Posteriore trahens flexum ui corporis arcum.
 - » Quem propter nitens pennis conuoluitur ales.
 - » At propter se aquilam ardenti cum corpore portat.
- Deinde delphinus.
- » Exinde orion obliquo corpore nitens:
quem subsequens,
 - » Feruidus ille canis stellarum luce refulget.
Post lepus subsequitur,
 - » Curriculum nunquam defesso corpore sedans.
 - » At canis ad caudam serpens prolabitur argo.
 - » Hanc aries tegit, & squamoso corpore pisces,
 - » Fluminis illustri tangentem corpore ripas.
- Quem longe serpentem & manantem
- » -aspicias: proceraq; uincla uidebis:
 - » Quæ retinent pisces caudarum a parte locata:
 - » Inde Nepæ cernes propter fulgentis acumen
 - » Aram: quam flatu permulcet spiritus austri:
propter quæ centaurus:
 - » Cædit equi partis properans subiungere cetis.
 - » Hinc dextram porgens, quadrupes qua uasta tenetur:
 - » Tendit: & illustrem truculentus cædit ad aram.
 - » Hic sese infernus e partibus erigit hydra:
Cuius longe corpus est fustum:
 - » In medioq; sinu fulgens cratera relucet.
 - » Extremam nitens plumato corpore coruus
 - » Rostro tundit: & hic geminis est ille sub ipsis
 - » Antecænem graio procyon qui nomine fertur.
- Hæc omnis descriptio syderum, atq; hic tantus cæli
ornatus, ex corporibus huc, & illuc casu, & temere
concurfantibus potuisse effici, cuiquam sano uideri
potest.

potest? aut uero alia quæ natura mentis & rationis
 expers hæc efficere potuit? quæ non modo ut fierent,
 ratione egerunt: sed intelligi qualia sint, sine sum-
 ma ratione non possunt? Nec uero hæc solum admi-
 rabilia: sed nihil maius: q̃ q̃ ita stabilis est mundus:
 atq; ita coheret ad permanendum: ut nihil ne exco-
 gitari quidem possit aptius omnes enim partes eius
 undiq; medium locum capessentes, nituntur æqualiter:
 maxime autem corpora inter se iuncta permane-
 re: cum quodam quasi uinculo circumdata colligantur:
 quod facit ea natura: quæ per omnem mundū omnia
 mente, & ratione conficiens funditur: & ad medium
 rapit: & conuertit extrema. quo circa si mundus glo-
 bosus est: ob eamq; causam omnes eius partes undiq;
 æquales ipsæ per se atq; inter se continentur: contin-
 gere idem terræ necesse est: ut omnibus eius partibus
 in medium uergentibus (id autem medium infimum
 in sphaera est) nihil interrumpat: quo labefactari
 possit tanta contentio grauitatis, & ponderū. eademq;
 ratione mare cum supra terrā sit: mediū tamen terræ
 locū expetens: conglobatur undiq; æqualiter: neq; re-
 dundat unquam: neq; effunditur. huic autem continēs
 aër fertur ille quidem leuitate sublimi: sed tamen in
 omnes partes se ipse fundit. itaq; et mari continuatus,
 et iunctus est: et natura fertur ad cælum: cuius tenui-
 tate, & calore temperatus, uitalem, & salutarem
 spiritum præbet animantibus. quem complexa sum-
 ma pars cæli quæ æther dicitur: & suum retinet ar-
 dorem tenuem, & nulla admistione concretum: &
 cum aëris extremitate coniungitur. In æthere autem
 astra uoluntur: quæ se & nixu suo conglobata con-

DE NATURA DEORVM

tinent: & forma ipsa figurâq; sua momenta susten-
 tant: sunt enim rotundâ: quibus formis, ut ante di-
 xisse uideor, minime noceri potest. sunt autem stellæ
 natura flammæ: quo circa, terræ, maris, aquarum
 uaporibus aluntur his, qui à sole ex agris tepefa-
 ctis, & ex aquis excitantur: quibus altæ, renouatæq;
 stellæ, atq; omnis æther, refundunt eadem: & rur-
 sum trahunt in idem: nihil ut fere intereat: aut ad-
 modum paululum: quod astrorum ignis, & ætheris
 flamma consumat. ex quo euenturum nostri putant
 id, de quo Panetium addubitare dicebant: ut ad ex-
 tremum omnis mundus ignesceret: cum humore con-
 sumpto, neq; terra ali posset: neq; remearet dër: cuius
 ortus, aqua omni exhausta esse non posset. ita relinqui
 nihil præter ignem. à quo rursum animante, ac deo
 renouatio mundi fieret: atq; idem ornatus oriretur.
 Nolo in stellarum ratione multus uobis uideri: maxi-
 meq; earum, quæ errare dicuntur: quarum tantus est
 concentus ex dissimillimis motibus: ut cum summa
 Saturni refrigeret: media Martis incendat: his inte-
 riecta Iouis illustret, & temperet: infraq; Martem
 duæ soli obediant: ipse sol mundum omnem sua luce
 compleat: ab eoq; luna illuminata grauiditates, &
 partus afferat, maturitatesq; gignendi. quæ copula-
 tio rerum, & quasi consentiens ad mundi incolumi-
 tatem, coagmentatio naturæ, quem non commouet:
 hunc horum nihil unquam reputauisse certo scio.
 Age ut à cælestibus rebus, ad terrestres ueniamus:
 quid est in his: in quo non naturæ ratio intelligentis
 appareat? principio eorum quæ gignuntur è terra,
 serpēs & stabilitatem dant ijs, quæ sustinent: &
ex terra

ex terra suum trahunt: quo alantur ea, quæ radi-
 cibus continentur: obducunturq; libro aut cortice trun-
 ci: quo sint à frigoribus, & à caloribus tutiores. Iam
 uero uites sic clauiculis adminicula, tanquam mani-
 bus apprehendunt: atq; ita se erigunt: ut animan-
 tes. quin etiam à caulibus, brassicisq; , si propè sati
 sint, ut à pestiferis, & nocentibus refugere dicun-
 tur: nec eos ulla ex parte contingere. Animantium
 uero quanta uarietas est? quanta ad eam rem uis?
 ut in suo quæq; genere permaneant? quarum aliæ
 corijs tectæ sunt: aliæ uillis uestitæ: aliæ spinis hirsu-
 tæ: pluma alias: alias squama uidemus obductas:
 alias esse cornibus armatas: alias habere effugia pē-
 narum. pastum autem animantibus large & copiose
 natura eum, qui cuiq; aptus erat, comparauit. Enu-
 merare possum ad eum pastum capeffendum, confi-
 ciendumq; , quæ sit in figuris animantium, & quam
 solers subtilisq; descriptio partium: quamq; admi-
 rabilis fabrica membrorum. omnia enim, quæ qui-
 dem intus inclusa sunt: ita nata, atq; ita locata sunt:
 ut nihil eorum superuacaneum sit: nihil ad uitam
 retinendam non necessarium. dedit autem eadem
 natura beluis & sensum, & appetitum: ut altero
 conatum haberent ad naturales pastus capeffendos:
 altero secernerent pestifera à salutaribus. Iam uero
 alia animalia gradiendo, alia serpendo ad pastum
 accedunt: alia uolando, alia nando: cibumq; partim
 oris hiatu, & dentibus ipsis capeffunt: partim ungui-
 um tenacitate arripiunt: partim aduncitate rostrorū:
 alia sugunt: alia carpunt: alia uorant: alia man-
 dunt. atq; etiam alia humiliata: ut cibum terrestrem

DE NATURA DEORVM

strems rostris facile contingant. quæ autem altiora
 sunt, ut anseres, ut cygni, ut grues, ut cameli: ad-
 iuvantur proceritate collorum. manus etiam data
 elephantis: quia propter magnitudinem corporis dif-
 ficiles aditus habebant ad pastum. at quibus bestiis
 erat is cibus: ut alius generis bestiis uiscerentur: aut
 vires natura dedit: aut celeritas data est: quibusdam
 etiam machinatio quædam atq; solertia: ut in ara-
 neolis, aliæ quasi rete texunt: ut si quid inhæserit
 conficiant: aliæ autem ex inopinato observant: Et si
 quid incidit, arripiunt: idq; consumunt. Pinna ue-
 ro (sic enim græce dicitur) duabus grandibus patula
 conchis cum parua squilla quasi societatem coit com-
 parandi cibi. itaq; cum pisciculi parui in concham
 hiantem innatauerint: tum admonita à squilla pinna
 morfu cõprimit conchas. sic dissimillimis bestiolis com-
 munitè cibus quæritur. in quo admirandum est, con-
 gressu ne aliquo inter se, an iam inde ab ortu natu-
 ræ congregatæ sint. Est etiam admiratio nonnulla in
 bestiis aquatilibus his, quæ gignuntur in terra: ueluti
 crocodilli, fluuiatilesq; testudines, quædamq; serpen-
 tes ortæ extra aquam, simulac primum niti possunt:
 aquam persequuntur. quin etiam anatum ova galli-
 nis sæpe supponimus: ex quibus pulli orti primum
 aluntur ab ijs, ut à matribus: deinde eas relin-
 quunt, à quibus exclusi, fotiq; sunt: et effugiunt: cum
 primum aquam quasi naturalem domum uidere po-
 tuerunt. tantam ingenuit in animantibus conseruan-
 di sui natura custodiam. Legi etiam scriptum esse
 autem quandam: quæ platalea nominaretur: eam
 sibi cibum quærere aduolantem ad eas aues, quæ se
in mari

LIBER SECVNDVS. SI

in mari mergerent: quæ cum emerfissent: piscemq; coë-
pissent: usq; eo premere earum capita mordicus: dum
illæ captum amitterent. id quod ipsa inuaderet. ea-
demq; hæc auis scribitur conchis se solere complere:
easq; cum stomachi calore concoxerit, euomere: atq;
ita eligere ex ijs, quæ sunt esculenta. Ranae autem
marinae dicuntur obruere sese arena solere: Et ma-
ueri prope aquam: ad quas quasi ad escam pisces
cum accesserint, confici à ranis atq; consumi. Miluo est
quoddam bellum naturale cum coruo. ergo alter al-
terius ubicunq; nactus est, oua frangit. Illud uero ab
Aristotele animaduersum, à quo pleraq; quis potest
non mirari? Grues cum loca calidiora petentes, ma-
ria tran mittunt: trianguli formam efficere: eius
autem summo angulo aër ab ijs aduersus pellitur:
deinde sensim ab utroq; latere tanquam remis, ita
pennis cursus auium leuatur. basis autem trianguli,
quam grues efficiunt: ea tanquam à puppi uentis
adiunatur: hæq; in tergo præuolantium colla, Et ca-
pita reponunt. quod quia ipse dux facere non potest:
quia non habet ubi nitatur: renolat: ut ipse quoq;
quiescat. in eius locum succedit ex ijs quæ acquie-
uerunt: eaq; uicissitudo in omni cursu conseruatur.
Multa eiusmodi proferre possum: sed genus ipsum
uidetis. Iam uero illa etiam notiora quanto se opere
custodiant bestiae: ut in pastu circumspectent: ut in cu-
bilibus delitescant. Atq; illa mirabilia. quid ea, quæ
nuper, idest paucis ante sæculis medicorum ingenijs
reperta sunt? uomitione canis purgare alios ibes
egyptiæ curant. auditum est pantheras, quæ in bar-
baria uenenata carne caperentur: remedium quod-

DE NATURA DEORVM

dam habere: quo cum essent usæ, non morerentur. capras autem in Creta feras, cum essent confixæ ueneratis sagittis: herbam quærere, quæ dictamus uocatur: quam cum gustauissent, sagittas excidere dicunt ex corpore. Ceruæq; pauloante parum perpurgant se quadam herbula: quæ seselis dicitur. Iam illa ceruimus: ut contra metum, & uim suis se armis quæq; defendat. cornibus tauri, apri dentibus, morsu leones, aliæ fuga se, aliæ occultatione tutantur. atramenti effusione sepia, torpore terpedines. multæ etiam insectantes oloris intolerabili foeditate depellunt. Vt uero perpetuus mundi esset ornatus: magna adhibita cura est a' providentia deorum, ut semper essent, & bestiarum genera, & arborum, omniumq; rerum, quæ altæ aut radicibus a' terra, aut stirpibus continerentur. quæ quidem omnia eam uim seminis habent in se: ut ex uno plura generentur: idq; semen inclusum est in intima parte earum bacarum, quæ ex quaq; stirpe funduntur: iisdemq; seminibus, & homines assatim uescuntur: & terræ eiusdem generis stirpium renouatione complentur. quid loquar quantæ ratio in bestiis ad perpetuam conseruationem earum generis appareat? nam primum aliæ mares, aliæ fœminæ sunt: quod perpetuitatis causa machinata natura est. deinde partes corporis, & ad procreandum, et ad concipiendum aptissimæ: & in mari, & in fœmina commiscendorum corporum miræ libidines. cum autem in locis semen insedit: rapit omnem fere cibum ad sese: eoq; septum fingit animal. quod cum ex utero elapsum excidit: in ijs animalibus, quæ lacte aluntur: omnis fere cibus matrum lactescere

lactescere incipit: eaq; quæ paulo ante nata sunt, sine magistro, duce natura, mammas appetunt: earumq; ubertate saturantur. Atq; ut intelligamus nihil horum esse fortuitum: & hæc omnia esse providæ, solertisq; naturæ: quæ multiplices foetus procreant, ut sues, ut canes: his mammarum data est multitudo: quas easdē paucae habent hæ bestiae, quæ pauca gignunt. quid dicam quantus amor bestiarum sit in educandis custodiendisq; ijs: quæ procreverint, usq; ad eum finē: dum possint se ipsa defendere? & si pisces, ut aium, ova cum genuerunt, relinquunt. facile enim illa aqua & sustentur: et foetum fundunt. Testudines autem & crocodillos dicunt, cum in terra partū ediderint: obruere ova: deinde discedere. ita & nascuntur, & educantur ipsa p se se. Iam gallinæ auesq; reliquæ & quietum requirunt ad pariendum locum: & cubilia sibi, nidosq; construunt: eosq; q̄ possunt mollissime substernunt: ut q̄ facillime ova seruentur: ex quibus pullos cum excluderint: ita tuerur: ut & pennis foueant: ne frigore lædantur: & si est calor: a sole se opponant. cum autem pulli pinnulis uti possunt: tum uolatus eorum matres prosequuntur: reliqua cura liberantur. Accedit etiam ad nonnullorum animantium, & earum rerum, quas terra gignit, conservationem, & salutem, hominum etiam solertia, & diligentia. nam multæ & pecudes, & stirpes sunt: quæ sine procuratione hominum saluæ esse non possunt. magnæ etiam opportunitates ad cultum hominum, atq; abundantiam aliæ alijs in locis reperiuntur. ægyptum nilus irrigat: & cum tota æstate obrutam, oppletamq; tenuerit: tum recedit: mollitesq; &

DE NATURA DEORVM

oblimatos agros ad ferendum relinquit. Mesopotamiam fertilem efficit Eufrates: in quam quotannos quasi novos agros inuehit. Indus uero, qui est omnium fluminum maximus: non aqua solum agros laetificat, & mitigat: sed eos etiam conferit. magnam enim ui seminum secum frumenti dicitur deportare. multaq; alia in alijs locis commemorabilia proferre possum: multos fertiles agros alios aliorum fructuum. sed illa quanta benignitas naturae? quod tam multa ad uescendum, tam uaria, tamq; iocunda gignit? neq; ea uno tempore anni: ut semper & nouitate delectemur, & copia. quam tempestuos autem dedit, quam salutare, non modo hominum, sed etiam pecudum generi, his deniq; omnibus, quae oriuntur e terra, uentos et estus? quorum flatu nimij temperantur calores. ab ijsdem etiam maritimi cursus celeres, & certi diriguntur. Multa praetereunda sunt: & tamen multa dicuntur. enumerari enim non possunt fluminum opportunitates, aestus maritimi multum accedentes, & recedentes, montes uestiti, atq; syluestres, salinae ab ora maritima remotissimae, medicamentorum salutarium plenissimae terrae, artes deniq; innumera-biles ad uictum, & ad uitam necessariae. Iam diei noctisq; uicissitudo conseruat animantes, tribuens aliud agendi tempus, aliud quiescendi. Sic undiq; omni ratione concluditur: mente, consilioq; diuino omnia in hoc mundo ad salutem omnium, conseruationemq; admirabiliter administrari. Sin quaeret quispiam: cuiusnam causa tantarum rerum molitio facta sit? arborum ne & herbarum? quae quanquam sine sensu sunt: tamen a natura sustentur? at id quidem

quidem absurdum est. an bestiarum? nihilo probabilius, deos mutarum, & nihil intelligentium causa tantum laborasse. quorum igitur causa quis dixerit effectum esse mundum? eorum scilicet animantium: quæ ratione utuntur. hi sunt dii & homines: quibus profecto nihil est melius. ratio est enim quæ præstat omnibus. itaq; fit credibile, deorum & hominum causa factum esse mundum, quæq; in eo sint omnia. faciliusq; intelligitur a dijs immortalibus hominibus esse prouisum: si erit tota hominis fabricatio perspecta, omnisq; humanæ naturæ figura, atq; perfectio. Nam cum tribus rebus animantium uita teneatur: cibo, potione, spiritu: ad hæc omnia percipienda os est aptissimum: quod adiunctis naribus spiritu augetur. dentibus autem in ore constructis manditur, atq; ab his extenuatur, et mollitur cibus. eorum aduersi acuti morsu diuiduntur escas: intimi autem conficiunt: qui genuini uocantur: quæ confectio etiam a lingua adiunari uidetur. linguam autem ad radices eius hærens excipit stomachus: quo primum illabuntur ea, quæ accepta sunt ore. is utraq; ex parte tonsillas attingens palato extremo, atq; intimo terminatur. atq; is agitatione & motibus linguæ cum depulsum, & quasi detrusum cibum accepit: depellit. ipsius autem partes eæ, quæ sunt infra quam id, quod deuoratur, dilatantur: quæ autem supra, contrahuntur. sed cum aspera arteria (sic enim a medicis appellatur) hostium habeat adiunctum linguæ radicibus, paulo supra, quam ad linguam stomachus annectitur: eaq; ad pulmones usq; pertineat: excipiatq; animam eam, quæ ducta sit spiritu: eandemq; a pulmonibus respiret, et red-

DE NATURA DEORVM

dat : tegitur quasi quodam operculo . quod ob eam
causam datum est : ne si quid in eam cibi forte inci-
disset, spiritus impediretur . sed cum alui natura su-
biecta stomacho, cibi, & potionis sit receptaculum :
pulmones autem, & cor extrinsecus spiritum addu-
cant : in alio multa sunt mirabiliter effecta : quæ con-
stant ferè ex nervis . est autem multiplex, & tortuosa :
arctetq; , & continet siue illud aridum est, siue humi-
dum, quod recipit : ut id mutari, & concoqui facile
possit : eaq; tum astringitur : tum relaxatur : atq; omne
quod accepit coquit, & confundit : ut facile & calore,
quem multum habet, & terendo cibo, & præterea
spiritu omnia coacta, atq; confecta in reliquum corpus
diuidantur . In pulmonibus autem inest raritas quæ-
dam, & assimilis spongijs mollitudo, ad hauriendum
spiritum aptissima : qui tum se contrahunt aspiran-
tes : tum spiritu dilatant : ut frequenter ducatur cibus
animalis : quo maxime aluntur animantes . ex intesti-
nis autè & alio secretis à reliquo cibo suatus is, quo
alimur, permanat ad iecur per quasdam à medio
intestino, usq; ad portas iecoris (sic enim appellant)
ductas, & directas vias : quæ pertinent ad iecur : eiq;
adhærent . atq; inde aliæ pertinentes sunt : per quas
cadit cibus à iecore dilapsus . ab eo cibo cum est se-
creta bilis, hiq; humores, qui ex renibus profundum
tur : reliqua se in sanguinem uertunt : ad easdem por-
tas iecoris confluunt : ad quas omnes eius viæ perti-
nent : per quas lapsus cibus in hoc ipso loco in eam
uenam, quæ caua appellatur, confunditur : perq; eam
ad cor confectus iam coactusq; perlabitur . à corde
autem in totum corpus distribuitur per uenas admo-

dum multas, in omnes partes corporis pertinentes. quemadmodum autem reliquiae cibi depellantur tum astringentibus se intestinis, tum relaxantibus: haud sane difficile dictu est: sed tamen praetereundum est: ne quid habeat iniucunditatis oratio. illa potius explicetur incredibilis fabrica naturae. nam quae spiritu in pulmones anima ducitur: ea calescit primum ab ipso spiritu: deinde coagitatione pulmonum: ex eaque pars redditur respirando: pars concipitur cordis parte quadam, quam uentriculum cordis appellant: cui similis alter adiunctus est: in quem sanguis à iecore per uenam illam cauam insluit. eoque modo ex his partibus & sanguis per uenas in omne corpus diffunditur: & spiritus per arterias. utraque autem crebrae, multaeque toto corpore intextae, uim quandam incredibilem artificiosi operis, diuinique testantur. quid dicam de ossibus? quae subiecta corpori mirabiles commissuras habent, & ad stabilitatem aptas, & ad artus finiendos accommodatas, & ad motum, & ad omnem corporis actionem. huc adde neruos: à quibus artus continentur: eorumque implicationem toto corpore pertinentem: qui, sicut uenae, & arteriae, à corde tractae, & profectae, in corpus omne ducuntur. Ad hanc prouidentiam naturae tam diligentem, tamque solertem adiungi multa possunt: e quibus intelligatur, quantae res hominibus à deo, quamque eximiae tributae sint: qui primum eos humo excitatos celsos, et erectos constituit: ut deorum cognitionem, caelum intuentes, capere possent. sunt enim e terra homines non ut incolae, atque habitatores, sed quasi spectatores superarum rerum, atque caelestium: quarum spectaculum ad

DE NATURA DEORVM

nullum aliud genus animantium pertinet. sensus autem
 interpretes ac nuncij rerum in capite tanquam in arce
 mirifice ad usus necessarios, et facti, et collocati sunt.
 nam oculi, tanquam speculatores, altissimum locum
 obtinent: ex quo plurima conspicientes, fungantur suo
 munere. et aures cum sonum recipere debeant: qui
 natura in sublime fertur: recte in altis corporum
 partibus collocatae sunt. itemque nares, eo quod omnis odor
 ad superiora fertur, recte sursum sunt: et quod cibi et
 potionis iudicium magnum earum est, non sine causa
 uicinitatem oris. secutae sunt. iam gustatus, qui sentire
 eorum, quibus uescimur, genera debet: habitat in
 ea parte oris: qua esculentis, et poculentis iter natu-
 ra patefecit. tactus autem toto corpore aequabiliter sus-
 sus est: ut omnes ictus, omnesque nimios et frigoris, et
 caloris appulsus sentire possimus. Atque ut in aedificijs
 architecti auertunt ab oculis et naribus dominorum
 ea, quae profluentia necessario tetri essent aliquid ha-
 bitura: sic natura res similes procul amandauit a
 sensibus. quis uero opifex, praeter naturam, qua ni-
 hil potest esse calidius: tantam solertiam persequi po-
 tuisset in sensibus? quae primum oculos membranis
 tenuissimis uestiuit, et sepsit: quas primum perluc-
 das fecit: ut per eas cerni posset: firmas autem, ut con-
 tinerentur. sed lubricas oculos fecit, et mobiles: ut et
 declinarent, siquid noceret: et aspectum quo uellent
 facile conuerterent. acieque ipsa, qua cernimus: quae pu-
 pillam uocatur: ita parua est: ut ea quae nocere possint,
 facile uitet. palpebraeque, quae sunt tegumenta oculorum,
 mollissimae tactu, ne laederent aciem, aptissime factae
 et ad claudendas pupillas, ne quid incideret: et ad

aperiendas: idq; prouidit ut identidem fieri possit cum maxima celeritate. munitæq; sunt palpebræ tanquam uallo pilorum: quibus & apertis oculis si quid incideret, repelleretur: & somno conuiuentibus, cum oculis ad cernendum non egeremus: ut qui tanquam inuoluti quiescerent. latent præterea utiliter: & excelsis undiq; partibus sepiuntur. primum enim superiora supercilijs obducta sudorem à capite, & fronte defluentem repellunt. genæ deinde ab inferiore parte tutantur subiectæ, leuiterq; eminentes. nasus ita locatus est: ut quasi murus oculis interiectus esse uideatur. auditus autem semper patet: eius enim sensu etiam dormientes egemus. à quo cum sonus est acceptus: etiam è somno excitamur. flexuosum iter habet: ne quid intrare possit: si simplex & directum pateret. prouisum etiam, ut si qua minima bestiola conaretur irrumpere: in sordibus aurium, tanquam in uisco inhaeresceret. extra autem eminent, quæ appellantur aures: & tegendi causa factæ, tutandiq; sensus: et ne adiectæ uoces laberentur, atq; errarent: priusq; sensus ab his pulsus esset. sed duros, & quasi corneolos habent introitus, multisq; cum flexibus: quod his naturis relatus amplificatur sonus. quo circa & infidibus testudine resonatur, aut cornu: & ex tortuosis locis, & inclusis referuntur ampliores. Similiter nares, quæ semper propter necessarias utilitates patent: contractiores habent introitus: ne quid in eas, quod noceat, possit peruadere: humoremq; semper habent ad puluerem, multaq; alia repellenda non inutile. Gustatus præclare sepius est: ore enim continetur, & ad usum apte, & ad incolumitatis custodiam. omnisq;

DE NATURA DEORVM

sensus hominum multo antecellit sensibus bestiarum. primum enim oculi in his artibus, quarum iudicium est oculorum, in pictis, fictis, celatisq; formis, in corporum etiam motione, atq; gestu, multa cernunt subtilius: colorum etiam, & figurarum, tum uenustatem, atq; ordinem, & ut ita dicam decentiam oculi iudicant. atq; etiam alia maiora: nam & uirtutes, & uitia cognoscunt: iratum, propitium, lætantem, dolentem, fortem, ignauum, audacem, timidumq; cognoscunt. Aurium item est admirabile quoddam, artificiosumq; iudicium: quo iudicatur & in uocis, & in tiliarum, neruorumq; cantibus, uarietas sonorum, interualla, distinctio, & uocis genera permulta: canorum, fuscum, lene, asperum, graue, acutum, flexibile, durum: quæ hominum solum auribus iudicantur. Nariumq; item, & gustandi, & aperte tangendi magna iudicia sunt. ad quos sensus capiendos, & perfruendos plures etiam quam uellem artes repertæ sunt. perspicuum est enim quo compositiones unguentorum, quo ciborum conditiones, quo corporum lenocinia processerint. Iam uero animum ipsum, mentemq; hominis, rationem, consilium, prudentiam, qui nou diuina cura perfectæ esse perspicit: is his ipsis rebus mihi uidetur carere. de quo dum disputarem: tuam mihi dari uelim Cotta eloquentiam. quo enim tu illa modo diceres? quantæ primum intelligentia, deinde consequentium rerum cum primis coniunctio, & comprehensio esset in nobis: ex quo uidelicet quid ex quibusq; rebus efficiatur, idq; ratione, concludimus: singulasq; res diffinimus: circumscripτεq; complectimur: ex quo sci-

entia intelligitur quam vim habeat : qualis sit : quane in deo quidem est res ulla præstantior . quanta uero illa sunt ? quæ uos academici infirmatis , & tollitis : quod & sensibus , & animo , ea quæ extra sunt percipimus : atq; comprehendimus . ex quibus collatis inter se , & comparatis artes quoq; efficimus , partim ad usum uitæ , partim ad oblectationem necessarias . Iam uero domina rerum (ut uos soletis dicere) eloquendi uis , quàm est præclara ? quamq; diuina ? quæ primum efficit ut ea , quæ ignoramus , discere , & ea , quæ scimus , alios docere possimus . deinde hac cohortamur : hac persuademus : hac consolamur afflictos : hac deducimus perterritos à timore : hac gestientes comprimimus : hac cupiditates , iracundiasq; restringimus : hæc nos iuris , legum , urbium societate deuinxit : hæc à uita immani , & fera segregauit . ad usum autem orationis incredibile est , nisi diligenter attenderis : quanta opera machinata natura sit . primum enim à pulmonibus arteria usq; ad os intimum pertinet : per quam uox principium à mente ducens , percipitur , & funditur . deinde in ore sita lingua est finita dentibus . ea uocem immoderate profusam , fingit , & terminat : quæ sonos uocis distinctos & pressos efficit , cum & ad dentes , & ad alias partes pellit oris . itaq; plectri similem linguam nostri solent dicere : cordarum dentes : nares cornibus his , qui ad nervos resonant in cantibus . Quam uero aptas quamq; multarum artium ministras manus natura homini dedit ? digitorum enim contractio facilis , facilisq; porrectio , propter molles commissuras , & artus , nullo in motu laborat . itaq;

DE NATURA DEORVM

ad pingendum, ad fingendū, ad sculpendū, ad ner-
uorum eliciendos sonos, ac tiliarum, apta manus est
ad motionem digitorum. Atq; hæc oblectationis illa ne-
cessitatis. cultus dico agrorum, extructionesq; tecto-
rum, tegumenta corporum uel texta, uel suta, om-
nemq; fabricam æris, & ferri: ex quo intelligitur
adiuuenta animo, percepta sensibus, adhibitis opi-
ficum manibus omnia nos consecutos: ut tecti, ut uestiti,
ut salui esse possimus: urbes, muros, domicilia, delu-
bra, haberemus. Iam uero operibus hominum, idest
manibus, cibi etiam uarietas inuenitur & copia.
nam & agri multa ferunt manu quæsitæ: quæ uel
statim consumantur: uel mandentur condita uetustati.
& præterea uescimur bestiis & terrenis, & aquati-
libus, & uolatilibus, partim capiendo, partim alen-
do. efficiamus etiam domitu nostro quadrupedum ue-
ctones: quorum celeritas, atq; uis, nobis ipsis af-
fert uim, & celeritatem. nos onera quibusdam be-
stiis, nos iuga imponimus: nos elephanthorum acu-
tissimis sensibus, nos sagacitate canum ad utilitatem
nostram abutimur: nos e terræ cauernis ferrum eli-
cimur, rem ad colendos agros necessariam: nos æris,
argenti, auri uenas penitus abditas inuenimus, &
ad usum aptas, & ad ornatum decoras: arborum
autem confectione, omniq; materia, & culta, & sil-
uestri, partim ad calefaciendum corpus igni adhi-
bita, & ad mitigandum cibum utimur: partim ad
ædificandum: ut tectis septi frigora, caloresq; pella-
mus. magnos uero usus affert ad nauigia facienda.
quorum cursibus suppeditantur omnes undiq; ad ui-
tam copię: quasq; res uolentissimas natura genuit,
cedunt

earum moderationem nos soli habemus: maris, atq;
uentorum, propter nauticarum rerum scientiam: plu-
rimisq; maritimis rebus fruimur, atq; utimur. ter-
renorum item commodorum: omnis est in homine do-
minatus. nos campis, nos montibus fruimur: no-
stri sunt amnes: nostri lacus: nos fruges serimus:
nos arbores: nos aquarum inductionibus terris fœ-
cunditatem damus: nos flumina arcemus: dirigimus:
aduertimus: nostris deniq; manibus in rerum natu-
ra quasi alteram naturam efficere conamur. quid ue-
ro? hominum ratio non in cælum usq; penetrauit?
soli enim ex animantibus nos astrorum ortus, obitus,
cursusq; cognouimus: ab hominum genere finitus est
dies, mensis, annus: defectiones solis & lunæ co-
gnitæ: prædictæq; in omne posterum tempus, quæ,
quantæ, quando futuræ sint. quæ contuens animus,
accipit ab his cognitionem deorum: ex qua oritur pie-
tas: cui coniuncta iustitia est, reliquæq; uirtutes: ex
quibus uita beata existit par, & similis deorum,
nulla re, nisi immortalitate, quæ nihil ad beneuiuen-
dum pertinet, cedens cælestibus. Quibus rebus expo-
sitis, satis docuisse uideor, hominis natura quanto
omnes anteiret animantes. ex quo debet intelligi nec
figuram, situmq; membrorum, nec ingenij mentisq;
uim talem, effici potuisse fortuna. Restat ut doceā,
atq; aliquando perorem, omnia, quæ sunt in hoc mun-
do, quibus utantur homines, hominum causa facta
esse, & parata. Principio ipse mundus deorum ho-
minumq; causa factus est: quæq; in eo sunt omnia,
ea parata ad fructum hominum; & inuenta sunt.
Est enim mundus quasi communis deorum atq; homi-

DE NATURA DEORVM

eorum domus, aut urbs utrorumq;. soli .n. ratione utentes iure, ac lege uiuunt. ut igitur Athenas, et Lacedæmonē, Atheniensium, Lacedæmoniorumq; causa putandum est conditas esse: omniaq; quæ sint in his urbibus, eorum populorum recte esse dicuntur: sic quæcunq; sunt in omni mundo, deorum, atq; hominum putanda sunt. Iam uero circuitus solis, & lunæ, reliquorumq; syderum, quamquam etiam ad mundi coherentiā pertinent: tamen & spectaculum hominibus præbent. nulla est enim insatiabilior species: nulla pulchrior: & ad rationem solertiamq; præstantior. eorum enim cursus demetiti, maturitates temporum, et uarietates, mutationesq; cognouimus. quæ si hominibus solis nota sunt: hominum causa facta esse iudicanda sunt. Terra uero foeta frugibus, & uario leguminum genere, quæ maxima largitate fundit, ea ferarum ne, an hominum causa gignere uidetur? quid de uitibus oliuetisq; dicam? quarum uberrimi latissimiq; fructus, nihil omnino ad bestias pertinent. neq; enim ferendi, neq; colendi, nec tempestiue demetendi, percipiendiq; fructus, neq; condendi, ac reponendi ulla pecudum scientia est: earumq; omnium rerum hominum est & usus, & cura. ut fides igitur, & tibiis, eorum causa factas dicendum est: qui illis uti possunt: sic ea, quæ diximus, solis hic confitendum est esse parata, qui utuntur. nec si quæ bestiae furantur aliquid ex his, aut rapiunt: illarum quoq; causa ea nata esse dicemus. neq; enim homines murium, aut formicarum causa frumentum condunt: sed coniugum, & liberorum, & familiarum suarum. itaq; bestiae furtim, ut dixi, fruuntur: domini palam, & libere. hominum igitur causa eas rerum

rerum copias comparatas fatendum est. nisi forte tanta ubertas, & uarietas pomorum, eorumq; iucundus non gustatus solum, sed odoratus etiam, & aspectus, dubitationem affert: quin hominibus solis ea natura donauerit. tantumq; abest, ut hæc bestiarum etiam causa parata sint: ut ipsas bestias hominum gratia generatas esse uideamus. quid enim oues aliud afferunt? nisi ut earum uillis confectis, atq; contextis, homines uestiantur? quæ quidem neq; ali, neq; sustentari, neq; ullum fructum edere ex se, sine cultu hominum, & curatione potuissent. canum uero tam fida custodia, tamq; amans dominorum adulatio, tantumq; odium in externos, & tam incredibilis ad inuestigandum sagacitas narium, tanta alacritas in uenando, quid significat aliud? nisi se ad hominum commoditates esse generatos? quid de bobus loquar? quorum ipsa terga declarant non esse ad onus accipiendum figurata: ceruices autem natæ ad iugum: tum uires humerorum, & latitudines ad aratra extrahenda. quibus, cum terræ subigerentur fissione glebarum, ab illo aureo genere, ut poëtæ loquuntur, uis nunquam ulla afferebatur.

- » Ferrea tum uero proles exorta repente est.
- » Ausaq; funestum prima est fabricarier enses:
- » Et gustare manu uictum, domitumq; iuuentum.

Tanta putabatur utilitas percipi ex bobus: ut eorum uisceribus uesci scelus haberetur. longum est mulorum persequi utilitates, & asinorum: quæ certe ad hominum usum paratæ sunt. sus uero quid habet præter escam? cui quidem, ne putresceret, animam ipsam pro sale datam dicit esse Chrysippus. qua pe-

DE NATURA DEORVM

cude, q̄ erat ad uescendum hominibus apta: nihil genuit natura fecundius. quid multitudinem, suauitatemq; piscium dicam? quid auium? ex quibus tanta percipitur uoluptas: ut interdum pronoe nostra Epicurea fuisse uideatur. atq; hæ ne caperentur quidem, nisi hominum ratione, atq; solertia: quanquam aues quasdam & alites, & oscines, ut nostri augures appellant, rerum augurandarū causa esse natas putamus. Iam uero immanes & feras belluas nanciscimur uenando: ut & uescamur his: & exerceamur in uenando ad similitudinem bellicæ disciplinæ: & utamur domitis, & condocesactis: ut elephantis: multaq; ex earum corporibus remedia, morbis, & uulneribus eligamus: sicut ex quibusdam stirpibus, & herbis: quarum utilitates longinqui temporis usu, & periclitatione percepimus. Totam licet animis tanquam oculis lustrare terram: mariaq; omnia cernere: & spacia frugifera, atq; immensa camporum, uestitusq; densissimos montium, pecudū pastus: tum incredibili cursus maritimos celeritate. nec uero supra terram: sed etiam in intimis eius tenebris plurimarum rerū lateret utilitas: quæ ad usum hominum orta, ob hominibus solis inuenitur. Illud uero, quod uterq; uestrum fortasse arripiet ad reprehendendum: Cotta, quia Carneades libenter in stoicos inuehebatur: Velleius, quia nihil tam irridet Epicurus, q̄ prædictionem rerum futurarum: mihi uidetur uel maxime confirmare deorum providentia consuli rebus humanis. est enim profecto diuinitas: quæ multis locis, rebus, temporibus apparet: tum in priuatis, tum maxime publicis. multa cernunt aruspices: multa augures præuident: multa

dent: multa oraculis declarantur: multa uaticinationibus: multa somnijs: multa portentis: quibus cognitae multae saepe res hominum sententia atq; utilitate partae, multa etiam pericula depulsa sunt. haec igitur siue uis, siue ars, siue natura, ad scientiam reru futuraru homini profecto est, nec ab alio aliquo, q̃ a dijs immortalibus data. quae si singula uos forte non mouent: uniuersa certe inter se connexa, atq; coniuncta mouere debebunt. Nec uera uniuerso generi hominum solum, sed etiam singulis a dijs immortalibus consuli, & prouideri solet. licet enim contrahere uniuersitatem generis humani: eamq; gradatim ad pauciores, postremo deducere ad singulos. nam si omnibus hominibus, qui ubiq; sunt, quacunq; in ora, ac parte terrarum, ab huiusce terrae, quam nos incolimus continuatione distantium, deos consulere censemus ob has causas, quas ante diximus: his quoq; hominibus consulunt: qui has nobiscum terras ab oriente ad occidentem colunt. Sin autem his consulunt: qui quasi magnam quandam insulam incolunt: quam nos orbem terrae uocamus: etiam illis consulunt, qui partes eius insulae tenent, Europam, Asiam, Africam. ergo & earum partes diligunt: ut Romam, Athenas, Spartam, Rhodum: & earum urbium separatim ab uniuersis, singulos diligunt: ut Pyrrhi bello Curium, Fabricium, Coruncanum: primo punico Calatinum, Duillium, Metellum, Lutatium: secundo Maximum, Marcellum, Africanium: post hos Paulum, Gracum, Catonem: patrum uel memoria Scipionem, Laelium: multosq; praeterea, & nostra ciuitas, & graecia tulit singulares uiros: quorum neminem nisi iuuante deo ta-

DE NATURA DEORVM

lem fuisse credendum est. quæ ratio poëtas, maximeq; Homerum impulit: ut principibus Heroum, Vlyxi, Diomedæ, Agamemnoni, Achilli, certos deos discriminum, & periculorum comites adiungeret. Præterea ipsorum deorum sæpe præsentia, quales supra commemoravi: declarant ab his, & ciuitatibus, & singulis hominibus consuli. quod quidem intelligitur etiam significationibus rerum futurarum: quæ tum dormientibus, tum uigilantibus portenduntur. multa præterea ostentis, multa extis admonemur, multisq; rebus alijs: quas diuturnus usus ita notauit: ut artem diuinationis efficeret. nemo igitur uir magnus sine aliquo afflatu diuino unq; fuit. Nec uero ita refellendum est: ut si segetibus aut uinetis cuiuspiã tempestas nocuerit: aut siquid e' uitæ cõmodis casus abstulerit: eum, cui quid horum aciderit: aut inuisum deo, aut neglectum a deo iudicemus. magna dii curant: parua negligunt. magnis autem uiris prospere eueniunt semper omnes res. si quidem satis a nostris, & a principe philosophorum Socrate dictum est, de ubertatibus uirtutis, & copijs. Hæc mihi fere in mentem ueniebant, quæ dicenda putarem de natura deorum. tu autem Cotta, si me audias, eandem causam agas: teq; & principem ciuem putes: & pontificem esse cogites: & quoniam in utraq; partem uobis licet disputare: hanc potius sumas: eamq; facultatem disserendi, quam tibi a rhetoricis exercitationibus acceptam amplificauit Academia: huc potius conferas. mala enim, & impia consuetudo est, contra deos disputandi: siue ex animo id fit, siue simulate.

M. TVLLII CICERONIS

DE NATURA DEORVM

LIBER TERTIVS.

Væ cum Balbus dixisset: tum arri-
 dens Cotta, sero inquit mihi Balbe
 præcipis quid defendam. ego enim te
 disputante, quid contradicerem me-
 cum ipse meditabar: neq; tam refel-
 lendi tui causa: quàm ea, quæ minus intelligebam,
 requirendi. cum autem suo cuiq; iudicio sit utendum:
 difficile factu est, me id sentire, quod tu uelis. Hic
 Velleius, nescis inquit quanta cum expectatione
 Cotta sim te auditorus. iucundus enim Balbo nostro
 sermo tuus contra Epicurum fuit. præbebo igitur me
 tibi uicissim attentum contra stoicos auditorem. spero
 enim te, ut soles, bene paratum uenire. Tum Cotta
 si mehercule Vellei inquit: neq; enim mihi par ra-
 tio cum Lucilio est, ac tecum fuit. Qui tandem in-
 quit ille? Quia mihi uidetur epicurus uester de
 dijs immortalibus non magnopere pugnare. tan-
 tummodo negare deos esse non audet: ne quid inuidiæ
 subeat, aut criminis. cum uero deos nihil agere, nihil
 curare confirmat: membrisq; humanis esse præditos:
 sed eorum membrorum usum nullum habere: lu-
 dere uidetur: satisq; putare, si dixerit, esse quandam
 beatam naturã, & æternam. à Balbo autem animad-
 uertisti credo quàm multa dicta sine: quàmq; etiam
 si minus uera, tamen apta inter se, & coherentia.
 itaq; cogito, ut dixi, non tam refellere eius oratio-

DE NATURA DEORVM

nem: quàm ea, quæ minus intellexi requirere. quare Balbe tibi permitto, respondere ne mihi malis de singulis rebus quærenti ex te ea, quæ parum accepi: an uniuersam audire orationē meā. Tum Balbus, ego uero si quid explanari tibi uoles, respondere malo. sin me interrogare, non tam intelligendi causa, q̄ refellendi: utrum uoles faciam: uel ad singula, quæ requires, statim respondebo: uel, cum peroraris, ad omnia. Tum Cotta, optime inquit. quamobrem sic agamus: ut nos ipsa ducit oratio. Sed antequam de re: pauca de me. non enim mediocriter moueor authoritate tua Balbe, orationēq; ea, quæ me in perorando cohortabatur: ut meminissē me, et Cottam esse, & pontificem. quod eo credo ualebat: ut opiniones, quas à maioribus acceperimus de dijs immortalibus, sacra, cerimonias, religionesq; defenderem. ego uero eas defendam: semperq; defendi: nec me ex ea opinione, quam à maioribus accepi de cultu deorum immortalium, ullius unquam oratio aut docti, aut indocti mouebit. Sed cum de religione agitur: T. Coruncanum, P. Scipionē, P. Scauolam pontifices maximos, non Zenonem, aut Cleantem, aut Chrysippum sequor: habeoq; C. Lelium augurem, eundemq; sapientem: quem potius audiam de religione dicentem in illa oratione nobili: q̄ quenquam principem stoicorum. cumq; omnis Populi Romani religio in sacra & in auspicia diuisa sit: tertiu adiunctum sit, si quid prædictionis causa ex portentis, & monstris, Sibyllæ interpretēs, aruspices uel monuerunt: harum ego religionum nullam unquam contemnendam putauī: mihiq; ita persuast, Romulum auspicijs, Numam sacris constitutis,

stitutis, fundamenta iecisse nostræ civitatis: quæ nunquam profecto sine summa placatione deorum immortalium tanta esse potuisset. habes Balbe quid Cotta, quid pontifex sentiat. fac nunc ergo intelligam tu quid sentias. a te enim philosopho rationem accipere debeo religionis: maioribus autem nostris, etiam nulla ratione reddita, credere. Tum Balbus, quam igitur a me rationem inquit Cotta, desideras? Et ille quadripartita inquit fuit diuisio tua. primum ut uelles docere deos esse. deinde quales essent. tum ab his mundum regi. postremo consulere eos rebus humanis. hæc, si recte memini, partitiō fuit. Rectissime inquit Balbus. sed expecto quid requiras. Tum Cotta, primum quicquid uideamus inquit: Et si id est primum quod inter omnes, nisi admodum impios, conuenit: mihi quidem ex animo exuri non potest, esse deos. id tamen, quod mihi persuasum est, esse deos authoritate maiorum, cur ita sit nihil tu me doces. Quid est inquit Balbus, si tibi persuasum est, cur a me uelis discere?

Tum Cotta, quia sic aggredior inquit ad hanc disputationem: quasi nihil unquam audierim de dijs immortalibus: nihil cogitauerim. rudem me discipulum Et integrum accipe: Et ea, quæ requiro, doce.

Dic igitur, inquit, quid requiras. Ego ne? primum illud. cur quod perspicuum in istam partem, ne egere quidem oratione dixisses: quod esset conspicuum, et inter omnes constaret: de eo ipso tam multa dixeris?

Quia te quoque inquit animaduerti Cotta sæpe, cum in foro diceres, quod plurimis posses argumentis onerare iudicem: si modo eam facultatem tibi daret causa. atque hoc idem et philosophi faciunt: et ego, ut potui,

DE NATURA DEORVM

feci. tu autem, qui id quæris, similiter facis, ac si mero-
 ges, cur te duobus contuear oculis, & non altero tan-
 tum: cum idem uno assequi possim. Tum Cotta,
 q̄ simile istud sit inquit, tu uideris. nam ego neq; in
 causis, siquid est euident, de quo inter omnes conue-
 niat, argumentari soleo. perspicuitas enim argumenta-
 tione leuatur. nec si id facerem in causis forensibus:
 idem facerem in hac subtilitate sermonis. cur contue-
 reris autem altero oculo, causa non esset: cum idem
 obtutus esset amborum: & cum rerum natura, quam
 tu sapientem esse uis, duo lumina ab animo ad oculos
 perforata nos habere uoluisset. sed quia non confi-
 debas tam esse id perspicuum, q̄ tu uelis: propterea
 multis argumentis deos esse docere uoluisti. mihi enim
 unum satis erat: ita nobis maiores nostros tradidisse.
 sed tu authoritates omnes contemnis: ratione pugnas.
 patere igitur rationem meam cum tua ratione con-
 tendere. Afferes hæc omnia argumenta cur dii sint:
 remq; mea sententia minime dubiam, argumentando
 dubiam facis. mandauit enim memorie non numerũ
 solum, sed etiam ordinem argumentorum tuorum.
 Primum fuit, cum cælum suspexissemus: statim nos
 intelligere esse aliquod numen, quo hæc regantur. ex
 hoc illud etiam,

- » Aspice hoc sublime candelas: quæ inuocant omnes Iouē:
 quasi uero quisquam nostrum, istum potius, q̄ capito-
 linum, Iouem appelleret: aut hoc perspicuum sit: con-
 stetq; inter omnes: eos esse deos: quos tibi Velleius,
 multiq; præterea, ne animantes quidem esse concedat.
 Graue etiam argumentum tibi uidebatur: q̄ opinio de
 diis immortalibus, & omnium esset, & quotidie cre-

sceret. placet igitur tantas res opinione stultorum iudicari? uobis praesertim, qui illos insanos esse dicatis? At enim praesentis uidemus deos: ut apud Regillum Posthumius: in salaria Vacienus: nescio quid etiam de locrorum apud sagram praelio. Quos igitur tu Tyndaridas appellabas, idest homines, homine natos: et quos Homerus, qui recens ab illorum aetate fuit, sepultos esse dicit lacedaemone: eos tu canterijs albis, nullis calonibus, obuiam Vacieno uenisse existimas: et uictoriam populi ro. Vacieno potius homini rustico, quam M. Catoni, qui tum erat princeps, nunciauisse? ergo et illud in silice, quod hodie apparet apud regillum, tanquam uestigium ungulae, Castoris equi credis esse? nonne maius illud credere, quod probari potest, animos praecclarorum hominum, quales isti tyndaridae fuerunt, diuinos esse, et aeternos? quam eos, qui semel cremati essent, equitare, et in acie pugnare potuisse? aut si hoc fieri potuisse dicis: doceas oportet quo modo nec fabellas aniles proferas. Tum Lucilius an tibi inquit fabellae uidentur? nonne ab Aulo posthumio aedem Castori et Polluci in foro dedicatam? nonne senatus consultum de Vacieno uides? nam de sagra graecorum etiam est uulgare prouerbum. qui quae affirmant certiora esse dicunt, quam illa, quae apud sagram. his igitur authoribus nonne debes moueri?

Tum Cotta Rumoribus inquit mecum pugnas Balbe. ego autem a te rationes requiro. Sequuntur quae futura sunt. effugere enim nemo id potest, quod futurum est. sepe autem ne utile est quidem scire, quid futurum sit. miserum est enim nihil proficientem angere: nec habere ne spei quidem extremum, et tamen

DE NATURA DEORVM

commune solatiū. praesertim cum uos iſdem fato fieri dicatis omnia. quod autem ſemper ex omni aeternitate uerum fuerit, id eſſe fatum. quid igitur inuat? aut quid aſſert ad cauendū? ſcire aliqd futurū: cū id certe futurum ſit? unde porro iſta diuination? quis inuenit fiſſum iecoris? quis cornicis cantum notauit? q̄ ſortes? q̄bus ego credo: nec poſſum Actij Nauij, quem cōmemorabas, lituū contemnere. ſed qui iſta intellecta ſunt a philoſophis debeo diſcere: praesertim cum iſti plurimis de rebus diuinis mentiantur. at medici quoq; ita enim dicebas, ſæpe falluntur. quid ſimile medicina, cuius ego rationem uideo, & diuination? quæ unde oriatur non intelligo. tu autem etiam Deciorum deuotionibus placatos deos eſſe cenſes. quæ fuit eorum tanta iniquitas? ut placari populo ro. non poſſent: niſi uiri tales occidiſſent? conſilium illud imperatorum fuit: quod græci *σπαρταγμία* appellant: ſed eorum imperatorum: qui patriæ conſulerent: uitæ non parcerent. rebantur enim fore: ut exercitus imperatorem equo incitato ſe in hoſtis immittentem, perſequeretur: id quod euenit. nam fauni uocem equidem nunquam audiui. tibi, ſi audiuiſſe te dicis, credam. et ſi faunus omnino quid ſcit neſcio. non igitur adhuc, quantum quidem in te Balbe eſt, intelligo deos eſſe. quos equidem credo eſſe: ſed nihil doceant ſtoici. Nam Cleanthes ut dicebas quattuor modis formatas in animis hominum putat deorum eſſe notionēs. unus iſ modus eſt de quo ſatis dixi: qui eſt ſuſceptus ex præſenſione rerum futurarum. alter ex perturbationibus tempeſtatum, & reliquis motibus. tertius ex commoditate rerum, quas percipimus, &

copia . quartus ex astrorum ordine , cæliq; constantia . de præsentione diximus . de perturbationibus cælestibus , & maritimis , & terrenis , non possumus dicere , cum ea fiant , non esse multos , qui ea metuant : & à dijs immortalibus fieri existiment . sed non id quæritur : sint ne aliqui qui deos esse putent : dii utrum sint , nec ne , quæritur . Nam reliquæ causæ , quas Cleanthes affert : quarum una est de commodorum , quæ capimus , copia : altera de temporum ordine , cæliq; constantia : tum tractabuntur à nobis : cum de providentia deorum disputabimus : de qua plurima à te Balbe dicta sunt : eodemq; illa etiam differemus , quod Chrysippum dicere dicebas , quoniam esset aliquid in rerum natura , quod ab homine effici non posset : esse homine aliquid melius : quæq; in domo pulchra cum pulchritudine mundi comparabas : & cum totius mundi convenientiam consensumq; afferebas : Zenonisq; breves , & acutulas conclusiones in eam partem sermonis , quam modo dixi , differemus . eodemq; tempore illa omnia , quæ à te physice dicta sunt de vi ignea , deq; eo calore , ex quo omnia generari dicebas , loco suo quærentur : omniaq; , quæ à te nudius tertius dicta sunt : cum docere velles deos esse : quare & mundus uniuersus , & sol , & luna , & stellæ sensum ac mentem haberent : in idem tempus reseruabo . à te autem illud etiam atq; etiam quæram : quibus rationibus tibi psuadeas deos esse . Tum Balbus equidē attulisse rationes mihi uideor : sed eas tu ita refellis : ut cum me interrogaturus esse uideare : & ego me ad respondendum compararim : repente auertas oratio-

DE NATURA DEORVM

nem: nec des respondendi locum. itaq; maximæ res tacitæ præterierunt, de diuinatione, de fato: quibus de quæstionibus tu quidem strictim, nostri autem multa solent dicere. sed ab hac ea quæstione, quæ nunc in manibus est, separantur. quare si uidetur, noli agere confuse: ut hoc explicemus hac disputatione, quod quæritur. Optime inquit Cotta. itaq; quoniam quatuor in partes totam quæstionem diuisisti: de prima quidem diximus: consideremus secundam. quæ mihi talis uidetur fuisse: ut cum ostendere uelles, quales dii essent: ostenderes nullos esse. à consuetudine oculorum animum adducere difficillimum dicebas: sed cum deo nihil præstantius esset: non dubitabas quin mundus esset deus: quod nihil in rerum natura melius esset: modo possemus eum animantem cogitare: uel potius ut cætera oculis, sic animo hoc cernere. sed cum mundo negas quicquam esse melius: quid dicis melius? si pulchrius: assentior. si aptius ad utilitates nostras: id quoq; assentior. si autem id dicis, nihil esse mundo sapientius: nullo modo prorsus assentior. non quod difficile sit mentem ab oculis seuocare. sed quo magis seuoco: eo minus id, quod tu uis, possum mente comprehendere. nihil est mundo melius in rerum natura. ne in terris quidem urbe nostra. num igitur icaico in urbe esse rationem, cogitationem, mentem putas? aut quoniam non sit: num icaico existimas formicam anteponendam esse huic pulcherrimæ urbi? quod in urbe sensus sit nullus: in formica non modo sensus, sed etiam mens, ratio, memoria? uidere oportet Balbe, quid tibi concedatur: non te ipsum quod uelis sumere. istum enim locum

totum illa uetus Zenonis brevis, & ut tibi uidebatur, acuta conclusio dilatauit. Zeno enim ita concludit. quod ratione utitur, melius est, quam id, quod ratione non utitur. nihil autem mundo melius. ratione igitur mundus utitur. hoc si placet: iam efficies ut mundus optime librum legere uideatur. Zenonis enim uestigijs hoc modo rationem poteris concludere. quod litteratum est, id est melius, quam quod non est litteratum. nihil autem mundo melius. litteratus igitur est mundus. isto modo etiam disertus: & quidem mathematicus, musicus, omni denique doctrina eruditus, postremo philosophus erit mundus. Sæpe dixti nihil fieri sine deo: nec ullam uim esse naturæ: ut sui dissimilia posset effingere. concedam non modo animantem, & sapientem esse mundum: sed fidicinem etiam, & tibicinem: quoniam earum quoque artium homines, ex eo procreantur. nihil igitur affert pater iste stoicorum: quare mundum ratione uti putemus: nec cur animantem quidem esse. non est igitur mundus deus. & tamen nihil est eo melius: nihil est eo pulchrius: nihil nobis salutarius: nihil ornatiùs aspectu, motuque constantius. quod si mundus uniuersus non est deus: ne stellæ quidem: quas tu innuberaliles in deorum numero reponebas. quarum te cursus æquabiles, æternique delectabant. nec me hercule iniuria. sunt enim admirabili, incredibilique constantia. sed non omnia Balbe, quæ cursus certos, & constantes habent, uel seruant: ea deo potius, quam naturæ tribuenda sunt. quid Calcydico Euripo in motu identidem reciprocando putas fieri posse constantius? quid freto Siciliensi? quid oceani

DE NATURA DEORVM

feruore illis in locis

» Europam Libyamq; rapax ubi diuidit unda.
 quid æstus maritimi, uel hispanienses, uel britanici?
 eorumq; certis temporibus uel accessus, uel recessus?
 sine deo fieri non ne possunt? uide quæso, si omnis
 motus, omniaq; quæ certis temporibus ordinem suum
 conseruant, diuina dicimus: ne tertianas quidem fe-
 bres, & quartanas diuinas esse dicendum sit. qua-
 rum reuersione, & motu, quid potest esse constan-
 tius? sed omnium talium rerum ratio reddenda est.
 quod uos cum facere non potestis: tanquam in aram,
 confugitis ad deum. Et Chrysippus tibi acute dicere
 uidebatur, homo sine dubio uersutus, & callidus.
 uersutos eos appello, quorum celeriter mens uersatur.
 callidos autem, quorum tanquam manus opere, sic
 animus usu concalluit. is igitur, si aliquid est in-
 quit quod homo efficere non possit: qui id efficit, me-
 lior est homine. homo autem hæc, quæ in mundo sunt,
 efficere non potest. qui potuit igitur, is præstat ho-
 mini. homini autem præstare quis possit nisi deus?
 est igitur deus. Hæc omnia in eodem, quo illa Zeno-
 nis, errore uersantur. quid enim sit melius, quid
 præstabilius, quid inter naturam, & rationem
 intersit, non distinguitur. idemq; si dei non sint,
 negat esse in omni natura quicquam homine melius:
 id autem putare quenquam hominem, nihil homi-
 ne esse melius, summæ arrogantiae censet esse. sit
 sane arrogantis: pluris se putare quàm mundum.
 at illud non modo non arrogantis: sed potius pruden-
 tis: intelligere se habere sensum, & rationem, &
 orationem: hæc eadem & caniculam non habere.

Et si

Et si domus pulchra sit, intelligamus eam dominis in-
 quit ædificatam esse, non muribus. sic igitur mundum
 deorum domum existimare debemus. ita prorsus exi-
 stimarem: si illum ædificatum, non quemadmodum
 docebo à natura conformatum putarem. At enim
 querit apud Xenophontem Socrates, unde animam
 arripuerimus: si nulla fuerit in mundo. Et ego que-
 ro unde orationem, unde numeros, unde cantus. nisi
 uero loqui solem cum luna putamus, cum propius
 accesserit aut ad harmoniam canere mundum: ut Py-
 thagoras existimat. Naturæ ista sunt Balbe, naturæ
 non artificiose ambulantis, ut ait Zeno: quod qui-
 dem quale sit iam uidebimus: sed omnia cientes, et
 agitantis motibus, et mutationibus suis. Itaque illa mi-
 hi placebat oratio de convenientia, consensuque natu-
 ræ: quam quasi cognatione continuatam conspirare
 dicebas. Illud non probabam, quod negabas id acci-
 dere potuisse: nisi ea uno diuino spiritu contineretur.
 illa uero coheret, et permanet naturæ uiribus, non
 deorum: estque in ea iste quasi consensus, quam οὐ μὲν
 τάβλαρ greci uocant. sed ea, quo sua sponte maior est:
 eo minus diuina ratione fieri existimanda est. Illæ
 autem quæ Carneades afferebat, quemadmodum
 dissoluitis? si nullum corpus immortale sit, nullum
 esse corpus sempiternum. corpus autem immortale
 nullum esse: ne indiuiduum quidem: nec quod diri-
 mi, distrahi que non possit. cumque omne animal pati-
 bilem naturam habeat nullum est eorum, quod effu-
 gat accipiendi aliquid extrinsecus, idest quasi feren-
 di et patiendi necessitatem. et si omne animal mor-
 tale est: nullum est immortale. et si omne animal

DE NATURA DEORVM

secari ac diuidi potest: nullum est eorum indiuiduum: nullum æternum. atqui omne animal ad accipien-
dam uim externam & ferendam paratum est. mor-
tale igitur omne animal, & dissolubile, & diuiduū
sit necesse est. ut enim, si omnis cera commutabilis
esset: nihil esset cereū quod commutari non posset. item
nihil argenteum: nihil æneum: si commutabilis esset
natura argenti & æris. similiter igitur, si omnia quæ
sunt ex quibus cuncta constant, mutabilia sunt: nul-
lum corpus esse potest non mutabile. mutabilia autem
sunt illa, ex quibus omnia constant: ut uobis uidetur:
omne igitur corpus mutabile est. at si esset corpus ali-
quod immortale: non esset omne mutabile. ita efficitur
ut omne corpus mortale sit. etenim omne corpus, aut
aqua, aut aer, aut ignis, aut terra est: aut id quod est
concretum ex his, aut ex aliqua parte eorum. ho-
rum autem nihil est quod non intereat. nam & ter-
renum omne diuiditur: & humor ita mollis est: ut
facile comprimi, collidiq; possit: ignis uero, & aer,
omni impulsu facillime pellitur: naturaq; cedens est
maxime & dissipabilis. præterea omnia hæc tum
intereunt: tum in naturam aliam conuertuntur: quod
fit cum terra in aquam se uertit: & cum ex aqua
oritur aer: & cum ex aëre æther: cumq; eadem ui-
cissim retro commeant. quod si ea intereunt ex qui-
bus constat omne animal: nullū est animal sempiter-
num. Et ut hæc omittamus: tamen animal nullum in-
ueniri potest: quod neq; natum unquam sit: et semper
sit futurum. omne enim animal sensus habet. sentit
igitur & calida, & frigida, & dulcia, & amara:
nec potest ullo sensu iucunda accipere: & non acci-
pere

pere contraria. si igitur voluptatis sensum capit: doloris etiam capit. quod autem dolorem accipit: id accipiat etiam interitum necesse est. omne igitur animal confitendum est esse mortale. Præterea si quid est, quod nec voluptatem sentiat, nec dolorem: id animal esse non potest. sin autem quod animal est: id illa necesse est sentiat: Et quod ea sentiat, non potest esse æternum. Et omne animal sentit. nullum igitur animal est æternum. Præterea nullum potest esse animal: in quo non Et appetitio sit, Et declinatio naturalis. appetuntur autem quæ secundum naturam sunt: declinantur contraria: Et omne animal appetit quædam: Et fugit a quibusdam. quod autem refugit id contra naturam est: Et quod est contra naturam id habet vim interimendi. omne ergo animal intereat necesse est. Innumerabilia sunt ex quibus effici, cogique possit, nihil esse quod sensum habeat, quin id intereat. etenim ea ipsa quæ sentiuntur, ut frigus, ut calor, ut voluptas, ut dolor, ut cætera, cum amplificata sunt, interimunt. nec ullum animal est sine sensu. nullum igitur animal est æternum. etenim aut simplex est natura animantis. ut vel terrena sit, vel ignea, vel animalis, vel humida: quod quale sit ne intelligi quidem potest. aut concretum ex pluribus naturis: quarum suum quæque locum habeat: quo naturæ vi efferratur: alia infimum, alia summum, alia medium. hæc ad quoddam tempus coherere possunt: semper autem nullo modo possunt. necesse est enim ut suum quæque in locum natura rapiatur. nullum igitur animal est sempiternum. Sed omnia uestri Balbe solent ad igneam vim referre: Heraclitum ut opinor

DE NATURA DEORVM

Sequentes: quem ipsum non omnes interpretantur
 uno modo. qui quoniam quid diceret intelligi noluit,
 omittamus. uos autem ita dicitis omnem uim esse ignē.
 itaq; & animantis cum calor defecerit tum interire:
 & in omni natura rerum id uiuere, id uigere, quod
 caleat. Ego autem non intelligo: quo modo calore ex-
 tincto corpora intereant: non intereant humore, aut
 spiritu amisso: præsertim cum intereant etiam nimio
 calore. quamobrem id quidem commune est de calido:
 ueruntamen uideamus exitum. ita uultis opinor: ni-
 hil esse animal extrinsecus in natura, atq; mundo,
 præter ignem. qui magis q̃ præter animam? unde
 animantium quoq; constet animus: ex quo anima di-
 citur. quo modo autem hoc quasi concedatur sumitis?
 nihil esse animum nisi ignem? probabilius enim uide-
 tur tale quiddam esse animum: ut sit ex igne, atq; ani-
 ma temperatum. quod si ignis ex sese ipse animal est,
 nulla se alia admiscente natura: quoniam is, cum in-
 est in corporibus nostris, efficit ut sentiamus: non po-
 test ipse esse sine sensu. rursus eadem dici possunt.
 quicquid est enim quod sensum habeat, id necesse
 est sentiat & uoluptatem, & dolorem: ad quem au-
 tem dolor ueniat: ad eundem etiam interitum ueni-
 re. ita fit ut ne ignem quidem efficere possitis æter-
 num. quid enim? non eisdem uobis placet omnem
 ignem pastu indigere? nec permanere ullo modo posse
 nisi alatur? ali autem solem, lunā, reliqua astra, aquis
 alia dulcibus, alia marinis? eamq; causam Cleantes
 affert, cur se sol referat: nec longius progrediatur
 solstitiali orbe: itemq; brumali: ne longius discedat a
 cibo. hoc totum quale sit mox. nunc autem concluda-

tur, illud quod interire possit: id æternum non esse natura: ignem autem interiturum esse, nisi alatur: non esse igitur natura ignem sempiternum. qualem autem dicunt deum, intelligere non possumus, nulla uirtute præditum. quid enim? prudentiam ne deo tribuemus? quæ constat ex scientia rerum bonarum, & malarum, & nec bonarum, nec malarum: cui mali nihil est, nec esse potest: quid huic opus est delectu bonorum, & malorum? quid autem ratione? quid intelligentia? quibus utimur ad eam rem: ut apertis obscura assequamur. at obscurum deo nihil potest esse. nam iustitia, quæ suum cuique distribuit, quid pertinet ad deos? hominum enim societas & communitas, ut uos dicitis, iustitiam procreauit. Temperantia autem constat ex prætermittendis uoluptatibus corporis: cui si locus in cælo est: est etiam uoluptatibus. Nam fortis deus intelligi qui potest? in dolore? an in labore? an in periculo? quorum deum nihil attingit. Nec ratione igitur utentem, nec uirtute ulla præditum deum intelligere qui possumus? Nec uero uulgi atque imperitorum inscitiam despiciere possum: cum ea considero quæ dicuntur à stoicis. sunt enim illa imperitorum. pisces syri uenerantur. omne fere genus bestiarum ægyptij consecrauerunt. iam uero in græcia multos habent ex hominibus deos: Alabandū Alabandi: Tenedi Tenem: leucotheam, quæ fuit Ino, & eius Palæmonem filium, cuncta græcia: Herculem, Aesculapium, Tyndaridas: Romulum nostri, aliosque complures: quos quasi nouos & ascriptitios ciues in cælum receptos putant. hæc igitur indocti: quid uos philosophi? qui meliora? omitto illa: sunt

DE NATURA DEORVM

enim præclara. sit sanè deus ipse mundus. hoc credo illud esse

• =sublime candens: quem inuocant omnes Iouem.

Quare igitur plures adiungimus deos? quanta autem est eorum multitudo? mihi quidem sanè multū uidetur. singulas enim stellas numeras deos: easq; aut beluarum nomine appellas, ut capram, ut lupam, ut taurum, ut leonem: aut rerum inanimatarum, ut argon, ut arā, ut coronam. sed ut hæc concedantur: reliqua qui tandem non modo concedi, sed omnino intelligi possunt? cum fruges cererem, uinum liberum dicimus: genere nos quidem sermonis utimur usitato. sed inter hæc quem tam amentem esse putas? qui illud, quo uestatur, deum credat esse? Nam quos ab hominibus peruenisse dicis ad deos: tu reddes rationem quemadmodum idem fieri poterit: aut cur fieri desierit? Ego discam libenter. quomodo nunc quidem est: non uideo quo pacto ille, cui in monte Oetheo illæ tæ lampades fuerunt: ut ait Actius: in domum æternam patris ex illo ardore peruenierit. quem tamen Homerus conueniri apud inferos facit ab Ulyxe, sicut cæteros: qui excesserant uitā. quanquam quem potissimum Herculem colamus: scire sanè uelim. Plures enim tradunt nobis ij, qui interiores scrutantur et reconditas litteras. antiquissimum Ioue natum: sed antiquissimo item Ioue. nam Ioues quoq; plures in priscis grecorum litteris inuenimus. Ex eo igitur et liscito est is Hercules: quem concertauisse cum Apolline de tripode accepimus. Alter traditur Nilo natus ægyptius: quem aiunt phrygas litteras conscripsisse. Tertius est ex ideis indigenis: cui inferias afferunt. Quar

his Iouis est, Asterie Latone sororis: quem Tyrij maximo colunt: cuius Carthaginem filiam ferunt. Quintus in India, qui Belus dicitur. Sextus hic ex Alcume-
na: quem Iuppiter genuit: sed tertius Iuppiter: quoniam ut iam docebo: plures Ioues etiam accepimus. Quando enim me in hunc locum deduxit oratio: docebo, meliora me didicisse de colendis dijs immortalibus iure pontificio, et maiorum more capedunculis his: quas Numa nobis reliquit: de quibus in illa aureola oratunculula dicit Lælius: quam rationibus stoicorum. Si enim uos sequar: dic quid ei respondeam, qui me sic roget. Si dij sunt: sunt ne etiam nymphe deæ? si nymphe: Panisci etiam et Satyri. hi autem non sunt: ne nymphe quidem deæ igitur. at earum templa sunt publice uota, et dedicata. quid igitur? ne cæteri quidē ergo dij: quorum templa sunt dedicata. Age porro, Iouē et Neptunum deū numeras. ergo etiam Orcus frater eorum deus: et illi qui fluere apud inferos dicuntur, Acheron, Cocytus, Stryx, Phlegeton, tum Charon, tum Cerberus dij putandi. at id quidem repudiandum. ne Orcus quidem igitur. quid dicitis ergo hæc de fratribus? Hæc Carneades agebat: non ut deos tolleretur. quid enim philosopho minus conueniens? sed ut stoicos nihil de dijs explicare conuinceret. itaque insequabatur. quid enim, aiebat, si ij fratres sunt in numero deorum: num de patre eorum Saturno negari potest? quem uulgo maxime ad occidentem colunt. qui si est deus: patrem quoque eius cælum esse deum confitendum est. quod si ita est: cæli quoque parentes dij habendi sunt, æther, et dies, eorumque fratres, et sorores: qui à genealogijs antiquis sic nominantur: Amor, dolus,

DE NATURA DEORVM

metus, labor, inuidia, fatum, senectus, mors, tenebrae, miseria, querela, gratia, fraus, pertinacia, parca, hesperides, somnia: quos omnis Erebo & nocte natos ferunt. Aut igitur haec monstra probanda sunt: aut prima illa tollenda. quid? Apollinem, Vulcanum, Mercurium, caeteros deos esse dices? de Hercule, Aesculapio, Libero, Castore, Polluce, dubitabis? at hi quidem coluntur aequae atque illi: apud quosdam etiam multo magis. Ergo hi dii sunt habendi mortalibus nati matribus. quid Aristaeus? qui oliuae inuentor dicitur Apollinis filius. Theseus? qui Neptuni. reliqui? quorum patres dii, non erunt in deorum numero? quid quorum matres? opinor etiam magis. ut enim in iure civili, qui est de matre libera, liber est: item iure naturae qui de dea matre est, deus sit necesse est. Itaque Achillem astypalea insula sanctissimum colit. qui si deus est: & Orpheus, & Rhesus dii sunt matre musa nati. nisi forte maritimae nuptiae terrenis anteponuntur. si hi dii non sunt: quia nusquam coluntur: quomodo illi sunt? uide igitur ne uirtutibus hominum isti honores habeantur, non immortalibus: quod tu quoque Balbe uisus es dicere. quo modo autem potes si Latonam deam putes: Hecatem non putare? quae matre Asteria est sorore Latonae? an haec quoque dea est? uidimus enim eius aras delubraque in graecia. sin haec dea est: cur non Eumenides? quae si deae sunt: quarum & Athenis fanum est: & apud nos, ut ego interpretor, lucus furinae: furiae deae sunt, speculatrices credo & uindices facinorum, & sceleris. quod si tales dii sunt, ut rebus humanis intersint: Natio quoque dea putanda est: cui cum fana circumus in agro ardeat rem

rem diuinam facere solemus. quæ quia partus matronarum tueatur à nascentibus Natio nominata est. ea si dea est: dii omnes illi, qui cōmemorabantur à te, honos, fides, mens, concordia. ergo etiam spes, moneta, omniaq; quæ cogitatione nobismet ipsis possumus fingere. quod si uerisimile non est: ne illud quidem est: hæc unde fluxerunt. quid autem dicis? si dii sunt illi, quos colimus, & accepimus: cur non eodem in genere Serapim, Isisq; numcremus? quod si facimus: cur Barbarorum deos repudiemus? Boues igitur, & equos, ibes, accipitres, aspidas, crocodillos, pisces, canes, lupos, feles, multas præterea belluas in deorum numero reponemus. quæ si reijciamus: illa quoq; unde hæc nata sunt, reijciemus. qd deinde? Ino dea dicetur quæ leucothea à græcis, à nobis matuta dicitur: cum sit Cadmi filia? Circe autem, et pasiphae è perseide Oceani filia natæ, patre sole, in deorum numero non habebuntur? quanquam Circem quoq; coloni nostri circæienses religiose colunt. ergo hanc deam dicis. quid Medæ respondebis? quæ duobus auis sole, & oceano, Aeeta patre, matre idya procreata est. quid huius Absirtho fratri? qui est apud Pacuuiū Egraleus? sed illud nomen ueterum litteris usitatus. qui si dii non sunt: uereor quid agat Ino: hæc enim omnia ex eodem fonte fluxerunt. an Amphiaras deus erit, et Trophonius? nostri quidem publicani, cum essent agri in Bæotia deorum immortalium excepti lege censoria: negabant immortales esse ullos, qui aliquando homines fuissent. sed si sunt hi dii: est certe Erichtheus: cuius Athenis, & delubrum uidimus, & sacerdotem: quem si deum facimus: quid aut de Codro dubitare

DE NATURA DEORVM

possumus? aut de cæteris: qui pugnantes pro patriæ libertate ceciderunt? quod si probabile non est: ne illa quidem superiora, unde hæc manant, probanda sunt. atq; in plerisq; civitatibus intelligi potest, augenda uirtutis gratia, quo libentius reip. causa periculi adiret optimus quisq;: uirorum fortium memoriam honore deorum immortalium consecratam. ob eam enim ipsam causam Erichtheus athenis, filiaq; eius in numero deorū sunt. Itemq; leonaticum est delubrum athenis, quod leocorion nominatur. Alabandenses quidem sanctius Alabandum colunt, à quo est urbs illa condita, quàm quenquam nobilium deorū: apud quos non inurbane Stratonicus, ut multa, cum quidam ei molestus Alabandum deum esse confirmaret: Herculem negaret: ergo inquit mihi Alabandus, tibi Hercules sit iratus. Illa autem Balbe, quæ tu à cælo, astrisq; ducebas, quàm longe serpant non uides: solem deum esse, lunamq;: quorum alterum Apollinem græci, alteram Dianam putant. quod si luna dea est: ergo etiam lucifer, cæteræq; errantes numerum deorum obtinebunt. igitur etiam inerrantes. cur autem arcus species non in deorum numero reponatur? est enim pulcher: Et ob eam causam, quia speciem habeat admirabilem, Thaumante dicitur esse nata. cuius si diuina natura est: quid facies nubibus? arcus enim ipse ex nubibus, efficitur quodam modo coloratus. quarum una etiam Centauros peperisse dicitur. quod si nubes rettuleris in deos: referendæ certe erunt tempestates: quæ populi roritibus, consecratæ sunt. ergo hymbres, nimbi, procellæ, turbines sunt dii putandi. Nostri quidem du-

æs mare ingredientiẽs immolare hostiam fluctibus
 consueuerunt. Tum si est Ceres à gerendo, ita enim di-
 cebas: terra ipsa dea est: & ita habetur: quæ est enim
 alia Tellus? sin terra: mare etiam: quem Neptu-
 num esse dicebas. ergo & flumina, & fontes. itaq;
 & fontis delubrum Marso ex corſica dedicauit:
 & in augurum precatıone Tyberinum, spinonem,
 anemonem, nodinum, alia propinquorum flumi-
 num nomina uidemus. ergo hoc aut in immensum
 serpet: aut nihil horum recipiemus: nec illa infinita
 ratio superstitionis probabitur. Nihil ergo horum pro-
 bandum est. Dicamus igitur Balbe oportet contra il-
 los etiam: qui hos deos ex hominum genere in cæ-
 lum translatos non re, sed opinione esse dicunt: quos
 auguste omnes sancteq; ueneramur. Principio Ioues
 tres numerantur, qui theologi nominantur: ex qui-
 bus primum & secundum natos in Arcadia, alte-
 rum patre æthere, ex quo etiam proserpinam na-
 tam ferunt, & liberum: alterum patre Cælo, qui
 genuisse Minervam dicitur: quam principem & in-
 uentricem belli ferunt. Tertium cretensem Saturni
 filium: cuius in illa insula sepulchrum ostenditur.
 dioscūri etiam apud graecos multis modis nominan-
 tur primi tres, qui appellantur anactes athenis, ex
 Ioue rege antiquissimo, & proserpina nati, Trico-
 patreus, Eubuleus, Dionysius. Secundi Ioue tertio
 nati ex leda, Castor & Pollux. Tertij dicuntur à
 nonnullis Aleo, & Melampus, Emolus, Atrei filij,
 qui Pelope natus fuit. iam musæ primæ quattuor, na-
 tæ Ioue altero thelxiope, mneme, aede melete. Secun-
 dæ Ioue tertio, & Mnemosine procreatæ nouem.

DE NATURA DEORVM

Tertiae Ioue tertio pieriae natae & Antiopa: quae Pieridas, & Pierias solent poetae appellare, iisdem nominibus, eodem numero quo proximae superiores. Cumq; tu solem quia solus esset, appellatum esse dicas: soles ipsi quam multi à theologis proferuntur. Unus eorum Ioue natus, nepos ætheris: alter Hyperione: tertius Vulcano, Nili filio: cuius urbem Aegyptij uolunt esse eam: quae Heliopolis appellatur. Quartus is, quem Heroicis temporibus Achanto Rhodi peperisse dicitur, auum Ialysi, Camiri, et Lindi: quintus qui colchis fertur Aetam & Circem procreauisse. Vulcani item complures, primus Caelo natus, ex quo Minerva Apollinem eum, cuius in tutela Athenas antiqui historici esse uoluerunt. Secundus Nilo natus Opas, ut Aegyptij appellant: quem custodem esse Aegypti uolunt. Tertius ex tertio Ioue, & Iunone: qui lemni fabricae traditur praefuisse. Quartus Menalio natus: qui tenuit insulas propter Siciliam: quae Vulcaniae nominabantur. Mercurius unus Caelo patre, die matre natus: cuius obscenius excitata natura traditur: qd aspectu Proserpinae commotus sit: alter ualentis & Phoronidis filius, is qui sub terris habetur. idem Trophonius. tertius Ioue tertio natus & Maia: ex quo & Penelopa Panam ferunt. quartus Nilo patre: quem Aegyptij nefas habens nominare. quintus quem colunt pheneatae: qui argum dicitur interemisse: ob eamq; causam aegypto praefuisse: atq; aegyptijs leges & litteras tradidisse. hunc aegyptij thoyth appellant. eodemq; nomine anni primus mensis apud eos uocatur. Aesculapiorum primus apollinis, quem Arcades colunt.

qui speculum inuenisse, primusq; uulnus obligauisse
 dicitur. Secundus secundi Mercurij frater. is fulmine
 percussus, dicitur humatus esse cinosuris. tertius arstip=
 pi, & arsinœ: qui primus purgationem alui, dentisq;
 euulsionem, ut ferunt, inuenit: cuius in arcadia non
 longe à luso flumine sepulchrum et lucus ostenditur.
 Apollinum antiquissimus is: quem pauloante ex uul=
 cano natum esse dixi custodem athenarum. Alter Co=
 ribantis filius, natus in cretâ: cuius de illa insula
 cum Ioue ipso certamen fuisse traditur. Tertius Ioue
 tertio natus & latona: quem ex hyperboreis del=
 phos ferunt aduenisse. quartus in arcadia, quem ar=
 cades Nomionem appellant: q; ab eo se leges ferunt
 accepisse. Dianæ item plures: prima Iouis, & Pro=
 serpinæ: quæ pinnatum Cupidinem genuisse dicitur.
 Secunda notior: quam Ioue tertio & latona natam
 accepimus. Tertiæ pater Vpis traditur: Glaucē ma=
 ter. eam græci sæpe Vpim paterno nomine appel=
 lant. Dionysos multos habemus: primum ē Ioue,
 & Proserpina natum. Secundum nilo: qui nysam
 dicitur interemisse. Tertium Caprio patre: eumq; re=
 gem asiæ præfuisse dicunt: cuius abarea sunt insti=
 tuta. Quartum Ioue & luna, cui sacra orphica pu=
 tantur confici. Quintum Niso natum, & Thione: à
 quo trieterides constitutæ putantur. Venus prima cæ=
 lo & die nata: cuius elide delubrum uidemus: al=
 tera spuma procreata: ex qua & Mercurio cupidi=
 nem secundum natum accepimus. Tertia Ioue nata,
 & Dione: quæ nupsit Vulcano. sed ex ea & Marte
 natus Anteros dicitur. quarta Syria, Tyroq; conce=
 pta: quæ astarete uocatur: quam adonidi rupsisse

DE NATURA DEORVM

traditum est. Minerva, prima, quam apollinis matrem supra diximus. Secunda orta nilo, quam ægyptij Saitem colunt. Tertia illa, quam Ioue generatam supra diximus. quarta Ioue nata & Coriphe oceanis filia: quam arcades Coriam nominant: & quadrigarum inuentricem ferunt. Quinta Pallantis: quæ patrem dicitur interemisse uirginitatem suam uiolare conantem: cui pinnarum talaria affigunt. Cupido primus Mercurio & Diana prima natus dicitur. Secundus Mercurio & Venere secunda. Tertius quidem est anteros Marte & Venere tertia. atq; hæc quidem, atq; eiusmodi, ex uetere græciæ fama collecta sunt. quibus intelligis resistendum esse, ne perturbentur religiones. uestri autem non modo hæc non refellunt: uerum etiam confirmant, interpretando quorsum quicq; pertineat. Sed eo iam, unde huc digressi sumus, reuertamur. Num censes igitur subtiliore ratione opus esse ad hæc refellenda? nam mentem, fidem, spem, uirtutem, honorem, uictoriam, salutem, concordiam, cæteraq; eiusmodi, rerum uim habere uidemus, non deorum. aut enim in nobismet insunt ipsis: ut mens, ut fides, ut uirtus, ut concordia: aut optandæ nobis sunt: ut honos, ut salus, ut uictoria. quarum rerum utilitate uideo etiam consecrata simulacra. quare autem in his uis deorum insit: tum intelligam cum cognouero. quo in genere uel maximo est fortuna numeranda: quam nemo ab inconstantia & temeritate seiunget: quæ digna certe non sunt deo. Iam uero quid uos illa delectat explicatio fabularum? & enodatio nominum? ex ætæ filio Cælium: uinctum itidem a filio Saturnum. hæc

Et alia generis eiusdem ita defenditis : ut ij qui ista
 finxerunt non modo non insani , sed etiam fuis-
 se sapientes uideantur . In enodandis autem nomini-
 bus , quod mirandum sit , laboratis . Saturnus quia
 se saturat annis : Maiors quia magna uertit : Miner-
 na quia minuit , aut quia minatur : Venus quia ue-
 nit ad omnia : Ceres à gerendo . quam periculosa
 consuetudo ? in multis enim nominibus hærebitis : quid
 Veioni facies ? quid Vulcano ? quanquam , quoniam
 Neptunum à nando appellatum putas , nullum erit
 nomen , quod non possis una littera explicare unde
 ductum sit . in quo quidem magis tu mihi natare ui-
 sus es , quam ipse neptunus . Magnam molestiam
 suscepit , Et minime necessariam primus Zeno , post
 Cleantes , deinde Chrysippus : commentitiarum fa-
 bularum reddere rationem : uocabulorum , cur quique
 ita appellati sint , causas explicare . quod cum facitis ,
 illud profecto confitemini , longe aliter rem se habere ,
 atque hominum opinio sit . eos enim , qui dii appellan-
 tur , rerum naturas esse , non figuras deorum . qui
 tantus error fuit : ut perniciosus etiam rebus non mo-
 do nomen deorum tribueretur : sed etiam sacra con-
 stituerentur . Febris enim farum in palatio , Et
 ædem Larum , Et aram male fortunæ exquilis con-
 secratam uidemus . Omnis igitur talis à philosophia
 pellatur error : ut cum de dijs immortalibus dispu-
 temus : dicili usu loquamur ignavis mortalibus . de
 quibus habeo ipse qd sentiam : non habeo autem quid
 tibi assentiar . Neptunum esse dicis animum cum in-
 telligentia , per mare pergentem : idem de cerere . istam
 autem intelligentiam aut maris , aut terræ non modo

DE NATURA DEORVM

comprehendere animo, sed ne suspitione quidem pos-
sum attingere. Itaq; aliunde mihi quærendum est: ut
et esse deos, et quales sint discere possim: quàm
qualis tu eos esse uelis. Videamus ea quæ sequun-
tur. Primum deorum ne prouidentia mundus regatur.
deinde consulant ne rebus humanis. hæc enim mihi
ex tua partitione restant duo. de quibus, si uobis ui-
detur accuratius differendum puto. Mihi uero in-
quit Velleius ualde uidetur: nam et maiora expe-
cto: et his quæ dicta sunt, uehementer assentior.
Tum Balbus interpellare te inquit Cotta nolo: sed
sumemus tempus aliud: efficiam profecto ut fateare
sed

multa desunt

- » Nequaquam istuc istuc ibit: magna inest certatio.
- » Nam in ego illis supplicare tanta blandiloquentia?
an niobe

an niobe parum ne ratiocinari uidetur: & sibi ipsa
 nefariam pestem machinari? Illud uero quàm calli-
 da ratione,

- » Qui uolt quod uolt, ita dat se res ut operā dabit;
 qui est uersus omnium seminator malorum:
- » Ille tamen uersa mente mihi tradidit repagula
- » Quibus ego iram omnem recludam: atq; illi per-
 niciem dabo:
- » Mihi mærores, illi luctum, exitium illi, exilium mihi.
 hanc uidelicet rationem quam uos diuino beneficio
 homini solum tributam dicitis: bestię non habent.
 uides ne igitur quanto munere deorum sumus affecti?
 atq; eadem Medea patrem, patriamq; fugiens:
- » Postquam pater appropinquat: iamq; pene ut com-
 prehendatur parat:
- » Puerum interea obtruncat: membrāq; articulati di-
 uidit:
- » Perq; agros passim dispergit corpus: id ea gratia
- » Vt dum nati dissipatos artus capta ret parens:
- » Ipsa interea effugeret illum ut mæror tardaret seq:
- » Sibi salutem ut familiari pareret paricidio.
 huic ut scelus: sic nec ratio quidem defuit. Quid ille
 funestas epulas fratri comparans? non ne uersat huc
 & illuc cogitatione rationem?
- » Maior mihi moles, maius miscendum est malum:
- » Qui illius acerbum cor contundam & comprimam.
 Nec tamen ille ipse est prætereundus qui non sat ha-
 buit coniugem illexisse in stuprum: de quo recte &
 uerissime loquitur Atreus
- » Quod re in summa summum esse arbitror
- » Periculum, matres coinquinari: regiam

DE NATURA DEORVM

- » Contaminari stirpem: admisceri genus.
At id ipsum q̄ callide, q̄ regnum adulterio quæreret?
 - » Addo (inquit) huc q̄ mihi portento cælestum pater
 - » Prodigium misit regni stabilimen mei:
 - » Agnum inter pecudes aurea clarum coma.
 - » Quondam thiestem clepere ausum esse e' regia:
 - » Quia in re adiutricem coniugem cepit sibi
- uidetur ne summa improbitate usus non sine summa
esse ratione? Nec uero scena solum referta est his sce-
leribus: sed multo uita communis pene maioribus. sen-
tit domus uniuscuiusq̄: sentit forum: sentit curia: cam-
pus, socij, provinciæ: ut quemadmodum ratione res
recte fiat: sic ratione peccetur. alterum a' paucis, &
raro, alterum & semper, & a' pluribus: ut satius
fuerit nullam omnino nobis a' dijs immortalibus da-
tam esse rationem: quàm tanta cum pernicië datam. ut
uinum ægrotis, quia prodest raro, nocet sepiissime: me-
lius est non adhibere omnino: quàm spe dubiæ salu-
tis in apertam perniciem incurrere. sic haud scio, an
melius fuerit, humano generi motum istum celerem
cogitationis, acumen, solertiam, quam rationem uoca-
mus: quoniam pestifera sit multis: admodum paucis sa-
lutaris: non dari omnino: quàm tam munifice & tam
large dari. Quamobrem si mens uoluntasq̄ diuina
itaque consuluit hominibus, q̄ his largita est ratio-
nem: his solis consuluit, quos bona ratione donauit:
quos uidemus, si modo ulli sunt, esse paucos. non placet
autem paucis a' dijs immortalibus esse consultum. se-
quitur ergo ut nemini consultum sit. Huic loco sic sole-
tis occurrere: non itaque non optime nobis a' dijs esse
prouisum: q̄ multi eorum beneficio peruerse uteren-

sur: etiam patrimonijs multos male uti: nec ob eam
 causam eos beneficium à patribus nullum habere.
 Quisquam ne istuc negat? aut quæ est in collatione
 ista similitudo? nec enim Herculi Deianira nocere vo-
 luit, cum ei tunicam sanguine Centauri tinctam de-
 dit: nec prodesse phereo Iasoni is, qui gladio uomicam
 eius aperuit: quam sanare medici non poterant. multi
 enim etiam cum obesse uellent, profuerunt: & cum
 prodesse, obfuerunt. Ita non fit, ex eo quod datur, ut
 uoluntas eius, qui dederit, appareat: nec si is qui ac-
 cepit, bene utitur itarco is, qui dedit, amice dedit. quæ
 enim libido, quæ auaritia, quod facinus, aut suscipitur
 nisi consilio capto? aut sine animi motu & cogitatione
 idest ratione perficitur? Nam omnis opinio ratio est:
 & quidem bona ratio, si uera: mala autem, si falsa
 est opinio. sed à deo tantum rationem habemus si mo-
 do habemus: bonam autem rationem, aut non bonam,
 à nobis. non erim ut patrimonium relinquitur: sic
 ratio homini est beneficio deorum data. quid enim po-
 tius hominibus dedissent, si ijs nocere uoluissent? In-
 iustitiæ autem, intemperantiæ, timiditatis, quæ semi-
 na essent? si his uicijs ratio non subesset? Medea modo
 et Atreus commemorabantur à nobis, heroicæ per-
 sonæ, inita, subductaq; ratione, nefaria scelera medi-
 tantes. quid leuitates comicæ? parum ne semper in
 ratione uersantur? parum ne subtiliter disputat ille
 in eunucho?

n =quid igitur faciam?

n Exclusit: reuocat. redeam? non si me obsecret.

Ille uero in synephebis Academicorum more contra
 communem opinionem non dubitat pugnare ratione:

DE NATURA DEORVM

- qui in amore summo, summaq; inopia: suaue esse dicit
- » Parentem habere auarum, illepidum, in liberos
 - » Difficilem: qui te nec amet, nec studeat tui.
atq; huic incredibili sententiæ ratiunculas suggerit:
 - » Aut tu illum fructu fallas: aut per litteras
 - » Auertas aliquod nomen: aut per seruolum
 - » Percutias pavidum. postremo à parco patre
 - » Quod sumas quanto dissipas libentius?
Idemq; facilem & liberalem patrem incommodum
esse amanti filio disputat: quem
 - » Neq; quo pacto fallam: neq; quid inde auferam:
 - » Nec quem dolum ad eum, neq; machinam cōmoliar:
 - » Scio quicquam: ita omnes meos dolos, fallacias,
 - » Præstigas, præstrinxit commoditas patris.
quid ergo isti doli? quid machine? quid fallaciæ?
præstigiæq;? num sine ratione esse potuerūt? O præ-
clarum munus deorum: ut phormio possit dicere:
 - » Cedo senem: iam instructa mihi sunt in corde con-
silia omnia.

Sed exeamus è theatro: ueniamus in forum: sessum
ite precor: quid ut iudicetur? qui tabularium incen-
derit. quod facinus occultius? at se Q. Sossus splendi-
dus eques Romanus ex agro Piceno fecisse confessus
est. qui transcripserit tabulas publicas. id quoque
L. Alenius fecit: cum chyrographum sex primorum
imitatus est. quid hoc homine solertius? cognosce alias
quæstiones: auri Tolosani: coniurationis Iugurtinæ. re-
pete superiora Tubuli de pecunia capta ob rem iudi-
candam. posteriora de incestu rogatione peduceæ. tum
hæc quotidiana sicæ, uenena, peculatus, testamentorum
etiam lege noua quæstiones. inde illa actio: ope consti-
lioq;

lioq; tuo, furtum factum esse aio: inde tot iudicia de fide mala, tutelæ, mandati, pro socio, fiduciæ, reliqua, quæ ex empto, aut uendito, conducto, aut locato contra fidem fiunt: inde iudicium publicum rei privatae lege lectoria: inde euerriculum malitiarum omnium, iudicium de dolo malo: quod C. Aquilius familiaris noster protulit. quem dolum idem Aquilius tum teneri putat: cum aliud sit simulatum: aliud actum. Hanc igitur à dijs immortalibus tantam arbitramur malorum sementem esse factam? Si enim rationem hominibus dij dederunt: & malitiam dederunt. est enim malitia uersuta, et fallax nocendi ratio. idē autem dij fraudem dederunt: facinusq; cæteraq;, quorum nihil nec suscipi sine ratione, nec effici potest. utinam igitur (ut illa anus optat)

» =ne in nemore pelio securibus

» Cæsæ cecidissent abiegnæ ad terram trabes:

sic istam calliditatem hominibus dij ne dedissent: quæ per pauci bene utuntur: qui tamen ipsi sæpe à male utentibus opprimuntur: innumerabiles autem improbe utuntur: ut donum hoc diuinum rationis, & consilij, ad fraudem hominibus, non ad bonitatem impertitum esse uideatur. Sed urgetis identidem, hominum esse istam culpam, non deorum. ut si medicus gravitatem morbi, gubernator uim tempestatis accuset. & si hi quidem homunculi: sed tamen ridiculi. quis enim te adhibuisset dixerit quisspiam: si ista non essent? contra deum licet disputare liberius. in hominum uitijis esse culpam. eam dedisses hominibus rationem: quæ uitia culpamq; excluderet. ubi igitur locus fuit errori deorum? nam patrimonia spe bene tradendi

DE NATURA DEORVM

relinquimus: qua possumus falli. deus falli qui potuit?
 an ut sol, in currum cum Phaetontem filium sustulit:
 aut Neptunus, cum Theseus Hyppolitum perdidit: cum
 ter optandi à Neptuno patre habuisset potestatem.
 poëtarum ista sunt: nos autem philosophi esse uolumus
 rerum authores, non fabularum. Atq; ij tamen ipsi
 dij poëtici si scissent pñiosa fore illa filijs: peccasse in
 beneficio putarentur. et si uerū est quod Aristo chius
 dicere solebat: nocere audientibus philosophos his, qui
 benedicta male interpretarentur: posse enim asotos, ex
 Aristippi, acerbos ē Zenonis schola exire: prorsus si
 qui audierunt, uitiosi essent discessuri: q̄ peruerse phi-
 losophorum disputationem interpretarentur: tacere
 præstare philosophis: q̄ his, qui se audissent, nocere.
 sic si homines rationem bono consilio à dijs immor-
 talibus datam, in fraudem malitiamq; conuertunt:
 non dari illam, quam dari humano generi melius
 fuit. ut si medicus sciat eum ægrotum, qui iussus sit ui-
 num sumere, meracius sumpturū: statimq; periturū:
 magna sit in culpa. sic uestra ista prouidentia re-
 prehendenda: quæ rationem dederit ijs: quos scierit
 ea peruerse, & improbe usuros. nisi forte dicitis eam
 nesciuisse. utinam quidem. sed non audebitis. non enim
 ignoro quanti eius nomen putetis. Sed hic quidem lo-
 cus concludi iam potest. nā si stultitia consensu omniū
 philosophorum maius est malum, q̄ si omnia mala &
 fortune & corporis ex altera parte ponantur: sa-
 pientiam autem nemo assequitur: in summis malis
 omnes sumus: quibus uos optime consultum à dijs im-
 mortalibus dicitis. nam ut nihil interest, utrum nemo
 ualeat: an nemo possit ualere: sic non intelligo, quid
 intersit:

interfit: utrum nemo sit sapiens: an nemo esse possit.
Ac nos quidem nimis multa de re apertissima. Tela-
mon autem uno uersu locum totum conficit: utrum dii
homines negligant:

30 Nā si curent: bene bonis sit: male malis: qđ nunc ab est.
debebant illi quidem omnes bonos efficere: siqui-
dem hominum generi consulebant. sin id minus: bo-
nis quidem certe consulere debebant. cur igitur duos
sapientes fortissimos, & optimos uiros in Hispania
pœnus oppressit? cur Maximus extulit filium consu-
larem? cur Marcellum Annibal interemit? cur Pau-
lum cannæ sustulerunt? cur pœnorum crudelitati
Reguli corpus est præbitum? cur Africani domestici
parietes non texerunt? Sed hæc uetera, & alia per-
multa. propiora uideamus. cur auunculus meus uir in-
nocentissimus, idemq; doctissimus, P. Rutilius in exilio
est? cur sodalis meus interfectus domi suæ Drusus?
cur temperantiæ, prudentiæq; specimen ante simula-
crū uestæ pontifex maximus est Q. Scauola trucidatus?
cur etiam ante tot ciuitatis principes a Cynna in-
terempti? cur omnium perfidiosissimus C. Marius
Q. Catulum præstantissimæ dignitate uirum mori po-
tuit iubere? dies deficiat: si uelim numerare quibus
bonis male euenerit: nec mirus, si commemorem, qui-
bus improbis optime. cur enim Marius tam feliciter
septimum consul domi suæ senex est mortuus? cur
omnium crudelissimus tam diu Cynna regnauit? at
dedit pœnas. prohiberi melius fuit, impediriq; ne tot
summos uiros interficeret: qđ ipsum aliquando pœnas
dare. summo cruciatu, supplicioq; Varius homo im-
portunissimus perijt: sic, quia Drusum ferro, Metel-

DE NATURA DEORVM

lum ueneno substulerat: illos conseruari melius fuit: q̄
 poenas sceleris Varium pendere. Duo de XL Diony-
 sius tyrannus annos fuit opulentissima & beatissi-
 mae ciuitatis. quam multas ante hunc in ipso graeciae
 flore Pisistratus, ac Phalaris, ac Appollodorus poenas
 substulit, multis quidem ante cruciatis, & necatis. Et
 praedones multi saepe poenas dant: nec tamen possu-
 mus dicere non plures captiuos acerbe, q̄ praedones
 necatos. Anaxarchum Democritum a cyprio tyran-
 no exatrnificatum accepimus: Zenonem Eleatem in
 tormentis necatum. quid dicam de Socrate? cuius morti
 illachrymari soleo. Platonem legens. uides ne igitur
 deorum iudicio, si uident res humanas, discrimen esse
 sublatum. Diogenes quidem Cynicus dicere solebat:
 Harpalum, qui temporibus illis praedo felix habe-
 batur: contra deos testimonium dicere: q̄ in illa for-
 tuna tandiu uiueret. Dionysius, de quo ante dixi: cum
 fanum proserpinae locris expilauisset: nauigabas
 syracusas: isq; cum secundissime cursum teneret: uide-
 tis ne inquit amici, quam bona a dijs immortalibus
 nauigatio sacrilegis detur. Atq; homo acutus, cum be-
 ne, planeq; percepisset: in eadem sententia perseue-
 rabat. qui, cum ad peloponnesum classem appulisset:
 & in fanum uenisset Iouis olympij: aureum ei detra-
 xit amiculum grandi pondere: quo Iouem ornarat
 ex manubijs carthaginensiu tyrannus Hiero: atq; in
 eo etiam cauillatus est: aestate graue esse aureum ami-
 culum: hyeme frigidum: eiq; laneum palium iniecit:
 cum id esse aptum ad omne anni tempus diceret.
 idemq; Aesculapij Epidauri barbam auream dem-
 iussit. neq; enim conuenire, barbatum esse filium: cum
 in omnibus

in omnibus fanis pater imberbis esset. Iam mensas
argenteas de omnibus delubris iussit auferri: in qui-
bus, q̃ more ueteris græciæ inscriptum esset bonorum
deorum: uti se eorum bonitate uelle dicebat. Idem ui-
ctoriolas aureas, & pateras, coronasq̃, quæ simula-
crorum porrectis manibus sustinebantur, sine dubita-
tione tollebat: eaq̃ se accipere, non auferre dicebat.
esse enim stultitiam, à quibus bona precæremur, ab
ijs porrigentibus, & dantibus nolle sumere. eundemq̃
ferunt hæc, quæ dixi, sublata de fanis in forum pro-
tulisse: & per præconem uendidisse: exactaq̃ pecu-
nia, edixisse, ut quod quisq̃ à sacris haberet, id
ante diem certam in suum quodq̃ fanum referret:
ita ad impietatem in deos, in homines adiunxit in-
iuriam. hunc igitur nec olympius Iuppiter fulmine
percussit: nec Aesculapius misero diuturnoq̃ mor-
bo intabescentem interemit: atq̃ in suo lectulo mor-
tuus, in tympanidis rogam illatus est: eamq̃ po-
testatem, quam ipse per scelus erat nactus, quasi
iustam, & legitimam, hæreditatis loco filio tra-
didit. Inuita in hoc loco uersatur oratio. uidetur enim
authoritatem asferre patandi. & recte uideretur:
nisi & uirtutis, & uitiorum sine ulla diuina ratio-
ne graue ipsius conscientiae pondus esset. qua sublata,
iacent omnia. Vt enim nec domus, nec resp. ratione
quadam, & disciplina designata uideatur: si in ea
nec recte factis præmia extent ulla: nec supplicia pec-
catis. sic mundi diuina in homines moderatio profe-
cto nulla est: si in ea discrimen nullum est bonorum,
& malorum. At enim minora dii negligunt: neq̃
agellos singulorum, nec uiticulas persequuntur: nec si

DE NATURA DEORVM

uredo, aut grando quippiam nocuit: id Ioui ani-
 maduertendum fuit. ne in regnis quidem reges omnia
 minima curant. sic enim dicitis. quasi ego paulo ante
 de fundo Formiano P. Rutilij sim questus: non de
 amissa salute. Atq; hoc quidem omnes mortales sic
 habent: externas commoditates, uineta, segetes, oli-
 ueta, ubertatem frugum, & fructuum, omnem deniq;
 commoditatem, prosperitatemq; uitae à dijs se habere.
 uirtutem autem nemo unquam acceptam deo rettulit.
 nimirum recte. propter uirtutem enim iure laudamur:
 & in uirtute recte gloriamur. quod non contingeret:
 si id donum à deo, non à nobis haberemus. At uero
 aut honoribus aucti, aut re familiari, aut si aliud
 quippiam nacti sumus fortuiti boni: aut depulimus
 mali: tum dijs gratias agimus: tum nihil nostrae laudi
 assumptum arbitramur. num quis q; bonus uir esset,
 gratias dijs egi unquam? at q; diues: q; honoratus:
 q; incolumis. Iouemq; optimum maximum ob eas res
 appellant: non q; nos iustos, temperatos, sapientes,
 efficiat: sed quod saluos, incolumes, opulentos, copio-
 sos. neq; Herculi quisquam decumam uouit unquam:
 si sapiens factus esset: quanquam Pythagoras cum
 in Geometria quiddam noui inuenisset: musis bouem
 immolasse dicitur. sed id quidem non credo: quoniam
 ille ne Apollini quidem delio hostiam immolare uo-
 luit: ne aram sanguine aspergeret. ad rem autem
 ut redeam: iudicium hoc omnium mortalium est: for-
 tunam à deo petendam: à se ipso sumendam esse sa-
 pientiam. quamuis menti delubra, & uirtuti, &
 fidei consecremus: tamen haec in nobis ipsis sita uide-
 mus: spei, salutis, opis, uictoriae, facultas à dijs expe-

tenda est. Improborum igitur prosperitates, secundæq;
res, redarguunt (ut Diogenes dicebat) uim omnem deo-
rum, ac potestatem. at nonnunquam bonos exitus
habent boni. eos quidem ascribimus, attribuimusq;
sine ulla ratione dijs immortalibus. At Diagoras
cum Samothraciam uenisset, atheos ille qui dicitur:
atq; ei quidam amicus, tu qui deos putas humana ne-
gligere: non ne animaduertis ex tot tabellis pictis, q̃
multi uotis uim tēpestatis effugerint? in portumq; sal-
ui peruenerint? ita fit inquit. illi enim nusquam
picti sunt: qui naufragum fecerunt, in mariq; pe-
rierunt. idemq;, cum ei nauiganti uectores aduersa
tempestate timidi, & perterriti dicerent, non iniu-
ria sibi illud accidere: qui illum in eandem nauem
recepissent: ostendit eis in eodem cursu multas alias
laborantes: quæsiuitq; num etiam in ijs nauibus Dia-
goram uehi crederent. sic enim sese res habet, ut ad
prosperam, aduersamue fortunam qualis sis, aut
quemadmodum uixeris, nihil intersit. Non animad-
uertunt inquit omnia dij: ne reges quidem. quid est
simile? reges enim si scientes prætermittunt: magna
culpa est. at deo ne excusatio quidem est inscientiæ.
quem uos præclare defenditis: cum dicitis eam uim
deorum esse: ut etiam si quis morte pœnas sceleris effu-
gerit: expectentur hæ pœnæ à liberis, à nepotibus,
à posteris. O miram æquitatem deorum. ferret ne
ulla ciuitas latorem istiusmodi legis? ut condemnare-
tur filius, aut nepos, si pater, aut auus deliquisset?
qui nam tantalidarum internitioni modus paretur?
aut quenam unquam ob mortem Mirtili pœnis luen-
dis dabitur satietas supplicij? utrum poetæ stoicos de-

DE NATURA DEORVM

prauauerint, an stoici poetis dederint auctoritatem, non facile dixerim. portenta enim & flagitia ab utrisq; dicuntur. neq; enim quem hipponactis iambus laeserat: aut qui erat Archilochi uersu vulneratus: a deo immissum dolorem, non conceptum a se ipso continebat. nec cum Egisti libidinem, aut cum paridis uidemus, a deo causam requirimus: cum culpa pene uocem audiamus. nec ego multorum aegrorum salutem non ab Hippocrate potius, quam ab aesculapio datam iudico: nec Lacedemoniorum disciplinam dicam unquam ab Apolline potius spartae, quam a lygurgo datam. Crytolaus inquam euertit corinthum: carthaginem Asdrubal. hi duos illos oculos orae maritimae effoderunt: non iratus alicui, quem omnino irasci posse negatis deum. At subuenire certe potuit: & conseruare urbes tantas, atq; tales. uos enim ipsi dicere soletis: nihil esse quod deus efficere non possit: & quidem sine labore ullo. ut enim hominum membra nulla contentione, mente ipsa, ac uoluntate moueantur: sic numine deorum omnia fingi, moueri, mutariq; posse. neq; id dicitis superstitiose, atq; aniliter: sed physica, constantiq; ratione. materiam enim rerum, ex qua, & in qua omnia sunt: totam esse flexibilem, & commutabilem: ut nihil sit, quod non ex ea, quamuis subito, fingi, conuertiq; possit. eius autem uniuersae fictricem, & moderatricem diuinam esse prouidentiam. hanc igitur quocunq; se moueat, efficere posse quicquid uelit. itaq; aut nescit quid possit: aut negligit res humanas: aut quid sit optimum non potest iudicare. non curat singulos homines. non mirum: ne ciuitates quidem. non eas: ne nationes qui-

dem, & gentes. quod si has etiam contemnet: quid mirum est, omne ab ea genus humanum esse contemptum? sed quo modo idem dicitis, non omnia deos persequi? qui idem vultis, a dijs immortalibus hominibus dispartiri, ac diuidi somnia? ideo hæc tecum: quia uestra est de somniorum ueritate sententia. atque idem etiam uoti suscipi dicitis oportere. nempe singuli uouent. audit igitur mens diuina etiam de singulis. uidetis ergo eam non esse tam occupatam, quam putabatis? Fac esse distentam: cælum uersantem: terram tuentem: maria moderantem. cur tam multos deos nihil agere & cessare patitur? cur non rebus humanis aliquos ociosos deos præfecit? qui a te Balbe innumera- biles explicati sunt. Hæc fere dicere habui de natura deorum: non ut eam tollerem: sed ut intelligeretis, quam esset obscura: & quam difficiles explicatus haberet. Quæ cum dixisset Cotta: finem fecit.

Lucilius autem, uehementius inquit Cotta quidem inuectus es in meram stoicorum rationem: quæ de providentia deorum ab illis sanctissime & prouidentissime constituta est. sed quoniam aduersperascit: dabis diem nobis aliquem: ut contra ista dicamus. est enim mihi tecum pro aris, & focis certamen, & pro deorum templis, atque delubris, proque urbis muris, quos uos pontifices sanctos esse dicatis: diligentiusque urbem religione, quam ipsis moenibus cingitis. quæ deferri a me, dum quidem spirare potero, nefas iudico. Tum Cotta. Ego uero & opto redargui me Balbe: & ea, quæ disputavi, differere malui, quam iudicare: & facile me a te uinci posse certo scio. Quippe inquit Velleius, qui etiam somnia putet ad

DE NATURA DEORVM

nos mitti ab Ioue. quæ ipsa tamen tam leuia non sunt:
quàm est stoicorum de natura deorum oratio. Hæc
cum essent dicta: ita discessimus: ut Velleio Cottæ di-
sputatio uerior: mihi Balbi, ad ueritatis similitudi-
nem uideretur esse propensior.

M. TVLLII CICERONIS

DE DIVINATIONE

LIBER PRIMVS.

H

Etus Opinio est, iam usq; ab heroicis
 ducta temporibus: eaq; & populi
 romani, & omnium gentium fir-
 mata consensu: uersari quandam
 inter homines diuinationem: quam
 græci *μαρτυριήν* appellant, idest
 præsentionem, & scientiam rerum futurarum. ma-
 gnifica quædam res, & salutaris: si modo est ulla:
 quæq; proxima ad decorum uim natura mortali pos-
 sit accedere. Itaq; ut alia nos melius multa quam græ-
 ci: sic huic præstanssimæ rei nomen nostri à diuis,
 græci, ut Plato interpretatur, à furore duxerunt.
 gentem quidem nullam uideo neq; tam humanam,
 atq; doctam: neq; tam immanem, tamq; barbaram:
 quæ non significari futura, & à quibusdam intel-
 ligi, prædiciq; posse censeat. Principio Assyrii, ut
 ab ultimis authoritatem repetam, propter planiciem,
 magnitudinemq; regionum, quas incolebant: cum cæ-
 lum ex omni parte patens, atq; apertum intueren-
 tur: traiectiones, motusq; stellarum obseruauerunt:
 quibus notatis, quid cuiq; significaretur memoriæ pro-
 diderunt. Qua in natione Caldæi non ex artis, sed
 ex gentis uocabulo nominati: diuturna obseruatione
 syderum, scientiam putantur effecisse: ut prædici
 posset quid cuiq; euenturum: & quo quisq; fato natus
 esset. Eandem artem etiam ægypti longinquitate

Cilicis
Pisidiae . 86.
100.

DE DIVINATIONE

temporum innumerabilibus pene seculis consecuti
putantur . Cilicum autem, & pisidarum gens, & his
finitima Pamphila, quibus nationibus praesumus ipsi,
uolatibus auium, cantibusq; ut certissimis signis, de-
clarari res futuras putant . quam uero graecia colo-
niam misit in aetholiam, ioniam, asiam, siciliam,
italiam, sine pythio, aut dodoneo, aut ammonis ora-
culo? aut quod bellum susceptum ab ea sine consilio
deorum est? Nec unum genus est diuinationis publice,
priuatimq; celebratum. nam ut omittam caeteros populos:
noster quam multa genera complexus est? Principio
huius urbis parens, Romulus, non solum auspicato
urbem condidisse, sed ipse etiam optimus augur fuisse
traditur. deinde auguribus & reliqui reges usi: &
exactis regibus nihil publice sine auspicijs nec domus,
nec militiae gerebatur . cumq; magna uis uideretur
esse & in impetrandis, consulendisq; rebus: & in
monstris interpretandis, ac procurandis in aruspici-
um disciplina: omnem hanc ex Etruria scientiam
adhibebant: nec genus esset ullum diuinationis: quod
neglectum ab ijs uideretur . Et cum duobus modis
animi sine ratione, & scientia, motu ipsi suo soluto,
& libero incitarentur: uno furente, altero somniantes:
furoris diuinationem sibyllinis maxime uersibus con-
tineri arbitrati, eorum decem interpretes delectos ex
ciuitate esse uoluerunt. ex quo genere saepe ariolorum
etiam, & uatum furibundas praedictiones, ut Octa-
uiano bello Cornelij cilleoli, audiendas putauerunt.
Nec uero somnia grauiora, si quae ad rem p. perti-
nere uisa sunt: a summo consilio neglecta sunt. quin
etiam memoria nostra templum Iunonis Sospitae L.
Iulius,

100 s. ff. in

Iulius, qui cum P. Rutilio consul fuit: de senatus sen-
 tentia refecit ex Ceciliae Balearici filiae somnio. Atq;
 hæc ut ego arbitror ueteres rerum magis euentis
 moniti, quàm ratione docti putauerunt: & proba-
 uerunt. Philosophorum uero exquisita quædam ar-
 gumenta, cur esset uera diuination: collecta sunt. ex
 quibus, ut de antiquissimis loquar, Colophonius Xe-
 nophanes unus, qui deos esse diceret: diuinationem
 funditus sustulit. reliqui uero omnes, præter Epicu-
 rum balbutientem de natura deorum, diuinationem
 probauerunt. sed non uno modo. nam cum Socrates,
 omnesq; Socratici, Zenoq; & ij qui ab eo essent pro-
 fekti, manerent in antiquorum philosophorum senten-
 tia, uetere Academia, & peripateticis consentien-
 tibus: cumq; huic rei magnam authoritatem Pytha-
 goras iam ante tribuisset: qui etiam ipse augur uel-
 let esse: plurimisq; locis grauis author Democritus præ-
 sensionem rerum futurarum comprobaret: Dicear-
 chus peripateticus cætera diuinationis genera sustu-
 lit: somniorum, & furoris reliquit: Cratippusq;
 familiaris noster, quem ego parem summis peripa-
 teticis iudico: ijsdem rebus fidem tribuit: reliqua di-
 uinationis genera reiecit. Sed cum Stoici omnia ferè
 illa defenderent: quod & Zeno in suis commentarijs
 quasi semina quædã sparsisset: & ea Cleanthes paulo
 uberiora fecisset: accessit acerrimo uir ingenio Chry-
 sippus: qui totam de diuinatione duobus libris expli-
 cauit sententiam: uno præterea de oraculis: uno de
 somnijs. quem subsequens unum librum Babilonius
 Diogenes edidit, eius auditor: duos Antipater: quinq;
 noster Possidonius. Sed a stoicis, uel principibus eius

DE DIVINATIONE

disciplinæ, Possidonij doctor, discipulus Antipatrum degeneravit Panætius: nec tamen ausus est negare vim esse diuinandi: sed dubitare se dixit. Quod illi in aliqua re, inuitissimis stoicis, stoico facere licuit: id nos in reliquis rebus faciamus, à stoicis non concedetur? præsertim cum id, de quo Panætio non liquet: reliquis eiusdem disciplinæ, solis uideatur luce clarius. Sed hæc quidem laus academici, præstantissimi philosophi iudicio, & testimonio comprobata est. etenim nobis metipsis querentibus quid sit de diuinatione iudicandum: quod à Carneade multa acute, & copiose contra stoicos disputata sint: uerentibusque ne temere uel falsæ rei, uel non satis cognitæ assentiamur: faciendum uidetur, ut diligenter etiam, atque etiam argumenta cum argumentis comparemus: ut fecimus in his tribus libris, quos de natura deorum scripsimus. nam cum omnibus in rebus temeritas in assentiendo, errorque turpis est: tum in eo loco maxime: in quo iudicandum est quantum auspicijs, rebusque diuinis, religionique tribuamus. est enim periculum: ne aut neglectis his, impia fraude: aut susceptis anili superstitione obligemur. Quibus de rebus & aliàs sæpe, & paulo accuratius nuper, cum essem cum Quinto fratre, in Tusculano disputatum est. Nam cum ambulandi causa in Liciu uenissemus (id enim superiori Gymnasio nomen est) perlegi inquit ille tuum paulo ante tertium de natura deorum: in quo disputatio Cottæ, quanquam labefactauit sententiam meam: non funditus tamen sustulit. Optimo uero inquit. & enim ipse Cotta sic disputat: ut stoicorum magis argumenta confutet: quam hominum deleat religionem. Tum

Quintus

Quintus, dicitur quidem istuc inquit a' Cotta, & uero
 sepius: credo ne communi iure migrare uideatur: sed
 studio contra stoicos discernendi deos mihi uidetur fun-
 ditus tollere. eius orationi non sane desidero quid
 respondeam: satis enim defensa religio est in secundo
 libro a' Lucilio: cuius disputatio tibi ipsi, ut in extre-
 mo tertio scribis, ad ueritatem est uisa propensior. sed
 quod prætermisum est in illis libris: credo quia com-
 modius arbitratus es separatim id quæri: deq; eo
 differi: idest de diuinatione, quæ est earum rerum,
 quæ fortuitæ putantur, prædictio, atq; præsensio: id, si
 placet, uideamus quam habeat uim: & quale sit. ego
 enim sic existimo: si sint ea genera diuinandi uera:
 de quibus accepimus: quæq; colimus: esse deos: uicis-
 simq; si dii sint: esse qui diuinent.

Artem tu quæ
 stoicorum, inquam Quinte defendis: siquidem ista
 reciprocantur: ut & si diuinatio sit, dii sint: & si dii
 sint, sit diuinatio. quorum neutrum tam facile: quam
 tu arbitraris conceditur. nam & natura significari
 futura sine deo possunt: & ut sint dii: potest fieri, ut
 nulla ab ijs diuinatio generi humano tributa sit.

Atq; ille, mihi uero inquit satis est argumenti, et esse
 deos: & consulere rebus humanis: qd esse clara &
 perspicua diuinationis genera iudico. de quibus quid
 ipse sentiam si placet exponam: ita tamen si uacat ani-
 mo: neq; habes aliquid quod huic sermoni præuerten-
 dum putes.

Ego uero inq; philosophiæ Quinte
 semper uaco. hoc autem tempore, cum sit nihil aliud
 quod libenter agere possimus: multo magis aueo audire
 de diuinatione quid sentias. Nihil inquit equidẽ
 noui, nec quod præter cæteros ipse sentiam: nam cum

Reciprocantur

DE DIVINATIONE

antiquissimam sententiam, tum omnium populorum,
 & gentium consensu comprobata sequor. Duo sunt
 enim diuinandi genera: quorum alterum artis est: al-
 terum naturæ. quæ est autem gens? aut quæ ciuitas?
 quæ non, aut extis pecudum, aut monstra, aut fulgu-
 ra interpretantium, aut augurum, aut astrologorum,
 aut sortium (ea enim fere artis sunt) aut somniorum,
 aut uaticinationū (hæc enim duo naturalia putantur)
 prædictione moueatur? quarum quidem rerum euen-
 ta magis arbitror, quam causas queri oportere. Est
 enim uis & natura quædam: quæ tum obseruatis lon-
 go tempore significationibus, tum aliquo instinctu, in-
 flatuq; diuino futura prænunciat. quare omittat ur-
 gere Carneades: quod faciebat etiam Panætius: requi-
 rens Iupiter ne cornicem a' leua, coruum a' dextra
 canere iussisset? obseruata sunt hæc tempore immen-
 so: & significatione euentus, animaduersa, & notata.
 nihil est autem, quod non longiquitas temporum, ex-
 cipiente memoria, prodendisq; monumentis, efficere,
 atq; assequi possit. mirari licet quæ sint animaduersa,
 a' medicas herbarum genera, quæ radicum, ad mor-
 sus bestiarum, ad oculorum morbos, ad uulnera. quo-
 rum uim, atq; naturam ratio nunquam explicauit:
 utilitate & ars est, & inuentor probatus. Age ea,
 quæ, quanquam ex alio genere sunt: tamen diuina-
 tioni sunt similia, uideamus.

Instinctus

Ab Arminio
(111)

- » Atq; etiam uentos præmonstrat sepe futuros
- » Inflatum mare: cum subito, penitusq; tumescit:
- » Saxa q; æna, salis niueo spumata liquore,
- » Tristificas certant neptuno reddere uoces.
- » Aut densus stridor, cum celso è uertice montis

Oytus

» Ortus adaugeſcit ſcopulorum ſæpe repulſu.
Atq; his rerum præſenſionibus prognostica tua re-
ferta ſunt. quis igitur elicere cauſas præſenſionum
potest? Et ſi uideo Bæothū ſtoicum eſſe conatum. qui
hactenus aliquid egit: ut earum rationem rerū ex-
plicaret: quæ in mari cælo'ue fierent. illa uero cur
eueniant, quis probabiliter dixerit?

» Cana fulix itidem fugiens e' gurgite ponti,
» Nunciat horribiles clamans inſtare procellas,
» Haud modicos tremulo fundens e' gutture cantus.
» Sæpe etiam pertriſte canit de pectore carmen:

» Et matutinis A credula uocibus inſtat:

Arctula

» Vocibus inſtat: et aſſiduas iacit ore querelas:

» Cum primum gelidos rores aurora remittit.

» Fuſcæq; nonnunquam curſans per littora cornix

» Demerſit caput: Et fluctum ceruice recepit.

Videmus hæc ſigna nunquam fere' euentientia. nec
tamen cur ita fiat uidemus.

» Vos quoq; ſigna uidetis aquai dulcis alumnae:

» Cum clamore paratis inanes fundere uoces:

» Abſurdoq; ſono fontes, Et ſtagna cietis.

Quis eſt qui ranunculos hoc uidere ſuſpicari poſſit?
ſed ineſt mire Et ranunculis quædam natura ſigni-
ficans aliquid, per ſe ipſa ſatis certa, cognitioni autem
hominum obſcurior.

Ranunculi

» Mollipedesq; boues ſpectantes lumina cæli

» Naribus humiferum duxere ex ære ſuctum.

Non quæro cur: quoniam quid eueniat intelligo.

» Iam uero ſemper uiridis, ſemperq; grauata

» Lentiscus triplici ſolita grandæſcere foetu,

Lentiscus

» Ter fruges fundens, tria tempora monſtrat arandi.

DE DIVINATIONE

Ne hoc qdē quaero: cur haec arbor una ter floreat: aut
 cur arandi maturitatē ad signum floris accommodet.
 hoc sum contentus: quod, etiam si quomodo quicq; fiat
 ignorem: qd fiat intelligo. pro omni igitur diuinatione
 idē quod pro omnibus his rebus, quas commemoravi,
 respondebo. quid scamoneae radix ad purgandum, qd
 aristochia ad morsus serpentum possit: quae nomen ex
 inuentore repperit: rem ipsam inuentor ex somnio:
 uideo: quod satis est: cur possit, nescio. sic uentorum, &
 hymbrium signa, quae dixi, rationem quam habeant
 non satis perspicio: uim & euentum agnosco: scio: ap=
 probo. similiter quid fissum in extis, quid fibra ua=
 leat, accipio: quae causa sit, nescio. Atq; horum quidem
 plena uita est. extis enim omnes fere utuntur. quid de
 fulgurum ui: dubitare possumus? nonne cum multa
 alia mirabilia? tum illud in primis? cum Summanus
 in fastigio Iouis optimi maximi, qui tum erat fictilis,
 caelo ictus esset: nec usquam eius simulacri caput in=
 ueniretur: aruspices in tyberim id depulsum esse di=
 xerunt: idq; inuentum est eo loco: qui est ab aruspici=
 bus demonstratus. Sed quo potius utar aut authore,
 aut teste, q̄ te? cuius edidici etiam uersus, & libenter
 quidem: quos in secundo consulatu Vrania musa pro=
 nunciauit.

scamonea
 Aristochia

Fissū. 77
 105. 112.
 114.

penis.

- » Principio aethereo flammatus Iuppiter igni
- » Vertitur: & totum collustrat lumine mundum;
- » Mentēq; diuina caelum terrasq; petessit:
- » Quae penitus sensus hominum, uitasq; retentat,
- » Aetheris aeterni septa, atq; inclusa cauernis.
- » Et sistellarum motus cursusq; uagantis
- » Nosse uelis: quae sine signorum in sede locatae:

Quae

- » Quæ uerbo, & falsis graiorum uocibus errant:
 » Re uera, certo lapsu, spacioq; feruntur:
 » Omnia iam cernes diuina mente notata.
 » Nam primum astrorum uolucris te consule motus,
 » Concursumq; grauis stellarum ardore micantis,
 » Tu quoq; cum tumulos Albano in monte ninales
 » Lustrasti: & læto mactasti lacte latinas:
 » Vidisti: & claro tremulos ardore cometas:
 » Multaq; misceri nocturna strage putasti:
 » Quod ferme dirum in tempus cecidere latinae.
 » Cum claram speciem concreto lumine luna
 » Abdidit: & subito stellanti nocte perempta est.
 » Quid uero phœbi fax, tristis nuncia belli:
 » Quæ magnū ad columen flammato ardore uolabat:
 » Præcípites celi partes: obitusq; petisset:
 » Aut cum terribili perculsus fulmine ciuis,
 » Luce serenanti uitalia lumina liquit:
 » Aut cum se grauido tremefecit corpore tellus.
 » Iam uero uariæ nocturno tempore uisæ
 » Terribiles formæ, bellum, motusq; mouebant.
 » Multaq; per terras uates, oracula furenti
 » Pectore fundebant tristes minitantiæ casus.
 » Atq; ea, quæ lapsu tandem cecidere uetusto:
 » Hæc fore, perpetuis signis, clarisq; frequentans
 » Ipse deum genitor cælo, terrisq; canebat.
 » Nunc ea Torquato quæ quondam, & consule Cotta
 » Lydius ediderat tyrrhenæ gentis aruspex:
 » Omnia fixa tuus glomerans determinat annus.
 » Nam pater altitonans stellanti nixus olympo
 » Ipse suos quondam tumulos, ac templa petiuit:
 » Et capitolinis iniecit sedibus ignes.

Idem T. Livius
 T. C. Livianum
 143.

DE DIVINATIONE

- » Tum species ex ære uetus, generatâq; Natta
 » Concidit: elapsâq; uetusto numine leges.
 » Et diuum simulacra peremit fulminis ardor.
 » Hic syluestris erat, romani nominis altrix
 » Martia: quæ paruos mauortis semine natos
 » Vberibus grauidis, uitali rore rigabat.
 » Quæ tum cum pueris flammato fulminis ictu
 » Concidit: atq; auulsa pedum uestigia liquit.
 » Tum quis non artis scripta, ac monumenta uoluitans:
 » Voces tristificas chartis promebat etruscis?
 » Omnes civili generosa stirpe profectos,
 » Vitare ingentem cladem, pestemq; monebant.
 » Vel legum exitium constanti uoce ferebant.
 » Tempa deumq; adeo flammis, urbesq; iubebant
 » Eripere: & stragem horribilem, cædemq; uereri.
 » Atq; hæc fixa graui fato, ac fundata teneri
 » Ni post excisum ad columen firmata decore
 » Sancta Iouis species claros spectaret in ortus.
 » Tum fore, ut occultos populus, sanctusq; senatus
 » Cernere conatus posset: si solis ad ortum
 » Conuersa, inde patrum sedes, populiq; uideret:
 » Hæc tardata diu species, nultumq; morata
 » Consule te tandem celsa est in sede locata:
 » Atq; una fixi, ac signata temporis hora,
 » Iuppiter excelsa clarabat sceptrâ columna:
 » Ac clades patriæ, flamma, ferroq; parata,
 » Vocibus allobrogum patribus populoq; patebat.
 » Rite igitur ueteres: quorum monumenta tenetis:
 » Qui populos, urbisq; modo, ac uirtute regebant:
 » Rite etiam uestri, quorum pietasq; fidesq;
 » Præstitit: & longo uicis sapientia cunctos:

Præcipue

» Præcipue ingenti coluerunt numine diuos.
 » Hæc adeo penitus cura uidere sagaci
 » Ocia qui studiis læti tenuere decoris:
 » Inq; academia umbrifera, nitidoq; licio
 » Fuderunt claras fœcundi pectoris artes.
 » E quibus ereptum primo iam à flore iuuenta,
 » Te patria in media uirtutum mole locauit.
 » Tu tamen anxiferas curas requiete relaxas:
 » Quod patriæ uocis studiis, nobisq; sacraſti.
 Tu igitur animum poteris inducere contra ea, quæ à
 me diſputantur, de diuinatione dicere? qui et geſſe-
 ſeris ea, quæ geſſiſti: et ea, quæ pronunciaui, accuratiſ-
 ſime ſcripſeris? Quid quæris Carneade, cur hæc ita
 fiant? aut qua arte perſpici poſſint? neſcire me fa-
 teor: euenire autem teipſum dico uidere. caſu inquis.
 ita ne uero? quicquam poteſt eſſe caſu factum: quod
 omnes habet in ſe numeros ueritatis? quatuor tali
 eiecti, caſu uenereum efficiunt: num etiam centum ue-
 nereos, ſi CCCC talos eieceris, caſu futuros putas?
 aſperſa temere pigmenta in tabula, oris liniamenta
 effingere poſſunt: num etiam ueneris gnidiæ, coæq; pul-
 chritudinem effingi poſſe aſperſione fortuita putas?
 ſus roſtro ſi humi a litteram impreſſerit: num pro-
 pterea ſuſpicari poteris, andromacham Ennij ab ea
 poſſe deſcribi? fingeſſet Carneades in chiorum lapi-
 cidinis ſaxo diſſiſſo, caput extitiſſe panisſci. credo ali-
 quam non diſſimilem figuram: ſed certe non talem:
 ut eam factam à ſcopa diceret. ſic enim ſe proſecto
 res habet: ut nunquam perfecte ueritatem caſus imi-
 tetur. At nonnunquam ea, quæ prædicta ſunt, minus
 eueniunt: quæ tandem id ars non habet? earum dico

Talos in
 Veneris.

Diſſiſſus

DE DIVINATIONE

artium, quæ coniectura continentur: & sunt opinabiles. an medicina ars non putanda est? quam tamen multa fallunt. quid? gubernatores nonne falluntur? an achiuorum exercitus, & tot nauium rectores, non ita profecti sunt ab illo? ut profectioe læti, piscium læticiuiam intuerentur (ut ait Pacuuius) nec tuendi facietas capere posset?

- » Interea propè iam occidente sole, inhorrescit mare:
- » Tenebræ conduplicantur: noctisq; & nimbum occæcat nigror.

Nigror

Num igitur tot clarissimorum ducum, regumq; naufragum, sustulit artem gubernandi? an num imperatorum scientia nihil est? quia summus imperator nuper fugit amisso exercitu? aut num propterea nulla est reip. gerendæ ratio, atq; prudentia? quia multa Gn. Pompeium, quædam M. Catonem, non nulla etiam te ipsum fefellerunt? similis est aruspicum responsio, omnisq; opinabilis diuinitio. coniectura enim nititur: ultra quam progredi non potest. ea fallit. fortasse non nunquam: sed tamen ad ueritatem sæpissime dirigit. est enim ab omni æternitate repetita. in qua, cum pene innumerabiles res eodem modo euenirent hisdem signis antegressis: ars est effecta, eadem sæpe animaduertendo, atq; notando. Auspicia uero uestra q̄ constant? quæ q̄dem nunc à Romanis auguribus ignorantur: bona hoc tua uenia dixerim: à Ciliciis, Pamphilijs, pisidis, Lycijs tenentur. iam quid ego hospitem nostrum clarissimum, atq; optimum uirum Deiotarum regem commemorem? qui nihil unquam nisi auspicato gerit: qui cum ex itinere quodam proposito, & iam constituto reuertisset, aquilæ admonitus uolauit: con-

Quæ diuinitio
ni dedit.
Pisidæ

clauē illud, ubi erat mansurus, si ire perrexisset: proxima nocte corruit. itaq; ut ex ipso audiebam, per sepe reuertit ex itinere: cum iam progressus esset multorum dierum uiam. cuius quidem hoc præclarissimum est: quod postea quam à Cæsare tetrarchiæ regno, pecuniâq; mulctatus est: negat se tamen eorum auspiciorum, quæ sibi ad Pompeium proficiscenti secunda euenerint, poenitere. senatus enim auctoritatem, & populi ro. libertatem, atq; imperij dignitatem, suis armis esse defensam: sibiq; eas aues, quibus auctoribus officium, & fidem secutus esset: bene consuluisse. antiquiorem enim sibi fuisse possessionibus suis gloriam. ille igitur mihi uidetur uere augurari. nam nostri quidem magistratus auspicijs utuntur coactis. necesse enim est offa obiecta cadere frustum ex pulli ore, cum pascitur. quod autem scriptum habetis, aut tripudium fieri, si ex ea quid in solidū ceciderit: hoc quoq; quod dixi coactum tripudium solistimum dicatis. itaq; multa auguria, multa auspicia, quod Cato ille sapiens queritur: negligentia collegij amissa plane, & deserta sunt. Nihil ferè quondam maioris rei, nisi auspicato, ne priuatim quidem, gerebatur: quod etiam nunc nuptiarum auspices declarant: qui re omissa nomen tantum tenent. nam ut nunc extis, quanquam id ipsum aliquanto minus, quàm olim: sic tum auibus magnæ res impertiri solebant. itaq; sinistra dum non exquirimus, in dira, et in uitiosa incurrimus. ut P. Claudius Appij Cæci filius, eiusq; collega L. Iunius, classes maximas perdiderunt: cum uitio nauigassent. quod eodem modo euenit Agamemnoni. qui cum achiui cæpissent Inter se strepere, aperteq; artem obtere extispicum:

Deiuturus.

Tripudium solistimum.

Extispicum.

DE DIVINATIONE

» Soluere imperat secundo rumore, auersaq; aui.
 sed quid uetera? M. Crasso quid acciderit uidemus
 dirarum obnunciatione neglecta. in quo Appius col-
 lega tuus bonus augur, ut ex te audire soleo: non satis
 scienter, uirum bonum, & ciuem egregium censor
 P. Aetheium notauit: quod ementitum auspicia sub-
 scripserit. Esto: fuerit hoc censoris: si iudicabat emen-
 titum. at illud minime auguris: quod ascripsit ob eam
 causam populum ro. calamitatem maximam cepisse. si
 enim ea causa calamitatis fuit: non in eo est culpa:
 qui obnunciauit: sed in eo, qui non paruit. ueram
 enim fuisse obnunciationem, ut ait idem augur, & cen-
 sor: exitus approbavit. quæ si falsa fuissent: nullam
 asferre potuissent causam calamitatis. etenim diræ si-
 cut cætera auspicia, ut omina, ut signa, non causas af-
 ferunt cur quid eueniat: sed enuncians euentura, nisi
 prouideris. Non igitur obnunciatio P. Aetheij causam
 finxit calamitatis: sed signo obiecto, monuit Crassum.
 quid euenturum esset, nisi cauisset. ita, aut illa obnun-
 ciatio nihil ualuit: aut si, ut Appius iudicat, ualuit: id
 ualuit, ut peccatum hæreat non in eo, qui monuerit,
 sed in eo, qui non obtemperauerit. Quid lituus iste
 uester, quod clarissimum est insigne auguratus, unde
 nobis est traditus? nempe eo Romulus regiones dire-
 xit tum, cum urbem condidit. qui quidem Romuli li-
 tuus, idest incurium, & leuiter a summo inflexum
 bacillum, quod ab eius litui, quo canitur, similitudine
 nomen inuenit: cum situs esset in curia saliorum, quæ
 est in palatio: eaq; deflagrasset: inuentus est integer.
 quid multis annis post Romulum, prisco regnante Tar-
 quinio? quis ueterum scriptorum non loquitur, quæ

Diræ.

Lituus

fit ab Actio Nauio per Lituum regionum facta descri-
 ptio: qui cum propter paupertatem sues puer pasce-
 ret: una ex his amissa, uouisse dicitur, si recuperasset:
 uuam se deo daturum: quæ maxima esset in uinea.
 itaq; sue inuenta, ad meridiem spectans, in uinea me-
 dia dicitur constitisse: cumq; in quatuor partes uineam
 diuississet: trisq; partes aues abdixissent: quarta parte,
 quæ erat reliqua, in regione distributa, mirabili ma-
 gnitudine uuam ut scriptum uidemus, inuenit. qua re
 celebrata, cum uicini omnes ad unum de rebus suis
 referrent: erat in magno nomine, & gloria. ex quo
 factum est: ut eum ad se rex Priscus acerferet. cuius
 cum tentaret scientiam auguratus, dixit ei se cogitare
 quiddam: id posset ne fieri consuluit. ille augurio acto,
 posse respondit. Tarquinius autem dixit se cogitasse
 cotem nouacula posse præcidi. tum Actium iussisse ex-
 periri. ita cotem in comitum illatam inspectante &
 rege & populo, nouacula esse discissam. ex eo euenit
 ut et Tarquinius augure Actio Nauio uteretur: et po-
 pulus de suis rebus ad eum referret. cotem autem il-
 lam, & nouaculam defossam in comitio, supraq; im-
 positum puteal accepimus. Negemus omnia: combura-
 mus annales: ficta hæc esse dicamus: quid uis deniq;
 potius, q̃ deos res humanas curare feteamur. quid?
 quod apud te scriptum est de Tyberio Graccho: non
 ne & augurum, & aruspicum comprobat discipli-
 nam? qui, cum tabernaculum uitio cæpisset impru-
 dens: quod inauspicato pomerium transgressus esset: co-
 mitia consulibus rogatis habuit. nota res est: & a te
 ipso mandata monumentis. sed & ipse augur Ti-
 Gracchus auspiciorum authoritatem confessione errati

Actius Nauius

Abvianus

Puteal.

DE DIVINATIONE

sui comprobavit: & aruspicum disciplinæ magna ac-
 cessit authoritas: qui recentibus comitijs in senatum
 introducti, negauerunt iustum comitiorum rogato-
 rem fuisse. His igitur assentior: qui duo genera diui-
 nationis esse dixerunt: unum, quod particeps esset ar-
 tis: alterum, quod arte careret. est enim ars in ijs, qui
 novas res coniectura persequuntur: ueteres observa-
 tione didicerunt. carent autem arte ij: qui non ratione,
 aut coniectura obseruatis, ac notatis signis, sed concu-
 tatione quadam animi, aut soluto, liberoq; motu futura
 præsentunt. quod & somniantibus sæpe contingit: et
 nonnunquam uaticinantibus per furorem: ut Bacchis
 Bæotius, ut Epimenides cres, ut Sibylla erithrea. cuius
 generis oracula etiam habenda sunt: non ea quæ
 æquatis sortibus ducuntur: sed illa quæ instinctu di-
 uino, afflatuq; funduntur. & si ipsa sors contemnenda
 non est: si & authoritatem habet uetustatis: ut hæ-
 sunt sortes, quas ex terra editas accepimus: quæ tamen
 educæ, ut in rem apte cadant fieri posse credo diui-
 nitus. quorum omnium interpretes, ut grammatici
 poëtarum, proxime ad eorum, quos interpretantur di-
 uinatione uidentur accedere. quæ est igitur ista calidi-
 tas? res uetustate robustas, calumniando uelle peruer-
 tere? Non reperio causam. latet fortasse obscuritate
 inuoluta naturæ. non enim me deus ista scire, sed his,
 tantummodo uti uoluit. utar igitur: nec abducar his, ut
 rear aut in extis totam Etruriam delirare: aut ean-
 dem gentem in fulguribus errare: aut fallaciter por-
 tenta interpretari: cum terræ sæpe fremitus, sæpe mug-
 gitus, sæpe motus, multa nostræ reip. multa cæteris ci-
 uitatibus grauiæ & uera prædixerint. quid, qui irri-

instinctu.

detur, partus hic mulæ, non ne quia foetus extitit in sterilitate naturæ, prædictus est ab aruspibus incredibilis partus malorum? quid? Ti. Gracchus Publii filius, qui bis consul & censor fuit: idemq; & summus augur, & uir sapiens, cuiusq; præstans: nonne, ut C. Gracchus filius eius scriptum reliquit, duobus anguibus domi comprehensis, aruspices conuocauit? qui cum respondissent, si marem emisisset: uxori breuit tempore esse moriendum: si foeminam: ipsi æquius esse censuit, se maturam oppetere mortem: quam P. Africani filiam adolescentem? foeminam emisit. ipse paucis post diebus est mortuus. irrideamus aruspices: uanos, futiles esse dicamus: quorumq; disciplinam, & sapientissimus uir, & euentus, ac res comprobauit, contemnamus. contemnamus etiam Babylonios, & eos qui ex caucaso cæli signa seruantes, numeris, & motibus, stellarum cursus persequuntur. contemnamus inquam hos aut stultitiæ, aut uanitatis, aut imprudentiæ: qui CCCC LXX milia annorum, ut ipsi dicunt, monumentis, comprehensa continent: & mentiri iudicemus: nec seculorum reliquorum iudicium quod de ipsis futurum sit, pertimescere. Age barbari uani, atq; fallaces. num etiam graiorum historia mentita est? quæ Cræso Pythius Apollo, ut de naturali diuinatione dicam: quæ Atheniensibus, quæ lacedæmonijs, quæ Tegeatis, quæ argiuis, quæ corinthijs responderit, quis ignorat? collegit innumerabilia oracula Chrysippus: nec ullum sine locuplete auctoritate, atq; teste. quæ quia nota tibi sunt: relinquo. Defendo unum hoc. nunquam illud oraculum delphis tam celebre, & tam clarum fuisset: neq; tantis

Mulæ partus

Angues domi
comprehensi

CCCC LXX. mil
annorum.

DE DIVINATIONE

donis refertum omnium populorum atq; regum: nisi
 omnis ætas oraculorum illorum ueritatem esset ex-
 perta. iam diu idem non facit. ut igitur nunc mino-
 re gloria est: quia minus oraculorum ueritas ex-
 cellit: sic tum, nisi summa ueritate, in tanta gloria
 non fuisset. potest autem uis illa terræ, quæ mentem
 pythiæ diuino afflatu concitabat, euanuisse uetustate: ut
 quosdam exaruisse amnes, aut in alium cursum con-
 tortos, & deflexos uidemus. sed ut uis acciderit: ma-
 gna enim quæstio est: modo maneat id, quod negari
 non potest, nisi omnem historiam peruerterimus: mul-
 tis seclis uerax fuisse id oraculum. Sed omittamus
 oracula: ueniamus ad somnia. de quibus disputans
 Chrysippus, multis, & minutis somnijs colligendis, fa-
 cit idem quod Antipater: ea conquirens, quæ An-
 tiphontis interpretatione explicata, declarant illa
 quidem acumen interpretis: sed exemplis grandio-
 ribus deuit uti. Dionysij mater eius, qui Syracusio-
 rum tyrannus fuit: ut scriptum apud Philistum est, &
 doctum hominem, & diligentem, & æqualem tem-
 porum illorum: cum prægnans hunc ipsum Diony-
 sium alio contineret: somniauit se peperisse satyri-
 scum. huic interpretes portentorum, qui galleotæ tum
 in scicilia nominabantur: responderunt (ut ait Philis-
 tus) eum quem illa peperisset, clarissimum græciæ
 diuturna cum fortuna fore. Num te ad fabulas re-
 uoco uel nostrorum, uel græcorum poetarum? Nar-
 rat enim & apud Ennium uestalis illa.

- » Excita cum tremulis anus attulit artubus lumen:
- » Talia commemorat lachrymans exterrita somno
- » Euridice prognata, pater quam noster amauit:

Vires

SOMNIA.

Galleota

Vires uitāq; corpū meum nunc deserit omne.
Nam me uisus homo pulcher per amoena salicta
Et ripas raptare, locosq; novos. ita sola
Post illa germana soror errare uidebar:
Tardāq; uestigare, & querere te, neq; posse
Corde capeſſere. ſemita nulla pedem ſtabilibat.
Exim compellare pater me uoce uidetur
His uerbis, cognata tibi ſunt ante gerenda.
Hæc pater effatus: germana repente reſeſſit.
Erumnæ poſt ex ſtudio fortuna reſiſtet:
Nec ſeſe dedit in conſpectum corde cupitus.
Quāquam multa manus ad cæli cæſula templa
Tendeſbam lachrymans: & blanda uoce uocabam.
Vix ægro tum corde meo me ſomniū relinquit.
Hæc etiam ſi ficta ſunt à poeta: non abſunt tamen
à conſuetudine ſomniorum. Sit ſane etiam illud com-
mentitium: quo Priamus eſt conturbatus.
Quia mater grauida parere ſe ardentem facem
Viſa eſt in ſomnis Hecuba: quo facto pater
Rex ipſe Priamus ſomnio mentis metu,
Percuſſus curis ſumptis ſuſpirantibus
Exſacrificabat hoſtijs balantibus.
Tum coniectorem poſtulat pacem petens,
Vt ſe edoceret obſecrans Apollinem,
Quo ſeſe uertant tantæ ſortes ſomnium.
Ibi ex oraculo uoce diuina edidit
Apollo, puerum, primus Priamo qui foret
Poſt illa natuſtempora: hunc ſi tolleret:
Eum eſſe exitium Troiæ, peſtem pergamoni.
Sint hæc ut dixi, ſomnia fabularum: hiſq; adiungat-
tur etiam Aeneæ ſomnium: quod in numerum Fabij

DE DIVINATIONE

pictoris græcis annalibus eiusmodi est: ut omnia, quæ ab Aenea gesta sunt, quæq; illi aciderunt, ea fuerint, quæ ei secundum quietem uisa sunt. sed propiora uideamus. cuiusnā modi est superbi Tarquinij somniū. de quo in Bruto Actius loquitur.

- » Cum iam quieti corpus nocturno impetu
 - » Dedi, sopore placans artus languidos:
 - » Visus est in somnis pastor ad me appellere:
 - » Duos consanguineos arietes inde eligi:
 - » Pecus lanigerum eximia pulchritudine:
 - » Præclarioremq; alterum immolare me.
 - » Deinde eius germanum cornibus connitier
 - » In me arietare: eoq; ictu me ad casum dari!
 - » Exin prostratum terra grauius saucium
 - » Resupinum, in coelo contueri maximum
 - » Ac mirificum facinus: dextrorsum orbem flammæ
 - » Radiatum solis liquier cursu nouo.
- Eius igitur somni quæ sit à coniectoris interpretatio facta uideamus.
- » Rex quæ in uita usurpant homines, cogitant, curant, uident:
 - » Quæq; agunt uigilantes, agitantq;: ea si cui in somno accidunt:
 - » Minus mirum est. sed in re tanta haud temere improviso offerunt.
 - » Proin uide, ne quem tu esse hebetem deputes æque æ pecus:
 - » Is sapientia munitum pectus egregium gerat:
 - » Teq; regno expellat. nam id quod de sole ostensum est tibi:
 - » Populo commutationem rerum portendit fore.

Per propinqua hæc bene uerruncant populo . nam
quod ad dexteram

Coepit cursum ab læua signū præpotens pulcherrimo
Auguratum est, re Romanam publicam summā fore.
Age nunc ad externa redeamus. Matrem Phalaridis
scribit Ponticus Heraclides doctus uir, auditor, et di-
scipulus Platonis, uisam esse uidere in somnis simula-
cra deorum: quæ ipsa phalaridis domi consecrauiſſet.
ex his Mercurium e' patera, quam dextra manu te-
neret, sanguinem uisum esse fundere. qui, cum terram
attigiſſet: reſerueſcere uideretur ſic, ut tota domus san-
guine redundaret. quod matris ſomnium immanis fi-
lij crudelitas comprobauit. Quid ego, quæ magi Cyro
illi principi interpretati ſunt, ex Dionysij perſia li-
bris proferam? nam cum dormienti ei ſol ad pedes
uiſus eſſet: ter eum ſcribit fruſtra appetuiſſe mani-
bus: cum ſe conuoluens ſol elaberetur: et abiret. ei
magos dixiſſe: quod genus ſapientum, et doctorum
habebatur in perſis: ex triplici appetitione ſolis, XXX
annos Cyrum regnaturum eſſe portendi. quod ita con-
tigit. nam ad ſeptuageſimum peruenit: cum XL na-
tus annos regnare cœpiſſet. Eſt proſecto quiddam etiā
in barbaris gentibus præſentiens, atq; diuinanſ. ſi
quidem ad mortem proſciſcens Calanus Indus cum
aſcenderet in rogam ardentem: o præclarum diſceſ-
ſum inquit e' uita: cum, ut Herculi contigit, mortali
corpore cremato in lucem animus exceſſerit. cumq;
Alexander eum rogaret: ſi quid uellet, ut diceret:
optime inquit, propediem te uidebo. quod ita conti-
git. nam Babylone paucis poſt diebus Alexander eſt
mortuus. Diſcedo parumper a' ſomnijs: ad quæ mor-

Phalaridis

Cyprus

magi

Calanus

DE DIVINATIONE

*Philostratus
Abp.*

Annibal

Annibal

reuerſar. qua nocte templum ephēſe Dianę deſta-
grauit: eadem conſtat ex olympiade natum eſſe Ale-
xandrum: atq; ubi lucere cœpiſſet: clamiſſe magos,
peſtem, ac perniciem Aſiæ proxima nocte natam. Hæc
de indis, & Magis. redeamus ad ſomnia. Annibalem
Cælius ſcribit cum columnam auream, quæ eſſet in
fano Iunonis lacinia, auferre uellet: dubitaretq;
utrum ea ſolida eſſet, an extrinſecus inaurata: per-
terebrauiſſe. cumq; ſolidam inueniſſet: ſtatuſſe eam
tollere. ſecundum quietem uiſam eſſe ei Iunonem præ-
dicere ne id faceret: minitariq;, ſi id feciſſet, ſe cura-
turam, ut eum quoq; oculum, quo bene uideret, amit-
teret: idq; ab homine acuto non eſſe neglectum. itaq;
ex eo auro, quod exterebratum eſſet, buculam curaſſe
faciendam: & eam in ſummo columnæ collocauiſſe.
Hoc idem in Silenî, quem Cælius ſequitur, græcæ hi-
ſtoria eſt. is autem diligentiffime res Annibalis per-
ſecutus eſt. Annibalem cum cœpiſſet Saguntum: uiſum
eſſe in ſomnis à Ioue in deorum concilium uocari: quo
cum ueniſſet: Iouem imperaſſe, ut Italiæ bellum in-
ferret: ducemq; ei unum ex concilio datum. quo illum
utentem cum exercitu progredi cœpiſſe. tum ei ducem
illum præcepiſſe ne reſpiceret. illum autem id diutius
facere non potuiſſe: elatumq; cupiditate reſpexiſſe. tum
uiſam beluam uāſtam, & immanem, circumplicatam
ſerpentibus, quacunq; incederet omnia arbuiſta, uir-
gulta, tecta peruertere. & eum admiratum quæſiſſe
de deo quidnam illud eſſet tale monſtrum: & deum
reſpondiſſe, uāſtatem eſſe Italiæ: præcepiſſeq; ut per-
geret protinus: quid retro, atq; à tergo fieret, ne la-
boraret. Apud Agathoclem ſcriptum in hiſtoria eſt,
Hamilcarem

Hamilcarem Carthaginensem, cum oppugnaret Syracusas, uisum esse audire uocem, se postridie cenaturum Syracusis. cum autem is dies illuxisset: magnam seditionem in castris eius inter poenos, & stultos milites esse factam. quod cum sensissent Syracusani: improviso eos in castra irrupisse: Hamilcaremque ab his uiuum esse sublatum. ita res somnium comprobauit. plena exemplorum est historia: tum referta uita communis. At uero P. Decius ille Q. filius, qui primus e' decijs consul fuit: cum esset trib. mil. M. Valerio, & A. Cornelio consulibus: à Samnitibusque premeretur noster exercitus: cum pericula praeliorum iniret audacius: monereturque, ut cautior esset: dixit, quod extat in annalibus: sibi in somnis uisum esse, cum in medijs hostibus uersaretur, occidere cum maxima gloria. & tum quidem in uoluntate exercitum obsidione liberauit. post triennium autem, cum consul esset, deuouit se: & in aciem latinorum irrupit armatus. quo eius facto superati sunt, & deleti latini. cuius mors ita gloriosa fuit: ut eandem concupisceret filius. Sed ueniamus nunc si placet ad somnia philosophorum. Est apud Platonem Socrates, cum esset in custodia publica, dicens. Critoni suo familiari, sibi post tertium diem esse moriendum: uidisse se in somnis pulchritudine eximia feminam: quæ se nomine appellans diceret Homericum quendam eiusmodi uersum:

» Tertia te phthiae tempestas leta locabit:
quod ut est dictum: sic scribitur contigisse. Xenophon Socraticus, qui uir, & quantus, in ea militia, qua cum Cyro minore perfunctus est: sua scribit somnia. quorum exitus mirabiles extiterunt. mentiri Xenophon-

*Aristoteles
+ Eudemus
somnia.*

DE DIVINATIONE

tem, an delirare dicemus? quid singulari uir ingenio
Aristoteles, & pene diuino, ipse ne errat? an alios
uult errare? cum scribit Eudemum cyprium fami-
liarem suum iter in macedoniam facientem pheras ue-
nisse: quæ erat urbs in thessalia tum admodum nobi-
lis: ab Alexandro autem tyranno crudeli dominatu
premebatur. in eo igitur oppido ita grauiter egrum
Eudemum fuisse: ut omnes medici diffiderent. ei uisum
esse in quiete egregia facie iuuenem dicere: fore ut
breui conualesceret: paucisq; diebus interituum Ale-
xandrum tyrannum: ipsum autem Eudemum quin-
quennio post domum esse rediturum. Atq; ita quidem,
prima statim scribit Aristoteles consecuta: & conua-
luisse Eudemum: & ab uxoris fratribus interfectum
tyrannum. quinto autem anno exeunte, cum esset spes
ex illo somnio in Cyprium illum ex sicilia esse reditu-
rum: præliantem eum ad Syracusas occidisse. ex quo
ita illud somnium esse interpretatum: ut cum animus
Eudem ex corpore excesserit: tum domum reuertisse
uideatur. Adiungam philosophis doctissimum homi-
nem, poetam quidem diuinum, Sophoclem: qui cum ex
æde Herculis patera aurea grauis surrepta esset: in
somnia uidit ipsum deum dicentem quis fecisset. quod
semel ille, iterumq; neglexit. ubi idem sepius: ascen-
dit in ariopagum: detulit rem. Ariopagæ compre-
hendi iubent eum, qui a Sophocle erat nominatus. is
quæstione adhibita, confessus est: pateramq; rettulit.
quo facto, fanum illud indicis Herculis nominatum
est. Sed quid ego græcorum? nescio quo modo magis
me nostra delectant. omnes hoc historici, Fabij, Gellij,
sed proxime Celijs: cum bello latino ludi uotui ma-

rimū primum fierent: ciuitas ad arma repente est excitata. itaq; ludis intermissis instauratiui constituti sunt. qui antequam fierent: cumq; iam populus con- sedisset: seruus, qui circum uirgis cederetur, furcā ferens ductus est. exim cuidam rustico Romano dormienti uisus est uenire, qui diceret, præsultorem sibi non placuisse ludis: idq; ab eodem iussū esse eum senatui nunciare. illum non esse ausum. iterum esse idem iussū, et monitum, ne uim suam experiri uellet. ne tum quidem esse ausum. exim filium eius esse mortuum. eandem in somnijs admonitionem fuisse tertiam. tum illum etiam debilem factum, rem ad amicos detulisse. quorum de sententia lectulo in curiam esse delatum. cumq; senatui somnium enarrauisset: pedibus suis saluum reuertisse. itaq; somnio comprobato a senatu, ludos illos iterum instauratos memoriæ proditum est. C. uero Gracchus multis dixit: ut scriptum apud eundem Celium est: sibi in somnis quæsturam petenti, Ti. fratrem uisum esse dicere q̄ uellet cunctaretur: tamen eodem sibi leto, quo ipse interisset, esse pereundum. Hoc antequam Tr. pl. Gracchus factus esset. Et se audisse scribit Celiū, Et dixisse multis. quo somnio qd inueniri potest certius? quid? illa duo somnia, quæ creberrime commemorantur a stoicis: quis tandem potest contemnere? unum de Simonide: qui cum ignotum quendam proiectum mortuum uidisset: eumq; humanisset: haberetq; in animo nauem conscendere: moneri uisus est, ne id faceret, ab eo, quem sepultura affecerat. si nauigasset, eum naufragio esse perituum. itaq; Simonidem redisse: perisse ceteros, qui tum nauigassent. Alterum ita traditum clarum ad-

DE DIVINATIONE

Arcades duo

modum somnium. cum duo quidam arcades familia-
res iter una facerent: & Megaram uenissent: alterum
ad cauponem diuertisse: ad hospitem alterum. qui ut
cænatique quiescerent: concubia nocte uisum esse in somnis
ei, qui erat in hospitio, illum alterum, orare ut subue-
niret: quod sibi a caupone interitus pararetur. eum
primo perterritum somnio surrexisse: deinde cum se
collegisset: idq; uisum pro nihilo habendum esse du-
xisset: recubuisse. tum ei dormienti eundem illum uisum
esse rogare, ut quoniam sibi uiuo non subuenisset: mor-
tem suam ne inultam esse pateretur: se interfectum in
plaustrum a caupone esse coniectum: & supra stercus
iniectum: petere ut mane ad portam adesset, prius-
quam plaustrum ex oppido exiret. hoc uero somnio
eum commotum mane bubulco præsto ad portam fuis-
se: quæsisse ex eo quid esset in plaustro: illum perter-
ritum fugisse: mortuum erutum esse: cauponem re pa-
tescens poenas dedisse. quid hoc somnio dici diuinius po-
test? Sed quid aut plura, aut uetera quærimus? sæpe
tibi meum narraui: sæpe ex te somnium audiui tuum.
me, cum Asiæ provincie præessem, uidisse in quiete:
cum tu equo aduectus, ad quandam magni fluminis
ripam, prouectus subito, atq; delapsus in flumen, nus-
quam apparuisses: me contremuisse timore perterri-
tum: tum te repente lætum extitisse: eodemq; equo ad-
uersam ascendisse ripam: nosq; inter nos esse comple-
xos. facilis coniectura huius somnij: mihiq; a peritis,
in Asia prædictum est, fore eos euentus rerum: qui
acciderunt. uenio nunc ad tuum. audiui equidem ex te
ipso: sed mihi sæpius Salustius noster narrauit: cum
in illa fuga nobis gloriosa, patriæ calamitosa, in uilla
quadam

Cic. somnium

quadam campi atinatis maneres : magnamq; partem noctis uigilasses : ad lucem deniq; arcte , & grauius dormire coepisse . itaq; quanquam iter instaret : te tamen silentium fieri iussisse : neq; esse passum te excitari . cum autem experrectus esses hora secunda fere , te sibi somnium narrauisse : uisum tibi esse , cum in locis solis moestus errares : C. Marium cum fascibus laureatis quærere ex te , quid tristis esses : cumq; tu te tua patria ui pulsum esse dixisses :prehendisse eum dextram tuam : & bono animo te iussisse esse : lictoriq; proximo tradidisse : ut te in monumentum suum deduceret : & dixisse , in eo tibi salutem fore . tum & se exclamasse Salustius narrat , reditum tibi celerem , & gloriosum paratum : & te ipsum uisum somnio delectari . nam illud mihi ipsi celeriter nunciatum est : ut audiuisses in monumento Marij de tuo reditu magnificentissimum illud senatusconsultum esse factum , referente optimo , & clarissimo uiro consule : idq; frequentissimo theatro , incredibili clamore , & plausu comprobatum : dixisse te , nihil illo atinati somnio fieri posse diuinius . At multa falsa . immo obscura fortasse nobis . sed sint falsa quaedam . contra uera quid dicimus ? quæ quidem multo plura euenirent : si ad quietem integri iremus . nunc onusti cibo , & uino , perturbata , & confusa cernimus . Vide quid Socrates in Platonis politia loquatur . dicit enim , cum dormientibus ea pars animi , quæ mentis & rationis particeps sit , sopita langueat : illa autem , in qua feritas quaedam sit , atq; agrestis immanitas , cum sit immoderato obstupescata potu , atq; pastu : exultare eam in somno , immoderateq; iactari . itaq; huic omnia uisa obijciuntur

DE DIVINATIONE

» à mente, ac ratione uacua: ut aut cum matre corpus
 » miscere uideamur: aut cum quouis alio homine, uel
 » deo, sepe belua: atq; etiam trucidare aliquem: Et
 » impie cruentari: multaq; facere impure, atq; tetre,
 » cum temeritate, atq; impudentia. at qui salubri, Et
 » moderato cultu, atq; uictu, quieti se tradiderit: ea
 » parte animi, quæ mentis, Et consilij est, agitata, Et
 » erecta, saturataq; bonarum cogitationum epulis, eaq;
 » parte animi, quæ uoluptate alitur, nec inopia eneata,
 » nec facietate affluenti, quorum utrunq; præstringere
 » aciem mentis solet, siue deest naturæ quippiam, siue
 » abundat, atq; effluit: illa etiam tertia parte animi, in
 » qua irarum existit ardor, sedata, atq; restructa, tum
 » eueniet duabus animi temerarijs partibus compressis,
 » ut illa tertia pars rationis, Et mentis eluceat: Et se
 » uegetam ad somniandū, acremq; præbeat: tum ei uisa
 » quietis occurrent tranquilla atq; ueracia. Hæc uerba
 » ipsa Platonis expressi. Epicurū igitur audiemus potius?
 » nam Carneades concertationis studio: modo ait hoc: mo-
 » do illud. at ille, quid sentit? sentit autem nihil unq; ele-
 » gans, nihil decorum. hunc ergo antepones Platoni, Et
 » Socra. i. q. ut rationem non redderent: autoritate ta-
 » men hos minutos philosophos uincerent. Iubet igitur
 » Plato sic ad somnium proficisci corporibus affectis: ut
 » nihil sit quod errorem animis, perturbationemq; affe-
 » rat. ex quo etiam Pythagoricis interdictum putatur
 » ne faba uescerentur: quod habet inflationem magnam
 » is cibus tranquillitati mentis quærenti uera contra-
 » riam. Cum ergo est somno seuocatus animus à socie-
 » tate, Et contagione corporis: tum meminit præterito-
 » rum: præsentia cernit: futura prouidet. iacet enim cor-

Faba Pythag.

pus dormientis ut morui uiget autem, & uiuit animus. quod multo magis faciet post mortem: cum omnino ex corpore excesserit. itaq; appropinquante morte multo est diuinior. nam & id ipsum uident, qui sunt morbo graui et mortifero affecti: instare mortem. itaq; his occurrunt plerumq; imagines mortuorum: tumq; uel maxime laudi student: eosq; qui secus q̄ decuit uixerunt, peccatorum suorum tum maxime poenitet. diuinare autem morientes etiam illo exemplo confirmat Possidonius: quo affert rhodium quendam morientem sex aequales nominasse: & dixisse qui primus eorum, qui secundus, qui deinceps moriturus esset. sed tribus modis censet deorū appulsu homines somniare. uno, quod praeuideat animus ipse per sese: quippe qui deorum cognatione teneatur. altero, quod plenus aër sit immortalium animorum: in quibus tanquam insignitae notae ueritatis appareant. tertio, quod ipsi dii cum dormientibus colloquantur: idq; ut modo dixi facilius euenit appropinquante morte: ut animi futura augurerentur. ex quo & illud est Calani: de quo ante dixi: & homerici Hectoris: q̄ moriens propinquam Achilli mortem denunciat. neq; enim illud uerbum temere consuetudo approbauisset: si ea res nulla esset omnino. Praesagibat animus frustra me ire: cum exirem domo. sagire enim sentire acute est: ex quo sagae anus, quia multa scire uolunt, & sagaces dicti canes. is igitur qui ante sagit, q̄ oblata res est, dicitur praesagire: idest futura ante sentire. inest igitur in animis praesagatio extrinsecus iniecta atq; inclusa diuinitus. ea si exarsit acrius: furor appellatur: cum a corpore animus abstractus diuino instinctu concitatur.

*Morientes
diuinitus*

*Praesagire
Sagire
Sagae
Sagax
Praesagium*

Instinctus?

DE DIVINATIONE

- » Sed quid oculis rapere visa est derepente ardētibus?
ubi illa paulo ante sapiens uirginali modesta?
 - » Mater optima: tum multo mulier melior:
 - » Missa sum superstitiosis ariolationibus:
 - » Neq; me Apollo fatis fandis dementem inuitam ciet.
 - » Virgines uero æquales patris mei meū factum pudet
 - » Optimi uiri: mea mater tui me miseret: mei piget.
 - » Optumam progeniem Priamo repperisti: extra me
hoc dolet.
 - » Me obesse: illos prodesse: me obstare: illos obsequi.
O poëma tenerum, & moratum, atq; molle: sed hoc
minus ad rem. illud quod uolumus expressum est: ut
uaticinari furor uera soleat.
 - » Adest adest fax obuoluta sanguine, atq; incendio:
 - » Multos annos latuit. ciues ferte opem: & restinguite.
Deus inclusus corpore humano iam, non cassandra
loquitur.
 - » Iamq; mari magno classis cita
 - » Texitur: exitium examen rapit:
 - » Aduenit, & fera ueliuolantibus
 - » Nauibus compleuit manu' littora.
- Tragœdias loqui uideor, & fabulas. at ex te ipso non
commentitiam rem, sed factam, eiusdem generis audi-
ui: C. Coponium ad te uenisse Dyrrachio: cum prætório
imperio classi rhodiæ præesset, cum primo hominem
prudentem, atq; doctum: eumq; dixisset remigem
quendam ex quinquere mi rhodiorum uaticinatum,
ma defactum iri minus XXX diebus græciam san-
guine: rapinas Dyrrachi, & consensionem in naues
cum fuga, fugientibus miserabilem respectum incen-
diorum fore: sed rhodiorum classi propinquum re-

*in adfectu iri
q. uacua sunt.*

ditum, ac domum itionem dari. tum neque ipsum non
esse commotum: Marcumq; Varronem, & M. Catonē.
qui tum ibi erant, doctos homines, uehementer esse per-
territos. paucis sanē post diebus, ex pharsalica fuga
uenisse Labienum. q̄ cū interitū exercitus nunciauisset:
reliqua uaticinationis breui esse confecta. nam & ex
horreis direptum, effusumq; frumentum uias omnes,
angustasq; constrauerat: & naues subito perterriti
metu conscendistis: & noctu ad oppidum respicientes,
flagrantes onerarias, quas incenderant milites, quia
sequi noluerant, uidebatis. postremo à rhodia classe
deserti, uerum uatem fuisse sensistis. Exposui quam-
breuissime potui somnij, & furoris oracula: quæ ca-
rere arte dixeram. quorum amborum generum una
ratio est: qua Cratippus noster uti solet: animos ho-
minum quadam ex parte extrinsecus esse tractos, &
haustos. ex quo intelligitur esse extra diuinum ani-
mum: humanus unde ducatur: humani autem ani-
mi eam partem, quæ sensum, quæ motum, quæ ap-
petitum habeat, non esse ab actione corporis seingra-
tam: quæ autem pars animi rationis, atq; intelligen-
tiæ sit particeps: eam tum maxime uigere: cum plu-
rimum absit à corpore. Itaq; ex ipsis exemplis ue-
rarum uaticinationum, & somniorum Cratippus
solet rationem concludere hoc modo. si sine oculis
non potest extare officium, & munus oculorum: pos-
sunt autem aliquando oculi non fungi suo munere:
qui uel semel ita est usus oculis, ut uera cerneret: is
habet sensum oculorum uera cernentium. Item igitur,
si sine diuinatione non potest & officium & mu-
nus diuinationis extare: potest autem quis cum diuina-

DE DIVINATIONE

tionem habeat, errare aliquando: nec uera cernere: satis est ad confirmandam diuinationem semel ita esse aliquid diuinatum: ut nihil fortuito cecidisse uideatur. sunt autem eius generis innumerabilia. esse igitur diuinationem confitendum est. Quae uero aut coniectura explicantur: aut euentis animaduersa et notata sunt: ea genera diuinandi, ut supradixi, non naturalia, sed artificiosa dicuntur. in quo aruspices, augures, coniectoresque numerantur. haec improbantur à peripateticis: à stoicis defenduntur. quorum alia sunt posita in morum mentis, et disciplina: quod etruscorum declarant, et aruspici, et fulgurales, et rituales libri, nostri etiam augurales: alia autem subito tempore coniectura explicantur: ut apud Homerum Chalcas: qui ex passerum numero belli troiani annos auguratus est. Et ut in sisennae scriptum historia uidemus: quod te inspectante factum est: ut cum Sylla in agro Nolano immolaret ante praetorium: ab infima ara subito anguis emergeret. cum quidam C. Posthumius aruspex oraret illum: ut in expeditionem exercitum educeret: id cum Sylla fecisset: tum ante oppidum nolam florentissima Samnitum castra cepit. Facta coniectura etiam in Dionysio est paulo antequam regnare coepit: qui cum per agrum Leontinum iter faciens, equum ipse dimisisset in flumen: summersus equus uoragnibus non extitit: quem cum maxima contentione non potuisset extrahere: discessit, ut ait Philistus, aegre ferens. cum autem aliquantulum progressus esset: subito exaudiuit himnitum: respexitque: et equum alacrem letus aspexit: cuius in iuba examen apum confederat. quod ostentum habuit

Ritualis

Dionysii ostentum.

Exter:

hanc vim : ut Dionysius paucis post diebus regnare
 coepit. Quid? Lacedæmonijs paulo ante leuctricam
 calamitatem quæ significatio facta est? cum in hercu-
 lis fano arma sonuerunt: Herculisq; simulacrum mul-
 to sudore manauit. At eodem tempore Thebis, ut ait
 Callisthenes, in templo Herculis ualuæ clausæ repa-
 gulis, subito se ipsæ aperuerunt: armaq; quæ fixa in
 parietibus fuerant, ea humi sunt inuenta. cumq; eo-
 dem tempore apud lebadiam Trophonio res diuina
 fieret: gallos gallinacos in eo loco sic assidue canere
 coepisse: ut nihil intermitterent. tum augures dixisse
 Bæotios, Thebanorum esse uictoriam: propterea q
 auis illa uicta silere soleret, canere, si uicisset. Eademq;
 tēpestate multis signis Lacedæmonijs leuctricæ pugnae
 calamitas denunciabatur. namq; & Lysandri, qui
 Lacedæmoniorum clarissimus fuerat: statuæ, quæ
 Delphis stabat, in capite corona subito extitit ex aspe-
 ris herbis, & agrestibus: stellæq; aureæ, quæ Del-
 phis erant à Lacedæmonijs positæ post naualem il-
 lam uictoriam Lysandri, qua Athenienses concide-
 runt: qua in pugna quia Castor & Pollux cum La-
 cedæmoniorum classe uisi esse dicebantur: eorum in-
 signia deorum, stellæ aureæ, quas dixi, Delphis po-
 sitæ paulo ante leuctricā pugnam deciderunt: neq; re-
 pertæ sunt. Maximum uero illud portentum hisdem
 spartiatibus fuit: quod cum oraculum ab Ioue Dodo-
 neo petuissent, de uictoria sciscitantes: legatiq; illud,
 in quo inerant sortes, collocauissent: Simia, quam rex
 Molossorum in delitijs habebat: & sortes ipsas, &
 cetera, quæ erant ad sortem parata, disturbauit:
 & aliud aliò dissipauit. tum ea, quæ præposita erat

Arma sonu
 Hæc simulacrum
 sudans.

= Ex thes.

DE DIVINATIONE

oraculo, sacerdos dixisse dicitur, de salute Lacedæ-
monijs esse, non de uictoria cogitandum. Quid bel-
lo punico secundo? non ne C. Flaminius consul ite-
rum, neglexit signa rerum futurarum magna cum
clade reipublicæ? qui exercitu lustrato, cum Aretium
uersus castra mouisset: & contra Hannibalem legio-
nes duceret: & ipse & equus eius ante signum Io-
uis statoris sine causa repente concidit. nec eam rem
habuit religioni, obiecto signo, ut peritis uidebatur,
ne committeret prælium. Idem cum tripudium auspici-
retur: pullarius diem prælij committendi differebat.
tum Flaminius ex eo quæstuit, si ne postea quidem
pulli pascerentur: quid faciendum censeret. cum ille
quiescendum respondisset: Flaminius præclara uero
auspicia: si esurientibus pullis res geri poterit: saturis
nihil geretur. itaq; signa conuelli, & sequi iussit. quo
tempore, cum signifer primi hastati signum non pos-
set mouere loco: nec quicquam proficeret, plures cum
accederent: Flaminius re nunciata suo more negle-
xit. itaq; tribus horis concisus exercitus: atq; ipse in-
terfectus est. Magnum illud etiam quod addidit Ce-
lius, eo ipso tempore, cum hoc calamitosum fieret præ-
lium: tantos terræmotus in ligurijs, gallia, com-
pluribusq; insulis, totaq; in Italia factos esse: ut mul-
ta oppida corruerint: multis locis labe facta sit: ter-
ræq; defederint: fluminaq; in contrarias partes fluxe-
rint: atq; amnes mare influxerint. Fiunt certæ di-
uinationum coniecturæ à peritis. Midæ illi phrygio,
cum puer esset, dormienti formicæ in os tritici gra-
na congesserunt. ditissimum fore prædictum est. quod
euenit. at Platoni cum in cunis paruulo dormienti
apes in

C. Flamini.

Labe.

Desiderio ueris

Midæ uox Phryg.

Platonis apes

(in amnes mare influxerint)

apes in labellis consedissent: responsum est singula-
 ri illum suauitate orationis fore. ita futura eloquentia
 prouisa in infante est. quid amores, ac delitiae tuae
 Roscius? num aut ipse, aut pro eo Lanuium totum
 mentiebatur? qui cum esset in cunabulis: educareturq;
 in selonio: qui est campus agri Lanuini: noctu lu-
 mine appposito experrecta nutrix animaduertit pue-
 rum dormientem circumplicatum serpentis amplexu.
 quo aspectu exterrita clamorem sustulit. pater autem
 Roscij ad aruspices rettulit. qui responderunt: nihil
 illo puero clarius, nihil nobilius fore. atq; hanc
 speciem praxiteles celauit argento: & noster expres-
 sit Archias uersibus. quid igitur expectamus? an
 dum in foro nobiscum dii immortales, dum in uis
 uersentur? dum domi? qui quidem ipsi se nobis non offe-
 runt: uim autem suam longe, lateq; diffundunt. quam
 cum terrae cauernis includunt: tum hominum naturis
 implicant. nam terrae uis Pythiam Delphis incitabat:
 naturae Sibyllam. quid enim? non uidemus quam sine
 uaria terrarum genera? ex quibus et mortifera quae-
 dam pars est: ut & Ansancti in hirpinis, & in Asia
 plutonia, quae uidemus. & sunt partes agrorum
 aliae pestilentes: aliae salubres: aliae quae acuta inge-
 nia gignant: aliae quae retusa. quae omnia fiunt &
 ex caeli uarietate: & ex disparili aspiratione terra-
 rum. fit etiam saepe specie quadam, saepe uocum gra-
 uitate, & cantibus, ut pellantur animi uehementius:
 saepe etiam cura, & timore: qualis est illa,
 Flexa anima tanquam lymphata, ut bacchi sacris
 Commota, in tumultis teucrum commemorans suum.
 Atq; etiam illa concitatio declarat uim in animis esse

Roscius

Archias.

Ansancti
Plutonia

DE DIVINATIONE

diuinam . negat enim sine furore Democritus quena-
quam poetam magnum esse posse . quod idem dicit
Plato . quem si placet appellet furorem : dum modo is
furor ita laudetur , ut in phædro Platonis laudatus est .
quid ues . r . i oratio in causis ? quid ipsa actio ? potest
esse uehemens , & grauis , & copiosa , nisi est animus
ipse commotior ? equidem etiam in te sæpe uidi , &
ut ad leuiora ueniamus , in Esopo familiari tuo , tan-
tum ardorem uultuum , atq; motuum : ut eum uis quæ-
dam abstraxisse a sensu mentis uideretur . Obijciun-
tur etiam sæpe formæ : quæ re ab se nullæ sunt : spe-
ciem autem offerunt . quod contigisse Brenno dicitur ,
eiusq; gallicis copijs : cum fano Apollinis delphici ne-
farium bellum intulisset . tum enim ferunt ex oraculo
hæc fatam esse pythiam ,

- » Ego prouidebo rem istam , & albæ uirgines .
ex quo factum , ut & uiderentur uirgines ferre arma
contra : & niue galloꝝ obrueretur exercitus . Aristot-
eles quidem , eos etiam , qui ualitudinis uitio furerent ,
& melancholici dicerentur , censebat habere aliquid
in animis præsagens , atq; diuinum . ego autem haud
scio an nec cardiacis hoc tribuendum sit : nec freneticis .
animi enim integri , non uitiosi corporis est diuinitio .
Quam quidem esse re uera hac stoicorum ratione
concluditur . Si sunt dij : neq; ante declarant hominibus
quæ futura sunt : aut non diligunt homines : aut quid
euenturum sit ignorant : aut existimant nihil interesse
hominum , scire quid futurum sit : aut non censeant esse
sue maiestatis præsignificare hominibus quæ sunt fu-
tura : aut ea , ne ipsi quidem dij significare possunt . at
neq; non diligunt nos . sunt enim benefici , generiq; ho-
minum

minum amici: neq; ignorant ea, quæ ab ipsis constitu-
ta, & designata sunt: neq; nostra nihil interest scire
ea, quæ euentura sunt: erimus enim cautiores si scie-
mus: neq; hoc alienum ducunt maiestate sua (nihil est
enim beneficentia præstantius) neq; non possunt futu-
ra prænoscere. non igitur sunt dij: nec significant fu-
tura. sunt autem dij. significant ergo. et non si signifi-
cant: nullas vias dant nobis ad significationis scien-
tiam. frustra enim significarent. nec si dant vias: non
est diuinitas. est igitur diuinitas. hac ratione et Chry-
sippus, & Diogenes, et Antipater utitur. quid est igitur
cur dubitandum sit? quin sint ea, quæ disputauimus,
uerissima? si ratio mecum facit, si euenta, si populi, si
nationes, si græci, si barbari, si maiores etiam nostri:
si deniq; hoc semper ita putatum est: si summi philo-
sophi, si poëtæ, si sapientissimi uiri, qui res publicas
constituerunt: qui urbes condiderunt. an dum bestia
loquantur expectamus? hominum consentiente autho-
ritate contenti non sumus? nec uero quicquam aliud
affertur: cur ea quæ dico diuinandi genera nulla sint:
nisi quod difficile dictu uidetur, quæ cuiusq; diuina-
tionis ratio, quæ causa sit. quid enim habet aruspex?
cur pulmo incisus, etiam in bonis extis, dirimat tem-
pus: & proferat diem? quid augur? cur à dextra
coruus, à sinistra cornix faciat ratum? quid astrolo-
gus? cur stella Iouis, aut Veneris coniuncta cum Lu-
na ad ortus puerorum salutaris sit? Saturni, Martis ue-
contraria? cur autem deus dormientes nos moneat?
uigilantes negligat? quid deinde causæ sit: cur Cassan-
dra furens futura prospiciat? Priamus sapiens hoc
idem facere non queat? cur fiat quicq; quæris? recte

Pulmo incisus

Coruus a dextra

Cornix a sinistra

DE DIVINATIONE

omnino. sed non nunc id agitur. fiat, nec ne fiat, id queritur. ut si magnetem lapidem esse dicam, qui fer- rum ad se alliciat, et trahat: at rationem cur id fiat, afferre nequeam: fieri omnino neges. quod idem fa- cis in divinatione. quam & cernimus ipsi, & audiui- mus, & legimus, & a patribus accepimus: neq; ante philosophiam patefactam, quæ nuper inuenta est, hac de re communis uita dubitauit: & postea quam phi- losophia processit: nemo aliter philosophus sensit: in quo modo esset authoritas. dixi de Pythagora, de De- mocrito, de Socrate: excepi de antiquis præter Xeno- phanem neminem: adiunxi ueterem Academiam: pe- ripateticos, stoicos. unus dissentit Epicurus. quid uero hoc turpius? q̃ quod idem nullam censet gratuitam esse uirtutem? quis autem est, quem non moueat cla- rissimis monumentis testata, consignataq; antiquitas? Calchantem, augurem scribit Homerus longe opti- mum: eumq; ducem classis fuisse. at illum auspicioꝝ credo scientia, non locorum. Amphilocus, & Mopsus arguorum reges fuerunt: sed ydem augures: yq; ur- bes in ora maritima Ciliciæ græcas condiderunt. atq; etiã ante hos Amphiaræus, et Tyrestas non humi- les & obscuri: neq; eorū similes, ut apud Ennium est, » Qui sui quæstus causa fictas suscitant sententias: sed clari, & præstantes uiri: qui auibus, & signis ad- moniti futura dicebant. quorum de altero, etiam apud inferos Homerus ait, solum sapere: ceteros umbra- rum uagari modo. Amphiaræum autem sic honorauit fama græciæ: deus ut haberetur: atq; ut ab eius solo, in quo est humatus, oracula peterentur. quid asiæ rex Priamus? non ne & Helenum filium, & Cassan- dram

Calchans

Amphilocus
Mopsus

Amphiaraus
Tyrestas

drum filiam diuinantes habebat? alterum augurijs? Alteram mentis incitatione diuina? quo in genere Martios quosdam fratres, nobili loco natos, apud maiores nostros fuisse scriptum uidemus. quid Polybum corinthium non ne Homerus & alijs multa, & filio ad Troiam proficiscenti mortem praedixisse commemorat? omnino apud ueteres, qui rerum potiebantur, iidem auguria tenebant. ut enim sapere, sic diuinare regale ducebant: ut testis est nostra ciuitas: in qua & reges, augures: & postea priuati eodem sacerdotio praediti, remp. religionum authoritate rexerunt. Ea quoque diuinationum ratio ne in barbaris quidem gentibus neglecta est: siquidem & in Gallia Druydes sunt: e quibus ipse Diuitiacum heduum hospitem tuum, laudatoremque cognoui: qui & naturae rationem, quam physiologiam graeci appellant, notam esse sibi profitebatur: & partim augurijs, partim coniectura, quae essent futura dicebat. et in persis augurantur, & diuinant Magi: qui congregantur in fano commentandi causa, atque inter se colloquendi. quod etiam idem uos quondam facere nonis solebatis. nec quisquam rex persarum potest esse: qui non ante magorum disciplinam, scientiamque perceperit. licet autem uidere & genera quaedam, & nationes, huic scientiae deditas. Telmesus in caria est: qua in urbe excellit aruspicum disciplina. itemque Elis in peloponneso familias duas certas habet, iamidarum, unam, alteram glutidarum, aruspicinae nobilitate praestantes. in syria Caldei cognitione astrorum, solertiaque ingeniorum antecellunt. Ethruria autem de caelo tacta scientissime animaduertit: eademque interpretatur quid quibusque ostendatur

Martijs fratres

Druides

Magi

Persae reges

Caldei

Scientiss.

DE DIVINATIONE

monstris, atq; portentis. quo circa bene apud maiores nostros senatus, tum cum florebat imperium, decrevit: ut de principum filiis sex singulis æthuriæ populis in disciplinam traderentur: ne ars tanta propter tenuitatem hominum a religionis autoritate, abduceretur ad mercedem, atq; quæstum. Phryges autem: Et Pisidæ, Et Cilices, et Arabum natio, auium significationibus plurimum obtemperant. quod idem fætitatum in umbria accepimus. Ac mihi quidem videntur ex locis quoq; ipsis, qui a quibusq; incolebantur, diuinationum opportunitates esse ductæ. ut enim ægyptij, ut Babylonij, in camporum patentium æquoribus habitantes, cum ex terra nihil emineret: quod contemplationi cæli officere posset: omnem curam in syderum cognitione posuerunt. Ethrusci autem, quod religione imbuti studiosius, Et crebrius hostias immolabant: extorum cognitioni se maxime dediderunt: quodq; propter aëris crassitudinem, de cælo apud eos multa fiebant: Et quod ob eandem causam multa inusitata, partim ex cælo, alia ex terra oriebantur: quedam etiam ex hominum, pecudumue conceptu, Et saty: portentorum exercitatissimi interpretes extiterunt. quorum quidem vim ut tu soles dicere uerba ipsa prudenter a maioribus posita declarant. quia enim ostendunt, portendunt, monstrant, prædicunt: ostenta, portenta, monstra, prodigia dicuntur. Arabes autem, Et Phryges, Et Cylices, quod pastu pecudum maximo utuntur, campos, Et montes hyeme, Et æstate, peragrantes: propterea facilius cantus auium, Et uolatus notauerunt. eademq; Et Pysidiæ causa fuit, Et huic nostræ umbriæ. Tum Caria tota, præcipueq; telmesses,

Pisidæ

Auium significationibus.

Umbri

Saty

Ostenta
Portenta
Monstra
Prodigia

Genus Diuinationis de
Ibis.

Pisidia
Umbria

telmesses, quos ante dixi, quod agros uberrimos maxi-
meq; fertiles incolunt: in quibus multa propter fecun-
ditatem fingi, gigniq; possunt: in ostentis animaduer-
tendis diligentes fuerunt. quis uero non uidet in opti-
ma quaq; republica plurimum auspicia & reliqua di-
uinandi genera ualuisse? quis rex unquam fuit? quis
populus? qui non ueretur praedictione diuina? neq;
solum in pace, sed in bello multo etiam magis: in quo
maius erat certamen, & discrimen salutis. omitto no-
stros: qui nihil in bello sine extis agunt: nihil sine au-
spicijs domi habent. auspicia externa uideamus. nam
& Athenienses omnibus semper publicis consilijs di-
uinos quosdam sacerdotes, quos mantes uocant, adhi-
buerunt: & lacedaemonij regibus suis augurem asses-
sorem dederunt: itemq; senibus, sic enim consilium
publicum appellant: augurem interesse uoluerunt:
iisdemq; de rebus maioribus semper aut Delphis ora-
culum, aut ab Hamnone, aut a Dodona petebant. Ly-
curgus quidem, qui Lacedaemoniorum Remp. tempe-
rauit: leges suas authoritate Apollinis delphici confir-
mauit. quas cum uellet Lysander commutare: eadem
est prohibitus religione. Atq; etiam qui praerant
Lacedaemonijs non contenti uigilantibus curis, in
Pastheae fano, quod est in agro propter urbem, som-
nandi causa excubabant: quia uera quietis oracula
ducebant. Ad nostra iam redeo. quoties senatus decem
uiros ad libros ire iussit? nam & cum duo uisi soles
essent: & cum tres lunae: & cum faces: & cum sol no-
cte uisus esset: & cum ex caelo fremitus auditus: &
cum caelum discessisse uisum est: atq; in eo animaduersi
globi. delata etiam ad senatum labes agri priuerna-

Telmesses

Pastheae fano

Soles duo
Lunae tres
Sol nocteCaeli discessus
Labes

DE DIVINATIONE

Desolave

Apollo /
Victorin /

Androgyn.
Tiberis sangu.

Lapis.
Sangu.
Tiberis
Lactis

C. cl. J. J. J. J. J.

Veneri bello
Ino' Alban.
Lini 5. 67.

tis: cum ad infinitam altitudinem terra desedisset: Apuliaq; maximis terræmotibus cōquassata esset. quibus portentis magna populo ro. bella, perniciosæq; seditiones denunciabantur. inq; his omnibus responsa aruspicum cum sybillæ uersibus congruebant. quid cum Cumis apollo sudauit? capuæ uictoria? quid ortus Androgyni? nonne fatale quoddam monstrum fuit? quid quod fluminis atratus sanguine fluxit? quid cum sæpe lapidum, sanguinis nonnunquam, terræ interdum, quondam etiam lactis imber efluxit? quid cum in capitolio ictus centaurus ex cælo est? in Auentino portæ? et homines? tusculi ædes Castoris, et pol-lucis? Romæq; pietatis? non ne et aruspices, ea respon-derunt, quæ euenerunt? Et in sybillæ libris eadem repertæ prædictiones sunt? quoties senatus decemui-ros ad libros ire iussit? quantis in rebus, quamq; sæ-pe, responsis aruspicum paruit? cæcilieq; somnio mo-do, marsico bello, templum est à senatu Iunoni sospi-tæ restitutum. quod quidem somnium Sisenna cum disputasset mirifice ad uerbum cum re conuenisse: tum insolenter, credo ab Epicuro aliquo inductus, disputat somnijs credi non oportere. idem contra ostenta nihil disputat: exponitq; initio belli marsici, et deorum si-mulacra sudauisse: et sanguinem fluxisse: et disces-sisse cælum: et ex occulto auditas esse uoces: quæ pe-ricula belli nunciarent: et Lanuij clypeos, q; aru-spicibus tristissimum uisum esset, à muribus esse dero-sos. quid quod in annalibus habemus, ueienti bello, cum lacus albanus præter modum creuisset: ueientem quendam ad nos hominem nobilem profugisse: eumq; dixisse, ex fatiis, quæ ueientes scripta haberent, ueios capi

capi non posse : dum lacus is redundaret : & si lacus
 emissus lapsu, & cursu suo ad mare profluxisset : per-
 niciosum populo romano, sin autē ita esset eductus : ut
 ad mare peruenire non posset : tum salutare nostris
 fore . ex quo illa admirabilis à maioribus Albane
 aque facta deductio est . cum autem ueientes bello fess-
 si, legatos ad senatum misissent : tum ex his quidam
 dixisse dicitur : non omnia illum transfugam ausum
 esse senatui dicere : in iisdem enim fatis scriptum ue-
 ientes habere : fore ut breui à gallis Roma caperetur .
 quod quidem sexennio post ueios captos factum esse
 uidemus . Sæpe etiam & in prælijs fauni auditi , &
 in rebus turbidis ueridicæ uoces ex occulto missæ esse
 dicuntur . cuius generis duo sunt ex multis exempla,
 sed maxima . nam non multo ante urbem captam, ex-
 audita uox est à luto uestæ : qui à palatii radice in
 nouam uiam deuexus est : ut muri & portæ refice-
 rentur : futurum esse, nisi prouisum esset, ut Roma ca-
 peretur . quod neglectum , cum caueri poterat , post
 acceptam illam maximam cladem explicatum est . ara
 enim aio loquenti , quam septam uidemus , aduersus
 eum locum consecrata est . atq; etiam scriptum à mul-
 tis est, cum terræmotus factus esset : ut sue plena pro-
 curatio fieret , uocem ab æde Iunonis ex arce exti-
 tisse . quo circa Iunonem illam appellatam monetam .
 Hæc igitur & à dijs significata, & à nostris maiori-
 bus iudicata contemnimus ? neq; solum deorum uoces
 Pythagorei obseruauerunt : sed etiam hominum : quæ
 uocant omina . quæ maiores nostri, quia ualere cense-
 bant , itcirco omnibus rebus agendis , quod bonum,
 faustum, felix, fortunatumq; esset, præfabantur : re-

Vesti luto

Aio loquens
123.

Ex hinc uiam
Iuno Moneta

Omin

Quod bonum faustum
felix fortunatum
sit.

DE DIVINATIONE

busq; diuinis, quæ publice fierent, ut fauerent linguis imperabatur: inq; feriis imperadis, ut litibus, et iurgis se abstinerent. itemq; in lustranda colonia, ab eo qui eam deduceret, & cum imperator exercitum, censor populum lustraret, bonis nominibus qui hostias ducerent eligebantur. quod idem in delectu consules observant: ut primus miles fiat bono nomine. quæ quidem à te scis & consule, & imperatore summa religione esse seruata. prærogatiuam etiam maiores omnes iustorum comitiorum esse uoluerunt. Atq; ego exempla omnium nota proferam. L. paulus consul iterum, cum ei bellum ut cum rege perse gereret obtigisset: ut ea ipsa die domum ad uesperum redijt: filiulam suam tertiam, quæ tum erat admodum parua: osculans animaduertit tristiculam: quid est inquit mea tertia? quid tristis es? mi pater inquit persa perijt. tum ille arctius puellam complexus, accipio omen inquit mea filia. erat autem mortua catella eo nomine. L. Flacum flaminem martialem ego audiui cum diceret, Cæciam metellam cum uellet sororis suæ filiam in matrimonium collocare: exisse in quoddam sacellum ominis capiendi causa: quod fieri more ueterum solebat. cum uirgo staret: & Cæcia in sella sederet: neq; diu ulla uox extitisset: puellam defatigatam petijisse à matertera, ut sibi concederet paulisper, ut in eius sella requiesceret: illam autem dixisse: uere mea puella tibi concedo meas sedes. quod omen res consecuta est. ipsa enim breui mortua est: uirgo autem nupsit cui Cæcia nupta fuerat. Hæc posse contemni, uel etiam rideri præclare intelligo. sed ipsum est, deos non putare, quæ ab his significantur contem-

L. Paulus.

Tertia
Tristula

Morta catella.

Cæcia mortua

Ex ipso uoce

ipsa 176

nere. quid de auguribus loquar? tuæ partes sunt:
 tuum inquam auspicioꝝ patrociniũ debet esse: ti-
 bi P. Claudius augur consul nunciauit, addubitato
 salutis augurio bellum domesticum triste, ac turbulen-
 tum fore: quod paucis post mensibus exortum paucio-
 ribus est à te diebus oppressum. cui quidem augurĩ
 uehementer assentior. solus enim multorum annorum
 memoria non decantandi auguriĩ, sed diuinandi te-
 nuit disciplinam. quem irridebant collegæ tui: eumq;
 tum pysidam, tum soranum augurem esse dicebant:
 quibus nulla uidebatur in augurijs, aut auspicijs præ-
 sensio, aut scientia ueritatis futuræ: sapienter aiebant
 ad opinionem imperitorum esse fictas religiones. quod
 longe secus est. neq; enim in pastoribus illis, quibus
 Romulus præfuit: hæc calliditas esse potuit: ut ad
 errorem multitudinis religionis simulacra fingerent.
 sed difficultas, laborq; discendi, disertam negligen-
 tiam reddidit. malunt enim differere nihil esse in
 auspicijs: quam quid sit, ediscere. quid est illo auspi-
 cio diuinius, quod apud te in Mario est? ut utar po-
 tissimum te authore?

Hic Iouis altisoni subito pennata satelles
 Arboris è trunco serpentis saucia morſu
 Subigit ipsa feris transfigens unguibus anguem
 Semianimum, & uaria grauiſſe ceruice micantem.
 Quem se torquentem lanians, rostroq; cruentans,
 Iam satiata animos, iam duros ultæ dolores,
 Abiicit efflantem: & laceratum affligit in unda:
 Seq; obitu à solis, nitidos conuertit ad ortus.
 Hanc ubi præpetibus pennis, lapsuq; uolantem
 Conspexit marius diuini numinis augur:

DE DIVINATIONE

*sinistra noli
paris*

- » Fausta^q; signa suæ laudis, reditus^q; notauit:
 - » Partibus intonuit cæli pater ipse sinistris.
 - » Sic aquilæ clarum firmavit Iuppiter omen.
Atq; ille Romuli auguratus pastoralis, non urbanus
fuit: nec fictus ad opiniones imperitorum, sed à cer-
tis acceptus, & posteris traditus. Itaq; Romulus au-
gur, ut apud Ennium est, cum fratre item augure:
 - » Curantes magna cum cura, tum cupientes
 - » Regni, dant operam simul auspicio, augurio^q:
 - » Hinc Remus auspicio se deuouet: atq; secundam
 - » Solus auem seruat. at Romulus pulcher in alto
 - » Quærit Auentino, cernens genus altiuolantum:
 - » Certabant urbem Romam remoram ne uocarent!
 - » Omnis cura uiris uter esset induperator.
 - » Expectant, ueluti consul cum mittere signum
 - » Vult: omnes auidi spectant ad carceris oras:
 - » Quam mox emittat pictis ex faucibus currus.
 - » Sic expectabat populus: atq; ora tenebat.
 - » Rebus utri magni uictoria sit data regni.
 - » Interea sol albus recessit in infera noctis.
 - » Exim candida se radijs dedit icta foras lux:
 - » Et simul ex alto longe pulcherrima præpes,
 - » Leua uolauit auis: simul aureus exoritur sol.
 - » Cedunt ter quattuor de cælo corpora sancta
 - » Auium, præpetibus sese pulchris^q; locis dant.
 - » Conspicit inde sibi data Romulus esse priora.
 - » Auspicio regni stabili scanna solum^q.
- Sed unde huc digressa est, eodem redeat oratio. si ni-
hil queam disputare, quamobrem quicq; fiat: & tan-
tummodo fieri ea, quæ commemorauimus, doceam: parum
ne Epicuro, Carneadi^{ue} respondeam? quid? si etiam

ratio extat artificiosæ præsentionis, facilis? diuinæ autem, paulo obscurior? quæ enim extis, quæ fulguribus, quæ portentis, quæ astris præsentuntur: hæc notata sunt observatione diuturna. affert autem uetustas omnibus in rebus longinqua observatione incredibilem scientiam: quæ potest esse etiam sine motu, atq; impulsu deorum: cum quid ex quoq; eueniat, & quid quamq; rem significet, crebra animaduersione perspectum est. altera diuination est naturalis, ut ante dixi: quæ physica disputandi subtilitate referenda est ad naturam deorum: à qua, ut doctissimis, sapientissimisque placuit, haustos animos, & delibatos habemus: cumq; omnia completa sint & referta æterno sensu, & mente diuina: necesse est cognitione diuinorum animorum, animos humanos commoueri. sed uigilantes animi, uitæ necessitatibus seruiunt: distunguntq; se à societate diuina, uinclis corporis impediti. rarum est quoddam genus eorum: qui se à corpore auocent: & ad diuinarum rerum cognitionem cura omni, studioq; rapiantur. Horum sunt auguria, non diuini impetus, sed rationis humane. nam & natura futura præsentunt, ut aquarum fluxiones, ut deflagrationem futuram aliquando cæli, atq; terrarum. alij autem in Rep. exercitati, ut de atheniensi Solone accepimus, orientem tyrannidem multo ante prospiciunt: quos prudentes possumus dicere, id est prouidentes: diuinos nullo modo possumus. non plus quam milesium Thalem: qui, ut obiurgatores suos conuinceret: ostenderetq; etiam philosophum, si ei commodum esset, pecuniam facere posse: omnem oleam, antequam florere cæpisset, in agro

Fluxio

Thales miles.

DE DIVINATIONE

Milesio coemisse dicitur. animaduverterat fortasse qua-
 dam scientia, olearum ubertatem fore. Et quidem
 idem primus defectionem solis, quæ Astyage regnan-
 te facta est: prædixisse fertur. multa medici, multa
 gubernatores, agricolæ etiam multa præsentunt: sed
 nullam eorū diuinationem uoco. ne illam quidem: qua
 ab Anaximandro physico moniti Lacædemonij sunt:
 ut urbem, Et tecta linquerent: armatiq; in agro ex-
 cubarent: q; terræmotus instaret: tum, cum Et urbs
 tota corruit: Et ex monte thaygeto, extrema montis
 quasi puppis, auulsa est. ne Pherecides quidem ille Py-
 thagoræ magister, potius diuinus habebitur, quàm
 physicus: qui cum uidisset haustam aquam de ingi pu-
 teo: terræmotus dixit instare. Nec uero unquam ani-
 mus hominis naturaliter diuinat: nisi cum ita solutus
 est, Et uacuus: ut ei plane nihil sit cum corpore. quod
 aut uatibus contingit: aut dormientibus. itaq; ea duo
 genera à Dicæarcho probantur, Et ut dixi, à Cra-
 tippo nostro. si propterea, quod ea proficiuntur à
 natura: sint summa sanè: modo ne sola. sin autem ni-
 hil esse in obseruatione putant: multa tollunt quibus
 uitæ ratio continetur. sed quoniam dant aliquid, idq;
 non paruum, uaticinationes cum somnijs: nihil est
 quod cum his magnopere pugnemus: præsertim cum
 sint, qui omnino nullam diuinationem probent. Ergo
 Et hi quorum animi spretis corporibus euolant, atq;
 excurrunt foras ardore aliquo inflammati, atq;
 incitati: cernunt illa profecto, quæ uaticinantes præ-
 nunciant: multisq; rebus inflammantur tales animi:
 qui corporibus non inhaerent: ut hi, qui sono quo-
 dam uocum, Et phrygijs cantibus incitantur: multos

Solis defectus.

Terræmotus.

Ingi puteum.

nemora, syluæq; multos, amnes, aut maria commo-
uent: quorum furibunda mens uidet ante multo quæ
futura sunt. quo de genere illa sunt:

-heu uidete: iudicauit iudicium inclytum

Inter deas tris aliquis: quo iudicio Lacedæmonia

Mulier furiarum una adueniet.-

Eodem enim modo multa à uaticinantibus sæpe præ-
dicta sunt: neq; solum uerbis, sed etiam

versibus, quos olim fauni uatesq; canebant.

similiter Martius & Publicius uates cecinisse dicuntur.

quo ex genere Apollinis operta prolata sunt. credo

etiam anhelitus quosdam fuisse terrarum: quibus in-

flate mentes oracula funderent. Atq; hæc quidem

uatum ratio est: nec dissimilis sanè somniorum. nam

quæ uigilantibus accidunt uatibus: eadē nobis dormien-

tibus. uiget enim animus in somnis: liberq; sensibus, ab

omni impeditione curarum iacente & mortuo pene

corpore, quia uixit ab omni æternitate: uersatusq; est

cum innumerabilibus animis: omnia, quæ in na-

tura rerum sunt, uidet: si modo temperatis escis, mo-

dicisq; potationibus ita est affectus: ut sopito corpo-

re ipse ingilet. hæc somniantis est diuination. Hic ma-

gna quædam exoritur, neq; ea naturalis, sed artifi-

ciosa somniorum Antiphontis interpretatio: eodemq;

modo, & oraculorum, & uaticinationum: sunt enim

explanatores, ut grammatici poetarum. nam ut au-

rum, & argentum, æs, ferrum, frustra natura di-

uina genuisset: nisi eadem docuisset quemadmodum

ad eorum uenas perueniretur: nec fruges terræ, bac-

cas'ue arborum cum utilitate ulla generi humano de-

disset: nisi earum cultus, & condiciones tradidisset

Impeditio

DE DIVINATIONE

Fabrian.

Fissum

materia deinde quid iuuaret? nisi confectionis eius fabricam haberemus. sic cum omni utilitate quam dii hominibus dederunt: ars aliqua coniuncta est: per quam illa utilitas percipi possit. item igitur somnijs, uaticinationibus, oraculis, quod erant multa obscura: multa ambigua: explanationes adhibitae sunt interpretum. Quomodo autem aut uates, aut somniantes ea uideant, quae nusquam etiam tunc sint: magna questio est. sed explorata si sint ea: quae ante quaeri debeant: sine hac quae quaerimus faciliora continet enim totam hanc questionem ea ratio, quae est de natura deorum: quae à te secundo libro est explicata dilucide. quam si obtinemus: stabit illud quidem quod locum hunc continet, de quo agimus, esse deos: et eorum providentia mundum administrari: eosdemque consulere rebus humanis: nec solum uniuersis, uerum etiam singulis. haec si tenemus: quae mihi quidem non uidentur posse conuelli: profecto hominibus à dijs futura significari necesse est. sed distinguendum uidetur quonam modo. Nam non placet stoicis singulis iecorum fissis, aut auium cantibus interesse deum. neque enim decorum est: nec dijs dignum: nec fieri ullo pacto potest. sed ita à principio inchoatum esse mundum: ut certis rebus certa signa praecurrerent, alia in extis, alia in auibus, alia in fulguribus, alia in ostentis, alia in stellis, alia in somniantium uisis, alia in ferentium uocibus. ea quibus bene percepta sunt: hi non saepe falluntur. male coniecta, maleque interpretata, falsa sunt, non rerum uitio, sed interpretum inscientia. hoc autem posito, atque concesso, esse quandam uim diuinam hominum uitam continentem: non difficile est, quae fieri

quæ fieri certe uidemus, ea qua ratione fiant suspiciari. Nam & ad hostiam deligendam potest dux esse uis quædam sentiens: quæ est toto confusa mundo. & tum ipsum, cum immolare uelis, extorum fieri mutatio potest: ut aut absit aliquid: aut supersit. paruis enim momentis multa natura aut affingit: aut mutat: aut detrahit. quod ne dubitare possimus, maximo est argumento, quod paulo ante interitum Cæsaris contigit: qui cum immolaret illo die quo primum in sella aurea sedit: & cum purpurea ueste processit: in extis bouis optimi cor non fuit. num igitur censes ullum animal, quod sanguinem habet, sine corde esse posse? qua ille rei nouitate perculsus, cum Spurinna diceret, timendum esse ne consilium, & uita deficeret: earum enim rerum utrunq; à corde proficisci: postero die caput in iecore non fuit. quæ quidem illi portendebantur à dijs immortalibus: ut uidet interitum: non ut caueret. cum igitur hæ partes in extis non reperiuntur: sine quibus uictima illa uiuere nequisset: intelligendū est in ipso immolationis tēpore eas partes, quæ absint, interuisse. eademq; efficit in auiibus diuina mens: ut tum huc, tum illuc uolent alites: tum in hac, tum in illa parte se occultent: tum à dextra, tum à sinistra parte canant oscines. nam si omne animal, ut uult, ita utitur motu sui corporis: prono, obliquo, supino: membraq; quo uult flectit: contorquet: porrigit: contrahit: eaq; ante efficit, penè, quàm cogitat: quanto id deo est facilius? cuius numini parent omnia. idemq; mittit & signa nobis eius generis, qualia permulta historia tradidit. quale scriptum illud uidemus: si luna paulo ante solis ortum

Cor i boue
no fuit.

Nequisset

DE DIVINATIONE

*Puella biceps.
Corruptela*

defecisset in signo leonis: fore ut armis Darius, & Persæ ab Alexandro, & Macedonibus prælio uincerentur: Dariusq; moreretur. & si puella nata biceps esset: seditionem in populo fore: corruptelam, & adulterium domi. & si mulier leonem peperisse uisa esset: fore ut ab exteris gentibus uinceretur ea resp. in qua id contigisset. eiusdem autem generis etiam illud est, quod scribit Herodotus: Cræsi filium, cum esset infans, locutum. quo ostento regnum patris, & domum funditus concidisse. Caput arsisse Servio Tullio dormienti, quæ historia non prodidit? ut igitur qui se tradet ita quieti præparato animo tum bonis cogitationibus, tum rebus ad tranquillitatem accommodatis, certa & uera cernit in somnis: sic castus animus, purusq; uigilantis, & ad astrorum, & ad auium, reliquorumq; signorum, & ad extorum ueritatem est paratior. Hoc nimirum est illud, quod de Socrate accepimus: quodq; ab ipso in libris socraticorum sæpe dicitur: esse diuinum quiddam, quod dæmonion appellat: cui semper ipse paruere, nunquam impellenti, sæpe reuocanti. Et Socrates quidem, quo quem auctorem meliorem querimus? Xenophonti consulenti, sequeretur ne Cyrum, postea q̄ exposuit, quæ sibi uidebantur: & nostrum quidem inquit humanum est consilium: sed de rebus & obscuris, et incertis ad Apollinem censeo referendum: ad quem etiam Athenienses publice de maioribus rebus semper retulerunt. scriptum est item, cum Critonis sui familiaris oculum alligatum uidisset: quæsluisse quid esset. cum autem ille respondisset in agro ambulanti ramulum adductum, ut remissus esset, in oculum recidisse: tum Socrates, non enim

enim paruiſti mihi reuocanti: cum uterer, qua ſoleo,
præſagatione diuina. Idem etiam Socrates cum apud
deliū male pugnatum eſſet Lachete prætor: fugeretq;
cum ipſo Lachete: ut uentum eſt in trinium: eadem
qua cæteri fugere noluit. quibus quærentibus cur non
eadem uia pergeret: deterreri à deo dixit. tum qui-
dem ij, qui alia uia fugerant: in hoſtium equitatum
inciderunt. Per multa coniecta ſunt ab Antipatro:
quæ mirabiliter à Socrate diuinata ſunt: quæ præ-
termittam: tibi enim nota ſunt: mihi ad commemoran-
dum non neceſſaria. illud tamen eius philoſophi ma-
gnificum, ac penè diuinum: q̃ cum impijs ſententijs
damnatus eſſet: æquiſſimo animo ſe dixit mori. neq;
enim domo egredienti, neq; illud ſuggeſtum, in quo
cauſam dixerat, aſcendenti, ſignum ſibi ullum, quod
conſueſſet, à deo quaſi mali alicuius impendentis da-
tum. Equidem ſic arbitror: etiam ſi multa fallant eos,
qui aut arte, aut coniectura diuinare uideantur: eſſe
tamen diuinationem: homines autem ut in cæteris ar-
tibus, ſic in hac poſſe falli. poteſt accidere, ut aliquod
ſignum dubie datum, pro certo ſit acceptum: poteſt ali-
quod latuiſſe, aut ipſum, aut quod eſſet illi contrarium.
mihi autem ad hoc, de quo diſputo, probandum ſatis
eſt, non modo plura, ſed pauciora diuine præſenſa, et
prædicta reperiri. Quinetiam hoc non dubitans di-
xerim: ſi unum aliquid ita ſit prædictum, præſen-
ſumq;: ut cum euenit, ita cadat ut prædictum ſit:
neq; in eo quicquam caſu, & fortuito factum eſſe ap-
pareat: eſſe certe diuinationem: id quod eſſet omnibus
conſitendum. quo circa primum mihi uidetur, ut poſ-
ſidonius facit, à deo, de quo ſatis dictum eſt: deinde

DE DIVINATIONE

à fato, deinde à natura vis omnis diuinandi, ratioq;
 repetenda. fieri igitur omnia fato ratio cogit fateri.
 fatum autem id appello, quod græci εἰμαρμενν: id est
 ordinem, seriemq; causarum, cum causa causæ nexa
 rem ex se gignat. ea est ex omni æternitate fluens ue-
 ritas sempiterna. quod cum ita sit: nihil est factum,
 quod non futurum fuerit: eodemq; modo nihil est fu-
 turum: cuius non causas id ipsum efficientes natura
 contineat. ex quo intelligitur, ut fatum sit non id quod
 superstitiose, sed id quod physice dicitur, causa æterna
 rerum: cur & ea quæ præterierunt facta sint: &
 quæ instant, fiant: & quæ sequuntur, futura sint. ita
 fit, ut & obseruatione notari possit, quæ res quacunq;
 causam plerunq; consequatur: etiam si non semper.
 nam id quidem difficile est affirmare: easdem causas
 uerisimiles rerum futurarum cerni ab ijs, qui aut per
 furorem eas, aut in quiete uideant. Præterea cum fato
 omnia fiant: id quod alio loco ostendetur: si quis modo
 talis possit esse: qui colligationem causarum omnium
 perspiciat animo: nihil eum profecto fallat. qui enim
 teneat causas rerum futurarum: idem necesse est omnia
 teneat, quæ futura sint. quod cum facere nemo nisi
 deus possit: relinquendum est homini, ut signis quibus-
 dam consequentia declarantibus, futura præsentiat.
 non enim illa, quæ futura sunt, subito existunt: sed est
 quasi rudentis explicatio, sic traductio temporis nihil
 noui efficientis, & primum quicq; replicantis. quod et
 hi uident quibus naturalis diuinatio data est: & hi,
 quibus cursus rerum obseruando notatus est. qui & si
 causas ipsas non cernunt: signa tamen causarum, &
 notas cernunt: ad quas adhibita memoria, & diligen-
 tia, ex

Futurum,
 εἰμαρμενν

Futurum futurum.

tia, ex monumentis superiorum efficitur ea diuinitio, quæ artificiosa dicitur, extorum, fulgurum, ostentorum, signorumq; caelestium. Non est igitur, ut mirandum sit, ea praesentiri a diuinantibus: quæ nusquam sunt. sunt enim omnia: sed tempore absunt. atq; ut in seminibus vis inest earum rerum: quæ ex his progignuntur: sic in causis conditæ sunt res futuræ: quas esse futuras, aut concitata mens, aut soluta somno cernit: aut ratio, aut coniectura praesentit. atq; ut hi, qui solis, et lunæ, reliquorumq; syderum ortus, obitus, motusq; cognorunt: quo quicq; tempore eorum futurum sit, nullo ante praedicunt: sic qui cursum rerum, euentorumq; consequentiam, diuturnitate pertractata notauerunt: aut semper, aut, si id difficile est: plerumq;, quod si ne id quidem conceditur: nonnunquam certe quid futurum sit intelligunt. Atq; hæc quidem, et quædam huiusmodi cur sit diuinitio, ducuntur a fato. A natura autem alia quædam ratio est: quæ docet quanta sit animi vis seiuncta a corporis sensibus: quod maxime contingit, aut dormientibus, aut mente permotis. ut enim deorum animi sine oculis, sine auribus, sine lingua sentiunt inter se quid quisq; sentiat: ex quo fit, ut homines etiam, cum taciti optent aliquid: aut uoueant: haud dubitent, quin dii illud exaudiant: sic animi hominum, cum aut somno soluti uacant corpore: aut mente permoti per se ipsi liberi incitati mouentur: cernunt ea, quæ permisti cum corpore animi uidere non possunt. Atq; hanc quidem rationem naturæ difficile est fortasse traducere ad id genus diuinationis: quod ex arte profectum dicimus: sed tamen id quoq; rimatur quantum potest Possidonius: cum esse

DE DIVINATIONE

censet in natura signa quaedam rerum futurarum. uti enim Cæos accepimus ortum caniculæ diligenter quot annus solere servare: coniecturamq; capere, ut scribit Ponticus Heraclides: salubris ne, an pestilens annus futurus sit. nam si obscurior quasi caliginosa stella extiterit: pingue & concretum esse cælum: ut eius aspiratio grauis, & pestilens futura sit. sin illustris, & perlucida stella apparuit: significari cælum esse tenue, purumq;, & propterea salubre. Democritus autem censet sapienter instituisse ueteres: ut hostiarum immolatarum inspicerentur exta: quorum ex habitu, atq; colore, tum salubritatis, tum pestilentiae signa percipi: nonnunquam etiam quæ sit uel sterilitas agrorum, uel fertilitas futura. quæ si à natura profecta, observatio, atq; usus agnouit: multa asferre potuit dies: quæ animaduertendo notarentur: ut ille Pacuuianus qui in chryse physicus inducitur, minime naturam rerum cognoscere uideatur.

- » Nam istis qui linguam auium intelligunt:
 - » Plusq; ex alieno iecore sapiunt quam suo:
 - » Magis audiendum q̄ auscultandum censeo.
- cur queso? cum ipse paucis interpositis uersibus dicas satis luculente:
- » Quicquid est hoc, omnia animat: format: alit: auget: creat:
 - » Sepelit: recipitq; in sese omnia: omniumq; idem est pater:
 - » In eundemq; eadem quæ oriuntur, de integro, atq; eodem occidunt.
- quid est igitur? cur cum domus sit omnium una, eaq; communis: cumq; animi hominum semper fuerint, futuriq;

curiſque ſint: cur ij quidem, quid ex quoque eueniat, & quid quamque rem ſignificet, perſpicere non poſſunt?

Hæc habui inquit de diuinatione quæ dicerem: nunc illa teſtabor, non me ſortilegos, neque eos, qui quæſtus cauſa hariolentur: nec psychomantiam quædem quibus Appius amicus tuus uti ſolebat, agnoſcere. non habeo denique nauis marſum augurem,

Nauis habere

Non uictinos aruſpices, non de circo aſtrophologos,
Non iſtaſcos coniectores, non interpretes ſomnium:
Non enim ſunt ij aut ſcientia aut arte diuini:
Sed ſuperſtitioſi uates, impudentesque harioli:
Aut inertes, aut inſani, aut quibus egeſtas imperat:
Qui ſibi ſemitam non ſapiunt: læti monſtrant uiam:
Quibus diuitias pollicentur: ab his drachmas ipſi petunt.

De his diuitijs ſibi deducant drachmam reddant cætera.

Atque hæc quidem Ennius: qui paucis ante uerſibus eſſe deos cenſet, ſed eos non curare opinatur quid agat humanum genus. ego autem, qui & curare arbitror: & monere etiam, ac multa prædicere: leuitate, uanitate, malitia, excluſa diuinationem probo. Quæ cum dixiſſet Quintus: præclare tu quidem inquam paratus,

Deſunt pauca quedam.

M. TVLLII CICERONIS DE
DIVINATIONE LIBER

SECVNDVS.

¶ Verenti mihi, multumq; & diu cogi-
tanti, quanam re possem prodesse q-
plurimis: ne quando intermitterem
consulere reipublicæ: nulla maior oc-
currebat: q̄ si optimarum artium vias
traderem meis ciuibus: quod compluribus iam libris
me arbitror consecutum. Nam & cohortati sumus, ut
maxime potuimus, ad philosophiæ studium eo libro,
qui est inscriptus Hortensius: & quod genus philoso-
phandi minime arrogans, maximeq; & constans, &
elegans arbitraremur, quatuor academicis libris osten-
dimus. cumq; fundamentum esset philosophiæ positum
in finibus bonorum, & malorum: perpurgatus est is
locus à nobis quinque libris: ut quid à quoq; & quid
contra quenq; philosophum diceretur, intelligi pos-
set. totidem subsequenti libri tusculanarum disputatio-
num, res ad beate uiuendum maxime necessarias ape-
ruerunt. primus enim est, de contemnenda morte. se-
cundus, de tolerando dolore. de ægritudine lenienda,
tertius. quartus, de reliquis animi perturbationibus.
quintus eum locum complexus est: qui totam philoso-
phiam maxime illustrat. docet enim ad beate uiuen-
dum, uirtutem se ipsa esse contentam. quibus rebus
editis tres libri perfecti sunt de natura deorum: in
quibus omnis eius loci quæstio continetur. quæ ut ple-
ne esset, cumulateq; perfecta, de diuinatione ingressi
sumus

sumus his libris scribere. quibus, ut est in animo, do-
fato si adiunxerimus: erit abunde satisfactum toti
huius questioni. Atque his libris annumerandi sunt sex
de republica quos tunc scripsimus, cum gubernacula
reip. tenebamus: magnus locus, philosophiæque proprius:
a Platone, Aristotele, Theophrasto, totaque peripateticorum
familia tractatus uberrime. Nam quid ego de
consolatione dicam? quæ mihi quidem ipsi, sane alia
quantum medetur: cæteris item multum profuturam
puto. interiectus etiam est nuper is: quem ad nostrum
Atticum de senectute misimus. imprimisque quoniam
philosophia uir bonus efficitur, et fortis: Cato noster
in horum librorum numero ponendus est. cumque Ari-
stoteles, itemque Theophrastus excellentes uiri cum sub-
tilitate, tum copia, cum philosophia dicendi etiam præ-
cepta coniunxerint: nostri quoque oratorij libri in eun-
dem numerum referendi uidentur. ita tres erunt de
Oratore: quartus Brutus: quintus Orator. Adhuc hæc
erant. ad reliqua acriter tendebamus animo, sic parati,
ut, nisi quæ causa grauior obstatisset: nullum philoso-
phiæ locum esse pateremur: qui non latinis litteris il-
lustratus pateret. quod enim munus reip. afferre ma-
ius, meliusue possumus? quam si docemus, atque erudimus
iuuentutem? his præsertim moribus, atque temporibus:
quibus ita prolapsa est: ut omnium opibus refrenan-
da, atque coercenda sit. Nec uero id effici posse confido:
quod ne postulandum quidem est: ut omnes adolescen-
tes se ad hæc studia conuertant. pauci utinam: quorum
tamen in reip. late patere poterit industria. equidem
etiam ex his fructum capio laboris mei, qui iam æta-
te proecli in nostris libris acquiescunt: quorum stu-

DE DIVINATIONE

dio legendi, meum scribendi studium uehementius in
 dies incitatur: quos quidem plures q̄ rebar esse cognoui.
 magnificum illud etiam, Romanisq; hominibus glorio-
 sum: ut græcis de philosophia litteris non egeant. quod
 assequar profecto, si instituta perfecero. Ac mihi qui-
 dem explicandæ philosophiæ causam attulit grauis
 casus ciuitatis: cum in armis ciuilibus nec tueri meo mo-
 re temp. nec nihil agere poteram: nec quid potius,
 quod quidem me dignum esset: agerem reperiēbam.
 Dabunt igitur mihi ueniam mei ciues: uel gratiā potius
 habebunt: quod cum esset in unius potestate respublica:
 neq; ego me abdididi: neq; deserui: neq; afflixi: neq; ita
 gessi quasi homini aut temporibus iratus: neq; ita por-
 ro, aut adulatus, aut admiratus fortunam sum alte-
 rius: ut me mee poeniteret. id enim ipsum a Platone,
 philosophiaq; didiceram: naturales esse conuersiones
 quasdam rerū publicarum, ut eæ tum a principibus
 tenerentur: tum a populis: aliquando a singulis. quod
 cum accidisset nostræ reipublicæ: tum pristinis or-
 bati muneribus, hæc studia renouare cœpimus: ut et
 animus molestijs potissimum releuaretur: et prodes-
 senus ciuibz nostris, qua re cunq; possemus. in libris
 enim sententiam dicebamus: concionabamur: philo-
 sophiam nobis pro reip. procuratione substitutam pu-
 tabamus. Nunc quoniam de rep. consuli cœpti sumus:
 tribuenda est opera reipublicæ: uel omnis potius in ea
 cogitatio, et cura ponenda. tantum huic studio relin-
 quendum: quantum uacabit a publico officio et mu-
 nere. sed hæc alijs pluribus. nunc ad institutam di-
 sputationem reuertamur. Nam cum de diuinatione
 Quintus frater ea disseruisset: quæ superiore libro

scripta sunt : satisq; ambulatum uideretur : tum in
bibliotheca, quæ in licio est assedimus. Atq; ego ac-
curate tu quidem inquam Quinte, & stoice, stoico-
rum sententiam defendisti: quodq; me maxime dele-
lectat : plurimis nostris exemplis usus es: & ijs qui-
dem claris, & illustribus. dicendum est mihi igitur
ad ea, quæ sunt a te dicta : sed ita, nihil ut affir-
mem : quæram omnia: dubitans plerunq; , & mihi
ipse diffidens. si enim aliquid certi haberem quod di-
cerem : ego ipse diuinarem: qui esse diuinationem ne-
go. Etenim me mouet illud, quod in primis Carneades
querere solebat: quarum nam rerum diuinatio esset:
earum ne, quæ sensibus perciperentur? at eas quidem
cernimus : audimus: gustamus: olfacimus: tangimus. nun-
quid ergo in his rebus est? quæ prouisione, aut permo-
tione mentis magis, quàm natura ipsa sentiamus? at
nescioqui ille diuinus, si oculis captus sit, ut Tyrestas
fuit : possit quæ alba sint, quæ nigra dicere? aut si
surdus sit : uarietates uocum, aut modos noscere?
Ad nullam igitur earum rerum, quæ sensu accipiun-
tur: diuinatio adhibetur. atq; ne in his quidem rebus,
quæ arte tractantur : diuinatione opus est. & enim
ad ægros non uates, aut hariolos, sed medicos so-
lemus adducere. nec uero, qui tibijs, aut fidibus uti
uolunt, ab aruspibus accipiunt earum tractationem:
sed a musicis. Eadem in litteris ratio est, reliquisq;
rebus, quarum est disciplina. num censes eos qui diui-
nare dicuntur, posse respondere sol maior ne, quàm
terra sit? an tantus quantus uideatur? Lunaq; suo lu-
mine, an solis utatur? Sol luna quem motum habeat?
quem quinq; Stellæ, quæ errare dicuntur? nec hæc

DE DIVINATIONE

qui diuini habentur, profitentur se esse dicturos: nec eorum, quæ in Geometria describuntur: quæ uera, quæ falsa sint. sunt enim ea mathematicorum non hariolorum. de illis uero rebus, quæ in philosophia uersantur: nunquid est quod quisquam diuinorum, aut respondere soleat, aut consuli, quid bonum sit? quid malum? quid neutrum? sunt enim hæc propria philosophorum. quid de officio? num quis aruspice consulit, quemadmodum sit cum parentibus, cum fratribus, cum amicis, uiuendum? quemadmodum utendum pecunia? quemadmodum honore? quemadmodum imperio? ad sapientes hæc, non ad diuinos referri solent. quid quæ a Physicis, aut dialecticis tractantur: num quis eorum diuinare potest? unus ne mundus sit? an plures? quæ sint initia rerum: ex quibus nascuntur omnia? Physicorum est ista prudentia. quomodo autem mentientem dissoluas: quem pseudomenon uocant? aut quemadmodum soriti resistas: quem si necesse sit latino uerbo liceat acernalem appellare? sed nihil opus est. ut enim ipsa philosophia et multa uerba graecorum, sic sorites satis latino sermone tritus est. ergo hæc quoque dialectici dicent, non diuini. quid? cum quaeritur qui sit optimus reip. status: quæ leges, qui mores, aut utiles, aut inutiles: aruspices ne ex æthiopia accersentur? an principes statuent, et delecti uiri, periti rerum ciuiliu? quod si nec earum rerum, quæ subiectæ sensibus sunt, ulla diuinationo est: nec earum, quæ artibus continentur: nec earum, quæ in philosophia differuntur: nec earum, quæ in rep. uersantur: quarum rerum sit nihil prorsus intelligo. nam aut omnium debet esse: aut aliqua ei

Sorites
Acernalis

materia danda est : in qua uersari possit . sed nec omnium diuination est : ut ratio docuit : nec locus , nec materia inuenitur , cui diuinationem præficere possimus . uide igitur ne nulla sit diuination . est quidem græcus in hanc sententiam uersus .

Bene qui conijciat , uatem hunc perhibeto optimum . num igitur aut quæ tempestas impendat , uates melius conijciat , quàm gubernator ? aut morbi naturam acutius , quàm medicus ? aut belli administrationem prudentius , quàm imperator , coniectura assequetur ? sed animaduerti Quinte , te caute , & ab ijs coniecturis , quæ haberent artem aut prudentiam , ab ijs rebus , quæ sensibus aut artificijs perciperentur , abducere diuinationem : eamq; ita diffinire : diuinationem esse earum rerum prædictionem , & præensionem : quæ essent fortuitæ . Primum eodem reuolueris . nam & medici , & gubernatoris , & imperatoris præensio est rerum fortuitarum . num igitur aut aruspex , aut augur , aut uates quis , aut somnians , melius coniecerit , aut ex morbo euasurum ægrotum ? aut ex periculo nauem ? aut ex insidijs exercitum ? quàm medicus , & gubernator , quàm imperator ? Atqui ne illa quidem diuinantis esse dicebas : uentos , aut imbres impendentes quibusdam præsentire signis in quo nostra quædam Aratea memoriter à te pronunciata sunt . Et si hæc ipsa fortuita sunt : plerunq; enim , non semper eueniunt . quæ est igitur , aut ubi uersatur fortuitarum rerum præensio ? quam diuinationem uocas . quæ enim præsentiri aut arte , aut ratione , aut usu , aut coniectura possunt : ea non diuinis tribuenda putas : sed peritis . ita relinquitur , ut ea fortuita diuinari

Aratea

DE DIVINATIONE

possint: quæ nulla nec arte, nec sapientia provideri possunt: ut si quis M. Marcellum illum, qui ter consul fuit, multis annis ante, dixisset naufragio esse periturum: diuinasset profecto. nulla enim arte alia nec sapientia id scire potuisset. talium ergo rerum, quæ in fortuna positæ sunt, præsensio diuination est. potest ne igitur earum rerum, quæ nihil habent rationis, quærere futuræ sint: ulla esse præsensio? quid est enim aliud fors? quid fortuna? quid casus? quid euentus? nisi cum sic aliquid cecidit, sic euenit: ut uel non cadere, atq; euenire, uel aliter cadere, atq; euenire potuerit? quomodo ergo id, quod temere fit cæco casu, & uolubilitate fortunæ: præsentiri, & prædicti potest? medicus morbum ingrauescentem ratione providet: insidias imperator: tempestates gubernator: tamen hi ipsi sæpe falluntur, qui nihil, sine certa ratione opinantur: ut agricola cum florem oleæ uidet: bacam quoq; se uisurum putat. non sine ratione ille quidem. sed nonnunquam tamen fallitur. quod si falluntur ij, qui nihil sine aliqua probabili coniectura, ac ratione dicunt: quid existimandum est de coniectura eorum? qui extis, aut auibus, aut ostentis, aut oraculis, aut somnijs, futura præsentunt? Nondum dico, quàm hæc signa nulla sint: fissum iecoris, corui cantus, uolatus aquilæ, stellæ traiectio, uoces furentium, sortes, somnia: de quibus singulis dicam suo loco, nunc de uniuersis. qui potest provideri, quicquam futurum esse? quod neq; causam habet ullam, neq; notam cur futurum sit? Solis defectiones, itemq; lunæ prædicuntur in multos annos, ab his qui syderum cursus, & motus numeris persequuntur. ea enim prædicunt quæ

Figurum

naturæ necessitas perfectura est . uident ex constan-
tissimo motu lunæ , quando illa è regione solis facta
incurrit in umbram terræ : quæ est meta noctis : ut
eam obscurari necesse sit : quandoq; eadem luna su-
biecta soli atq; opposita nostris oculis eius lumen ob-
scuret : quo in signo quæq; errantium stellarum , quoq;
tempore futura sit : qui exortus quoq; die signi ali-
cuius , aut qui occasus futurus sit . hæc qui ante dicunt ,
quam rationem sequantur uides : qui thesaurum in-
uenturum , aut hæreditatem uenturam dicunt quid se-
quuntur ? aut in qua rerum natura , inest id futu-
rum ? quod si ea , quæ sunt eiusdem generis , habent
aliquam talem necessitatem : quid est tandem , quod
casu fieri , aut forte fortuna putemus ? nihil enim est
tam contrarium rationi , & constantiæ , quàm for-
tuna : ut mihi , ne in deum quidem cadere uideatur , ut
sciat quid casu , & fortuito futurum sit . si enim scit :
certe illud eueniet . sin certe eueniet : nulla fortuna est .
est autem fortuna . rerum igitur fortuitarum nulla est
præsensio . aut si negas esse fortunam : & omnia quæ
fiunt , quæq; futura sunt , ex omni æternitate diffinita
dicis esse fataliter : muta diffinitionem diuinationis :
quam dicebas præsensioem esse rerum fortuitarum .
si enim nihil fieri potest : nihil accidere : nihil eueni-
re : nisi quod ab omni æternitate certum fuerit esse fu-
turum rato tempore : quæ potest esse fortuna ? qua su-
blata , qui locus est diuinationi ? quæ à te fortuitarum
rerum est dicta præsensio ? quanquam dicebas , omnia
quæ fierent , futura uel essent , fato contineri . anile sane ,
& plenum superstitionis fati nomen ipsum . sed ta-
men apud stoicos de isto fato multa dicuntur . de quo

forte fortuna

fataliter

DE DIVINATIONE

alias: nunc quod necesse est. Si omnia fato: quid mihi
 diuinitio prodest? quod enim is, qui diuinat prædicat
 id uero futurum est. ut ne illud quidem sciam quale
 sit, quod Deiotarum familiarem nostrum ex itinere
 aquila reuocauit. qui nisi reuertisset, in eo conclauis
 cubandum fuisset: quod proxima nocte corruit. ruina
 igitur oppressus esset. at id, neq; si fatum fuerat, effugis-
 set: nec si non fuerat, in eum casum incidisset. quid
 ergo adiuvat diuinitio? aut quid est? quod me mo-
 ueant aut sortes? aut exta? aut ulla prædictio? si enim
 fatum fuit classes populi romani bello punico primo
 alteram naufragio, alteram à poenis depressam inte-
 rire: etiam si tripudium solistinum pulli fecissent
 L. Iunio, & P. Clodio consu. classes tamen interissent.
 sin cum auspicijs obtemperatum esset: interiturae classes
 non fuerunt: non interierunt fato. multis autem omnia
 fato. nulla igitur est diuinitio. quod si fatum fuit bel-
 lo punico secundo, exercitum populi romani ad lacum
 thrasimenum interire: num id mutari potuit, si Flami-
 nius consul his signis, hisq; auspicijs, quibus pugnare
 prohibebatur, paruisset? certe potuit. aut igitur non fa-
 to interijt exercitus: mutari enim fata non possunt: aut
 si fato: quod certe uobis ita dicendum est: etiam si ob-
 temperasset auspicijs, idem euenturum fuisset. ubi est
 igitur diuinitio ista stolorum? quæ si fato omnia fi-
 unt: nihil nos admonere potest, ut cautiore simus.
 quoquo enim modo nos gesserimus: fiet tamen illud
 quod futurum est. sin autem id potest flecti: nullum
 est fatum. ita ne diuinitio quidem: quoniam ea rerum
 futurarum est. nihil autem est pro certo futurum, quod
 potest aliqua procuratore accidere ne fiat. Atq; ego
 ne utilem

ne utilem quidem arbitror esse nobis futurarum rerum scientiam. quæ enim vita fuisset Priamo? si ab adolescentia scisset quos euentus senectutis esset habiturus? abeamus à fabulis: propiora uidemus. clarissimorum hominum nostræ ciuitatis grauissimos exitus in consolatione collegimus. quid igitur? ut omittamus superiores: M. ne Crasso putas utile fuisse? tum cum maximus opibus, fortunisque florebat: scire, sibi interfec- to P. filio, exercituque deleto, trans Euphratem cum ignominia, et dedecore esse pereundum? an Gn. Pompeium censes tribus suis consulatibus, tribus triumphis, maximarum rerum gloria, lætaturum fuisse? si scisset se in solitudine ægyptiorum trucidatum iri amisso exercitu? post mortem uero ea consecutura: quæ sine lachrymis non possumus dicere? quid uero Cæsarem putamus? si diuinasset, fore ut in eo senatu, quem maiore ex parte ipse cooptasset, in curia pompeiana, ante ipsius Pompei simulacrum, tot centurionibus suis inspectantibus, à nobilissimis ciuibus, partim etiam à se omnibus rebus ornatis, trucidatus ita iaceret: ut ad eius corpus non modo amicorum, sed ne seruorum quidem quisquam accederet: quo cruciatu animi uitam acturum fuisse? certe igitur ignoratio futurorum malorum utilior est quam scientia. Nam illud quidem dici, præsertim à stoicis, nullo modo potest: non isset ad arma Pompeius: non transisset Crassus Euphratem: non suscepisset bellum ciuile Cæsar: non igitur fatales exitus habuerunt. multis autem euenire omnia fato: nihil ergo profuisset illis diuinare. atque etiam omnem fructum uitæ superioris perdidissent. quid enim possit his esse lætum, exitus suos

inutilis rerum
futurorum scientia

M. Crassus

Lachrymis.

CAESARIS
mors

DE DIVINATIONE

cogitantibus? ita quoque se uerterint stoici: iaceat ne-
cesse est omnis eorum solertia. si enim id quod euen-
turum est, uel hoc uel illo modo potest euenire: for-
tuna ualet plurimum. quæ autem fortuita sunt certa
esse non possunt. sin autem certum est, quid quaq; de re,
quoq; tempore futurum sit: quid est quod me adiu-
uent aruspices? cū res tristissimas portendi dixerint?
Addunt ad extremum, omnia leuius casura rebus
diuinis procuratis. si enim nihil fit extra fatum: ni-
hil leuare diuinationo potest. hoc sentit Homerus: cum
querentem Iouem inducit, q̄ Sarpedonem filium a
morte contra fatum eripere non posset. hoc idem si-
gnificat græcus ille in eam sententiam uersus.

- Quod fore paratum est id summum exuperat Iouē.
totum omnino fatum, etiam Atellanio uersu iure mihi
esse irrisum uidetur. sed in rebus tam seueris, non
est iocandi locus. concludatur ergo ratio. Si enim pro-
uideri nihil potest futurum esse, eorum, quæ casu fiunt:
quia esse certa non possunt: diuinationo nulla est. sin
autem ita esse possunt prouideri: quia certa sunt &
fatalia: rursus diuinationo nulla est. eam enim tu for-
tuitarum rerum esse dicebas. Sed hæc fuerit nobis
tanquam leuis armaturæ prima orationis excursio.
nunc cominus agamus. experiamur itaq; si possimus,
cornua commouere disputationis tuæ. duo enim genera
diuinandi esse dicebas: unum artificiosum: alterum
naturale. artificiosum constare partim ex coniectura:
partim ex obseruatione diuturna. naturale, quod ani-
mus arriperet, aut exciperet extrinsecus ex diuinita-
te: unde omnes animos haustos, aut acceptos, aut li-
batos haberemus. artificiosæ diuinationis illa fere ge-
nera

nera ponebas extispicum, eorumq; qui ex fulguribus, ostentisq; prædicerent: tum augurum, eorumq; qui signis, aut omnibus uterentur: omneq; genus coniecturale in hoc fere genere ponebas. illud autem naturale, aut concitatione mentis. edi, & quasi fundi uidebatur: aut animo per somnum sensibus & curis uacuo provideri. duxisti autem diuinationem omnem à tribus rebus: à deo: à fato: à natura. sed tamen cum explicare nihil posses: pugnasti commentitiorum exemplorum mirifica copia. de quo primo hoc libet dicere. hoc ego philosophi non arbitror, testibus uti: qui aut casu ueri aut malitia falsi, fictiq; esse possunt. argumentis & rationibus oportet quare quicq; ita sit docere, non euentis: his præsertim, quibus mihi liceat non credere. ut ordiar ab aruspicina: quam ego reip. causa, communisq; religionis colendam censeo. sed solus sumus: licet uerum exquirere sine inuidia: mihi præsertim de plerisq; dubitanti: inspiciamus si placet exta primum. Persuaderi igitur cuiquam potest? ea quæ significari dicuntur extis, cognita esse ab aruspicebus observatione diurna? & quàm diurna ista fuit? aut quàm longinquo tempore observari potuit? aut quomodo est collata inter ipsos, quæ pars inimici, quæ pars familiaris esset? quod fissum periculum, quod commodum aliquod ostenderet? an hæc inter se aruspices æthrusci, Elei, ægyptij, pœni, contulerunt? at id, præterq; quod fieri non potuit: ne fingi quidem potest. alios enim alio more uidemus exta interpretarie nec esse unam omnium disciplinam. Et certe, si est in extis aliqua uis, quæ declaret futura: necesse est eam aut cum rerum natura esse coniunctam: aut confor-

Extispicias
117.

SOLUS sum

Fissum

DE DIVINATIONE

mari quodammodo numini deorum. at qui diuina cum rerum natura tanta, tamq; præclara in omnes partes, motusq; diffusa, quid habere potest commune? non dicam gallinaceum fel: sunt enim qui uel argutissima hæc exta esse dicant: sed tauri opimi iecur, aut cor, aut pulmo, quid habet naturale? quod declarare possit quid futurum sit? Democritus tamen non inscite nungatur ut Phisicus: quo genere nihil arrogantius.

» Quod est ante pedes nemo spectat: cæli scrutantur plagas.

uerum is tamen habitu extorum, & colore declarari censet, hoc duntaxat, pabuli genus, et earum rerum, quas terra procreet, uel ubertatem, uel tenuitatem: salubritatem etiam, aut pestilentiam extis significari putat. O mortalem beatum, cui certe scio iudicium nunquam defuisse. hucine hominem tantis delectatum esse nugis? ut non uideret, tum futurum id uerisimile somnium: cum pecudum exta eodem tempore, in eundem habitum se, coloremq; conuerterent. sed si eadem hora, aliæ pecudis iecur nitidum, atq; plenum est: aliæ horridum & exile: quid est quod declarari possit habitu extorum, & colore? an hoc eiusdem modi est, quale pherecideum illud, quod est ante dictum? qui cum aquam uidisset ex puteo haustam, terræ motum dixit futurum. parum credo impudenter, quod cum factus esset motus, dicere audent quæ uis id effecerit. etiam ne futurum esse aquæ iugis colore præsentiant? multa istiusmodi dicuntur in scholis: sed credere omnia uide ne non sit necesse. uerum sine sane ista democritea uera: quando ea nos extis exquirimus? aut quando aliquid eiusmodi ab aruspice inspectis

Extis loquendi

iugis aquæ.

Democritus

te inspectis extis audiuius? ab aqua, aut ab igni pericula monent: tum hereditates, tum damna denunciant: fissum familiare, & uitale tractant: caput iecoris ex omni parte diligentissime considerat. si uero id non est inuentum: nihil putant accidere potuisse tristius. hæc obseruari certe non potuerunt, ut supra docui. sunt igitur artis inuenta, non uetustatis: si est ars ulla rerum incognitarum. Cum rerum autem natura quam cognationem habent? quæ ut uno consensu iuncta sit, & continens: quod uideo Physicis placuisse: eisq; maxime, qui omne quod esset, unum esse dixerunt: quid habere mundus potest cum thesauri inuentione coniunctum? Si enim extis pecuniæ mihi amplificatio ostenditur: idq; fit natura: primum exta sunt coniuncta mundo: deinde meum lucrum natura rerum continetur. non ne pudet philosophos hæc dicere? ut enim iam sit aliqua in natura rerum cognatio: quam esse concedo: multa autem stoici colligunt. nam & musculorum iecuscula bruma dicuntur augeri: & puleium aridum florescere ipso brumali die: & inflatas rumpi uesticulas: & semina malorum, quæ in his medijs inclusa sint, in contrarias partes se uertere. iam nervos in fidibus alijs pulsatis resonare alios: osireisq; & conchilijs omnibus contingere, ut cum luna crescant pariter, pariterq; decrescant: arboresq; ut hyemali tempore, cum luna simul senescentes, quia tum exsiccatae sint, tempestiue cædi putentur. quid de fretis, aut de marinis aestibus plura dicam? quorum accessus & recessus lunæ motu gubernantur. sexcenta licet eiusmodi proferri: ut distantium rerum cognatio naturalis appa-

caput iecoris
no inuenerunt

musculorum iecuscula
Puleium
Malorum semina

Arbores cædi

Sexcenta

DE DIVINATIONE

Cuiusdam modi;

omniā gra

fissū iuris

quasi nullus

reat. demus hoc. nihil enim huic disputationi adue-
 satur. num etiam si fissum cuiusdammodi fuerit in
 iecore, lucrum ostenditur? qua ex cognatione naturae,
 Et quasi concentu, atq; consensu, quam sympathiam
 graeci appellant: convenire potest aut fissum iecoris
 cum luctello meo? aut meus quæstivulus cum caelo, ter-
 ra, rerumq; natura? Concedam hoc ipsum si vis: Et
 si magnam iacturam cause fecero: si ullam esse con-
 convenientiam naturae cum extis concessero. sed tamen eo
 concessio: qui euenit, ut is, qui impetrare uelit, conue-
 nientem hostiam rebus suis immolet? hoc erat quod
 ego non rebar posse dissolui. at q̄ festine dissoluitur.
 pudet me non tui quidem, cuius etiam memoriam ad-
 miror: sed Chrysippi, Antipatri, Possidonij: qui idem
 istuc quidem dicunt, quod est dictum à te. ad ho-
 stiam deligendam duxem esse uim quandam sentien-
 tem atq; diuinam: quæ toto confusa mundo sit. Illud
 uero multo etiam melius, quod Et à te usurpatum est:
 Et dicitur ab illis: cum immolare quisptam uelit: tum
 fieri extorum mutationem, ut absit aliquid, aut super-
 sit. deorum enim numini parere omnia. hæc mihi iam
 crede, ne aniculæ quidem existimant. an censes eun-
 dem uirulum, si alius delegerit: sine capite iecur in-
 uenturum? si alius, cum capite? hæc decessio capitis,
 aut accessio, subito ne fieri potest? ut se exta ad im-
 molantis fortunam accommodent? non perspicitis aliā
 quandam inesse uim hostijs deligendis: præsertim
 cum res ipsa doceat. cum enim tristissima exta sine ca-
 pite fuerunt: quibus nihil uidetur esse dirius: proxima
 hostia litatur sæpe pulcherrime. ubi illæ minæ supe-
 riorum extorum? aut quæ tam subita facta est deo-
 rum

Sine capite exta.

rum

cum tanta placatio? Sed affers in tauri optimi extis
 immolante Cesare cor non fuisse. id quia non potue-
 rit accidere: ut sine corde uictima illa uiueret: iudican-
 dum esse tum interisse cor cum immolaretur. qui sit ut
 alterum intelligas, sine corde non potuisse bonem ui-
 uere? alterum non uideas? cor subito non potuisse ne-
 scio quo auolare? ego enim possum uel nescire quæ-
 nis sit cordis ad uiuendum: uel suspirari contractum
 aliquo morbo bouis exile, & exiguum, & uictum cor,
 & dissimile cordis fuisse. tu uero quid habes, quare
 putes, si paulo ante cor fuerit in tauro opimo: subito
 id in ipsa immolatione interisse? an quod aspexit ue-
 stitu purpureo exordem Cesarem: ipse corde priua-
 tus est? urbem philosophiæ mihi crede proditis: cum
 castris defenditis. nam dum aruspiciam ueram esse
 uultis: physiologiam totam peruertitis. caput est in ie-
 core: cor in extis. iam abscedet, simulac molam, &
 uinum insperseris. deus id eripiet: uis aliqua confi-
 ciet: aut exedet. non ergo omnium interitus atq; obitus
 natura conficiet: & erit aliquid quod aut ex nihilo
 oriatur: aut in nihilum subito occidat. quis hoc Physi-
 cus dixit unquam? aruspices dicunt. his igitur quam
 Physicis potius credendum existimas? quid cum plu-
 ribus dijs immolatur: qui tandem euenit, ut litetur
 alijs? alijs non litetur? quæ autem inconstantia deo-
 rum est? ut primis minentur extis? bene promittant
 secundis? aut tanta inter eos dissensio, sæpe etiam in-
 ter proximos? ut Apollinis exta bona sint? Dianæ
 non bona? quid est tam perspicuum? q̄ cum fortuita
 hostiæ adducantur: talia cuiq; exta esse: qualis cuiq;
 obtigerit hostia? At enim id ipsum habet aliquid di-

Vicinus

DE DIVINATIONE

vini: quæ cuiq; hostia obtingat: tanquam in sortibus
 quæ cui ducatur. mox de sortibus. quanquam tu qui-
 dem non hostiarum casum confirmas sortium simili-
 tudine: sed infirmas sortes collatione hostiarum. an
 cum in æquimelium misimus qui afferat agnum,
 quem immolemus: is mihi agnus offertur: qui ha-
 bet exta rebus accommodata? & ad eum agnum
 non casu, sed duce deo servus deducitur? nam si ca-
 sum in eo quoq; dicis esse, quasi sortem quandam cum
 deorum voluntate coniunctam: doleo tantam stoicos
 nostros epicureis irridendi sui facultatem dedisse.
 non enim ignoras q̄ ista derideant. & quidem illi
 facilius facere possunt. deos enim ipsos iocandi causa
 induxit Epicurus perlucidos, & perflabiles, & ha-
 bitantes tanquam inter duos lucos, sic inter duos mun-
 dos propter metum ruinarum: eosq; habere putat ea-
 dem membra quæ nos: nec ullum usum habere mem-
 brorum. Ergo is circuitione quadam deos tollens, recte
 non dubitat divinationem tollere. sed non ut hic sibi
 constet: item stoici. illius enim deus nihil habens nec
 sui, nec alieni negocij, non potest hominibus diuina-
 tionem impertire. uester autem deus potest non im-
 pertire, ut nihilominus mundum regat, & hominibus
 consulat. cur igitur uos inducitis in eas captiones: quas
 nunquam explicetis? ita enim cum magis properant
 concludere solent. si dij sunt est divinatio: sunt autem
 dij: est ergo divinatio. multo est probabilius: non est
 autem divinatio: non sunt ergo dij. uide q̄ temere com-
 mittant: ut si nulla sit divinatio: nulli sint dij. divinatio
 enim perspicue tollitur: deos esse retinendum est. Atq;
 hac extispicum divinatione sublata, omnis aruspicina
 sublata

Agnum hunc

Extispicias

sublata est. ostenta enim sequuntur, & fulgura: ualet autem in fulguribus observatio diuturna: in ostentis, ratio, plerumq; coniectura adhibetur. Quid est igitur quod observatum sit in fulgure? cælum in XVI partes diuiserunt æthrusci. facile id quidem fuit, quatuor, quas nos habemus, duplicare, post idem iterum facere: ut ex eo dicerent fulmen qua ex parte uenisset. primum id quid interest? deinde quid significat? nonne perspicuum est, ex prima admiratione hominum, q̄ tonitrua, iactusq; fulminum extimuisse: credidisse ea efficere rerum omnium præpotentem Iouem? itaq; in nostris commentarijs scriptum habemus, Ioue tonante, fulgurante, comitia populi habere nefas. hoc fortasse reip. causa constitutum est. comitiorum enim non habendorum causas esse uoluerunt. itaq; comitiorum solum uicium est fulmen: quod idem omnibus rebus optimum auspicium habemus: si sinistrum fuerit. sed de auspicijs alio loco. nunc de fulguribus. quid igitur minus a' physicis dici debet: quam quicquam certi significari rebus incertis? non enim te puto esse eum, qui Ioui fulmen fabricatos esse Cyclopas in æthna putes. nam esset mirabile quo modo Iupiter toties iaceret, cum unum haberet. nec uero fulminibus homines quid aut faciendum esset, aut cauendum moneret. Placet enim stoicis, eos anhelitus terræ, q̄ frigidi sint, cum fluere cœperint, uentos esse. cum autem se in nubem induerint: eiusq; tenuissimam quamq; partem cœperint diuidere, atq; disrumpere: idq; crebrius, facere, & uehementius: tum & fulgures, & tonitrua existere. si autem nubium conspectu ardor expressus se emisserit: id esse fulmen. quod igitur

Ioue Tonante
fulgurant

Fulmen si d' r' est
optimum, si
sinistr. fu.

DE DIVINATIONE

Si naturæ, nulla constantia, nullo rato tempore uide-
mus effici ex eo significationem rerum consequentium
querimus? scilicet si ista Iuppiter significaret: tam
multa frustra fulmina emitteret. quid enim proficit:
cum in medium mare fulmen iecit? quid cum in al-
tissimos montes? quod plerumq; fit. quid cum in de-
sertas solitudines? quid cum in earum gentium oras:
in quibus hæc ne observantur quidem? At inuentum
est caput in Tyberi. quasi ego artem aliquam istorum
esse negem. diuinationem nego. cæli enim distributio,
quam ante dixi, & certarum rerum notatio, docet
unde fulmen uenerit: quo concesserit. quid significet
autem nulla ratio docet. Sed urges me meis uersibus.

- » Nam pater altitans stellanti nixus clympe.
- » Ipse suos quondam tumulos, ac templa petiuit:
- » Et capitolinis iniecit sedibus ignes.

Natta Ant.

Tum statuam Nattæ tum simulacra deorum, Ro-
mulusq; , & remus cum altrice belua, ut fulminis
ictu conciderint: deq; his rebus aruspicum extiterine
responsa uerissima. mirabile autem illud: quod eo ipso
tempore, quo fieret indicium coniurationis in senatu:
signum Iouis, biennio postquam erat locatum in capi-
tolio collocabatur. tu igitur animum induces (sic enim
mecum agebas) causam istam & contra facta tua, &
contra scripta defendere? frater es. eod uereor. uerum
quid tibi hic tandem nocet? res ne quæ talis est? an
ego qui uerum explicari uolo? itaq; nihil contradico:
à te rationem totius aruspiciæ peto. sed te mirificam
in latebram coniecasti. Quod enim intelligeres fore ut
premerem te: cum ex te causam uniuscuiusq; diuinationis
exquirerem: multa uerba fecisti: te cum res uideres,

rationem causamq; non querere: quid fieret non cur
 fieret ad rem pertinere: quasi ego aut fieri concede-
 rem: aut esset philosophi causam cur quicq; fieret non
 querere. Et eo quidem loco & prognostica nostra
 pronunciabas & genera herbarum Scammoneam,
 Aristolochiamq; radicem: quarum causam ignora-
 res: vim & effectum uideres. dissimile totum. nam
 & prognosticorum causas persecuti sunt & Boeotus
 stoticus, qui est ante nominatus, & noster etiam Posi-
 donius. & si causae non reperiantur istarum re-
 rum: res tamen ipsae observari animaduertiq; possunt.
 Nattae uero statua, aut aera legum de caelo tacta, quid
 habet observatum, ac uetustum? Pinnarij Nattae no-
 biles. à nobilitate igitur periculum. hoc tam callide
 Iupiter cogitauit. Romulus lactens fulmine ictus. urbi
 igitur periculum ostenditur, ei quam ille condidit.
 Quam scite per notas nos certiores facit Iupiter? At
 eodem tempore signum iouis collocabatur: quo coniu-
 ratio indicabatur. & tu scilicet maioris numine deo-
 rum id factum, quam casu arbitrari? & redem-
 ptor, qui columnam illam de Cotta & de Torquato
 conduxerat faciendam: non inertia, aut inopia tar-
 dior fuit? sed à dijs immortalibus ad istam horam
 seruatus est? non equidem plane despero ista esse ue-
 ra: sed nescio: & discere à te uolo. Nam cum mi-
 hi quaedam casu uiderentur sic euenire: ut praedicta
 essent à diuinantibus: dixisti multa de casu: ut ue-
 nerium iaci posse casu, quattuor talis iactis: quadrim-
 gentis, centum uenerios non posse casu consistere. Pri-
 mum nescio cur non possint. sed non pugno. abun-
 das enim similibus. habes & respersionem pigmen-

Rattae st.

DE DIVINATIONE

torum, & rostrum suis, & alia permulta. idem
 Carneadem fingere dicis de capite panisci. quasi
 non potuerit id euenire casu: & non in omni mar-
 more necesse sit inesse, uel praxitelia capita. illa enim
 ipsa efficiuntur detractio: nec quicquam illuc af-
 fertur à Praxitele: sed cum multa sunt detracta: &
 ad liniamenta oris peruentum est: tum intelligas illud,
 quod iam expolitum sit, intus fuisse. potest igitur tale
 aliquid etiam sua sponte in lapidicinis chiorum ex-
 titisse. sed sit hoc fictum: quid? in nubibus nun-
 quid animaduertisti leonis formam? aut hyppocen-
 tauri? potest igitur, quod modo negabas, ueritatem ca-
 sus imitari. Sed quoniam de extis & fulguribus sa-
 tis est disputatum: ostenta restant: ut tota aruspicina
 sit pertractata. Mulæ partus prolatus est à te: res
 mirabilis, propterea quia non sæpe fit: sed si fieri
 non potuisset: facta non esset. Atque hoc contra omnia
 ostenta ualeat: nunquam, quod fieri non potuerit, esse
 factum: sin potuerit: non esse mirandum. causarum
 enim ignoratio in re noua mirationem facit: eadem
 ignoratio si in rebus usitatis est: non miramur. nam
 qui mulam peperisse miratur: is quo modo equa pa-
 riat, aut omnino quæ natura partum animantis faci-
 at ignorat: sed quod crebro uidet, non miratur etiam
 si cur fiat nescit: quod autem non uidit: id si euenierit
 ostentum esse censet. utrum igitur cum conceperit mu-
 la, an cum peperit, ostentum est? conceptio contra na-
 turam fortasse: sed partus prope necessarius. Sed
 quid plura? ortum uideamus aruspicinæ: sic facillime
 quid habeat authoritatis indicabimus. Tages quidam
 dicitur in agro Tarquinienfi, cum terra araretur: &

Ostenta.

Tages.

fulcus altius esset impressus: extitisse repente: & eum
 affatus esse, qui arabat. is autem Tages ut in libris
 est æthruscorum puerili specie dicitur usus: sed senili
 fuisse prudentia. eius aspectu cum obstupuisset bubul-
 cus: clamoremq; maiorem cum admiratione edidisset:
 concursum esse factum: totamq; breui tempore in eum
 locum æthuriam conuenisse. tum illum plura locutum
 multis audientibus: qui omnia eius uerba exceperint:
 litterisq; mandauerint. omnem autem orationem fuis-
 se eam: qua aruspiciæ disciplina contineretur. eam
 postea creuisse rebus nouis cognoscendis, & ad eadem
 illa principia referendis. Hæc accepimus ab ipsis: hæc
 scripta conseruant: hunc fontem habent disciplinæ.
 num ergo opus est ad hæc refellenda Carneade?
 num Epicuro? est ne quisquam ita desipiens? qui cre-
 dat exaratum esse, deum dicam, an hominem? si
 deum: cur se contra naturam in terram abdiderit? ut
 patefactus aratro lucem aspiceret? quid? idem non
 ne poterat. deus hominibus disciplinam superiore ex
 loco tradere? si autem homo ille Tages fuit: quo nam
 modo potuit terra oppressus uiuere? unde porro illa
 potuit, quæ docebat alios, ipse didicisse? sed ego in-
 sapientior, quam illi ipsi, qui ista credunt: qui qui-
 dem contra eos tam diu disputem. Vetus autem illud
 Catonis admodum scitum est: qui mirari se diebat: qd
 non rideret aruspex, aruspicem cum uidisset. quota
 enim quæq; res euenit prædicta ab his? aut si euenit
 quippiam: quid afferri potest cur non casu id euenie-
 rit? Rex Prusias, cum Annibali apud eum exulanti
 pugnare placeret: negabat se audere: quod exta pro-
 hiberens. an tu inquit caruncula uitulinæ manis,

Tages

Eximius. 125

Quota. H. 7. quæ

DE DIVINATIONE

quàm imperatori ueteri credere? quid? ipse Cæsar, cum à summo aruspice moneretur, ne in Africam ante brumam transmitteret: non ne transmisit? quod ni fecisset: unum in locum omnes aduersariorum copie conuenissent. quid ego aruspicum responsa commemorem (possum equidem innumerabilia) quæ aut nullos habuerunt exitus, aut contrarios? hoc civili bello, dii immortales quàm multa luserunt? quæ nobis in Graciam Roma responsa aruspicum missa sunt? quæ dicta Pompeio? etenim ille admodum extis, et ostentis mouebatur. non lubet commemorare, nec uero necesse est, tibi præsertim, qui interfuisti: uides tamen omnia ferè contra ac dicta sunt euenisse. Sed hæc hactenus: nunc ad ostenta ueniamus. Multa me consule à me ipso scripta recitasti: multa ante marsicum bellum à sisenna collecta attulisti: multa ante lacedæmoniorum malam pugnam in leuctris à Calisthene commemorata dixisti: de quibus dicam equidem singulis quoad utile uidebitur: sed dicendum etiam est de uersis. quæ est enim ista à dijs profecta significatio, et quasi denunciatio calamitatum? quid autem uolunt, ea dii immortales primum significantes, quæ sine interpretibus non possumus intelligere? deinde ea, quæ cauere nequeamus? At hoc ne homines quidem probi faciunt: ut amicis impendentes calamitates prædicant: quas illi effugere nullo modo possint. aut medici quanquàm sepe intelligunt, tamen nunquam ægris dicunt illo morbo eos esse morituros. omnis enim prædictio mali tum probatur cum ad prædictionem cautio adiungitur. quid igitur aut ostenta, aut eorum interpretes, uel lacedæmonios olim, uel nuper nostros adiun-

tunt. quæ si signa deorum putanda sunt: cur tam obscura fuerunt. si enim ut intelligeremus quid esset euenturum: aperte declarari oportebat: aut ne occulte quidem, si ea sciri nolebant. Iam uero coniectura omnis, in qua nititur diuination, ingenijs hominum, in multas ac diuersas, aut etiam contrarias partes sæpe deducitur. ut enim in causis iudicialibus alia est coniectura accusatoris: alia defensoris: Et tamen utriusque credibilis: sic in omnibus his rebus, quæ coniectura inuestigari solent: anceps reperitur oratio. quas autem res tum natura, tum casus affert: nonnunquam etiam errorem creat. similitudo: magna stultitia est earum rerum deos facere effectores: causas rerum non querere. tu uates Bæotios credis Lebadie uidisse ex gallorum gallinaceorum cantu uictoriam esse Thebanorum: quia galli uicti silere solent: canere uictores. hoc igitur per gallinas Iupiter tantæ ciuitati signum dabat. an illæ aues nisi cum uicerint canere non solent. at tum canebant: nec uicerant. id enim inquires ostentum: magnum uero: quasi pisces non galli cecinerint. quod autem est tempus quo illi non cantent, uel nocturnum, uel diurnum. quod si uictores alacritate, Et quasi lætitia ad canendum excitantur: potuit accidisse alia quoque lætitia, qua ad cantum mouerentur. Democritus quidem optimis uerbis causam explicat: cur ante lucem galli canant. depulso enim de pectore, Et in omne corpus diuiso, Et modificato cibo cantus edere, quiete satiatis: qui quidem silentio notis, ut ait Ennius, fauent faucibus: rursus cantu, plausuque premunt alas. cum igitur hoc animal tam sit canorum sua sponte: quid in mentem uenit Calistheni

Galli an melius
huc canant.

DE DIVINATIONE

dicere deos gallis signum dedisse cantandi? cum id uel natura, uel casus efficere potuisset. sanguinem pluuisse senatui nunciatum est: atratum fluvium fluxisse sanguine: deorum sudasse simulacra: num censes his nuncijs Thalem, aut Anaxagoram, aut quenquam Physicum crediturum fuisse? nec enim sanguis nec sudor nisi ex corpore est. sed & decoloratio quædam ex aliqua contagione terrena maxime potest sanguini similis esse: & humor allapsus extrinsecus, ut in tectorijs uidemus austro, sudorem imitari. Atq; hæc in bello plura, & maiora uidentur timentibus: eadem non tam animaduertuntur in pace. accedit illud etiam: quod in metu, & periculo cum creduntur facilius: tum finguntur impunius. nos autem ita leues, atq; inconsiderantes sumus: ut si mures corroserint aliquid: quorum est opus hoc unum: monstrum putemus. Ante uero marsicum bellum, quod Clypeos Lanuij, ut a te est dictum, mures rosisent: maximum id portentum aruspices esse dixerunt. quasi uero quicquam intersit mures diem & noctem aliquid rodentes, scuta an cribra corroserint. nam si ista sequimur, quod Platonis politiam nuper apud me mures corroserunt: de reprobui pertimescere. aut si Epicuri de uoluptate liber corrosus esset: putarem annonam in macello cariorum fore: an uero illa nos terrent? si quando aliqua portentosa, aut ex pecude, aut ex homine nata dicuntur: quorum omnium, ne sim longior, una ratio est. quicquid enim oritur, qualecunq; est: causam habeat a natura necesse est: ut etiam si præter consuetudinem aliquid acciderit: præter naturam tamen non possit existere. causam igitur inuestigato in re noua, atq; admirabili

mirabili, si potes: si nullam reperies: illud tamen exploratū habeto: nihil fieri potuisse sine causa: eumque errorem, quem tibi rei novitas attulerit: naturæ ratione depellito. ita te nec terræ fremitus, nec cæli discessus, nec lapideus, aut sanguineus hymbër, nec traiectio stellæ, nec faces visæ terre bunt. quarum omnium causas si à Chrysippo quæras: ipse ille diuinationis author, nunquam illa dicet facta fortuito: naturalemque rationem omnium reddet. nihil enim fieri sine causa potest: nec quicquam fit, quod fieri non potest: nec si id factum est, quod fieri potuit: portentum debet uideri. nulla igitur portenta sunt. nam si quod raro fit id portentum putandum est: sapientem esse portentum est. sæpius enim mulam peperisse arbitror quam sapientem fuisse. illa igitur ratio concluditur: nec id quod non potuerit fieri, factum unquam esse: nec quod potuerit, id portentum esse. ita omnino nullum esse portentum. quod etiam coniecto quidam et interpres portentorum non inscite dicatur ei respondisse: qui cum ad eum rettulisset quasi ostentum, quod anguis domi uentem circum uectus fuisset: tum esset inquit ostentum si anguem uectis circumplicasset. hoc ille responso satis aperte declarauit nihil habendum esse portentum: quod fieri posset. C. Gracchus ad M. Pomponium scripsit, duobus anguibz domi comprehensis, aruspices à patre conuocatos. qui magis anguibz quam laceratis? quam muribus? quia sunt hæc quotidiana: angues non item. quasi uero referat, quod fieri potest quam id sæpe fiat. ego tamen miror, si emissio femine anguis mortem afferebat Ti. Graccho: emissio autem maris anguis, erat mortifera Corneliæ: cur alter-

discess' celi

Portentum est
sapientium

V. r. h. g.

DE DIVINATIONE

uiram emisserit . nihil enim scribit respondisse aru-
spices , si neuter anguis emissus esset , quid esset futu-
rum . At mors insecta Gracchum est . causa quidem
credo aliqua morbi grauioris , non emissione serpen-
tis . neq; enim tanta est infelicitas aruspicum : ut ne casus
quidem unquam fiat : quod futurum illi esse dixerint .
nam illud mirarer si crederem , quod apud Homerum
chalcantem dixisti ex passum numero belli Troiani
annos auguratum : de cuius coniectura sic apud Ho-
merum , ut nos ociosi conuertimus , loquitur Vlixes .

Αἰσ. β.
·v̄·

- » Ferte uiri , & duros animo tolerate labores :
- » Auguris ut nostri chalcantis fata queamus
- » Scire ratos ne habeant , an uanos pectoris orsus :
- » Nanq; omnes memori portentum mente retentant :
- » Qui non funestis liquerunt lumina fati .
- » Argolicis primum ut uestita est classibus aulis :
- » Quæ priamo cladem , & Troiæ , pestemq; ferebant :
- » Nos circum latices gelidos fumantibus aris :
- » Aurigeris diuisum placantes numina tauris :
- » Sub platano umbrifera , fons unde emanat aqua :
- » Vidimus immansi specie , tortuq; draconem
- » Terribilem , Iouis ut pulsu penetrabat ab ara :
- » Qui platani in ramo foliorum tegmine septos
- » Corripuit pullos : quos cum consumeret octo :
- » Nona super tremulo genitrix clangore uolabat :
- » Cui ferus immansi laniauit uiscera morsu .
- » Hunc , ubi tam teneros uolucres , matremq; peremit :
- » Qui luci ediderat genitor saturnius idem
- » Abdidit & duro firmavit tegmine saxi .
- » Nos autem timidi stantes , mirabile monstrum
- » Vidimus in medijs diuum uersarier aris .

Tum

Tum calchas hæc est fidenti uoce locutus.
 Quidnam torpentes subito obstupuistis achiui?
 Nobis hæc portenta deum dedit ipse creator
 Tarda & sera nimis: sed fama ac laude perenni.
 Nam quot aues tetro mactatas dente uidetis:
 Tot nos ad Troiam belli exhanclabimus annos.
 Quæ decimo cadet: & poena satiabit achiuos.
 Edidit hæc calchas: quæ iam matura uidetis.
 Quæ tandem ista auguratio est ex passeribus anno-
 rum potius, q̃ aut mensium, aut dierum? cur autem
 de passerulis coniecturam facit: in quibus nullum
 erat monstrum? de dracone silet? qui, id quod fieri
 non potuit, lapideus dicitur factus. postremo quid si-
 mile habet passer annis? nam de angue illo qui syllæ
 apparuit immolanti: utrunq; memini: & syllam cum
 in expeditionem educturus esset immolauisse: & an-
 guem ab ara extitisse: eoq; die rem præclare esse ge-
 stam non aruspiciis consilio, sed imperatoris. Atq; hæc
 ostentorum genera mirabile nihil habent: quæ cum fa-
 cta sunt: tum ad coniecturam aliqua interpretatione
 reuocantur: ut illa tritici grana in os pueri Midæ con-
 gesta, aut apes quas dixisti in labris Platonis pueri
 consedisse, non tam admirabilia sunt: q̃ coniecta belle:
 quæ tamen uel ipsa falsa esse: uel illa, quæ prædicta
 sunt fortuito accidisse potuerunt. de ipso Roscio potest
 illud quidem esse falsum: ut circumligatus fuerit angui:
 sed ut in cunis fuerit anguis: non tamen mirum est:
 in Selonio præsertim: ubi apud focum angues nun-
 dinari solent. nam quod aruspices responderunt, nihil
 illo clarius, nihil nobilius fore: miror deos immorta-
 les hysirioni futuro claritatem ostendisse: nullam osten-

Ex hunc luv.

Coniectu.

Nundinari

DE DIVINATIONE

disse Africano. Atq; etiā a te flaminiana ostenta colle-
cta sunt: q; ipse, & equus eius repente conciderit: non
sane hoc quidem mirabile: q; euelli primi hastati si-
gnum non potuerit: timide fortasse signifer euellebat,
quod fidenter infixerat. nam Dionysij equus, quid at-
tulit admirationis, quod emerfit ex flumine? quodq;
habuit apes in iuba? Sed quia breui tempore regna-
re cœpit: quod casu acciderat, uim habuit ostenti. At
Lacedæmonijs in herculis fano arma sonuerunt: eius-
demq; dei Thebis ualuæ clausæ subito se aperuerunt:
eāq; scuta, quæ fuerant sublimē fixa, sunt humi in-
uenta. horum cum nihil fieri potuerit sine aliquo mo-
tu: quid est cur diuinitus ea potius, q̃ casu facta esse di-
camus? At in Lysandri statuæ capite delphis extitit
corona ex asperis herbis, & quidem subita. ita ne cen-
ses? ante coronam extitisse: q̃ herbarum conceptum
esse semen? herbam autem asperam credo auium con-
gestu, non humano satū. iam quicquid in capite est, id
coronæ simile uideri potest. nam q; eodem tempore stel-
las aureas Castoris & Pollucis delphis postas decidisse:
neq; eas usquam repertas esse dixisti: furum id ma-
gis factum, q̃ deorum uidetur. Simiæ uero dodonæ
improbitatem historijs græcis mandatam esse demiror.
quid minus mirum? quā illam monstruosissimam
bestiam urnam euertisse? sortes dissipauisse? & ne-
gant historici Lacedæmonijs ullum ostentum hoc tri-
stius accidisse. Nam illa prædicta ueientum, si lacus
Albanus redundasset: isq; in mare fluxisset: Romam
perituram: si repressus esset: Veios. ita aqua Albana
deducta ad utilitatem agri suburbani, non ad arcem,
urbemq; retinendam. At paulopost audita uox est
monentis:

sublime

Ex-
titerit

Monstruosiss.

monentis: ut prouiderent ne à Gallis Roma capere-
 tur: ex eo Aio loquenti aram in noua uia consecra-
 tam. quid ergo? Aius iste loquens, quando eum nemo
 norat, aiebat, & loquebatur? & ex eo nomen inue-
 nit? posteaquam & sedem, & aram, & nomen in-
 uenit: obmutuit? Quod idem dici de Moneta potest: à
 qua præterquam de sue plena, quid unquam moniti
 sumus? Satis multa de ostentis. Auspicia restant, &
 sortes, hæ quæ ducuntur, non illæ quæ uaticinatione
 funduntur: quæ oracula uerius dicimus? de quibus
 tum dicemus, cum ad naturalem diuinationem uene-
 rinus. restat etiam de Chaldæis. sed primum auspi-
 cia uideamus. Difficilis augurij locus ad contradicen-
 dum. Marso fortasse: sed Romano facillimus. non enim
 sumus ij nos augures: qui auium, reliquorumue si-
 gnorum observatione, futura dicamus. & tamen cre-
 do Romulum, qui urbem auspiciato condidit, habuisse
 opinionem: esse in prouidendis rebus augurandi scien-
 tiam. errabat enim multis in rebus antiquitas: quam
 uel usu iam, uel doctrina, uel uetustate immutatam ui-
 demus. retinetur autem & ad opinionem uulgi, &
 ad magnas utilitates reip. mos, religio, disciplina, ius
 augurum, collegij authoritas. nec uero non omni sup-
 plicio digni P. Claudius, L. Iunius consules: qui contra
 auspicia nauigarunt. parendum enim fuit religioni:
 nec patrius mos tam contumaciter repudiandus. iure
 igitur alter populi iudicio damnatus est: alter mortem
 sibi ipse consciuit. Flaminius non paruit auspicijs: itaq;
 periit cum exercitu. at anno post Paulus paruit: nec
 minus cecidit in cænnensi pugna cum exercitu. etenim,
 ut sino auspicia: quæ nulla sunt: hæc certe quibus uti-

Aius loquitur

Auspicia
Sortes

DE DIVINATIONE

auspicio esse

Silentium

augur

pullarius

auris

Terripannu.

Terripudiu

Tripudium solist.

Fulmen simile.

mur siue tripudio, siue de caelo, simulachra sunt au-
spicioru: auspicia nullo modo Q. Fabi, te uolo mihi in
auspicio esse. uolo respondet. audiui haec. apud maiores
nostros adhibebatur peritus: nunc quilibet. peritum
autem esse necesse est eum: qui silentium quid sit intel-
ligat. id enim silentium dicimus in auspicijs, quod omni
uitio caret. hoc intelligere perfecti auguris est. illi autem,
qui in auspiciu adhibetur, cum ita imperauit is, qui
auspicatur, dicito silentium esse uidebitur: nec suspicit:
nec circumspicit: statim respondet silentium esse ui-
deri. tum ille, dicito si pascuntur aues: aut ubi. at-
tulit inquit in cauea pullos is, qui ex eo nomina-
tur, pullarius. haec sunt igitur aues internuntiae Iouis:
quae pascuntur nec ne quid refert? nihil ad auspicia:
sed quia, cum pascuntur, necesse est aliquid ex ore ca-
dere: & terram pauire: terripannu primo, post ter-
ripudium dictum est: hoc quidem iam tripudium
dicitur. cum igitur offa iam cecidit ex ore pulli: tum
auspicanti tripudium solistimum nunciant. ergo hoc
auspiciu diuini quicquam habere potest? quod tam
sit coactum & expressum? quo antiquissimos au-
gures non esse usos argumento est, quod decretum
collegij uetus habemus: omnem auem tripudium facere
posse. tum igitur esset auspiciu: si modo ei esset liberum
se ostendisse: tum auis illa uideri posset interpretes, &
satelles Iouis. nunc uero inclusa in cauea, & fame
enecta, si in offam pultis inuadit: & si aliquid ex
ore cecidit: hoc tu auspiciu: aut hoc modo Romu-
lum auspicari solitum putas? Iam uero de caelo ser-
uare non ipsos censes solitos, qui auspicabantur? nunc
imperant pullario: ille renunciat. fulmen sinistrum
auspiciu

auspicum optimum habemus ad omnes res, præter
 quam ad comitia: quod quidem institutum reip. causa
 est: ut comitiorum uel in iudijs populi, uel in iure
 legum uel in creandis magistratibus principes ciuita-
 tis essent interpretes. At Ti. Gracchi litteris Scipio &
 Figulus, quod augures iudicassent eos uicio creatos esse:
 magistratu se abdicauerunt. Quis negat augurum
 disciplinam esse? diuinationem nego. At aruspices di-
 uini: quos, cum Ti. Gracchus propter mortem re-
 pentinam eius, qui in prerogativa referenda subito
 concidisset: in senatum introduxisset: non iustum ro-
 gatorem comitiorum fuisse dixerunt. primum uide,
 ne in eum dixerint: qui rogator centuriæ fuisset. is
 enim erat mortuus. id autem sine diuinatione, conie-
 ctura poterat dicere. deinde fortasse casu: qui nullo
 modo est ex hoc genere tollendus. quid enim scire
 æthrusci aruspices aut de tabernaculo recte capto, aut
 de pomerij iure potuerunt? equidem assentior C. Mar-
 cello potius, quam Appio Claudio: qui ambo mei Col-
 lege fuerunt: existimoq; ius augurum, & si diui-
 nationis opinione principio constitutum sit: tamen postea
 reip. causa conseruatum, ac retentum. Sed de hoc
 loco plura in alijs: nunc hætenus. Externa enim au-
 guria, quæ sunt non tam artificiosa, quam supersti-
 tiosa uideamus. omnibus fere auibus utuntur: nos ad-
 modum paucis. alia illis sinistra sunt: alia nostris.
 solebat ex me Deiotarus percontari nostri augurij di-
 sciplinam: & ego illius. dij immortales, quantum
 differebat: ut quædam essent etiam contraria. atq;
 ille his semper utebatur. Nos ipsi a populo auspicia
 accepta habemus: quàm multum his utimur? bellicam

DE DIVINATIONE

rem administrari maiores nostri nisi auspiciato noluerunt. quam multi anni sunt, cum bella à prætoribus & proconsulibus administrantur? qui auspicia non habent. Itaque nec annis transeunt auspiciato: nec tripudio auspicantur. nam ex acuminibus quidem, quod totum auspicium militare est: iam M. Marcellus ille quinquies consul, totum omisit: & idem imperator, idem augur optimus. ubi est ergo avium divinatio? quæ quoniam ab his qui auspicia nulla habent, bella administrantur: ab urbanis retenta, videntur à bellicis esse sublata. & quidem ille dicebat: si quando rem agere uellet, ne impediretur auspicijs, lectica operta facere se iter solere. Huic simile est, quod nos augures præcipimus ne iuge auspicium obueniat, ut iumenta iubeant disiungere. quid est aliud nolle moneri à ioue? nisi efficere, ut aut ne fieri possit auspicium: aut si fiat, uideri? nam illud admodum ridiculum: quod negas Deiotarum auspiorum, quæ sibi ad Pompeium proficiscenti facta sunt, poenitere: quod fidem secutus, amicitiamque populi romani functus sit officio. antiquiorem enim sibi fuisse laudem & gloriam, quam regnum & possessiones suas. credo id quidem. sed nihil ad auspicia. nec enim ei cornix canere poterat recte eum facere: quod populi romani libertatem defendere pararet. ipse hoc sentiebat, sicuti sensit. aves eventus significant aut aduersos, aut secundos. uirtutis auspicijs uideo esse usum Deiotarum: quæ uetat spectare fortunam dum præstetur fides. aves uero prosperos eventus ostenderunt. certe fefellerunt. fugit ex prælio cum Pompeio. graue tempus. discessit ab eo. lucrosa res. Cæsarem eodem tempore & hostem

Auspiciatio a
proconsulibus
in administrando
fuerit.

D. i. i. i. i. i.

Et hostem Et hospitem uidit . quid hoc tristius ? Is
 cum ei troginorum tetrarchiam eripuisset : Et affeclo
 suo pergameni nescio cui dedisset : eidemq; detraxisset
 armeniam a senatu datam : cumq; ab eo magnificen-
 tissimo hospicio acceptus esset : spoliatum reliquit Et
 hospitem, Et regem . sed labor longus : ad propositum
 reuertar . si euenta quaerimus : quae exquiruntur aui-
 bus : nullo modo prospera Deiotaro . sin officia : a uir-
 tute ipsius , non ab auspicijs petita sunt . omitte igitur
 lituum Romuli : quem in maximo incendio negas po-
 tuisse comburi : contemne cotem Actij Nauij : nihil de-
 bet esse in philosophia commentitijs fabellis loci . illud
 erat philosophi : totius augurij primum naturam ip-
 sam uidere : deinde inuentionem : deinde constantiam .
 quae est igitur natura , quae uolucres huc , Et illuc pas-
 sim uagantes efficiat , ut significant aliquid : Et tum ue-
 tent agere , tum iubeant , aut cantu , aut uolatu ?
 cur autem alijs a dextra , alijs a leua datum est aui-
 bus , ut ratum auspicium facere possint ? quomodo au-
 tem haec , aut quando , aut a quibus inuenta dice-
 mus ? Aethrusci tamen habent exaratum puerum au-
 thorem disciplinae suae . nos quem ? Actium ne nauium ?
 at aliquot annis antiquior Romulus , Et Remus , am-
 bo augures , ut accepimus . an Pysidarum , aut Cylicum ,
 aut Phrygum ista inuenta dicemus ? placet igitur hu-
 manitatis expertes , habere diuinitatis authores . At
 omnes reges , populi , nationes , utuntur auspicijs . quasi
 uero quicquam sit tam ualde , quam nihil sapere uul-
 gare : aut quasi tibi ipsi in iudicando placeat multi-
 tudo . quotus quisq; est : qui uoluptatem neget esse bo-
 num ? pleriq; etiam summum bonum dicunt . num

Ex nomen

DE DIVINATIONE

igitur eorum frequentia stoici de sententia deterren-
tur? aut non plerisque in rebus sequitur eorum autho-
ritatem multitudo? quid mirum igitur, si in omnibus
auspicijs, & omni diuinatione imbecilli animi super-
stitiosa ista concipiant? uerum dispicere non possint?
Quæ autem est inter augures conueniens, & coniu-
cta constantia? ad nostri augurij consuetudinem di-
xit Ennius:

- » Cum tonuit leuum bene tempestate serena:
At honoratus Ajax apud Achillem querens de ferocia-
tate Troianorum: nescio quid hoc modo nunciat.
- » Prospera Iuppiter his dextris fulgoribus edit.
Ita nobis sinistra uidentur, gravis & barbaris dextra
meliora. quanquam haud ignoro quæ bona sint, sini-
stra nos dicere: etiam si dextra sint. sed certe nostri
sinistram nominauerunt: externique dextrum: quia
plerumque melius id uidebatur. hæc quanta dissensio est?
quid, quod alijs ausibus utuntur? alijs signis? ali-
ter obseruant? aliter respondent? non necesse est fa-
teri partim horum errore susceptum esse? partim su-
perstitione multa fallendo? Atque his superstitionibus
non dubitasti etiam omina adiungere: Aemylia Pau-
lo persam perisse: quod pater omen accepit: Cæcilia
sororis filiae sedes suas tradere. iam illa fauete
linguis, & prerogatiuam omnium comitorum,
hoc est ipsum esse contra se copiosum & disertum.
quando enim illa obseruans quieto, & libero animo
esse poteris? ut ad rem gerendam non superstitionem
habeas, sed rationem ducem? ita ne? si quis aliquid
ex sua re, atque ex suo sermone dixerit: & eius uer-
bum aliquod apte ceciderit ad id quod ages, aut co-

Sinistra

gitabis: ea res tibi aut timorem afferet? aut alacritatem? cum M. Crassus exercitum Brundisij imponeret: quidam in portu caricas cauno aduectas uen-
dens, cauneas clamitabat. dicamus si placet monitum ab eo Crassum caueret ne iret: non fuisse periturum si omni paruisset. quæ si suscipiamus, pedis offensio nobis, & abruptio corrigæ, et sternutamenta erunt obseruanda. Sortes restant, & Chaldæi: ut ad uates & somnia ueniamus. Dicendum igitur putas de Sortibus. quid enim Sors est? idem propemodum quod micare: quod talos iacere: quod tesseras. quibus in rebus temeritas, & casus, non ratio, nec consilium ualet. tota res est inuenta fallacijs, aut ad quæstum, aut ad superstitionem, aut ad errorem. atq; ut in aruspicina fecimus, sic uideamus clarissimarum Sortium quæ tradatur inuentio. Numerium sufficium prænestinorum monumenta declarant honestum hominem, & nobilem somnijs crebris, ad extremum etiam minantibus, cum iuberetur certo in loco silicem cadere: perterritum uisus, iridentibus suis ciuibus, id agere cœpisse. itaq; perfracto saxo sortes erupisse, in robore insculptas priscarum litterarum notas. is est hodie locus septus religiose propter Iouis pueri: qui lactens cum Iunone in gremio fortunæ sedens mammam appetens castissime colitur à matribus. Eodem tempore illo loco ubi nunc fortunæ sita ædes est, mel ex olea fluxisse dicunt: aruspicesq; dixisse summa nobilitate illas sortes futuras: eorumq; iussu ex illa olea arcam esse factam: eoq; conditas sortes: quæ hodie fortunæ monitu tolluntur. quid igitur in his potest esse certi? quæ fortunæ monitu pueri manus miscentur: atq; ducuntur? quo modo

*Impone**Cauneas**Corrigia**Sortes**Iuppiter sors**Fortuna*

DE DIVINATIONE

autem istae posita in illo loco? quis robur illud cecidit? dolauit? inscripsit? nihil est inquit, quod deus efficere non possit. utinam sapientes stoicos effecisset: ne omnia cum superstitiosa solitudine et miseria crederent. sed hoc quidem genus diuinationis uita iam communis explosit. Fani pulchritudo, et uetustas, praenestinarum etiam nunc sortium retinet nomen: atque id in uulgus. quis enim magistratus, aut quis uir illustrior utitur sortibus? ceteris uero in locis sortes plane refrixerunt. quod Carneadem Clitomachus scribit dicere solitum: nusquam se fortunatiorem, quam praeneste uidisse fortunam. ergo hoc diuinationis genus omitamus. Ad Chaldaeorum monstra ueniamus: de quibus Eudoxus platonis auditor in astrologia iudicio doctissimorum hominum facile princeps, sic opinatur: id quod scriptum reliquit: Chaldaeis in praedictione, et in notatione cuiusque uitae ex natali die, minime esse credendum. nominat etiam Panetius, qui unus est stoicis astrologorum praedicta reiecit: Archelaum, et Cassandrum summos astrologos illius aetatis, quae erat ipse: cum in ceteris astrologiae partibus excellerent: hoc praedictionis genere non usos. Scylax halicarnassensis familiaris Panetij excellens in astrologia, idemque in regenda sua ciuitate princeps, totum hoc Chaldaicum praedicendi genus repudiavit. sed ut ratione utamur omissis testibus: sic isti disputant: qui haec Chaldaeorum natalitia praedicta defendunt. uim quandam esse aiunt signifero in orbe, qui graece ζωδιας dicitur, tale: ut eius orbis unaquaeque pars alia alio modo moueat, immuteturque caelum: perinde ut quaeque stellae in his, finitimisque partibus sint quoque

Chaldaei

Eudoxus

Astrologus

Archelaus

Cassandrus

Scylax

Chaldaei

Signifer

Signifer

tempore: eamq; uim uarie moueri ab ijs syderibus: quæ uocantur errantia. cum autem in eam ipsam partem orbis uenerint, in qua sit ortus eius qui nascitur: aut in eam, quæ coniunctum aliquid habeat, aut consentiens: ea triangula illi, & quadrata nominant. etenim cum tempore anni, tempestatumq; cæli conuersiones, commutationesq; tantæ fiant accessu stellarum, & recessu: cumq; ea ui solis efficiantur, quæ uidemus: non uerisimile solum, sed etiam uerum esse censent: perinde ut cunq; temperatus sit aer, ita pueros orientes animari, atq; formari: ex eoq; ingenia, mores, animum, corpus, actionem uitæ, casus cuiusq; euentusq; fingi. o' delirationem incredibilem. non enim omnis error stultitia est dicenda. quibus etiam Diogenes stoicus concedit aliquid ut prædicere possint duntaxat quali quisq; natura, & ad quam quisq; maxime rem aptus futurus sit. cætera quæ profiteantur negat ullo modo posse sciri. Etenim geminorum formas esse similes: uitam atq; fortunam plerunq; disparem. Proclus, & Euristhenes Lacedæmoniorum reges gemini fratres fuerunt. at hi nec totidem annos uixerunt. anno enim Procli uita breuior fuit: multumq; is fratri rerum gestarum gloria præstitit. at ego id ipsum, quod uir optimus Diogenes chaldeis, quasi quadam præuariatione, concedit: nego posse intelligi. etenim cum ut ipsi dicunt ortus nascentium luna moderetur: eaq; animaduertant, & notent sydera natalitia Chaldei, quæcunq; lunæ iuncta uideantur: oculorum fallacissimo sensu iudicant ea: quæ ratione atq; animo uidere debebant. docet enim ratio mathematicorum, quam istis notam esse oportebat: quanta humilitate

DE DIVINATIONE

luna feratur terram pene contingens: quantum abste
 a proxima Mercurij stella: multo autem longius a
 Veneris: deinde alio intervallo distet a sole: cuius lu
 mine collustrari putatur. reliqua uero tria intervallo
 infinita, & immensa, a sole ad Martis, inde ad Iouis,
 ab eo ad Saturni stellam, inde ad cælum ipsum: quod
 extremum atq; ultimum mundi est. quæ potest igitur
 contagio ex infinito pene intervallo pertinere ad lu
 nam? uel potius ad terram? quid? cum dicunt id,
 quod ijs dicere necesse est: omnis omniũ ortus, quicunq;
 gignantur in omni terra, quæ incolatur eosdem esse:
 eademq; omnibus, qui eodem statu cæli, & stellarũ
 nati sunt, accidere necesse esse: non ne eiusmodi sunt?
 ut ne cæli quidem naturam interpretes istos cæli nosse
 appareat? cum enim illi orbes, qui cælum quasi me
 dium diuidunt: & aspectum nostrum definiunt: qui
 a Græcis ὀρίστρος nominantur: a nobis finientes re
 ctissime nominari possunt: uarietatem maximam ha
 beant: aliq; in alijs locis sint: necesse est ortus, occasusq;
 syderum non fieri eodem tempore apud omnes, quod
 si eorum uel cælum modo hoc, modo illo modo tempe
 ratur: qui potest eadem uis esse nascentium: cum cæli
 tanta sit dissimilitudo? In his locis quæ nos incolimus
 post solstitium canicula exoritur: & quidem aliquot
 diebus, apud troglodytas, ut scribitur, ante solstitiũ: ut
 si iam concedamus aliquid uim celestem ad eos, qui
 in terra gignantur, pertinere: confitendum sit illis, eos,
 qui nascuntur eodem tempore, posse in dissimiles inci
 dere naturas propter cæli dissimilitudinem. quod mi
 nime illis placet. uolunt enim illi, omnes eodem tem
 pore ortos, qui ubiq; sint nati, eadem conditione nasci.

o g / 3. r. t. e.
 Finientes

modo modo

Canicula

Sed quæ tanta dementia est? ut in maximis motibus, mutationibusq; cæli, nihil intersit qui uentus, qui hyms, quæ tempestas, ubiq; sit. quarum rerum in proximis locis tantæ dissimilitudines sæpe sunt: ut alia Tusculi, alia Romæ eueniat sæpe tempestas. quod qui nauigant maxime animaduertunt: cum in flectendis promontorijs uentrum mutationes maximas sæpe sentiant. hæc igitur cum sint, tum serenitas, tum perturbatio cæli est ne sanorum hominum hoc ad nascentium ortus pertinere non dicere? quod non certe pertinet: illud nescio quid tenue, quod sentiri nullo modo, intelligi autem uix potest: quæ a luna cæterisq; syderibus cæli temperatio fiat, dicere ad puerorum ortus pertinere? quid? qd non intelligunt seminum uim, quæ ad gignendum, procreandumq; plurimum ualeat, fundius tolli: mediocris erroris est? quis enim non uidet & formas, & mores, & plerosq; status, ac motus effingere a parentibus liberos? quod non contingeret: si hoc non uis, & natura gignentium efficeret: sed temperatio lunæ, cæliq; moderatio. quid? quod uno eodemq; temporis puncto nati dissimiles, & naturas, & uitas, & casus habent: parum ne declarant nihil ad agendum uitam nascendi tempus pertinere? nisi forte putamus neminem eodẽ tempore ipso & conceptum, & natum, quo Africanum. nunquis igitur talis fuit? quid? illud ne dubium est? quin cum multi ita nati essent: ut quædam contra naturam deprauata haberent: restituerentur, & corrigerentur ab natura: cum se ipsa reuocasset, aut arte, aut medicina. aut quorum lingue sic inhaerent: ut loqui non possent: hæc scalpello resectæ liberarentur. multi etiam naturæ

DE DIVINATIONE

uitium meditatione, atq; exercitatione sustulerunt: ut
 Demosthenem scribit Phalereus cum rho dicere ne-
 quiret, exercitatione fecisse: ut planissime diceret. quod
 si hæc astro ingenerata & tradita essent: nulla res ea
 mutare posset. quid? dissimilitudo locorum, non ne dis-
 similis hominum procreationes habet? quas quidem
 percurrere oratione facile est: quid inter indos &
 Persas, Aethiopas & Syros differat corporibus, ani-
 mis: ut incredibilis uarietas dissimilitudoq; sit. ex quo
 intelligitur plus terrarum situs, q̃ lunæ tractus ad na-
 scendū ualere. Nam quod aiunt quadringenta & se-
 ptuaginta milia annorū in piclitandis, experiundisq;
 pueris, quicunq; essent nati babilonios posuisse: fallunt.
 si enim esset factitatum: non esset desitum. neminem au-
 tem habemus authorē: qui aut fieri dicat: aut factum
 sciat. uides ne me non ea dicere quæ Carneades? sed
 ea, quæ princeps stoicorum Panætius dixerit? Ego
 autem etiam hoc requiro: omnes ne, qui cannensi pu-
 gna ceciderunt: uno astro fuerint. exitus quidē omnium
 unus & idem fuit. quid? qui ingenio atq; animo sin-
 gulares, num astro quoq; uno? quod enim tempus?
 quo non innumerabiles nascantur? at certe nemo si-
 milis Homeri. Et si ad rem pertinet quo modo cælo
 affecto, compositisq; syderibus quodq; animal oriatur:
 ualeat id necesse est etiam in rebus inanimis: quo quid
 dici potest absurdius. L. quidem Tarutius firmanus
 familiaris noster, imprimis Chaldaicis litteris erudi-
 tus: urbis etiam nostræ natalem diem repetebat ab ijs
 parilibus, quibus eam à Romulo conditam accepi-
 mus: Romamq; cum esset in iugo luna: natam esse di-
 cebat: nec eius fata canere dubitabat. O uim maxi-
 mam

D. 100/14. 103

ccccxx. mil.
 annor.

L. Tarutius
 Chaldaicus.

R. 100/14. 103

nam erroris. etiam ne urbis natalis dies ad vim stellarum & lunæ pertinebat? sic in puero referre ex qua affectione cæli primum spiritum duxerit: num hæc in latere, aut in cemento, ex quibus urbs effecta est, potuit ualere? Sed quid plura? quotidie refelluntur. quam multa ego Pompeio, q̄ multa Crasso, q̄ multa huic ipsi Cæsari à Chaldæis dicta memini: neminem eorum nisi senectute, nisi domo, nisi cum claritate esse moriturum. ut mihi permirum uideatur, quenquam extare: qui etiam nunc credat his: quorum prædicta quotidie uideat re & euentis refelli. Restant duo diuinandi genera: quæ habere dicimur à natura, non ab arte: uaticinandi, & somniandi. de quibus Quinte inquam si placet differamus. Mihi uero inquit placet. his enim quæ adhuc disputasti prorsus assentior: & uere ut loquar, quanquam tua me oratio confirmauit: tamen etiam mea sponte nimis superstitosam de diuinatione stoicorum sententiam iudicabam: ac me peripateticorum ratio magis mouebat, & ueteris Dicearchi, & eius, qui nunc floret, Cratippi: qui censent esse in mentibus hominum tanquam oraculum aliquod: ex quo futura præsentiant: si aut furore diuino incitatus animus, aut somno relaxatus solute moueatur ac libere. his de generibus quid sentias & quibus ea rationibus infirmes: audire sane uelim. Quæ cum ille dixisset: tum ego rursus quasi ab alio principio sum exorsus dicere. Non ignoro Quinte, te semper ita sensisse: ut de cæteris diuinandi generibus dubitares: ista duo furoris & somni, quæ à libera mente fluere uiderentur, probares. dicam igitur de istis ipsis duobus generibus mihi quid uideatur.

Commentum

DE DIVINATIONE

tur: si prius stoicorum rationis, conclusio, & Cratippi nostri quid valeat, uidero. dixisti & Chrysippum, & Diogenem, & Antipatrum concludere hoc modo. si sunt dii, neque ante declarant hominibus, quæ futura sint: aut non diligunt homines: aut quid euenturum sit ignorant: aut existimant nihil interesse hominem scire, quid sit futurum: aut non censent esse suæ maiestatis præsignificare hominibus, quæ sint futura: aut ea ne ipsi quidem dii significare possunt. at neque non diligant nos: sunt enim benefici, generique hominum amici: neque ignorant ea, quæ ab ipsis constituta, & designata sunt: neque nostra nihil interest scire ea, quæ futura sunt. erimus enim cautiores, si scierimus: neque hoc alienum ducunt maiestate sua. nihil est enim beneficentia præstantius: neque non possunt futura prænoscere. non igitur dii sunt: nec significant nobis futura. sunt autem dii. significant ergo. & non, si significant futura: nullas dant nobis vias ad significationum scientiam. frustra enim significarent. neque si dant vias, non est diuinitas. est igitur diuinitas. O acutos homines: qui paucis uerbis negotium confectum putant. ea sumunt ad concludendum, quorum his nihil conceditur. conclusio autem rationis ea probanda est: in qua ex rebus non dubijs, id quod dubitatur, efficitur. uides ne Epicurum, quem hebetem, & rudem dicere solent stoici: quemadmodum quod in natura rerum omne esse dicimus: id infinitum esse concluderit? quod finitum est, inquit habet extremum. quis hoc non crediderit? quod habet extremum: id cernitur ex alio extrinsecus. hoc quoque est concedendum. at quod omne est, id non cernitur ex alio extrinsecus. ne hoc quidem

dem negari potest . nihil igitur cum habeat extre-
mum: infinitum sit necesse est. uides'ne ut ad rem du-
biam concessis rebus peruenierit? hoc uos dialectici
non facitis: nec solum ea non sumitis ad concluden-
dum: quæ ab omnibus concedantur: sed ea sumitis:
quibus concessis, nihilomags efficiatis quod uelitis. pri-
mum enim hoc sumitis: si sunt dij: benefici in homi-
nes sunt. quis hoc uobis dabit? Epicurus'ne? qui negat
quicquam deos nec alieni curare nec sui? an noster
Ennius? qui magno applausu loquitur, assentiente po-
pulo.

Ego deum genus esse semper dixi, & dicam cælitum:
sed eos non curare opinor quid agat humanum genus.
& quidem cur sic opinetur, rationem subiicit. sed ni-
hil est necesse dicere quæ sequuntur. tantum sat est in-
telligi id sumere istos pro certo, quod dubium con-
trouersumq; sit. sequitur porro nihil deos ignorare:
q; omnia sunt ab ijs constituta. hic uero quanta pu-
gna est doctissimorum hominum, negantium esse hæc
a dijs immortalibus constituta? At nostra interest
scire quæ euentura sunt. magnus Dicearchi liber est,
nescire ea melius esse q; scire. * negant enim id
esse maiestatis deorum: scilicet causas omnium in-
trospicere: ut uideant quid cuiq; conducat. Neq; non
possunt futura prænoscere: negant posse hi, quibus non
placet esse certum, quod futurum sit. uides'ne igitur
quæ dubia sunt, ea sumere ipsos pro certis, atq; conces-
sis. deinde contorquent: & ita concludunt. Non igitur
& sunt dij: nec significant futura: id enim iam per-
fectum arbitrantur. deinde assumunt: sunt autem dij:
quod ipsum non ab omnibus conceditur. significant

Dicearch.

*Nescire futu-
rum melius est,
scire.*

DE DIVINATIONE

ergo. ne id quidem sequitur. possunt enim non significare: & tamen esse dii. nec si significant non dare vias aliquas ad scientiam significationis. at id quoque potest: ut non dent homini: sed ipsi habeant. cur enim thuscis potius, quam romanis darent. nec si dant vias nulla est diuination. fac dare deos: quod absurdum est: quid refert si accipere non possumus? extremum, est igitur diuination. sit extremum: effectum tamen non est. ex falsis enim, ut ab ipsis didicimus: verum effici non potest. iacet igitur tota conclusio. Veniamus nunc ad optimum virum familiarem nostrum Cratippum: Si sine oculis inquit, non potest extare officium, & munus oculorum: possunt autem aliquando oculi non fungi suo munere: qui vel semel ita est usus oculis: ut vera cerneret: is habet sensum oculorum vera cernentium. item igitur, si sine diuinatione non potest officium, & munus diuinationis extare. potest autem cum quis diuinationem habeat, errare aliquando, nec vera cernere: satis est ad confirmandam diuinationem, semel aliquid ita esse diuinatum: nihil ut fortuitu cecidisse uideatur. sunt autem eius generis innumera-bilia. esse igitur diuinationem confitendum est. festiue & breuiter: sed cum bis sumpsit quod uoluit, etiam si faciles nos ad concedendum habuerit: id tamen quod assumit concedi nullo modo potest. si inquit aliquando oculi peccent: tamen quia recte aliquando uiderint: inest in his uis uidendi. Item si quis semel aliquid in diuinatione dixerit: is etiam cum peccet, tamen existimandus est habere uim diuinandi. uide queso Cratippe noster: quam sint similia. nam mihi quidem non uidentur. oculi enim uera cernentes,

utuntur

utuntur natura, atq; sensu. animi si quando, uel uaticinando, uel somniando uera uiderunt: usi sunt fortuna, atq; casu. nisi forte concessuros tibi existimas eos, qui somnia, pro somnijs habent: si quando aliquod somnium uerum euaserit: non id fortuito accidisse. Sed demus tibi istas duas sumptiones ea quæ ἀήματα appellant dialectici: sed nos latine loqui malimus. præsumptio tamen, quam πρόληψις idem uocant, non dabitur. Assumit autem Cratippus hoc modo. Sunt autem innumerabiles præsensiones non fortuitæ. at ego dico nullam. uide quanta sit controuersia. iam assumptione non concessa, nulla conclusio est. At impudentes sumus: qui quod tam perspicuum sit non concedamus. quid est perspicuum? multa uera inquit euadere. quid? quod multo plura falsa? nonne ipsa uarietas, quæ est propria fortunæ: fortunam esse causam non naturam docet? deinde, si tua ista conclusio Cratippe uera est (tecum enim mihi res est) nonne intelligis eadem uti posse & aruspices, & fulguratores & interpretes ostentorum, & augures, & sortilegos, & chaldaeos? quorum generum nullum est: ex quo non aliquid sicut prædictum sit euaserit. ergo aut ea quoq; genera diuinandi sunt: quæ tu rectissime improbas: aut si ea non sunt: non intelligo cur hæc duo sint, quæ relinquis. quæ ergo ratione hæc inducis: eadem illa possunt esse, quæ tollis. Quid uero habet authoritatis furor iste: quem diuinum uocatis: ut quæ sapiens non uideat, ea uideat insanus: & is qui humanos sensus amisit, diuinos assecutus sit. Sibyllæ uersus obseruamus: quos illa furens fudisse dicitur. quorum interpres nuper falsa quædam ho-

ἀήματα
Sumptiones
πρόληψις
Præsumptio

Sibyllæ uersus

DE DIVINATIONE

minum fama dicturus in senatu putatur: eum quem
re uera regem habebamus: appellandū quoq; esse re-
gem: si salui esse uellemus. hoc si est in libris: in quem
hominem, & in quod tempus est? callide enim, qui
illa composuit, perfecit, ut quodcunq; accidisset, prædi-
ctum uideretur, hominum & temporum diffinitione
sublata: adhibuit etiam latebram obscuritatis: ut idem
uersus alias in aliam rem posse accommodari uideren-
tur. non esse autem illud carmen furentis, cum ipsum
poema declarat (est enim magis artis, & scientiæ,
q̃ uaticinationis, & motus) tum uero ea quæ ἀπορρι-
χίς. dicitur: cum deinceps ex primis uersus literis ali-
quid connectitur: ut in quibusdam ennianis quæ En-
nius fecit: id certe magis est attenti animi, quàm fu-
rentis. Atq; in sibyllinis ex primo uersu cuiusq; sen-
tentiæ primis litteris illius sententiæ carmen omne
prætexitur. hoc scriptoris est, non furentis, adhibentis
diligentiam, non insani. quamobrem sibyllam quidem
sepositam, & conditam habeamus: ut id quod prodi-
tum est à maioribus iniussu senatus ne legantur qui-
dem libri: ualeantq; ad deponendas potius, quàm ad
suscipiendas religiones. cum antistitibus agamus: ut
quid uis potius ex illis libris, quàm regem proferant.
quem Romæ posthac nec dii, nec homines esse patien-
tur. At multi sæpe uera uaticinati: ut Cassandra.

» Iamq; mari magno=
eademq; paulo post:

» Heu uidete.=

num igitur me cogis etiam fabulis credere: quæ de-
lectationis habeant quantum uoles: uerbis, sententijs,
numeris, cantibus adiumentur: authoritatem quidem
nullam

nullam debemus nec fidem commentitijs rebus adiungere. Eodemq; modo nec ego Publicio nescio cui, nec martijs uatibus, nec Apollinis opertis credendum existimo: quorum partim ficta aperte, partim effutita temere, nunquam ne mediocri quidem cuiquam, non modo prudenti probata sunt. Quid inquires remex ille de classe Coponij, non ne ea prædixit, quæ facta sunt? ille uero: Et ea quidem, quæ omnes eo tempore ne acciderent timebamus. castra enim in thessalia castris collata audiebamus: uidebaturq; nobis exercitus Cæsaris Et audaciæ plus habere, quippe qui patriæ bellum intulisset: Et roboris, propter uetustatem. casum autem prælij nemo nostrum erat, qui timeret: sed ita, ut constantibus hominibus par erat: non aperte. ille autem græcus quid mirum si magnitudine timoris, ut plerunq; fit à constantia, atq; à mente, atq; à se ipse discessit. qua perturbatione animi, quæ sanus cum esset timebat ne euenirent: ea demens euentura esse dicebat. utrum tandem per deos atq; homines magis uerisimile est? uesanum remigem, an aliquem nostrum, qui ibi tum eramus, M. Catonem, Varronem, Coponium ipsum, consilia deorum immortalium perspicere potuisse? Sed iam ad te uenio

O sancte Apollo: qui umbilicum terrarum certum obsides:

Vnde superstitiosa primum sæua euasit uox fera: tuis enim oraculis Chrysippus totum uolumen impleuit partim falsis, ut ego opinor: partim casu ueris, ut fit in omni oratione sæpissime: partim flexiloquis, Et obscuris, ut interpret egeat interprete: Et sors ipsa, referenda sit ad sortes: partim ambigujs, Et quæ ad

Istum

V. r.

Apollinis ora
cula.

DE DIVINATIONE

dialecticum referenda sint. nam cum sors illa edita est opulentissimo regi Asiae.

- » Cræsus halim penetrans magnam puerit opum uim: hostium uim sese peruersurum putauit: peruertit autem suam. utrum igitur eorum accidisset, uerum oraculum fuisset. cur autem hoc credam unquam editum Cræso? aut Herodotum cur ueraciorem ducam Ennio? num minus ille potuit de Cræso, quàm de Pyrrho fingere Ennius? quis enim est qui credat Appolinis ex oraculo Pyrrho esse responsum.

- » Aio te æacida Romanos uincere posse.

primum latine Apollo nunquam locutus est. deinde ista sors inaudita græcis est. præterea Pyrrhi temporibus iam Apollo uersus facere desierat. postremo quanquam semper fuit (ut apud Ennium est) stolidum genus æacidarum: bellipotentes sunt magis quàm sapienti potentes. *apiam potentes* tamen hanc amphibologiam uersus intelligere potuisset uincere te Romanos, nihilo magis in se, quàm in Romanos ualere. Nam illa amphibologia quæ Cræsum decepit: uel Chrysippum potuisset fallere. hæc uero ne Epicurum quidem. sed quod caput est: cur isto modo iam oracula delphis non eduntur, non modo nostra ætate, sed iandiu: iam ut nihil possit esse contemptius? Hoc loco cum urgentur: euauisse aiunt uetustate uim loci eius: unde anhelitus ille terræ fieret: quo pythia mente incitata oracula ederet. de uino aut salsamento putes loqui: quæ euanescent uetustate. de ui loci agitur: neq; solum naturali: sed etiam diuina: quæ quo tandem modo euauit? uetustate inquires. quæ uetustas est: quæ uim diuinam conficere possit? quid tam diuinum? q̄ afflatus ex terræ

ex terra mentem ita mouens , ut eam prouidam rerum futurarum efficiat? ut ea non modo cernat multo ante : sed etiam numero uersuq; pronunciet . quando autem ista uis euauit? an postquam homines minus creduli esse coeperunt? Demosthenes quidem, qui abhinc annos prope quadringentos fuit : iam tum φιλιππίῳ Pithiam dicebat , idest quasi cum Philippo facere . hoc autem eo spectabat : ut eam a Philippo corruptam diceret . quod licet existimare in alijs quoq; oraculis Delphicis aliquid non sinceri fuisse . sed nescio quomodo isti philosophi superstitiosi, et pene fanatici , quiduis malle uidentur , q̃ se non ineptos . euauisse mauultis , & extinctum esse id : quod si unquam fuisset , certe æternum esset : quàm ea quæ non sunt credenda, non credere . Similis est error in somnijs : quorum quidem defensio repetita quàm longe est . diuinos animos censent esse nostros : eosq; esse tractos extrinsecus : animorumq; consentientium multitudine completum esse mundum . hac igitur mentis & ipsius diuinitate & coniunctione cum externis mentibus cerni quæ sint futura . contrahi autem animum Zeno, & quasi labi putat , atq; concidere : & ipsum esse dormire . iam pythagoras & plato locupletissimi authores , quo in somnis certiora uideamus : præparatos quodam cultu atq; uictu proficisci ad dormiendum iubent . Faba quidem Pythagorei utiq; abstinere : quasi uero eo cibo mens non uenter infletur . sed nescio quo modo nihil tam absurde dici potest : quod non dicatur ab aliquo philosophorum . utrum igitur censemus dormientium animos per semetipsos in somniando moueri? an ut Democritus censet, externa, &

Abhinc annos
prope 400
φιλιππίῳ

Somnia

DE DIVINATIONE

Aduentitia

aduentitia uisione pulsari? siue enim sic est: siue illo modo: uideri possunt permulta somniantibus falsa pro ueris. Nam & navigantibus moueri uidentur ea quæstant: & quodam obtutu oculorum, duo pro uno lucernæ lumina. quid dicam insanis, quid ebrijs, quæ multa falsa uideantur? quod si eiusmodi uisis credendum non est: cur somnijs credatur nescio. nam tam licet de his erroribus si uelis, quàm de somnijs disputare: ut ea quæ stant si moueri uideantur: terræ motum significare dicas: aut repentinam aliquam fugam. gemino autem lucernæ lumine declarari dissensionem, ac seditionem moueri: iam ex insanorum aut ebriorum uisis innumerabilia coniectura trahi possunt, quæ futura uideantur. quis est enim, qui totum diem iaculans non aliquando collimet? totas noctes somniamus: nequella ferè est qua non dormiamus: & miramur aliquando id quod somniamus euadere? quid est tam incertum quàm talorum iactus? tamen nemo est, quin sepe iactans, uenerem aliquando iaciat: nonnumquam etiam iterum, ac tertium. num igitur, ut inepti, ueneris id fieri impulsu malumus, quàm casu dicere? quod si cæteris temporibus falsis uisis credendum non est: non uideo quid præcipui somnus habeat: in quo ualeant falsa pro ueris. quod si ita natura paratum esset: ut ea dormientes agerent, quæ somniarent: alligandi essent omnes, qui cubitum irent. maiores enim quàm ulli insani efficerent motus somniantes. quod si insanorum uisis fides non est adhibenda: quæ falsa sunt: cur credatur somniantium uisis, quæ multo etiam perturbatiora sunt, non intelligo. An quod insani sua uisa coniectori non narrant? narrant qui

Collimare

*Primum
Tertium*

somniaverunt. ? quæro etiam si uelim scribere quid,
aut legere: aut canere uel uoce, uel fidibus: aut geome-
tricum quiddam, aut physicum, aut dialecticum ex-
plicare: somnium ne expectandum sit? an ars adhi-
benda? sine qua nihil earum rerum nec fieri, nec
expediri potest? Atqui, ne si nauigare quidem ue-
lim, ita gubernarem ut somniarem: præsens enim
pœna sit. quid igitur conuenit egros à coniectore
somniauerum potius, quàm à medico petere medici-
nam? an Aesculapius, an Serapis potest præscribe-
re per somnium curationem ualitudinis? Neptunus
gubernantibus non potest? Et si sine medico medici-
nam dabit Minerva: musæ scribendi, legendi, cetera-
rumq; artium scientiam somniantibus non dabunt?
At si curatio daretur ualitudinis: hæc quoq; quæ di-
xi darentur. quæ quoniam non dantur: medicina
non datur. qua sublata tollitur omnis authoritas som-
niorum. sed hæc quoq; in promptu: nunc interiora
uideamus. Aut enim diuina uis quædam consulens no-
bis somniorum significationes facit: aut coniectores ex
quadam conuenientia, et coniunctione naturæ, quam
uocant *συμβαλλειν*: quid cuiq; rei conueniat ex som-
nijs, et quid quamq; rem sequatur intelligunt: aut eo-
rum neutrum est: sed quædam observatio constans,
atq; diuturna est: cum quid uisum secundum quietem
sit: quid euenire, aut quid sequi soleat. Primum igitur
intelligendum est: nullam uim esse diuinam effectri-
cem somniorum. atq; illud quidem perspicuum est:
nulla uisa somniorum proficisci à numine deorum.
nostra enim causa dii id facerent: ut providere futu-
ra possemus. quotus igitur est quisq;, qui somnijs pa-

(mij)

συμβαλλειν
138.

Quotus quisq;

DE DIVINATIONE

Quā multi

reat? qui intelligat? qui meminerit? q̄ multi uero qui
contemnant? eamq; superstitionem imbecilli animi,
atq; anilis putent? quid est igitur cur his hominibus
consulens deus, somnijs moneat eos: qui illa non modo
non curant: sed ne memoria quidem digna ducant?
nec enim ignorare deus potest qua mente quisq; sit: nec
frustra, ac sine causa quid facere, dignum deo est: quod
abhorret etiam ab hominis constantia. ita si pleraq;
somnia aut ignorantur, aut negliguntur: aut nescit hoc
deus: aut frustra somniorum significatione utitur. sed
horum neutrum in deum cadit. nihil igitur a deo
somnia significari fatendum est. illud etiam requiro:
cur si deus ista uisa nobis providendi causa dat: non
uigilantibus potius det, q̄ dormientibus. siue enim ex-
ternus, & aduentitius pulsus animos dormientium
commouet: siue per se ipsi animi mouentur: siue quæ
causa alia est: cur secundum quietem aliquid uidere,
audire, agere uideamur: eadem causa uigilantibus esse
poterat. idq; si nostra causa secundum quietem dii fa-
cerent: uigilantibus idē facerent. Præsertim ut Chry-
sippus Academicos refellens permulto clariora &
certiora esse dicat, quæ uigilantibus uideantur, q̄ quæ
somniautibus. fuit igitur diuina beneficentia dignius,
cum consuleret nobis, clariora uisa dare uigilanti-
bus: quàm obscuriora per somnium. quod quoniam
non fit: somnia diuina putanda non sunt. Iam uero
quid opus est circuitione, & anfractu? ut sit utendum
interpretibus somniorum potius, quàm directo Deo
si quidem nobis consulebat, hoc facito, hoc ne feceris
diceret? idq; uisum uigilanti potius, quàm dormienti
daret? iam uero quis dicere audeat uera omnia esse

Ad uentitius

Di. 1. 1.

somnia? aliquot somnia uera, inquit Ennius: sed omnia non est necesse. Quæ est tandem ista distinctio? quæ uera, quæ falsa habet? Et si uera à deo mittuntur: falsa unde nascuntur? nam si ea quoque diuina: quid inconstantius deo? quid inscitius autem est? quæ mentes mortalium falsis, Et mendacibus uisis concitare? sin uera uisa diuina sunt: falsa autem, Et inania humana: quæ est ista designandi licentia: ut hoc deus, hoc natura fecerit potius, quàm aut omnia deus, quod negatis: aut omnia natura. quod quoniam illud negatis: hoc necessario confitendum est. naturam autem eam dico: qua nunquam animus insistens agitatione, Et motu esse uacuuus potest. Is cum langore corporis, nec membris uti, nec sensibus potest: incidit in uisa uaria, Et incerta ex reliquijs, ut ait Aristoteles, inherentes earum rerum, quas uigilans gesserit: aut cogitarit: quarum perturbatione mirabiles interdum existunt species somniorum. quæ si alia uera, alia falsa: qua nota internoscantur scire sane uelim. si nulla est: quid istos interpretes audiamus? sin quæpiam est: aueo audire quæ sit. sed hærebunt. uenit enim iam in contentionem: utrum sit probabilius: deos ne immortales rerum omnium præstantia excellentes, concursare omnium mortalium, qui ubique sunt, non modo lectos, uerum etiam grabatos: Et cum stertentes aliquos uiderint: obijcere his uisa quædam tortuosa, Et obscura: quæ illi exterriti somnio ad coniectorem mane deferant? an natura fieri: ut mobiliter animus agitatius quod uigilans uiderit, dormiens uidere uideatur? utrum philosophia dignius, sagarum superstitione ista interpretari? an explicatione naturæ? ut si iam fieri possit

Grabatus

DE DIVINATIONE

coniectura uera somniorum: tamen isti qui profiten-
tur, eam facere non possunt: ex leuissimo enim, & in-
doctissimo genere constant. Stoici autem tui negant
quenquam nisi sapientem diuinum esse posse. Chrysip-
pus quidem diuinationem diffinit his uerbis. uim co-
gnoscentem, & uidentem, & explicantem signa, quæ
a dijs hominibus portendantur. officium autem eius
esse prænoscere dei erga homines mentem, qua sint:
quidq; significant: quemadmodumq; ea procurentur,
atq; expientur. idemq; somniorum coniectionem diffi-
nit hoc modo: esse uim cernentem, & explanantem
quæ a dijs hominibus significantur in somnis. Quid
ergo? ad hæc mediocri opus est prudentia? an & in-
genio præstanti? & eruditione perfecta? talem autem
cognouimus neminem. uide igitur ne etiam si diuina-
tionem tibi esse concessero (quod nunquam faciam) ne-
minem tamen diuinum reperire possimus. Qualis
autem ista mens est deorum? si neq; ea nobis signifi-
cant in somnis: quæ ipsi per nos intelligamus? neq; ea,
quorum interpretes habere possimus? similes enim
sunt dij: si ea nobis obijciunt: quorum neq; scientiam,
neq; explanationem habeamus: tanquam si poeni, aut
hispani in senatu nostro sine interprete loquerentur.
Iam uero quo pertinent obscuritates, & enigmata
somnia? intelligi enim a nobis dij uelle debebant
ea: quæ nostra causa nos monebāt. Quid? poeta ne-
mo, nemo Physicus obscurus? ille uero etiam nimis
obscurus Euphorion. at non Homerus. uter igitur me-
lior? ualde Heraclitus obscurus: minime Democritus.
num igitur conferendi? mea causa me mones. quod non
intelligam. quid me igitur mones? ut si quis medicus

Coniectura

*Euphorion. obs.
Heraclitus. obs.*

egroto imperet, ut sumat

Terrigenam tardigradā domiportam sanguine cassam
potiusq̃ hominum more cocleam dicere. nam pacuian-
nus Amphion

Quadrupes tardigrada, agrestis, humilis, aspera

Capite breui, ceruice anguina, aspectu truci

Eviscerata inanima cum animali sono

cum dixisset obscurius: tum Attia respondit: non in-
telligimus nisi aperte dixeris. at ille, uno uerbo testu-
do. non potueras hoc igitur à principio cytharista di-
cere? desert ad coniectorem quidam somniasse se ouū
pēdere ex fascia lecti sui cubicularis. est hoc in Chry-
sippi libro somnium. respondit coniector, thesaurum
defossū esse sub lecto. fodit: inuenit auri aliquan-
tum, idq; circumdatum argento: misit coniectori quan-
tulum uisum est de argento. tum ille, nihil ne de uitel-
lo? id enim ex ouo uidebatur aurum declarasse: reli-
quum argentum. nemo ne igitur unquam alius ouum
somniauit? cur ergo hic nescio quis thesaurum solus
inuenit? q̃ multi inopes digni præsidio deorum, nullo
somnia ad thesaurum reperiendum admonentur?
quam autem ob causam tam est obscure admonitus? ut
ex ouo nasceretur thesauri similitudo, potius, q̃ aperte
thesaurum quærere iuberetur? sicut aperte Simonides
uetitus est nauigare? Ergo obscura somnia minime con-
sentanea sunt maiestati deorum. ad aperta & clara
ueniamus: quale est de illo interfecto à caupone mega-
ris: quale de Simonide: qui ab eo quem humanerat
uetitus est nauigare: quale etiam de Alexandro: quod
à te præteritum esse miror: qui cum Ptolemæus fami-
liaris eius in prælio, telo uenenato ictus esset: eoq;

Oui somni

Alex somni

DE DIVINATIONE

vulnere summo cum dolore moreretur: Alexander
 assidens, somno est consopitus. tum secundum quietem
 visus ei dicitur draco is, quem mater Olympias ale-
 bat: radiculam in ore ferre: Et simul dicere quo illa
 loci nasceretur: neq; is longe aberat ab eo loco: eius au-
 tem esse vim tantam: ut Ptolemæum facile sanaret. cum
 Alexander experrectus narrasset amicis somnium:
 emisisse qui illam radiculam quærerent. qua inuenta
 Et Ptolemæus sanatus dicitur: Et multi milites, qui
 erant eodem genere teli vulnerati. multa etiam sunt
 à te ex historijs prolata somnia, matris Phalaridis,
 Cyri superioris, matris Dionysij, poeni Amilcaris,
 Annibalis, P. Decij, vulgatum iam illud de præfule,
 Gracchi etiam, Et recens Ceciliæ Balearici filiae som-
 nium. Sed hæc externa: ob eamq; causam ignota no-
 bis sunt: nonnulla etiam ficta fortasse. quis enim au-
 thor istorum? de nostris somnijs quid habemus dice-
 re? tu de merso me, Et equo ad ripam? ego de Mario
 cum fascibus laureatis me in suum deduci iubente mo-
 numentum? Omnium somniorum Quinte una ratio
 est. quæ per deos immortales uideamus ne nostra su-
 perstitione, Et deprauatione superetur. quem enim tu
 Marium visum à me putas: speciem credo eius, Et
 imaginem: ut Democrito uidetur: unde profectam ima-
 ginem. à corporibus enim solidis, Et à certis figuris
 uult fluere imagines. quod igitur Marij corpus erat:
 ex eo inquit quod fuerat, plena sunt imaginum omnia
 ista. igitur me imago Marij in campum atinatem per-
 sequebatur. nulla enim species cogitari potest: nisi
 pulsu imaginum. quid ergo? istæ imagines ita no-
 bis dicto audientes sunt? ut simulatq; uelinus accu-
 rant?

rant. etiam ne earum rerum, quæ nullæ sunt? quæ est enim forma tam inusitata, tam nulla? quā non sibi animus possit effingere? ut quæ nunquam uidimus: ea tamen formata habeamus: oppidorum situs, hominum figuras. num igitur cum aut muros Babylonis, aut Homeri faciem cogito: imago illorum me aliqua pellit? Omnia igitur, quæ uolumus, nota nobis esse possunt. nihil est enim de quo cogitare nequeamus. nullæ ergo imagines obrepunt in animos dormientium extrinsecus: nec omnino fluunt illæ: nec cognoui quendam, qui maiore authoritate nihil diceret. animorum est ea uis, atq; natura: ut uigeant uigilantes, nullo aduentitio pulsū: sed suo motu incredibili quadam celeritate. hi cum sustententur membris, & corpore, & sensibus: omnia certiora cernunt: cogitant: sentiunt. cum autem hæc subtracta sunt: desertusq; animus languore corporis: cum agitur ipse p se se. itaq; in eo & formæ uersantur, & actiones: & multa audiri, multa dici uidetur. hæc scilicet imbecillo remissoq; animo multa omnibus modis confusa & uariata uersantur: maximeq; reliquæ earū rerum mouentur in animis, & agitantur: de quibus uigilantes, aut cogitauimus: aut egimus. ut mihi temporibus illis multum in animo Marius uersabatur recordanti, quam ille grauem suum casum magno animo, quā constanti tulisset. hanc credo causam de illo somniandi fuisse. tibi autem de me cum solitudine cogitanti subito sum uisus emerisus ex flumine. inerant enim in utriusq; nostrum animis uigilantium cogitationum uestigia. At quædam adiuncta sunt: ut mihi de monumento Marij: tibi q; equus, in quo ego uehebar, mecum una demersus rursus ap-

f

Admiris

DE DIVINATIONE

paruit. An tu censes ullam anum tam deliram futuram fuisse? ut somnijs crederet? nisi ista casu nonnunquam, forte, temere concurrerent? Alexandro loqui draco uisus est. potest omnino hoc esse falsum: potest uerum. sed utrum sit non esse mirabile. non enim audiuit ille draconem loquentem: sed est uisus audire: et quidē, quo maius sit, cum radicem ore teneret locutus est. sed nihil est magnum somnianti. Quæro autem: cur Alexandro tam illudere somnium, tam certum, nec huic eidem alias, nec multa cæteris. mihi quidem præter hoc marianū nihil sane, quod meminerim. frustra igitur consumptæ tot noctes tam longa in ætate. nunc quidē propter intermissione[m] forensis operæ, et lucubrationes detraxi: et meridiationes addidi: quibus uti antea non solebam: nec tam multum dormiens ullo somnio sum admonitus, tantis præsertim derebus: nec mihi magis usquam uideor, quàm cum aut in foro magistratus, aut in curia senatum uideo, somniare. Etenim ex diuisione hoc secundum est, quæ est continuatio: coniunctioq[ue] naturæ: quam ut dixi uocant *συμπάθεια* eiusmodi, ut thesaurus ex ouo intelligi debeat. nam medici ex quibusdam rebus, et aduenientes et crescentes morbos intelligunt: nonnullæ etiam ualitudinis significationes, ut hoc ipsum pleni, enectiue simus ex quodam genere somniorum intelligi posse dicuntur. thesaurus uero, et hæreditas, et honos, et uictoria, et multa generis eiusdem, quæ cum somnijs naturali cognatione iunguntur? dicitur quidam, cum in somnijs complexus Venerio iungeretur, calculos eiecisse. uideo sympathian. uisum est enim tale obiectum dormienti: ut id, quod euenit, naturæ uis, non opinio

Futuram fin

meridiano

συμπάθεια

Enectus

non opinio erroris efficiat. quæ igitur natura obtulit
illam speciem Simonidi? a qua uetaretur navigare?
aut quid naturæ copulatum habuit Alcibiadis quod
scribitur somnium? qui paulo ante interitum, uisus est
in somnis amice esse amictus amiculo. is cum esset
proiectus inhumatus: ab omnibusq; desertus iaceret:
amica corpus eius texit suo pallio. ergo hoc inerat in
rebus futuris? Et causas naturalis habebat? an Et
ut uideretur, Et ut eueniret casus effectit? quid ipso-
rum interpretum coniecturæ, nonne magis ingenia
declariant eorum? quam uim consensumq; naturæ?
Cursor ad Olympia proficisci cogitans, uisus est in
somnia currum quadrigarum uehi. mane ad coniecto-
rem. at ille uincas inquit: id enim celeritas significat,
Et uis equorum. post idem ad Antiphonem. is aut
uincare inquit necesse est. an non intelligis quattuor
ante te cucurrisse? Ecce alius cursor. atq; horum som-
niorum, Et talium plenus est Chrysippi liber, plenus
Antipatri. sed ad cursorem redeo. ad interpretem
detulit, aquilam se in somnis uisum esse factum. at ille
uicisti. ista enim auis uolat nulla uehementius. huic
equidem Antipho, tu uero inquit te uictum esse non
uides? ista enim auis insectans alias Et agitans,
semper ipsa postrema est. parere quædam matrona
cupiens, dubitans esset ne prægnans, uisa est in quiete
obsignatam habere naturam. rettulit. negauit eam,
quoniam obsignata fuisset, concipere potuisse. at alter
prægnantem esse dixit. nam inane obsignari nihil so-
lere. quæ est ista ars coniectoris, eludentis ingenio? an
ea, quæ dixi, Et innumerabilia, quæ collecta habent
stoici, quicquam significant, nisi acumen hominum ex

Alcibiadis so-
mnia
Amiculum

Chrysippi
Antipatri } libri

Natura

DE DIVINATIONE

*Temp. y. t. m.
signa*

similitudine aliqua coniecturam modo huc, modo illuc
ducentium? medici signa quædam habent ex uenis,
Et ex spiritu ægroti: multisq; ex alijs futura præsen-
tiunt. gubernatores cum exultantes Loligines uiderint,
aut Delphinos se in portum conijcentes: tempestatem
significari putant. hæc ratione explicari, Et ad natu-
ram facile reuocari possunt. ea uero, quæ paulo ante
dixi, nullo modo. At enim observatio diuturna (hæc
enim pars una restat) notandis rebus fecit artem. an-
tandem somnia observari possunt? quonam modo?
sunt enim innumerabiles uarietates. nihil tam præpo-
stere, tam incõdite, tam monstruose cogitari potest: quod
non possimus somniare. quomodo igitur hæc infinita,
Et semper noua, aut memoria complecti, aut obser-
uando notare possimus? Astrologi motus errantium
stellarum notauerunt. inuentus est enim ordo, in ijs
stellis, qui non putabatur. cedo tandem qui sit ordo, aut
quæ concursatio somniorum? quo modo autem distin-
gui possunt uera somnia à falsis? cum eadem, Et alijs
aliter euadant, Et ijsdem non semper eodem modo. ut
mihi mirum uideatur, cum mendaci homini, ne uerum
quidem dicenti credere soleamus: quomodo isti si som-
nium uerum euasit aliquod, non ex multis potius unâ
fidem derogant q̃ ex uno innumerabilia confirmant.
si igitur neq; deus est effector somniorum: neq; natu-
ræ societas ulla cum somnijs: neq; observatione inueniri
potuit scientia: effectum est, ut nihil prorsus somnijs
tribuendum sit. præsertim cum illi ipsi, qui ea uident,
nihil diuinent: ij qui interpretantur coniecturam ad-
hibeant, non naturam: casus autem innumerabilibus
pene sæculis in omnibus plura mirabilia, quàm in
somnia

somniorū uis effecerit: neq; coniectura quæ in uarias partes duci potest, nonnunquam etiam in contrarias, quicquam sit incertius: explodatur hæc quoq; somniorum diuination pariter cum cæteris. nam, ut uere loquamur, superstitio fusa per gentes oppres- sit omnium ferè animos: atq; hominum imbecillita- tem occupauit. quod & his libris dictum est, qui sunt de natura deorum: & hac disputatione id maxime egimus. multum enim & nobismetipsis, et nostris pro- futuri uidebamur, si eam funditus substulissimus: nec uero (id enim diligenter intelligi uolo) superstitione tollenda religio tollitur. nam & maiorum instituta tueri, sacris, cerimonijsq; retinendis sapientis est: & esse præstantem aliquam, æternamq; naturam, & eam suspiciendam admirandamq; hominum generi, pul- chritudo mundi, ordoq; rerum cælestium cogit confi- teri. quamobrem ut religio propaganda etiam est, quæ est iuncta cum cognitione naturæ: sic superstitionis stirpes omnes eiciendæ sunt. instat enim & urget: & quocunq; te uerteris, persequitur, siue tu uatem, siue tu omen audieris: siue immolaris: siue auem aspexeris: si Chaldæum, si aruspice[m] uideris: si fulserit: si tonuerit: si tactum aliquid erit de cælo: si ostenti si- mile, natum, factumue quippiam: quorum necesse est plerunq; aliquid eueniat: ut nunquam liceat quie- ta mente consistere. perfugium uidetur omnium labo- rum & solitudinum esse somnus. at ex eo ipso plu- rimæ curæ, metusq; nascuntur. qui quidem ipsi per se minus ualerent: & magis contemnerentur: nisi som- niorum patrocinium philosophi suscepissent. nec ij qui- dem contemptissimi, sed in primis acuti, et consequen-

DE DIVINATIONE

tia & repugnantia uidentes : qui prope iam absoluti,
& perfecti putantur. quorum licentia nisi Carneades
restitisset : haud scio an soli iam philosophi iudica-
rentur. cum quibus omnis fere nobis disceptatio, con-
tentioq; est. non q; eos maxime contemnamus : sed quod
uidentur acutissime sententias suas prudentissimeq; de-
fendere. cum autem proprium sit Academiae, iudicium
suum nullum interponere : ea probare, quae simillima
ueri uideantur : conferre causas : et quid in quanq; sen-
tentiam dici possit expromere, nulla adhibita sua
authoritate iudicium audientium relinquere integrum,
ac liberum : tenebimus hanc consuetudinem à Socrate
traditam : eaq; inter nos, si tibi Quinte frater place-
bit, quam saepissime utemur. mihi uero inquit ille ni-
hil potest esse iocundius. quae cum essent dicta, surre-
ximus.

M. TVLLII CICERONIS

DE FATO LIBER.

q

Via pertinet ad mores, quos *ἠθικὴ* greci uocant: nos eam partem philosophiae de moribus appellare solemus. sed decet augentem linguam latinam nominare moralem. explicanda uis est, ratioque enuntiationum: quae greci *ἀξιωματικά* uocant: quae de re futura cum aliquid dicunt, deque eo quod possit fieri, aut non possit: quam uim habeant obscura quaestio est: quam *περὶ δυνάμεως* appellant: totaque est logica: quam rationem differendi uox. Quod autem in alijs libris feci, qui sunt de natura deorum: itemque in his, quos de diuinatione edidi: ut in utranque partem perpetua explicaretur oratio: quo facilius id a quoque probaretur, quod cuique maxime probabile uideretur: in hac disputatione de fato casus quidam ne facerem impedivit. nam cum essem in puteolano: Hirciusque noster consul designatus iisdem in locis, uir nobis amicissimus, et his studijs, in quibus nos a pueritia uiximus, deditus: multum una eramus, maxime nos quidem exquirentes ea consilia, quae ad pacem, et ad concordiam ciuium pertinerent. cum enim omnes post interitum Caesaris nouarum perturbationum causae quæri uiderentur: hisque esse occurrendum putaremus: omnis fere nostra in his deliberationibus consumebatur oratio: idque et saepe aliàs: et quodam liberiore, quam solebam, et magis uacuo ab interuentoribus die, cum

*Moralis phil**ἀξιωμα**Logica**Interuentoribus*

DE FATO

ille ad me uenisset: primo illa, quæ erant quotidiana, et quasi legitima nobis, de pace, & de ocio dicta sunt. quibus acceptis, quid ergo inquit ille: quoniam oratorias exercitationes non tu quidem, ut spero, reliquisti: sed certe philosophiam illis anteposuisti: possum ne aliquid audire? Tu uero inquam uel audire: uel dicere: nec enim, quod recte existimas, oratoria illa studia deserui: quibus etiam te incendi, quæ flagrantissimum acceperam: nec ea quæ nunc tracto minuunt: sed augent potius illam facultatem. Nam cum hoc genere philosophiæ, quod nos sequimur: magnam habet orator societatem. subtilitatem enim ab academia mutuatur, & ei uicissim reddit ubertatem orationis, & ornamenta dicendi. quamobrem inquam quoniam utriusque studij nostra possessio est: hodie utro frui malis, optio sit tua. Tum Hircius gratissimum inquit: & tuorum omnium simile. nihil enim unquam abnuuit uoluntas tua meo studio: sed quoniam mihi rhetorica uestra sat nota: teque in his & audiuius sæpe, et audiemus: atque hanc academicorum contra propositum disputandi consuetudinem indicant te suscepisse tusculanæ disputationes: proponere aliquid, ad quod audiam, si tibi non est molestum, uolo. An mihi inquam potest quicquam esse molestum, quod tibi gratum futurum sit? sed ita audies: ut romanum hominem: ut timide ingredientem ad hoc genus disputandi: ut longo intervallo hæc studia repetentem. Ita inquit audiam te disputantem: ut ea lego, quæ scripsisti. proinde ordi-

Multa desunt.

Consideramus hirci: quorum in alijs: Vt in Anti-
patro poeta: ut in brumali die natis: ut in simul agro
tantibus fratribus: ut in urina: ut in unguibus: ut
in reliquis eiusmodi naturæ contagio ualeret: quam
ego non tollo. uis est nulla fatalis. In alijs autem
fortuita quædam esse possunt. ut in illo naufrago,
ut in Icadio, ut in daphita. quædam etiam Possi-
donius, pace magistri dixerim, cōminisci uidetur. sunt
inquam quidam absurda. quid enim? si Daphitæ fa-
tum fuit de equo cadere, atq; ita pere: ex hoc ne equo?
qui cum equus non esset, nomen habebat alienum?
aut Philippus hæc in capulo quadrigulas uitare mo-
nebatur? quasi uero capulo sit occisus. quid autem ma-
gnum, & naufragum illum sine nomine in riuo esse
lapsum? quanquam huic quidem, hic scribit prædi-
ctum in aqua esse pereundum. ne hercule Icadij qui-
dem prædonis uideo fatum ullum. nihil enim scribit
ei prædictum. quid mirum igitur ex spelunca saxum
in crura eius incidisse? puto enim etiam si Icadius
tum in spelunca non fuisset: saxum tamen illud casu-
rum fuisse. nam aut nihil est omnino fortuitum: aut
hoc ipsum potuit euenire fortuna. Quæro igitur, atq;
hoc late patebit, si fati omnino nullum nomen, nulla
natura, nulla uis esset: & forte, temere, casu, aut ple-
raq; fierent: aut omnia: num aliter, ac nunc eueniunt,
euenirent? quid ergo attinet inculcare fatum? cum
sine fato, ratio omnium rerum ad naturam, fortu-

quadrigulas

Icadius

*Fortis
Temere
Casu*

DE FATO

nam ue referatur . sed Possidonium , sicut æquum est ,
cū bona gratia dimittamus : ad Chrysippi laqueos re-
uertamur . cui primum quidem de ipsa rerum conta-
gione respondeamus : reliqua postea prosequemur . in-
ter locorum naturas quantum intersit uideamus : alios
esse salubres : alios pestilentes : in alijs esse pituitosos , &
quasi redundantes : in alijs exiactos , atq; aridos : mul-
taq; sunt alia , quæ inter locum & locum plurimum
differrunt . Athenis tenue cœlum : ex quo acutiores etiā
putantur Attici : crassum Thebis . itaq; pingues theba-
ni , & ualentes . tamen neq; illud tenue cœlum efficiet ,
ut aut Zenonem quis , aut Arcesilam , aut Theophra-
stum audiat : neq; Crassum , ut Nemæa potius , quā
Isthmo uictoriam petat . disiunge longius . quid enim
loci natura asserere potest ? ut in portici Pompeij po-
tius , quā in campo ambulemus ? tecum , quā cum
alio ? Idibus potius , quā Calēdis ? ut igitur ad quas-
dam res natura loci pertinet : & operatur aliquid : ad
quasdam autem nihil : sic affectio astrorū ualeat , si uis ,
ad quasdam res : ad omnes certe non ualebit . Atenim
quoniam in naturis hominum dissimilitudines sunt : ut
alios dulcia , alios subamara delectent : alij libidinosi ,
alij iracundi , aut crudeles , aut superbi sint : alij tali-
bus uicijs abhorreant : quoniam igitur inquit tantum
natura , a natura distat : quid mirum est , has dissimili-
tudines ex differentibus causis esse factas ? hæc disse-
rens , qua de re agatur , & in quo causa consistat , non
uidet . non enim si alij ad alia propensiores sint pro-
pter causas naturales , & antecedentes : itaq; etiam no-
strarum uoluntatum , atq; appetitionum sunt causæ
naturales , & antecedentes . nam nihil esset in nostra

potestate: si res ita se haberet. nunc uero fatemur, acuti, hebetes ne, ualentes, imbecilli ne simus, non esse id in nobis. qui autem ex eo cogit putat, ne ut sedeamus quidem, aut ambulemus uoluntatis esse: is non uidet quæ quanq; rem res consequatur. ut enim & ingenioli, & tardi, ita nascantur antecedentibus causis: itemq; ualentes, & imbecilli: non sequitur tamen, ut etiam sedere eos, & ambulare, & rem agere aliquam principalibus causis definitum, & constitutum sit. Stylphonem Megaricum philosophum, acutum sanè hominem, & probatum temporibus illis accepimus. hunc scribunt ipsius familiares, & ebriosum, & mulierosum fuisse: neq; hoc scribunt uituperantes: sed potius ad laudem. uitiosam enim naturam ab eo sic edomitam, & compressam esse doctrina: ut nemo unquam uinolentum illum, nemo in eo libidinis uestigium uiderit. quid? Socratem non ne legimus quemadmodum notarit Zopirus Physionomon? qui se profitebatur hominum mores naturasq; ex corpore, oculis, uultu, fronte pernoscere. stupidum esse Socratem dixit, & bardum q; iugula conatua non haberet: obstructas eas partes, & obturatas esse dicebat: addidit etiam mulierosum. in quo Alabiades cachinnum dicitur sustulisse. sed hæc ex naturalibus causis uitia nasci possunt: extirpari autem, & funditus tolli, ut is ipse, qui ad ea propensus fuerit, à tantis uitij auocetur: non est id positum in naturalibus causis: sed in uoluntate, studio, disciplina. quæ tolluntur omnia: si uis & natura fati ex diuinationis ratione firmabitur. etenim si est diuinationis: quælibet natura à præceptis artis proficiscitur: præcepta appello quæ dicuntur græce θεωρήματα.

Stylph.

Ebriosus

Mulierosus

Socrates

Zopirus physionomon

Bardus

Iugula

Mulierosus

Theōrēmata

DE FATO

non enim credo nullo præcepto aut cæteros artifices
 uersari in suo munere: aut eos, qui divinatione utan-
 tur, futura prædicere. sunt igitur astrologorum præ-
 cepta huiusmodi: si quis, uerbi causa, oriente canicula
 natus est: is in mari non morietur. uigila Chrysippe:
 ne tuam causam, in qua tibi cum Diodoro ualente
 dialectico magna luctatio est, deferas. si enim uerum
 est, quod ita connectitur: si quis oriente canicula natus
 est: in mari non morietur: illud quoque uerum est: si
 Fabius oriente canicula natus est: Fabius in mari non
 morietur. pugnant ergo hæc inter se: oriente canicula
 natum esse: & in mari Fabium moriturum: & quo-
 niam certum in Fabio ponitur, ortum esse eum canicu-
 la oriente: hæc quoque pugnant: & esse Fabium: & in
 mari moriturum. ergo hæc quoque coniunctio est ex re-
 pugnantibus: & est Fabius: & in mari Fabius mo-
 rietur. quod ut propositum est, ne fieri quidem potest.
 ergo illud, morietur in mari Fabius, ex eo genere est,
 quod fieri non potest. omne igitur quod falsum dicitur
 in futuro, id fieri non potest. at hoc Chrysippe minime
 uis: maximeque tibi de hoc ipso cum Diodoro certamen
 est. ille enim id solum fieri posse dicit: quod aut sit ue-
 rum: aut futurum sit uerum: & quicquid futurum
 sit: id dicit fieri necesse esse: & quicquid non sit fu-
 turum: id negat fieri posse. tu & quæ non sint futu-
 ra posse fieri dicis: ut frangi hanc gemmam: etiam si
 id nunquam futurum sit: neque necesse fuisse Cipsellum
 regnare Corinthi: quanquam id millesimo ante anno
 Apollinis oraculo editum esset. at si ista comprobabis
 diuina prædicta: & quæ falsa in futuris dicentur, in
 his habemus, ut ea fieri non possint: ut si dicatur Afri-

annum Carthagine potiturum, & si uere dicatur de futuro, idq; ita futurum sit, dictis esse necessarium. quæ est tota Diodori uobis inimica sententia. etenim si illud uere connectitur: si oriente Canicula natus es: in mari non morieris: primumq; quod est in connexo, natus es oriente canicula, necessarium est: omnia enim uera in præteritis necessaria sunt: ut Chrysippo placet dissentienti a magistro Cleante: quia sunt immutabilia: nec in falsum e' uero præterita possunt conuerti. si igitur quod primum in connexo est, necessarium est: fit etiam quod consequitur necessarium. qd hoc Chrysippo non uidetur ualere in omnibus. sed tamē, si naturalis est causa cur in mari Fabius non moriatur: in mari Fabius mori non potest. Hoc loco Chrysippus æstuans falli sperat chaldaeos, cæterosq; diuinos: neq; eos usuros esse coniunctionibus: ut ita sua præcepta pronuncient, si quis natus est oriente canicularis in mari, non morietur: sed potius ita dicant: nō & natus est quis oriente canicula: & is in mari morietur. *popularis* O' licentiā iocularem: ne ipse incidat in Diodorum, docet chaldaeos, quo pacto eos exponere præcepta oporteat. quæro enim si chaldaei ita loquantur, ut negationes infinitarum coniunctionum, potius q̃ infinita connexa ponant: cur idem medici, cur geometræ, cur reliqui facere non possint? Medicus in primis. quod erit ei perspectum in arte, non ita proponet: Si cui uenæ sic mouentur: is habet febrem: sed potius illo modo: non & huic uenæ sic mouentur: & febrē is non habet. itemq; geometræ non ita dicent: si in sphaera maximi orbes sunt: mediū inter se diuiduntur: sed potius illo modo: non & sunt in sphaera maximi orbes: & hi non mediū inter se diuiduntur. quid

DE FATO

est, quod non possit isto modo ex connexo transferri ad coniunctionum negationem? Et quidem alijs modis easdem res efferre possumus. modo dixi, si in sphaera maximi orbes sunt: medij inter se diuiduntur: possum dicere, si in sphaera maximi orbes erunt: possum dicere, quia in sphaera maximi orbes erunt. multa genera sunt enunciandi: nec ullum distortius, quam hoc, quo Chrysippus sperat Chaldaeos contentos stoicorum causa fore. illorum tamen nemo ita loquitur. maius est enim has contortiones orationis, quam signorum ortus, obitusque perdiscere. sed ad illam Diodori contentionem, quam *περί δυνάμεως* appellant, reuertamur. in qua quid ualeat id, quod fieri possit, inquirat. Placet igitur Diodoro id solum fieri posse, quod aut uerum sit: aut uerum futurum sit. qui locus attingit hanc questionem: nihil fieri, quod non necesse fuerit: Et quicquid fieri possit, id aut esse iam: aut futurum esse: nec magis commutari ex ueris in falsa ea posse, quae futura sunt: quam ea quae facta sunt. sed in factis immutabilitatem apparere: in futuris quibusdam quia non apparent, ne necesse quidem uideri. ut in eo, qui mortifero morbo urgeatur, uerum sit, hic morietur hoc morbo. at hoc idem si uere dicatur in eo, in quo uis morbi tanta non appareat: nihilominus futurum sit. ita fit ut commutatio ex uero in falsum, ne in futuro quidem ulla fieri possit. nam morietur Scipio, talem uim habet: ut quanquam de futuro dicatur: tamen id non possit conuerti in falsum. de homine enim dicitur: cui necesse est mori. sic si diceretur, morietur nocturno in cubiculo suo Scipio ui oppressus: uere diceretur. id enim fore diceretur, quod esset futurum. futurum au-

tem fuisse, ex eo, quia factum est, intelligi debet: nec
 magis erat uerum morietur Scipio: quam morietur il-
 lo modo: nec minus necesse est mori Scipioni: quam illo
 modo mori: nec magis immutabile ex uero in falsum,
 necatus est Scipio: quam necabitur Scipio. nec, cum hæc
 ita sint, est causa cur Epicurus fatum extimulet: &
 ab atomis petat præsidium: easq; de uia deducat: &
 uno tempore suscipiat res duas inenodabiles: unam,
 ut sine causa fiat aliquid: ex quo existet, ut de nihilo
 quippiam fiat: quod, nec ipsi nec cuiquam physico pla-
 cet: alteram, ut cum duo individua per inanitatem
 ferantur: alterum e regione moueatur: alterum de-
 clinet. licet enim Epicuro concedenti, omne enunciatum
 aut uerum, aut falsum esse, non uereri, ne omnia fato
 fieri sit necesse. non enim æternis causis naturæ necessi-
 tate manantibus, uerum est id, quod ita enuntiatur:
 descendit in academiam Carneades: nec tamen sine
 causis: sed interest inter causas fortuito antegressas: &
 inter causas cohibentes in se efficientiam naturalem. ita
 & semper uerum fuit, morietur Epicurus cum duo &
 septuaginta annos uixerit Archonte pytarato: neq; ta-
 men erant causæ fatales, cur ita accideret: sed quod ita
 cecidisset: certe casurum sicut cecidit fuit. nec ij, qui di-
 cunt immutabilia esse, quæ futura sine: nec posse ue-
 rum futurum conuertere in falsum: fati necessitatem
 confirmant: sed uerborum uim interpretantur. atq; qui
 introducunt causarum seriem sempiternam: hi men-
 tem hominis uoluntate libera spoliata, necessitate fati
 deuincunt. sed hæc hæcenus. alia uideamus. concludit
 enim Chrysippus hoc modo: si est motus sine causa: non
 omnis enunciatio, quod ἀξίωμα dialectici appellant,

Inenodabilis

Inanitas

Epicuri in nox
LXXV. novum.

ἀξίωμα

DE FATO

aut uera, aut falsa erit. causas enim efficientis quod non habebit: id nec uerum, nec falsum erit. omnis autem enuntiatio aut uera, aut falsa est. motus ergo sine causa nullus est. quod si ita est: omnia, quæ fiunt, causis fiunt antegressis. id si ita est: omnia fato fiunt. efficitur igitur fato fieri quæcunq; fiant. Hic primum si mihi libeat assentiri Epicuro: & negare omnem enuntiationem aut ueram esse, aut falsam: eam plagam potius accipiam, quàm fato omnia fieri comprobem. illa enim sententia aliquid habet disputationis: hæc uero non est tolerabilis. itaq; contendit omnes neruos Chrysippus: ut persuadeat omne axioma aut uerum esse, aut falsum. ut enim Epicurus ueretur, ne si hoc concesserit, concedendum sit, fato fieri quæcunq; fiant. si enim alterutrum ex æternitate uerum sit: esse id etiam certum: & si certum: etiam necessarium. ita & necessitatem, et fatum confirmari putat. sic Chrysippus metuit, ne, si non obtinuerit omne quod enuncietur, aut uerum esse, aut falsum: omnia fato fieri possint, & ex causis æternis rerum futurarum. sed Epicurus declinatione atomi uitari fati necessitatem putat. itaq; tertius quidam modus oritur extra pondus, & plagam: cum declinat atomus interuallo minimo. id appellat, ἐλάττωσις. quam declinationem sine causa fieri, si minus uerbis, re cogitur confiteri. Non enim Atomus, ab atomo pulsa declinat. nam qui potest pelli alia ab alia? si grauitate feruntur ad perpendicularum corpora indiuidua, rectis lineis: ut Epicuro placet. sequitur enim ut si alia ab alia nunquam depellatur: ne contingat quidem alia aliam. ex quo efficitur, ut iam si sit Atomus: eaq; declinet: declinare sine causa. Hanc rationem Epicurus induxit

rus induxit ob eam rem : quod ueritus est, ne si semper
Atomus grauitate ferretur naturali, ac necessaria: nihil
liberum nobis esset : cum ita moueretur animus , ut
Atomorum motu cogeretur. id Democritus author Atomorum
accipere maluit, necessitate omnia fieri: quam
à corporibus indiuiduis naturales motus auellere.
acutius Carneades: qui docebat Epicureos suam cau-
sam sine hac commentitia declinatione defendere. nam
cum doceret esse posse quendam animi motum uo-
luntarium : id fuit defendi melius : quam introduce-
re declinationem: cuius præsertim causam reperire
non possunt. quo defenso facile Chrysippo possent resi-
stere. cum enim concessissent motum nullum esse sine
causa: non concederent, omnia quæ fierent fieri causis
antecedentibus. uoluntatis enim nostræ non esse causas
externas, & antecedentes. communi igitur consuetudi-
ne sermonis abutimur: cum ita dicimus : uelle aliquid
quempiam, aut nolle sine causa. ita enim dicimus si-
ne causa: ut dicamus sine externa & antecedente causa:
non sine aliqua. ut cum uas inane dicimus: non ita lo-
quimur ut physici: quibus inane esse nihil placet: sed
ita, ut uerbi causa, sine aqua, sine uino, sine oleo
uas esse dicamus. sic cum sine causa animum moueri di-
cimus: sine antecedente & externa causa moueri, non
omnino sine causa, dicimus. de ipsa Atomo dici
potest, cum per inane moueatur grauitate, & pon-
dere: sine causa moueri: quia nulla causa accedat ex-
trinsecus. rursus autem, ne omnes physici irrideamur:
si dicamus quicquam fieri sine causa: distinguendum
est: & ita dicendum: ipsius indiuidui hanc esse natu-
ram: ut pondere & grauitate moueatur: eamq; ipsam

DE FATO

esse causam cur ita feratur . similiter ad animorum
 motus uoluntarios , non est requirenda externa causa .
 motus enim uoluntarius eam naturam in se ipso con-
 tinet : ut sit in nostra potestate : nobisq; pareat . nec id
 sine causa . eius enim rei causa , ipsa natura est . quod cum
 ita sit : quid est , cur non omnis pronuntiatio aut uera ,
 aut falsa sit ? nisi concesserimus fato fieri quaecunq; fi-
 ant ? quia futura inquit uera non possunt esse ea , quæ
 causas cur futura sint , nō habent . habeant igitur causas
 necesse est : ut ea , quæ uera sunt , ita cum euenerint , fato
 euenerint . confectum negociū , si qdem tibi concedendū
 est , aut fato omnia fieri : aut quicq; posse fieri sine cau-
 sa . an aliter hæc enunciatio uera esse non potest : ca-
 piet Numantiam Scipio ? nisi ex æternitate causa cau-
 sam ferens hoc erit effectura ? an hoc falsum potuisset
 esse , si esset sexcentis seculis ante dictum . Et si tum
 non esset uera hæc enunciatio , capiet Numantiam Sci-
 pio : ne illa quidem uera est hæc enunciatio , capiet
 Numantiam Scipio . potest igitur quicquam factum es-
 se : quod non uerum fuerit futurum esse . nam ut præ-
 terita ea uera dicimus , quorum superiore tempore ue-
 ra fuerint instantia : sic futura , quorum consequenti
 tempore uera erunt instantia , ea uera dicimus . nec
 si omne enunciatum aut uerum aut falsum est : sequi-
 tur ilico esse causas immutabiles , easq; æternas : quæ
 prohibeant quicquam secus cadere , atq; casurum sit :
 fortuitæ sunt causæ , quæ efficiant , ut uere dicatur , quæ
 ita dicentur : ueniet Cato in senatum : non incluse in re-
 rum natura , atq; mundo . Et tamen tam est immuta-
 bile uenturum , cum est uerum : quàm uenisse . nec ob-
 eam causam fatum , aut necessitas extimescenda est . Ete-
 nim erit

nim erit confiteri necesse. si hæc enunciatio, ueniet in
Tusculanum. Hortensius, uerum non est: sequitur ut fal-
sum sit. quorum isti neutrum uolunt: quod fieri non
potest. nec nos impedit illa ignaua ratio quæ dicitur:
appellatur enim quidam à philosophis ἀπὸς ἀδρός:
cui si pareamus nihil est omnino, quod agamus in uita.
sic enim interrogant: si fatū tibi est ex hoc morbo con-
ualescere: siue medicum adhibueris: siue non: conua-
lesces. item, si fatum tibi est, ex hoc morbo non conua-
lescere: siue tu medicum adhibueris: siue non: non con-
ualesces. Et alterutrum fatum est. medicum ergo ad-
hibere nihil attinet. recte genus hoc interrogationis
ignauum, atq; iners nominatum est: quod eadem ra-
tione omnis ē uita tolletur actio. licet etiam immuta-
re: ut fati nomen non adiungas: Et eandem tamen
teneas sententiam: hoc modo. Si ex æternitate uerum
hoc fuit, ex isto morbo conualesces: siue adhibueris
medicum: siue non: conualesces. itemq; si ex æter-
nitate hoc falsum fuit, ex isto morbo non conualesces:
siue adhibueris medicum: siue non adhibueris: non
conualesces. deinde cætera. hæc ratio à Chrysippo re-
prehenditur. quædam enim sunt inq; in rebus simpli-
cia: quædam copulata. simplex est, morietur eo die
Socrates. huic siue quid fecerit, siue non fecerit, fi-
nitus est moriendi dies. at si ita fatum sit, nascetur Oe-
dipus Laio: non poterit dici siue fuerit Laus cum
muliere, siue non fuerit. copulata enim res est, Et
confatalis. sic enim appellat. quia ita fatum sit, Et
concubiturum cum uxore Laium: Et ex ea Oedi-
pum procreaturū. ut si esset dictum luctabitur Olym-
pius Milo: et referret aliquis: ergo siue habuerit aduer-

ἀπὸς ἀδρός

DE FATO

sarium, siue non habuerit, luctabitur: erraret: est enim copulatum luctabitur. quia sine aduersario nulla luctatio est. omnes igitur istius generis captiones eodem modo refelluntur. siue tu adhibueris medicum, siue non adhibueris, conualesces: captiosum. tam enim est fatale medicum adhibere, quàm conualescere. hæc ut dixi confatalia ille appellat. Carneades hoc totum genus non probabat: Et nimis inconsiderate concludi hanc rationem putabat. itaq; premebat alio modo: nec ullam adhibebat calumniam. cuius erat hæc conclusio. Si omnia antecedentibus causis fiunt: omnia naturali colligatione conserte, contexteq; fiunt. quod si ita est: omnia necessitas efficit. id si uerum est: nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quæcunq; fiunt. hæc arctius astringi ratio non potest. nam si quis uelit idem referre: atq; ita dicere: si omne futurum ex æternitate uerum est: ut ita certe eueniat, quemadmodum sit futurum: omnia necesse est colligatione naturali conserte, contexteq; fieri: nihil dicat. multum enim differt utrū causa naturalis, ex æternitate futura uera efficiat: an etiam sine æternitate naturali, futura quæ sint, ea uera esse, possint intelligi. itaq; dicebat Carneades, ne Apollinem quidem futura posse dicere: nisi ea, quorum causas natura ita contineret: ut ea fieri necesse esset. quid enim spectans, deus ipse diceret Marcellum eum, qui ter consul fuit, in mari esse periturum? erat quidem hoc uerum ex æternitate: sed causas id efficientes non habebat. ita ne præterita quidem ea, quorum nulla signa, tanquam uestigia extarent,

extarent, Apollini nota esse censebat. quo minus futura. causis enim efficientibus quanc; rem cognitis, posse deniq; sciri quid futurum esset. ergo nec de Oedipo potuisse Apollinem prædicere, nullis in rerum natura causis propositis, cur ab eo patrem interfici necesse esset: nec quicquam huiusmodi. Quo circa si Stoicis, qui omnia fato fieri dicunt, consentaneum est huiusmodi oracula, cæteraq; quæ ad diuinationem pertinent, comprobare: his autem, qui quæ futura sunt, ea uera esse ex æternitate dicunt, non idem dicendum est: uide ne non eadem sit illorum causa & stoicorum. hi enim urgentur angustius: illorum ratio soluta, ac libera est. Quod si concedatur nihil posse euenire nisi causa antecedente: quid proficiatur, si ea causa, non ex æternis causis apta dicatur? causa autem ea est, quæ id efficit, cuius est causa: ut uulnus mortis, cruditas morbi, ignis ardoris. itaq; non sic causa intelligi debet: ut quod cuiq; antecedit id & causa sit: sed quod cuiq; efficienter antecedit. nec quod in campum descendere id fuisse causæ, cur pila luderem. nec Hecubam causam interitus fuisse Troianis, quod Alexandrũ genuerit: nec Tyndareum Agamemnoni, quod Clitemnestram. hoc enim modo uiator quoq; bene uestitus causa crassatori fuisse diceretur: cur ab eo spoliaretur. ex hoc genere illud est Ennii,

Utinam ne in nemore pelio securibus
Cesæ cecidissent abiegnæ ad terram trabes
licuit uel altius: utinam ne in pelio nata ulla unquam
esset arbor: etiam supra: utinam ne esset mons ullus pelius:
similiterq; superiora repetentem regredi in infinitum licet.

DE FATO

- » Ne ue inde nauis inchoanda exordium
 » Cœpisset, -
 quorsum hæc præterita? quia sequitur illud
 » Nam nunquam hera errans mea, domo efferret pedē
 » Medea, animo ægro, amore seuo saucia,
 non ut hæ res causam afferrent amoris. interesse autem
 aiunt, utrum eiusmodi quid sit, sine quo aliquid effici
 non possit: an eiusmodi, cū quo aliquid effici necesse sit.
 nulla igitur earū causa est, quoniam nullam rem sua
 ui efficit, cuius dicitur causa. nec id sine quo quippiam
 non fit, causa est: sed id quod cum accessit, id cuius
 causa est, efficit necessario. Nondum enim ulcerato ser=
 pentis morſu Philocteta, quæ causa in rerum natura
 continebatur, fore, ut is in insula Lemno linqueretur?
 post autem causa fuit propior, & cum exitu iunctior:
 ratio igitur, euentus aperit causam: sed ex æternitate
 uera fuit hæc enunciatio: relinquetur in insula lem=
 no Philoctetes: nec hoc ex uero in falsum poterat con=
 uerti: necesse est enim in rebus contrarijs duabus, con=
 traria autem hoc loco ea dico, quorum alterum ait
 quid: alterum negat. ex his igitur necesse est inuito Epi=
 curo, alterū uerum esse, alterum falsum. ut sauciabitur
 Philoctetes, omnibus ante sæculis uerum fuit: non sau=
 ciabitur, falsum. nisi forte uolumus Epicureorum opi=
 nionem sequi: qui tales enunciationes nec ueras, nec
 falsas esse dicunt. aut cum id pudet: illud tamen dicunt,
 quod est impudentius, ueras esse ex contrarijs disiun=
 ctiones. sed quæ in his enunciata essent, eorum neu=
 trum esse uerum. O' admirabilem licentiam, & mi=
 serabilem inscitiam differendi. si enim aliquid in elo=
 quendo, nec uerum, nec falsum est: certe id uerum non
 est. quod

est. quod autem uerum non est: qui potest non falsum
 esse? aut quod falsum non est: qui potest non uerum
 esse? tenebitur id quod à Chrysippo defenditur. omnem
 enunciationem aut ueram, aut falsam esse: ratio ipsa
 coget: & ex eternitate quaedam uera esse: & ea non
 esse nexa causis eternis: & à fati necessitate esse libe-
 ra. ac mihi quidem uidetur, cum duæ sententiæ fuis-
 sent ueterum philosophorum: una eorum, qui censerent
 omnia ita fato fieri: ut id fatum uim necessitatis affir-
 ret: in qua sententia Democritus, Heraclitus, Empedo-
 cles, Aristoteles, fuit. altera eorum, quibus uiderentur
 sine ullo fato esse animorum motus uoluntarij: Chry-
 sippus tanquam arbiter honorarius medium se ferre
 uoluisse, sed applicat se ad eos potius: qui necessitate
 motus animos liberatos uolunt. dum autem uerbis uti-
 tur suis: delabitur in eas difficultates: ut necessitatem
 fati confirmet inuitus. atq; hoc si placet quale sit uidea-
 mus in assensionibus, quas prima oratione tractaui.
 eas enim ueteres illi, quibus omnia fato fieri uideban-
 tur, ui effici & necessitate dicebant. qui autem ab his
 dissentiebant, fato assensiones liberabant: negabantq;
 fato assensionibus adhibito, necessitatem ab his posse re-
 moueri: uq; ita differebant. Si omnia fato fiunt: omnia
 fiunt antecedente causa: & si appetitus: illa etiam quæ
 appetitum sequuntur. ergo etiam assensiones. At si
 causa appetitus non est sita in nobis: ne ipse quidem
 appetitus est in nostra potestate. quod si ita est: ne illa
 quidem, quæ appetitu efficiuntur sita in nobis sunt.
 non sunt igitur neq; assensiones, neq; actiones in nostra
 potestate. Ex quo efficitur, ut neq; laudationes iustæ
 sint: nec uituperationes: nec honores: nec supplicia.

Ar. ipse u. l. 13.

Arbiter honorarius

DE FATO

quod cum uitiosum sit : probabiliter concludi putant
 non omnia fato fieri, quæcunq; fiant. Chrysippus au-
 tem cum & necessitatem improbaret: & nihil uellet
 sine propositis causis euenire: causarum genera distin-
 guit: ut & necessitatem effugiat: & retineat fatum.
 causarum enim inquit alie sunt perfectæ, & prin-
 cipales: alie adiuvantes & proximæ. quamobrem
 cum dicimus omnia fato fieri causis antecedentibus:
 non hoc intelligi uolumus, causis perfectis & princi-
 palibus: sed causis antecedentibus adiuvantibus &
 proximis. itaq; illi rationi quam pauloante conclusi,
 sic occurrit: si omnia fato fiant, sequi illud quidem,
 ut omnia causis fiant antepositis: uerum non princi-
 palibus, & perfectis, sed adiuvantibus, & proxi-
 mis. quæ si ipsæ non sint in nostra potestate: non se-
 quitur, ut ne appetitus quidem sit in nostra potestate.
 at hoc sequeretur: si omnia perfectis & principali-
 bus causis fieri diceremus: ut cum hæ causæ non essent
 in nostra potestate: ne ille quidem esset in nostra po-
 testate. quamobrem qui ita fatum introducunt: ut ne-
 cessitatem adiungant: in eos ualebit illa conclusio. qui
 autem causas antecedentes non dicunt perfectas neq;
 principales, in eos nihil ualebit. quod enim dicantur
 assensiones fieri causis antepositis: id quale sit, facile a
 se explicari putant. nam quanquam assensio non possit
 fieri nisi commota uiso: tamen cum id uisum proxi-
 mam causam habeat, non principalem: hanc habet
 rationem, ut Chrysippus uult, quam dudum diximus:
 non ut illa quidem fieri possit nulla ui extrinsecus
 excitata. necesse est enim assensionem uiso commoueri.
 sed reuertitur ad Chilindrum, & turbinem suum.
 quæ

Cylindrum.


quæ moueri incipere, nisi pulsa, non possunt. id autem cum accidit: suapte natura quod superest, & Chilindrum uolui, & uersari turbinem putant. ut igitur inquit qui protrusit Chilindrum, dedit ei principium motionis: uolubilitatem autem non dedit. sic uisum obiectum imprimet illud quidem, & quasi signabit in animo suam speciem: sed assensio, nostra erit in potestate: eaq; , quemadmodum in Chilindro dictum est, extrinsecus pulsa, quod reliquum est, suapte ui, & natura movebitur. quod si aliqua res efficeretur sine causa antecedente: falsum esset omnia fato fieri. sin omnibus, quæcunq; fiunt, uerisimile est causam antecedere: quid afferri poterit? cur non omnia fato fieri fatendum sit? modo intelligatur quæ sit causarum distinctio, ac dissimilitudo. hæc cum ita sint a' Chrysippo explicata: si illi, qui negant assensiones fato fieri: fateantur tamen eas non sine uiso antecedente fieri: alia ratio est. sed si concedunt anteire uisa: nec tamen fato fieri assensiones: quod proxima illa, & continens causa non moueat assensionem: uide ne idem dicant. neq; enim Chrysippus concedens assensionis proximam & continentem causam esse in uiso positam: neq; eam causam ad assentiendum, necessariam esse: concedet, ut si omnia fato fiant, omnia fiant, causis antecedentibus, & necessarijs: itemq; illi qui ab hoc dissentiunt, confitentes non fieri assensiones sine præcursione uisorum, dicent, si omnia fato fierent, eiusmodi: ut nihil fieret, nisi prægressione cause: confitendum esse fato fieri omnia. ex quo facile intellectu est, cum utriq; patefacta, atq; explicata sententia sua, ad eundem exitum ueniant: uerbis eos non re dissidere. omninoq;

DE FATO

cum hæc sit distinctio, ut quibusdam in rebus uere dici possit: cum hæc causæ antegressæ sint: non esse in nostra potestate: quin illa eueniant: quorum causæ fuerint: quibusdam autem in rebus, causis antegressis, in nostra tamen esse potestate: ut illud aliter eueniat: hanc distinctionem utriq; approbant. sed alteri censent, quibus in rebus, cum causæ antecesserint ita, ut non sit in nostra potestate, ut aliter illa eueniant: illas fato fieri: quæ autem in nostra potestate sint, ab his fatum abesse. hoc modo hanc causam disceptari oportet: non ab Atomis errantibus, & de uia declinantibus præsidium petere. declinat inquit Atomus. primum cur? aliam enim quandam uim motus habebunt à Democrito impulsione, quam plagam ille appellat: à te Epicure grauitatis & ponderis. quæ ergo noua causa in natura est: quæ declinet Atomum? aut num sortiuntur inter se, quæ declinent? quæ non? aut cur minimo declinent intervallo? maiore non? aut cur declinent uno minimo? non declinent duobus, aut tribus? optare hoc quidem est, non disputare. nam neq; extrinsecus impulsam Atomum, loco moueri, & declinare dicis: neq; in illo inani, per quod feratur Atomus, quicquam fuisse causæ: cur ea non e regione ferretur: nec in ipsa Atomo mutationis aliquid factum est: quamobrem naturalem sui ponderis motum non teneret. ita cum attulisset nullam causam, quæ istam declinationem efficeret: tamen aliquid sibi dicere uidetur: cum id dicat, quod omnium mentes aspernentur, ac respuant. Nec uero quisquam magis confirmare mihi uidetur non modo fatum, uerum etiam necessitatem, & uim omnium rerum: substitu-

lisseq; motus animi uoluntarios: q̄ hic qui aliter obstere fato fatetur se non potuisse: nisi ad has commentitias declinationes confugisset. nam, ut essent Atomis, quas quidem esse mihi probari nullo modo potest: tamen declinationes istæ, nunquam explicarentur. nam si Atomis ut gravitate ferantur, tributum est necessitate naturæ: quod omne pondus nulla re impediēte moveatur & feratur necesse est: illud quoq; necesse est declinare quibusdam Atomis, uel si uolunt omnibus naturaliter.

Multa desunt.



M. TVLLII CICERONIS SCIPIO-

NIS SOMNIVM EX LIBRO

DE REP. SEXTO.

c Vm in Africam uenissem Manilio
COSS. ad quartam legionem tri-
bunus (ut scitis) militum: nihil mihi
potius fuit, quam ut Masanissam
conuenirem, regem familiae nostrae
iustus de causis amicissimum. ad

quem ut ueni: complexus me senex collachrymauit:
aliquantoq; post suspexit in caelum: Et grates inquit
tibi ago summe Sol, uobisq; reliquis caelites: quod an-
tequam ex hac uita migro, conspicio in meo regno Et
his tectis P. Cornelium Scipionem: cuius ego nomine
ipse recreor. ita nunquam ex animo meo discedit illius
optimi atq; inuictissimi uiri memoria. Deinde ego il-
lum de suo regno, ille me de nostra rep. perconatus
est: multisq; uerbis ultro citroq; habitis, ille nobis con-
sumptus est dies. Post autem regio apparatu accepti,
sermonem in multam noctem produximus: cum senex
nihil nisi de Africano loqueretur: omniaq; eius non solu
facta, sed etiam dicta meminisset. deinde ut cubitu di-
scessimus: me et fessum de uia, Et q. ad multam noctem
uigilassem, arctior, q. solebat, somnus complexus est. Hic
mihi (credo eadem, ex hoc quod eramus locuti. fit enim
sepe fere, ut cogitationes, sermonesq; nostri pariant
aliquid in somno tale, quale de Homero scribit En-
nius, de quo uidelicet saepissime uigilans solebat cogi-
tare Et loqui) Africanus se ostendit illa forma, qua

SCIPIONIS

mihi ex imagine eius, quam ex ipso erat notior. Quem ut agnoui, equidem cohorruui. Sed ille, ades inquit animo, et omitte timorem Scipio: et quae dicam trade memoriae. Vides ne illam urbem, quae parere populo romano coacta per me renouat pristina bella: nec potest quiescere? (ostendebat autem Carthaginem de excelsa et pleno stellarum, illustri, et claro quodam loco) ad quam tu oppugnandam nunc uenis pene miles. hanc hoc biennio consul euertes: eritque cognomen id tibi per te partum, quod habes ex nobis adhuc haereditarium. Cum autem Carthaginem deleueris: triumphum egeris: censorque fueris: et obieris legatus aegyptum, Syriam, Asiam, Graeciam: delegere iterum absens consul: bellumque maximum conficies, Numantiam excindens. sed cum eris curru capitulum inuectus: offendes rempublicam perturbatam consilijs nepotis mei. Hic tu Africane ostendas oportebit patriae lumen animi, ingenij, consilijque tui. Sed eius temporis ancipitem uideo quasi fatorum iram. nam cum aetas tua septenos octies solis anfractus, reditusque conuerterit: duoque hi numeri, quorum uterque plenus, alter altera de causa habetur: circuitu naturali summam tibi fatalem confecerint: in te unum atque tuum nomen se tota conuertet ciuitas. te senatus, te omnes boni, te socij, te Latini intuebuntur. tu eris unus, in quo nitatur ciuitatis salus. Ac ne multa, dictator rempublicae constituas oportet: si impias propinquorum manus effugeris. Hic cum exclamasset Laelius: ingenuissimisque ceteri uehementius: leniter arridens Scipio, quae so inquit ne me e somno excitetis: et pax sit rebus. audite caetera. Sed quo sis Africane alacrior ad tutandam rempublicam. sic ha-

betō: omnibus qui patriam conseruauerint, adiun-
runt, auxerint, certum esse in cœlo ac diffinitum locum,
ubi beati æuo sempiterno fruuntur. nihil est enim illi
principi Deo, qui omnem hunc mundum regit, quod
quidem in terris fiat, acceptius, quàm concilia, cœtusq;
hominum iure sociati, quæ ciuitates appellantur. ha-
rum rectores, & conseruatores hinc profecti, huc
reuertentur. Hic ego & si eram perterritus non tam
metu mortis, quàm insidiarum à meis: quæsiui tamen
uiueret ne ipse pater Paulus, & alij, quos nos extin-
ctos arbitremur. Immo uero inquit hi uiuunt, qui ex
corporum uinculis, tanquam è carcere, euolauerunt.
Vestra uero, quæ dicitur uita, mors est. Quin tu aspi-
cias ad te uenientem Paulum patrem. quem (ut uidi)
equidem uim lachrymarum profudi. Ille autem me
amplexus atque osculans flere prohibebat. Atque
ego, ut primum fletu represso loqui posse cœpi: quæ-
so inquam pater sanctissime, atque optime, quoniam
hæc est uita (ut Africanum audio dicere) quid moror
in terris? quin huc ad uos uenire propero? Non est ita
inquit ille. nisi enim Deus is, cuius hoc templum est
omne quod conspicias, istis te corporis custodijs libera-
uerit: huc tibi aditus patere non potest. homines enim
sunt hac lege generati, qui tuerentur illum globum,
quem in hoc templo medium uides, quæ dicitur terra.
hisq; animus datus est ex illis sempiternis ignibus, quæ
sydera & stellas uocatis: quæ globosæ & rotundæ di-
uinis animatæ mentibus circulos suos, orbesq; conficiunt
celeritate mirabili. quare & tibi Publi, & pijs omni-
bus retinendus est animus in custodia corporis: nec in-
iussu eius, à quo ille est nobis datus, ex hominum uita

SCIPIONIS

migrandum est: ne munus humanum assignatum a Deo, defugisse uideamini. sed sic Scipio ut auus hic tuus, ut ego, qui te genui, iustitiam cole, et pietatem: quæ cum sit magna in parentibus, et propinquis: tum in patria maxima est. quia ea uita uia est in cælum, et in hunc coetum eorum, qui iam uixerunt, et corpore laxati illum incolunt locum, quem uides. erat autem is splendidissimo candore inter flammæ circulus elucens: quem uos (ut a gratiis accepistis) orbem lætæum nuncupatis. ex quo omnia mihi contemplanti præclara cætera, et mirabilia uidebantur. erant autem eæ stellæ, quas nunquam ex hoc loco uidimus, et eæ magnitudines omnium: quas esse nunquam suspicatus sumus. ex quibus erat illa minima, quæ ultima cælo, citima terris luce lucebat aliena. stellarum autem globi terrarum magnitudinem facile uincebant. Iam uero ipsa terra ita mihi parua uisa est: ut me imperij nostri, quo quasi eius punctum attingimus, præniteret. Quam cum magis intuerer: quæso inquit Africanus, quousque humi defixa tua mens erit? numne aspicias quæ in templa ueneris? nouem tibi orbibus uel potius globis connexa sunt omnia: quorum unus est cælestis extimus: qui reliquos omnes complectitur, summus ipse Deus, arcens et continens cæteros: in quo infixi sunt illi, qui uoluuntur stellarum cursus sempiterni. cui subiecti sunt septem, qui uersantur retro contrario motu, atque cælum. ex quibus unum globum possidet illa, quam in terris saturniam nominant. deinde est hominum generi prosper et salutaris ille fulgor, qui dicitur Iouis. tum rutilus, horribilisque terris, quem Martem dicitis. deinde subter mediam

citima.

Extimus

mediam fere regionem Sol optinet, dux & princeps
& moderator luminum reliquorum, mens mundi, &
temperatio, tanta magnitudine, ut cuncta sua luce lu-
stret, et compleat. hunc ut comites consequuntur, alter
ueneris, alter Mercurij cursus. in infimoq; orbe luna
radijs solis accensa conuertitur. infra autem iam ni-
hil est nisi mortale, & aducum, præter animos ge-
neri hominum munere deorum datos. supra lunam
sunt omnia æterna. nam ea, quæ est media & no-
na tellus, neque mouetur & infima est: & in ea fe-
runtur omnia sua motu pondera. Quæ cum intue-
rer stupens, ut me recepi, quis hic inquam, quis est,
qui complet aures meas tantus, & tam dulcis sonus?
Hic est inquit ille, qui interuallis coniunctus impa-
ribus, sed tamen pro rata portione distinctus, impul-
su & motu ipsorum orbium, efficitur: qui acuta cum
grauibus temperans, æquabiliter concentus efficit. nec
enim silentio tanti motus incitari possunt: & natura
fert, ut extrema ex altera parte grauius, ex altera
autem acute sonent. quam ob causam summus ille cœ-
li stelliferi cursus, cuius conuersio est concitatio, acuto
& excitato mouetur sono: grauius autem hic luna-
ris, atq; infimus. nam terra nona immobilis manens,
ima sede semper hæret, complexa medium mundi lo-
cum. Illi autem octo cursus, in quibus eadem uis est
duorum, Mercurij, & Veneris, modorum septem efficiunt
distinctos interuallis sonos: qui numerus rerum om-
nium fere nodus est. quod docti homines neruis imi-
tati, atq; cantibus, aperuere sibi reditum ad hunc lo-
cum. sicut alij, qui præstantibus ingenijs in uita hu-
mana diuina studia coluerunt. hoc sonitu completæ

SCIPIONIS

Catadupa.

H. quibus

Cingulus

aures obsurduerunt . nec est ullus hebetior sensus in
uobis . sicut in illis , ubi nilus ad illa , quæ catadupa
nominantur , præcipitat ex altissimis montibus : ea
gens quæ illum locum accolit , propter magnitudinem
sonitus sensu audiendi caret . hic uero tantus est totius
mundi incitatissima conuersione sonitus : ut eum aures
hominum capere non possint . sicut intueri solem ne-
quitis aduersum : eiusq; radijs acies uestra , sensusq;
vincitur . Hæc ego admirans , referebam tamen ocu-
los ad terram identidem . Tum Africanus inquit . sen-
tito te sedem etiam nunc hominum contemplari , ac
domum . quæ si tibi parua (ut est) ita uidetur : hæc
cœlestia semper spectato : illa humana contemnito . tu
enim quam celebritatem sermonis hominum , aut quam
expetendam gloriam consequi potes ? uides habitari
in terra raris & angustis in locis : & in ipsis quasi
maculis , ubi habitatur , vastas solitudines interiectas .
hosq; qui incolunt terram , non modo interruptos ita
esse , ut nihil inter ipsos ab alijs ad alios manare possit :
sed partim obliquos , partim uersos , partim etiam
aduersos stare uobis : à quibus spectare gloriam cer-
te nullam potestis . cernis autem terram eandem , quasi
quibusdam redimitam & circumdatam cingulis , e qua
duos maxime inter se diuersos , & cœli uerticibus
ipsis ex utraq; parte subnixos , obriguisse pruina uides .
medium autem illum & maximum solis ardore tor-
reri . duo sunt habitabiles : quorum australis ille , in
quo qui insistant aduersa uobis urgent uestigia , ni-
hil ad uestrum genus . hic autem alter subiectus aequi-
loni , quem incolitis , cerne quàm uos tenui parte con-
tingat . omnis enim terra quæ colitur uobis , angustata
uerticibus

uerticibus, lateribus latior, parua quædam insula est
 circumfusa illo mari, quod atlanticum, quod magnum
 quod oceanum appellatis in terris, qui tamen tanto no-
 mine, quod sit paruus, uides. ex his ipsis cultis, notisq; ter-
 ris, num aut tuum, aut cuiusq; nostrum nomen uel cau-
 sasum hunc, quem cernis, transcendere potui? uel illud
 gangem transnare? quis in reliquis orientis, aut obeun-
 tis solis ultimis, aut aquilonis, austriue partibus tuum
 nomen audiet? quibus amputatis, cernis profecto
 quantis in angustiis uesira gloria se dilatarî uelit.
 ipsi autem qui de uobis loquuntur, quam diu loquen-
 tur: quin etiam si cupiat proles illa futurorum ho-
 minum deinceps laudes uniuscuiusq; nostrum à pa-
 tribus acceptas posteris prodere: tamen propter elu-
 siones, exustionesq; terrarum, quas accidere tempore
 certo necesse est: non modo non æternam, sed ne diu-
 turnam quidem gloriam assequi possumus. quid autem
 interest ab his, qui postea nascentur sermonem fore de
 te, cum ab his nullus fuerit, qui ante nati sint? qui nec
 pauciores, & certe meliores fuerunt uiri: cum præser-
 tim apud eos ipsos, à quibus nomen nostrum potest
 audiri, nemo unius anni memoriam consequi possit. ho-
 mines enim populariter annum tantummodo solis, idest
 unius astri reditum metiuntur: cum autem ad idem,
 unde semel profecta sunt, cuncta astra redierint: ean-
 demq; totius cœli descriptionem longis interuallis re-
 tulerint: tum ille uere uertens annus appellari potest.
 in quo uix dicere audeo, quam multa secula homi-
 num teneantur. namq; ut olim deficere sol hominibus,
 extinguiq; uisus est: cum Romuli animus hæc ipsa in
 templa penetrauit: quandoq; eadem parte sol, eodemq;

2 huius
 Ex 17^{tho}

SCIPIONIS

tempore iterum defecerit: tum signis omnibus ad idem principium, stellisq; reuocatis, expletum annum habeto. huius quidem anni nondum uigessimam partem scito esse conuersam. Quo circa si reditum in hunc locum desperaueris, in quo omnia sunt magnis & præstantibus uiris: quanti tandem est ista hominum gloria, quæ pertinere uix ad unius anni partem exiguam potest: igitur alte spectare si uoles: atq; ad hanc sedem, & æternam domum contueri: neq; sermonibus vulgi dederis te: nec in præmijs humanis spem posueris rerum tuarum. suis te illecebris oportet ipsa uirtus trahat ad uerum decus. quid de te alij loquantur, ipsi uideant. sed loquentur tamen. sermo autem omnis ille, & angustius cingitur his regionum, quas uides: nec unquam de ullo perennis fuit: & obruitur hominum interitu: & obliuione posteritatis extinguitur. Quæ cum dixisset: ego uero inquam o' Africane, siquidem benemeritis de patria quasi limes ad cœli aditum patet: quanquam à pueritia uestigijs ingressus patrijs, et tuis, decori uestro non defui: nunc tamen tanto præmio proposito, enitar multo uigilantius. Et ille. Tu uero enitere: & sic habeto, te non esse mortalem, sed corpus hoc. nec enim is es, quæ forma ista declarat: sed mens cuiusq; is est quisq; non ea figura, quæ digito demonstrari potest. deum te igitur scito esse. siquidem deus est qui uiget: qui sentit: qui meminit: qui præuidet: qui tam regit, et moderatur, & mouet id corpus, cui præpositus est: quàm hunc mundum princeps ille Deus. & ut ipse mundum ex quadam parte mortalem ipse Deus æternus, sic fragile corpus animus sempiternus mouet. nam quod semper mouetur, æternum est. quod autem

motum

motum affert alicui: quod ipsum agitur aliunde: quando finem habet motus, uiuendi finem habeat necesse est. Solum igitur quod sese mouet, quia nunquam deseritur a se, nunquam ne moueri quidem desinit. quin etiam ceteris, quæ mouentur, hic fons, hoc principium est mouendi. principio autem nulla est origo. nam ex principio oriuntur omnia. ipsum autem nulla ex re fieri potest. nec enim esset hoc principium, quod gigneretur aliunde. quod si nunquam oritur, ne occidit quidem unquam. nam principium extinctum, nec ipsum ab alio renascetur: nec ex se aliud creabit. siquidem necesse est a principio omnia oriri. ita fit, ut motus principium, ex eo sit, quod ipsum a se mouetur. id autem nec nasci potest, nec mori. uel concidat omne cælum, omnisq; natura consistat necesse est: ne uim ullam nanascatur, quæ a primo impulsu moueatur. Cum pateat igitur æternum id esse, quod a seipso moueatur: quis est hic, qui hanc naturam animis esse tributam neget? inanimatum est enim omne, quod impulsu agitur externo. quod autem animal est: id motu ciatur interiore. nam hæc est natura propria animæ, atq; uis. quæ si est una, ex omnibus quæ sese moueat: neq; nata est certe: & æterna est. Hanc tu exerce in optimis rebus. sune autem optimæ curæ de salute patriæ: quibus agitur & exercitatus animus uelocitas in hanc sedem & domum suam peruolabit. idq; ocus faciet, si iam tum cum erit inclusus in corpore, eminebit foras: & ea, quæ extra erunt, contemplans, quam maxime se a corpore abstrahet. nam eorum animi, qui se corporis uoluptatibus dediderunt: earumq; quasi se ministros præbuerunt: impulsuq; libi-

SCIPIONIS

dinum uoluptatibus obedientium, deorum, & hominum iura uiolauerunt: corporibus elapsi, circum terram ipsam uolutantur: nec in hunc locum, nisi multis exagitati seculis, reuertuntur. Ille discessit. Ego somno statim solutus sum.

FINIS.

M. TVLLII CICERONIS DE LEGI-

BUS LIBER PRIMVS

ATTICVS.

VCVS Quidem ille, & hæc Ar-
 pinatum quercus agnoscitur, sepe
 a me lectus in Mario. si manet illa
 quercus, hæc est profecto: etenim est
 sane uetus. QUINTVS. Manet
 uero Attice noster, & semper ma-

nebit: sata est enim ingenio. nullius autem agricolæ
 cultu stirps, tam diuturna, quàm poetæ uersu seminari po-
 test. Atti. Quo tandē modo Quinte? aut quale est
 istuc, quod poetæ serunt? mihi enim uideris fratrem
 laudando suffragari tibi. Q. Sit ita sane. uerum
 tamen dum latine loquentur litteræ: quercus huic loco
 non deerit, quæ Mariana dicitur: eaq; (ut ait Scaeu-
 la) de fratris mei Mario cenescet seculis innumerabi-
 libus. nisi forte Athenæ tuæ sempiternam in arce
 oleam tenere potuerunt: aut quod Homericus Vlyxes,
 deli se proceram & teneram palmam uidisse dixit:
 hodie monstrant eandem: multaq; alia multis locis
 diutius commemoratione manent, quàm natura stare
 potuerunt. quare glandifera illa quercus, ex qua
 olim euolauit,

Nuncia fulua Iouis miranda uisa figura,
 nunc sit hæc: sed cum eam tempestas uetustasue con-
 sumpsit, tamen erit his in locis, quam Marianam
 quercum uocent. Atti. Non dubito id quidem: sed hoc
 iam non ex te Quinte quaero, uerum ex ipso poeta,

DE LEGIBVS

tui ne uersus hanc quercum seuerint: an ita factum de Mario, ut scribis, acceperis. MARCVS. Respondebo tibi equidem: sed non antequam tu ipse mihi respondeas Attice, num longe à tuis edibus inambulans post excessum suum Romulus proculo Iulio dixerit, se deum esse: et Quirinum uocari: templumq; sibi dedicari in eo loco iusserit: Et Athenis nò longe item à tua illa antiqua domo Orithiam aquilo sustulerit: sic enim est traditum. Atti. Quorsum tandem aut cur ista quæris? M. Nihil sanè: nisi ne nimis diligenter inquiras in ea, quæ isto modo memoriae sint prodita. Atti. Atqui multa quærentur in Mario ficta ne an uera sint: Et à nonnullis, quod Et in recenti memoria, Et in arpinati homine, sed ueritas à te postulatur. M. Et mehercule ego me cupio non mendacem putari: sed tamen nonnulli isti Tite faciunt imperite: qui in isto opusculo non ut à poeta, sed ut à teste ueritatem exigant: nec dubito quin iðdem, Et cum Egeria collocutum Numam, Et ab aquila Tarquino apicē impositum putent. Q. Intelligo te frater alias in historia leges obseruandas putare: alias in poemate. M. quippe cum in illa ad ueritatem Quin te referantur, in hac ad delectationem pleraq; quam Et apud Herodotum patrem historiae, Et apud Theopompum sunt innumerabiles fabulæ. Atti. Teneo quam optabam occasionem, neque omittam. M. Quam tandem Tite? Atti. Postulatur à te iandiu, uel flagitatur potius historia: sic enim putant, te illam tractante effici posse, ut in hoc etiam genere græciæ nihil cedamus. atq; ut audias quid ego ipse sentiam, non solum mihi uideris eorum studijs, qui litteris

teris delectantur, sed etiam patriæ debere hoc munus: ut ea, quæ salua per te est, per te eundem sit ornata. abest enim historia litteris nostris: ut & ipse intelligo: & ex te persæpe audio. potes autem tu profecto satisfacere in ea: quippe cum sit opus, ut tibi quidem uideri solet, unum hoc oratorium maxime. Quamobrem aggredere quæsumus: & sume ad hanc rem tempus: quæ est a nostris hominibus adhuc aut ignorata, aut relictæ. nam post annales pontificum maximorum, quibus nihil potest esse iocundius: si aut ad Fabium, aut ad eum qui tibi semper in ore est, Catonem, aut ad Pisonem, aut ad Fannium, aut ad Venonium uenias: quanquam ex his alius alio plus habet uirium: tamen quid tam exile quàm isti omnes? Fannij autem ætate coniunctus Antipater paulo inflauit uehementius: habuitq; uires agrestes ille quidem, atq; horridas, sine nitore, ac palesira, sed tamen admonere reliquos potuit, ut accuratius scriberent. Ecce autem successere huic bello Clodius, Asilo: nihil ad Cælium: sed potius ad antiquorum langorem, atq; inscitiam. nam quid Acium memorẽ? cuius loquacitas habet aliquid argutiarum: nec id tamen ex illa erudita græcorum copia, sed ex librariolis latinis. In orationibus autem nullus & ineptus, ad summam impudentiam. Sisenna eius amicus omnes adhuc nostros scriptores, nisi qui forte nondum ediderunt, de quibus existimare non possumus, facile superauit. Is tamen neq; orator in numero uestro unquam est habitus: & in historia puerile quiddam consecratur: ut unum Clitarcum, neq; præterea quenquam de græcis legisse uideatur: eum tamen uelle duntaxat imitari: quem si

DE LEGIBVS

assequi posset : aliquantum ab optimo tamen abesset :
 quare tuum est munus : hoc a te expectatur nisi quid
 Quinto uidetur secus. Q. Mihi uero nihil : & sepe
 de isto collocuti sumus : sed est quedam inter nos par-
 ua dissensio. Atti. Quæ tandem ? Q. A quibus tem-
 poribus scribendi capiatur exordium ego enim ab ul-
 timis censeo : quoniam illa sic scripta sunt : ut ne legan-
 tur quidem : ipse autem æqualem ætatis suæ memo-
 riam deposcit : ut ea complectatur , quibus ipse inter-
 fuit. Atti. ego uero huic potius assentior. sunt enim
 maximæ res in hac memoria atq; ætate nostra . tum
 autem hominis amicissimi Cn. Pompeij laudes illu-
 strabit . incurret etiam in illum memorabilem an-
 num suum : quem ab isto malo prædicari , quàm ut
 aiunt de Remo , & Romulo. M. Intelligo equidem
 a me istum laborem iandiu postulari. Attice : quem
 non recusarem : si mihi ullum tribueretur uacuum
 tempus & liberum . neq; enim occupata opera , neq;
 impedito animo , res tanta suscipi potest . utrumq; opus
 est , & cura uacare , & negotio. Atti. Quid ? ad cæ-
 tera , quæ scripsisti plura , quàm quisquam e nostris :
 quod tibi tandem tempus uacuum fuit concessum ?
 M. subsicina quedam tempora incurrunt : quæ ego
 perire non patior : ut si qui dies ad rusticandum dati
 sint , ad eorum numerum accommodentur , quæ scri-
 bimus . historia uero nec institui potest , nisi prepara-
 to ocio : nec exiguo tempore absolui : & ego animi-
 pendere soleo cum semel quid orsus , si traduor alio :
 neq; tam facile interrupta contexo : quàm absoluo in-
 stituta. Atti. legationem aliquam nimirum oratio ista
 postulat , aut eiusmodi quampiam cessationem libe-

nam, atq; ociosam. M. ego uero ætatis potius uacatio-
ni confidebam : cum præsertim non recusarem , quo-
minus more patrio sedens in solio consulentibus re-
sponderem : senectutisq; non inertis grato atq; hone-
sto fungerer munere. sic enim mihi liceret , & isti rei
quam desyderas , & multis uberioribus atq; maiori-
bus , operæ quantum uellem dare. Atti. Atqui ue-
reor ne istam causam nemo noscat : tibiq; semper di-
cendum sit : & eo magis , quod te ipse mutasti : &
aliud dicendi genus instituisti : ut quemadmodum Ro-
scius familiaris tuus in senectute numeros in cantu ce-
ciderat : ipsasq; tardiores fecerat tibias : sic tu a con-
tentionibus , quibus summis uti solebas , quotidie re-
laxes aliquid : ut iam oratio tua non multum a phi-
losophorum lenitate absit. quod sustinere cum uel sum-
ma senectus posse uideatur : nullam tibi a causis ua-
cationem uideo dari. Q. At mehercule ego arbi-
trabar posse id populo nostro probari : si te ad ius re-
spondendum dedisses. Quamobrem, cum placebit, tibi
experiendum censeo. M. Id si quidem Quinte nul-
lum esset, in experiendo periculum. sed uereor ne dum
minuere uelim laborem, augeam : atq; ad illam cau-
sarum operam, ad quam ego nunquam nisi paratus,
& meditatus accedo : adiungatur hæc iuris interpre-
tatio : quæ non tam mihi molesta sit propter laborem :
quàm quod dicendi cogitationem auferat : sine qua ad
nullam maiorem unquam causam sum ausus acce-
dere. Atti. Quin igitur ista ipsa explicas nobis his
subsidiis, ut ais, temporibus : & conscribis de iure ci-
uili subtilius quàm cæteri. nam a primo tempore æta-
tis iuri studere te meminî : cum ipse etiam ad scæuolam

DE LEGIBVS

uentitarem : neq; unquam mihi uisus es ita te ad discendum dedisse : ut ius civile contemneres. M. In longum sermonem me reuocas Attice : quem tamen nisi Quintus aliud quid nos agere mauult, suscipiam : & quoniam uacui sumus, dicam. Q. Ego uero libenter audierim. quid enim agam potius? aut in quo melius hunc consumam diem? M. Quin igitur ad illa spacia nostra, sedesq; pergrimus? ubi cum satis erit deambulatum, requiescemus : nec profecto nobis delectatio deerit, aliud ex alio quærentibus. Atti. Nos uero & hac quidem, adire si placet per ripam & umbram. sed iam ordire explicare quæso de iure civili quid sentias. M. Ego memini summos fuisse in ciuitate nostra uiros : qui id interpretari populo, & respondere soliti sint. sed eos magna professos in paruis esse uersatos. quid enim est tantum? quantum ius ciuitatis? quid autem tam exiguum? quàm est minus hoc eorum, qui consuluntur, quàm est populo necessarium? nec uero eos, qui ei muneri præfuerunt, uniuersi iuris expertes fuisse existimo : sed hoc, civile quod uocant eatenus exercuerunt : quoad populo præstare uoluerunt. id autem incognitum est minusq; in usu necessarium. quamobrem quo me uocas? aut quid hortaris? ut libellos conficiam de stillicidiorum, ac de parietum iure? aut ut stipulationum, & iudiciorum formulas componam? quæ & conscriptæ sunt à multis diligenter : & sunt humiliora quàm illa, quæ à uobis expectari puto. Atti. Atqui si quæres ego quid expectem : quoniam scriptum est à te satis de optimo reip. statu : consequens esse uidetur, ut scribas tu idem de legibus. sic enim fecisse uideo Platonem illum tuum :

quem tu admiraris : quem omnibus anteponis : quem maxime diligis. M. Vis ne igitur , ut ille Crete cum Clinia, & cum Lacedæmonio Megillo, æstiuo quemadmodum describit die , in cupressetis gnosiorum , & spacijs siluestribus, crebro insistens, interdum acquiescens, de institutis rerum publicarum, ac de optimis legibus disputat: sic nos inter has procerissimas populos, in uiridi opacâq; ripa inambulantes, tum autem residentes, quæramus iisdem de rebus aliquid uberius, quàm forensis usus desyderat? Atti. Ego uero ista audire cupio? M. Quid ait Quintus? Q. Nulla de re magis. M. Et recte quidem nam sic habetote: nullo in genere disputandi magis honesta patefieri: quid sit homini natura tributum: quantam uim rerum optimarum mens humana contineat: cuius muneris colendi, efficiendiq; causa nati, & in lucem editi sumus: quæ sit coniunctio hominum, quæ naturalis societas inter ipsos: his enim explicatis fons legum, & iuris inueniri potest. non ergo à prætoris edicto, ut pleriq; nunc, neq; à XII. tabulis, ut superiores, sed penitus ex intima philosophia hauriendam iuris disciplinam puto. non enim id quærimus hoc sermone Pomponi, quemadmodum caueamus in iure: aut quid de quaq; consultatione respondeamus. sit ista res magna: sicut est: quæ quondam à multis claris uiris, nunc ab uno summa authoritate, & scientia sustinetur. sed noris ista complectenda in hac disputatione tota causa uniuersi iuris est ac legum: ut hoc, civile quod dicimus, in paruum quendam, & angustum locum concludatur nature. natura enim iuris nobis explicanda est: eaq; ab hominis repetenda natura:

DE LEGIBVS

considerandæ leges: quibus ciuitates regi debeant: tum hæc tractanda, quæ composita sunt, & descripta, iura, & iussa populorum: in quibus ne nostri quidē populi latebunt, quæ uocantur iura ciuilia. Q. Aliter uero & ut oportet, à capite frater repetis quod quærimus: & qui aliter ius ciuile tradunt, non tam iustitiæ, quàm litigandi tradunt uias. M. Non est ita Quinte: ac potius ignoratio iuris litigiosa est quàm scientia. sed hæc prosterius. nunc iuris principia uideamus. Igitur doctissimis uiris proficisci placuit à lege: haud scio an recte: si modo, ut iidem definiunt, Lex est ratio summa insita in natura: quæ iubet ea quæ faciendæ sunt: prohibetq; contraria. eadem ratio cum est in hominis mente confirmata, & confecta: lex est. itaq; arbitrantur prudentiam esse legem: cuius ea uis sit: ut recte facere iubeat: uetet delinquere: eamq; rem illi græco putant nomine suum cuiq; tribuendo appellatam: ego nostro à legendo. nam ut illi æquitatis, sic nos delectus uim in lege ponimus: & proprium tamen utrunq; legis est. quod si ita recte dicitur: ut mihi quidem plerunq; uideri solet: à lege ducendum est iuris exordium. Ea est enim naturæ uis: ea mens ratioq; prudentis: ea iuris atq; iniuriæ regula. sed quoniam in populari ratione omnis nostra uersatur oratio: populariter interdum loqui necesse erit: & appellare eam legem, quæ scripto sancit quod uult, aut iubendo, aut uetando, ut uulgus appellat. constituendi uero iuris ab illa summa lege capiamus exordium: quæ sæculis omnibus ante nata est, quàm scripta lex ulla, aut quàm omnino ciuitas constituta. Q. Commodius uero, & ad rationem insti-

tuti sermonis sapientius. M. Vis ne ergo ipstus iuris
ortum a fonte repetamus? quo inuento non erit dubiū,
quo sint hæc referenda quæ quærimus. Q. Ego ue-
ro ita faciendum esse censeo. Atti. Me quoq; adscribito
fratris sententiæ. M. Quoniam igitur eius reipu-
quamoptimam esse docuit in illis sex libris Scipio: te-
nendus est nobis, & seruandus status: omnesq; leges
accommodandæ ad illud ciuitatis genus: ferendi etiam
mores: nec scriptis omnia sancienda: repetam stirpem
iuris a natura: qua duce est nobis omnis disputatio
explicanda. Atti. Rectissime: & quidem ista duce
errari nullo pacto potest. M. Das ne igitur hoc nobis
Pomponi? nam Quinti noui sententiam: deorum im-
mortalium natura, ratione, potestate, mente, numine,
siue quod est aliud uerbum, quo planius significem
quod uolo, naturam omnem diuinam regi. nam si
hoc non probas: a deo nobis causa ordiendæ est po-
tissimum. Atti. Do. sane si postulas: etenim propter
hunc concentum auium, strepitumq; fluminum, non
uereor condiscipulorum ne quis exaudiat. M. Atqui
cauendum est. solent enim id quod uirorum bono-
rum est, admodum irasci, nec uero ferent si audierint
te primum capitulum optimum prodidisse: in quo scri-
psit nihil curare deum nec sui nec alieni. Atti. Per-
ge quæso: nam id quod tibi concessi, quorsum perti-
neat expecto. M. Non faciam longus: huc enim per-
tinet: animal hoc prouidum, sagax, multiplex, acutum,
memor, plenum rationis, & consilij, quem uocamus ho-
minem, præclara quadam conditione generatum esse
a supremo deo. solum est enim ex tot animantium ge-
neribus, atq; naturis, particeps rationis & cogitatio-

DE LEGIBVS

nis, cum cætera sint omnia expertia. quid est autem non dicam in homine, sed in omni cælo, atq; terra, ratione diuinius? quæ cum adoleuit, atq; perfecta est: nominatur rite sapientia. est igitur, quoniam nihil est ratione melius: eaq; & in homine & in deo: prima homini cum deo rationis societas. inter quos autem ratio, inter eosdem etiam recta ratio communis est. quæ cum sit lex: lege quoq; consociati homines cum dijs putandi sumus. inter quos porro est communio legis: inter eos communio iuris est. quibus autem hæc sunt inter eos communia: et ciuitatis eiusdem habendi sunt. si uero ijsdem imperijs & potestatibus parent: multo etiam magis. parent huic cælesti descriptioni, menti q; diuinæ, & præpotenti deo unde etiam ut iam uniuersus hic mundus una ciuitas communis deorum atq; hominum existimanda est. & quod in ciuitatibus ratione quadam, de qua dicitur idoneo loco, agnationibus familiarum distinguuntur status: id in rerum natura tanto est magnificentius, tantoq; præclarius: ut homines deorum agnatione & gente teneantur. nam cum de natura omni quæritur, disputari solent nimirum ista: perpetuis cursibus, conuersionibus cælestibus, extitisse quandã materiam ferendi generis humani: quod sparsum in terras, atq; satum, diuino auctum sit animorum munere: nam quod aliquibus cohærent homines, e' mortali genere sumpserunt, quæ fragilia essent & caduca: animum esse ingeneratum a deo: ex quo uere uel agnatio nobis cum cælestibus, uel genus, uel stirps appellari potest. itaq; ex tot generibus nullum est animal præter hominem, quod habeat notitiã aliquã dei: de ipsisq; hominibus nulla gens est, neq; tam immanis uel mansueta,

mansueta, neq; tam fera: quæ non, etiam si ignoret
qualem habere deum deceat: tamen habendum sciat.
ex quo efficitur illud, ut is agnoscat deum, qui unde
ortus sit, quasi recordetur ac noscat. iam uero uirtus
eadem in hominē ac deo est: neq; ullo alio ingenio præ-
terea. est autem uirtus nihil aliud quàm in se perfe-
fecta, & ad summum perducta natura. est igitur
homini cum deo similitudo. quod cum ita sit, quæ
tandem potest esse propior certiorue cognatio? itaq;
ad hominum commoditates, & usus tantam rerum
ubertatem natura largita est: ut ea quæ gignuntur
donata consulto nobis, non fortuito nata uideantur:
nec solum ea quæ frugibus atq; baccis terræ foetu pro-
funduntur: sed etiam pecudes: quod perspicuum sit,
partim esse ad usum hominum, partim ad fructum,
partim ad uescendum procreatas. artes uero innume-
rabiles repertæ sunt, docente natura. quam imitata ra-
tio res ad uitæ necessarias solerter consecuta est. ipsum
autem hominem eadem natura non solum celeritate
mentis ornauit: sed etiam sensus, tanquam satellites
attribuit ac nuncios: et rerū plurimarum obscuras &
necessarias intelligentias enudauit, quasi fundamenta
quædam scientiæ: figuramq; corporis habilem, &
aptam ingenio humano dedit. nam cum cæteras ani-
mantes abiecisset ad pastum: solum hominem erexit:
ad cœliq; quasi cognitionis domiciliq; pristini conspe-
ctum excitauit: tum speciem ita formauit oris: ut in ea
penitus reconditos mores effingeret. nam & oculi ni-
mis arguti, quemadmodum animo affecti sumus, lo-
quuntur: & is qui appellatur uultus, qui nullo in
animante esse præter hominem potest, indicat mores:

DE LEGIBVS

cuius vim græci norunt: nomen omnino non habent: omitto opportunitates, habilitatesq; reliqui corporis: moderationem uocis: orationis vim: quæ conciliatrix est humane maxime societatis. neq; enim omnia sunt huius disputationis, ac temporis: Et hunc locum satis, ut mihi uidetur, in his libris, quos legistis, expressit Scipio. Nunc quoniam hominem, quod principium reliquarum rerû esse uoluit, generauit Et ornauit deus: perspicuum sit illud, ne omnia differantur, ipsam per se naturam longius progredi: quæ etiam nullo docente profecta ab ijs, quorum ex prima Et inchoata intelligentia genera cognouit, confirmat ipsa per se rationem Et perficit. Atti. Dij immortales quam tu longe iuris principia repetis: atq; ita ut ego non modo ad illa non properem, quæ expectabam a te de iure civili: sed facile patiar te hunc diem uel totum, in isto sermone consumere. sunt enim hæc maiora, quæ aliorum causa fortasse complecteris: q̃ ipsa illa, quorum hæc causa præparantur. M. Sunt hæc quidem magna, quæ nunc breuiter attinguntur: sed omnium, quæ in hominum doctorum disputatione uersantur, nihil est profecto præstabilius: q̃ plane intelligi nos ad iustitiam esse natos: neq; opinione, sed natura constitutum esse ius. id iam patebit, si hominum inter ipsos societatem, coniunctionemq; perspexeris. nihil est enim unum uni tam simile, tam par, q̃ omnes inter nosmetipsos sumus. quod si deprauatio consuetudinum, si opinionum uanitas, non imbecillitatem animorum torqueret, Et flecteret quocunq; coepisset: sui nemo ipse tam similis esset: q̃ omnes sunt omnium. itaq; quæcunq; est hominis diffinitio, una in omnes ualet. quod argumentis satis est, nullam

est, nullam dissimilitudinem esse in genere. quæ si esset: non una omnes diffinitio. contineret. etenim ratio, quæ una præstamus beluis: per quam coniectura ualemus: argumentamur: refellimus: differimus: conficimus. aliquid: concludimus: certe est communis, doctrina differens, discendi quidem facultate par. nam & sensibus eadem omnia comprehenduntur: & ea quæ mouent sensus, itidem mouent omnium: quæq; in animis imprimuntur, de quibus ante dixi, inchoatæ intelligentiæ, similiter in omnibus imprimuntur: interpretæq; est mentis oratio, uerbis discrepans, sententijs congruens. nec est quisquam gentis ullius, qui ducem naturam nactus ad uirtutem peruenire non possit. nec solum in rectis, sed etiam in prauis actibus insignis est humani generis similitudo. nam & uoluptate capiuntur omnes: quæ & si est illecebra turpitudinis, tamen habet quiddam naturalis boni. lenitatis est enim & suauitatis. id enim, ut suauitate delectans, sic ab errore mentis tanquam salutare aliquid asciscitur. similiq; inscitia mors fugitur, quasi dissolutio naturæ: uita expetitur: quia nos in quo nati sumus continet: dolor in maximis malis ducitur, cum sua asperitate, tum qd naturæ interitus uidetur sequi. propter quam honestatis, & gloriæ similitudinem, beati, qui honorati sunt, uidentur: miseri autem, qui inglorij. molestiæ, letitiæ, cupiditates, timores, similiter omnium mentes peruagantur: nec si opiniones aliæ sunt apud alios: ideo qui canem & felem ut deos colunt, non eadem superstitione quæ cæteræ gentes consuevant. quæ autem natio non comitatem, non benignitatē, non gratum animum, & beneficij memorem diligit? quæ

DE LEGIBVS

superbos, quæ maleficos, quæ crudeles, quæ ingratos non aspernatur? non odit? quibus ex rebus cum omne genus hominum sociatum inter se esse intelligatur: illud extremum est, quod recte uiuendi ratio meliores efficit. quæ si approbatis: pergam ad reliqua: sin quid requiritis: id explicemus prius. Atti. Nos uero nihil, ut pro utroque respondeam. M. Sequitur igitur ad participandum alium alio communicandumque inter omnes, iustos natura esse factos. atque hoc in omni disputatione sic intelligi uolo, quod dicam naturam esse. tantam autem esse corruptelam malæ consuetudinis: ut ab ea tanquam igniculi extinguantur à natura dati: exorianturque et confirmantur uitia contraria. quod si quomodo est natura, sic iudicio homines, humani (ut ait poeta) nihil à se alienum putarent: coleretur ius æque ab omnibus. quibus enim ratio natura data est: iisdem etiam recta ratio data est. ergo et lex: quæ est recta ratio in iubendo, et uetando. si lex: ius quoque: at omnibus ratio. ius igitur datum est omnibus, recteque Socrates execrari eum solebat, qui primus utilitatem à natura seiunxisset. id enim querebatur æput esse exitiorum omnium. unde enim illa Pythagore a uox τὰ φίλων κοινὰ, καὶ φίλων ἰσότης. ex quo perspicitur cum hanc beneuolentiam tam late longeque diffusam uir sapiens in aliquem pari uirtute præditum contulerit: tum illud effici, quod quibusdam incredibile uideatur: sit autem necessarium: ut nihilo sese plusquam alterum diligat. quid enim est quod differat? cum sint cuncta paria? quod si interesse quicquam tantulum modo potuerit: iam amicitie nomen occiderit. cuius est ea uis: ut simulatque sibi aliquid quod alteri

alteri maluerit : nulla sit. quæ præmuniuntur omnia,
reliquo sermoni, disputationiq; nostræ: quo facilius ius
in natura esse positum intelligi possit. de quo cum per-
pauca dixerō : tum ad ius ciuile ueniam : ex quo hæc
omnis nata est oratio. Q. Tu uero iam perpauca
scilicet ex ijs enim quæ dixisti, Attice * uidetur
mihi quidem ex natura ortum esse ius. Atti. An mi-
hi aliter uideri possit? cum hæc iam perfecta sint?
primum quasi muneribus deorum nos esse instructos,
& ornatos : secundo autem loco unam esse hominum
inter ipsos uiuendi parem, cōmunemq; rationem: de-
inde omnes inter se naturali quadam indulgentia, &
beneuolentia, tum etiam societate iuris contineri. quæ
cum uera esse recte, ut arbitror, concesserimus : qui
iam licet nobis à natura leges & iura seiungere?
M. Recte dicis: & res sic se habet. uerum philosopho-
rum more, non ueterum quidem illorum, sed eorum
qui quasi officinas instruxerunt sapientiæ, quæ fuscæ
olim disputabantur, ac liberæ : ea nunc articulatim
distincteq; dicuntur. nec enim satisfieri censent huic lo-
co, qui nunc est in manibus: nisi separatim hoc ipsum,
naturæ esse ius disputarint. Atti. Et scilicet tua liber-
tas differendi amissa est? aut tu is es? qui in dispu-
tando non tuum iudicium sequare? sed authoritati
aliorum pareas? M. Non semper Tite. sed iter hu-
ius sermonis, quod sit uides. ad rei publicæ firman-
das, & stabiliendas uires, sanandos populos, omnis
nostra pergit oratio. quocirca uereor committere: ut
non bene prouisa, & diligenter explorata principia
ponantur. nec tamen ut omnibus probentur : nam id
fieri non potest: sed ut his, qui omnia recta, atq; ho-

DE LEGIBVS

nesta per se expetenda duxerunt: & aut nihil omnino in bonis numerandum: nisi quod per seipsum laudabile esset: aut certe nullum habendum magnum bonum: nisi quod uere laudari sua sponte posset. his omnibus, siue in academia uetere cum Speusippo, Xenocrate, Polemone manserunt: siue Aristotelem, & Theophrastum, cum illis re congruentes, genere docendi paulum differentes, secuti sunt: siue, ut Zenoni uisum est, rebus non commutatis immutauerunt uocabula: siue etiam Aristonis difficilem, atq; arduam, sed iam tamen fractam, & conuictam sectam secuti sunt: ut uirtutibus exceptis, atq; uicijs, cetera in summa equalitate ponerent: his omnibus haec quae dixi probantur. sibi autem indulgentes, & corpori deseruiantes, atq; omnia quae sequantur in uita, quaeq; fugiant, uoluptatibus, & doloribus ponderantes, etiam si uera dicunt: nihil enim opus est hoc loco litibus: in hortulis suis inbeamus dicere: atq; etiam ab omni societate reipublicae, cuius partem nec norunt ullam: nec unquam nosse uoluerunt: paulisper facessant rogemus. perturbatricem autem harum omnium rerum academiam hanc ab Arcesila, & Carneade recentem exoremus, ut sileat. nam si inuasit in haec, quae satis scite nobis instructa & composita uidentur: nimias edet ruinas. quam quidem ego placare cupio, submouere non audeo. * nam etiam sine illius suffimentis expiati sumus. At uero scelerum in homines atq; impietatum nulla expiatio est. itaq; poenas luunt non tam iudicijs, quae quondam nusquam erant: hodie multifariam nulla sunt: ut sint tamen: persepe falsa sunt: ut eos agitent, insectenturq; furiae, non ardentibus

dentibus tedis, sicut in fabulis, sed angore conscientiae, fraudisq; cruciatu. quod si homines ab iniuria poena, non natura arcere deberet: quæ nam sollicitudo uexaret impios, sublato suppliciorum metu? quorum tamen nemo tam audax unquam fuit: quin aut abnuerit à se commissum esse facinus: aut iusti sui doloris causam aliquam fingeret: defensionemq; facinoris à natura iure aliquo quæreret. quæ si appellare audent impij: quo tandè studio colentur à bonis? quod si poena, si metus supplicij, non ipsa turpitudine, terret ab iniuriosa facinorosaq; uita: nemo est iniustus: at incauti potius habendi sunt improbi. tum autè qui non ipso honesto mouemur, ut boni uiri simus, sed utilitate aliqua atq; fructu, callidi sumus, non boni. nã quid faciet is homo in tenebris, qd nihil timet nisi testem, uel iudicem? qd in deserto loco, nactus quẽ multo auro spoliare possit, imbecillum, atq; solum? noster quidem hic natura iustus uir ac bonus, etiã colloquetur. inuabit: in uiam deducet. is uero qui nihil alterius causa facit: & metitur suis commodis omnia: uidetis credo quid sit acturus. qd si negabit se illi uitam erepturum: & aurum ablaturum: nunquam ob eam causam negabit qd id natura turpe iudicet: sed quod metuatur ne emanet: idest ne malum habeat. O rem dignam, in qua non modo docti, uerum etiam agrestes erubescant. Iam uero stultissimum illud, existimare omnia iusta esse, quæ scita sint in populorum institutis, aut legibus. etiam ne? si quæ sint tyrannorum leges: si triginta illi Athenis leges imponere uoluissent? aut si omnes athenienses delectarentur tyrannicis legibus: num igitur hæc leges iustæ haberentur? nihil credo magis illa,

DE LEGIBVS

quam interrex noster tulit: ut dictator quem uellet ci-
uium, indicta causa impune posset occidere. est enim
unum ius: quo deuincta est hominum societas: Et
quod lex constituit una. quæ lex est recta ratio impe-
randi, atq; prohibendi: quam qui ignorat, is est in-
iustus: siue est illa scripta uspiam: siue nusquam. quod
si iusticia est obtemperatio scriptis legibus, institutisq;
populorum: Et si, ut ijdem dicunt, utilitate omnia me-
tienda sunt: negliget leges, easq; perrumpet si pote-
rit is, qui sibi eam rem fructuosam putabit fore. ita
fit ut nulla sit omnino iusticia: si neq; natura est: Et
ea, quæ propter utilitatem constituitur, utilitate illa con-
uellitur. atq; si natura confirmatum ius non erit: virtu-
tes omnes tollantur. ubi enim liberalitas, ubi patriæ
charitas, ubi pietas, ubi autem bene merendi de alte-
ro, aut referendæ gratiæ uoluntas, poterit existere?
nam hæc nascuntur ex eo, quod natura propensi sumus
ad diligendos homines: quod fundamentum iuris est,
neque solum in homines obsequia, sed etiam in Deos
cærimonie, religionesq; tolluntur. quas non metus,
sed ea coniunctione, quæ est homini cum deo conser-
uandas puto. Quod si populorum iussis, si principum
decretis, si sententijs iudicum, iura constituerentur:
ius esset latrocinari: ius adulterare: ius testamenta fal-
sa supponere: si hæc suffragijs, aut scitis multitudinis
probarentur. quæ si tanta potentia est stultorum sen-
tentijs, atq; iussis: ut eorum suffragijs rerum natura
uertatur: cur non sanciant, ut quæ mala, perniciosaq;
sunt, habeantur pro bonis, ac salutaribus? aut cur
cum ius ex iniuria lex facere possit: bonum eadem
facere non possit ex malo? atqui nos legem bonam a
mala

in mala nulla alia nisi naturali norma diuidere possu-
mus. nec solum ius a natura dijudicatur: sed omni-
no omnia honesta ac turpia. nam & communis intelli-
gentia nobis notas res efficit: easq; in animis nostris
inchoauit: ut honesta in uirtute ponantur, in uitijs tur-
pia. hæc autem in opinione existimare, non in natura
ponere, dementis est. nam nec arboris nec equi uirtus
quæ dicitur, in quo abutimur nomine, in opinione sita
est, sed in natura. quod si ita est: honesta quoq; &
turpia natura dijudicanda sunt. nam si opinione uni-
uersa uirtus: eadem eius etiam partes probarentur.
quis igitur prudentem, & ut ita dicam, ætatum, non
ex ipsius habitu, sed ex aliqua re externa iudicet?
est enim uirtus perfecta ratio. quod certe in natura est.
igitur omnis honestas eodem modo. nam ut uera &
falsa, ut consequentia, & contraria, sua sponte, non
aliena iudicantur: sic constans, & perpetua ratio uitæ,
quæ est uirtus, itemq; inconstantia, quod est uitium, sua
natura probatur. nos ingenia iuuenum non ratione
ab ingenua naturæ uirtute, sed uitia quæ existunt ab
ingenijs iudicamus. An ea non aliter quàm honesta
& turpia non ad naturam referri necesse erit? quod
laudabile bonum est, in se habeat, quod laudetur ne-
cesse est. ipsum enim bonum non est opinionibus sed
natura insita. nam ni ita esset, beati quoq; opinio-
ne essent. quo quid dici potest stultius? Quare cum
& bonum & malum natura iudicetur: & ea sint
principia naturæ: certe honesta quoq; & turpia simi-
li ratione dijudicanda, & ad naturam referen-
da sunt. Sed perturbat nos opinionum uarietas,
hominumq; dissensio. & quia non idem contingit in

DE LEGIBVS

sensibus : hos natura certos putamus : illa , quæ alijs
 sic , alijs secus , nec ijsdem semper uno modo ui-
 dentur , ficta esse dicimus . quod est longe aliter . nam
 sensus nostros non parens , non nutrix , non magister ,
 non poeta , non scena deprauat : non multitudinis con-
 sensus abducit à uero . animis omnes tenduntur insidiæ ,
 uel ab his quos modo enumeraui , qui teneros , & ru-
 des cum acceperunt , insciant , & flectunt , ut uolunt :
 uel ab ea , quæ penitus in omni sensu implicata insti-
 det imitarix boni uoluptas , malorum autem mater
 omnium : cuius blanditijs corrupti , quæ natura bona
 sunt , quia dulcedine hac & scabie carent : non cer-
 nimus satis . Sequitur ut conclusa mihi iam hæc sit omnis
 ratio : id quod ante oculos ex ijs est , quæ dicta sunt :
 & ius & omne honestum sua sponte esse expeten-
 dum . etenim omnes uiri boni ipsam æquitatem &
 ius ipsum amant : nec est uiri boni errare , & dilige-
 re , quod per se non sit diligendum . per se igitur ius
 est expetendum & colendum . quod si ius : & iustitia :
 sic & reliquæ quoq; uirtutes per se colendæ sunt . quid
 liberalitas ? gratuita , ne est , an mercenaria ? Si sine
 præmio benigna est : gratuita . si cum mercede : conductæ :
 nec est dubium quin is , qui liberalis , benignus ue di-
 citur , officium non fructum sequatur . ergo item iusti-
 tia nihil expetit præmij , nihil precij . per se igitur ex-
 petitur . eademq; omnium uirtutum causa , atq; sen-
 tentia est . atq; etiam si emolumentis non suapte natu-
 ra uirtus expetitur : una erit uirtus : quæ malitia re-
 ctissime dicetur . ut enim quisq; maxime ad suum
 commodum refert quæcumq; agit : ita minime est uir
 bonus : ut qui uirtutem præmio metiuntur , nullam

virtutem nisi malitiam putent . ubi enim beneficus ?
si nemo alterius causa benigne facit ? ubi gratus ? si
non eum ipsum cui referunt gratiam cernunt grati ?
ub illa sancta amicitia ? si non ipse amicus per se
amatur toto pectore , ut dicitur ? qui etiam deferendus
& abiciendus est , desperatis emolumentis , & fructi-
bus . Quo quid potest , dici immanius ? quod si amici-
tia per se colenda est : societas quoq; hominum , &
æqualitas , & iustitia per se expetenda . quod ni ita
est : omnino iustitia nulla est . id enim iniustissimum
ipsum est , iustitiæ mercedem quærere . quid uero de
modestia ? quid de temperantia ? quid de continentia ?
quid de uerecundia , pudore , pudicitiaq; dicemus ? infam-
iæ ne metu non esse petulantes ? an legum & iudicio-
rum ? innocentes ergo & uerecundi sunt , ut bene au-
diant , & ut rumorem bonum colligant , erubescunt :
& pudet impudica loqui . ac me nimirum istorum
philosophorum pudet : qui nullum uitium uitare , nisi
iudicio ipso multatū putant . qd enim ? possumus eos , qui
stupro arcentur infamiae metu , pudicos dicere ? cum ipsa
infamia propter rei turpitudinem consequatur ? nam
quid aut laudari rite , aut uituperari potest ? si ab eius
natura recesseris , quod aut laudandum , aut uituperan-
dum putes ? an corporis prauitates si erunt perinssi-
gues , habebunt aliquid offensionis ? animi deformitas
non habebit ? cuius turpitudine ex ipsis uitijs facillime
perspici potest . quid enim foedius auaritia ? quid im-
manius libidine ? quid contemptus timiditate ? quid
abiectius tarditate & stultitia dici potest ? quid ergo ?
eos , qui singulis uitijs excellunt , aut etiam pluribus ,
propter damna , aut detrimenta , aut cruciatus aliquos

DE LEGIBVS

*miseros dicimus? an propter uim turpitudinemq; uirtu-
 tiorum? quod item ad contrariam laudem in uirtute
 dici potest. Nam si propter alias res uirtus expetitur:
 melius esse aliquid quam uirtutem necesse est. pecu-
 niam ne igitur? an honores? an formam? an ualetu-
 dinem? quæ et cum adsunt perparua sunt: & quam-
 diu affutura sint, certum sciri nullo modo potest. an id
 quod turpissimum dictu est, uoluptatem? an in ea qui-
 dem spernenda & repudianda uirtus uel maximo
 cernitur? Videtis ne, quanta series rerum, sententia-
 rumq; sit? atq; ut ex alio alia nectantur? quin labe-
 bar longius, nisi me retinuisssem. Q. Quo tandem?
 libenter enim frater ad istam orationem tecum pro-
 laberer. M. ad finem bonorum: quo referuntur, &
 cuius causa sunt facienda omnia: controuersam rem
 & plenam dissensionis inter doctissimos, sed aliquan-
 do tamen iudicandam. A. Qui istuc fieri potest
 L. Gellio mortuo? Q. Quid tandem id ad rem?
 Atti. quia me Athenis audire ex phedro mco memin-
 Gellium familiarem tuum, cum proconsul ex prætura
 in græciam uenisset: & athenis philosophos qui tum
 erant, in locum unum conuocasse: ipsisq; magnopere
 authorem fuisse: ut aliquando controuersiarum ali-
 quem facerent modum. quod si essent eo animo: ut
 nollent ætatem in litibus conterere: posse rem cum
 eo conuenire, & simul operam suam illis esse polli-
 citum, si posset inter eos aliquid conuenire. M. Io-
 culare istud quidem Pomponi, & a multis sæpe deri-
 sum, sed ego plane uellem me arbitrum inter antiquã
 academiam & Zenonem datum. Atti. Quo tandem
 istuc modo? M. Quia de re una solum dissident: de*

cæteris mirifice congruunt. Atti. An tandem una de re est solum dissensio? M. quæ quidem ad rem pertineat, una quippe cum antiqui omnes q̄ secundum naturam esset, quo inuaremur in uita, bonum esse decreuerint: hic nisi quod honestum esset, putauerit bonum. Atti. perparuam uero controuersiam dicas, ac non eam quæ dirimat omnia. M. Probe quidem sentis, si re, ac non uerbis dissiderent. Atti. ergo assentiris Antiocho familiari meo, magistro enim non non audeo dicere: quocum uixi: et qui me ex nostris penè conuellit hortulis: deduxitq; in academiam per pauculis passibus. M. Vir iste fuit ille quidem prudens & acutus, & in suo genere perfectus: mihiq; fuit, ut scis familiaris. cui tamen ego assentiar in omnibus, nec ne, mox uidero. hoc dico, controuersiam totam istam posse sedari. Atti. qui istuc tandem uides? M. quia si, ut Chius Aristo dixit, solum bonum esse diceret quod honestum esset: malumq; quod turpe: cæteras res omnes plane pares, ac ne minimum quidem utrum adessent, an abessent interesse: ualde à Xenocrate, & Aristotele, & ab illa Platonis familia discreparet: essetq; inter eos de re maxima, & de omni uiuendi ratione dissensio. nunc uero cum decus, quod antiqui summum bonum esse dixerunt, hic solum bonum dicat: item dedecus, quod illi summum malum, hic solum: diuitias, ualeitudinem, pulchritudinem, commodas res appellet, non bonas: paupertatem, debilitatem, dolorem, incommodas non malas: sentit idem quod Xenocrates, quod Aristoteles: loquitur alio modo. Ex hac autem non rerum, sed uerborum discordia, controuersia nata est de finibus: in

DE LEGIBVS

qua quoniam usucapionem. XII. tabulae, inter quinque pedes esse uoluerunt : depasci ueterem possessionem academia ab hoc acuto homine non sinemus. nec Manilia lege singuli, sed ex his tres arbitri finis regemus. Q. quam nam igitur sententiam dicimus? M. requiri placere terminos, quos Socrates pegerit: usque parere. Q. Praeclare frater iam nunc a te uerba usurpantur civilis iuris et legum: quo de genere expecto disputationem tuam. nam ista quidem magna diiudicatio est: ut ex te ipso saepe cognoui. M. Sed certe res ita se habent, ut ex natura uiuere summum bonum sit: id est uita modica, et apta uirtute perfrui: aut naturam sequi: et eius quasi lege uiuere: id est nihil quantum in ipso sit praetermittere: quomodo ea, quae natura postulet, consequatur: quod inter haec uelit uirtute, tanquam lege uiuere. quapropter hoc diiudicari, nescio an unquam, sed hoc sermone certe non potest. si quidem id quod suscepimus perfecturi sumus. Atti. At ego huc declinabam non inuitus. Q. licebit aliis: nunc id agamus quod coepimus: cum praesertim ad id nihil pertineat, haec de summo malo, bonoque dissensio. M. Prudentissime Quinte dicis. nam quae a me adhuc dicta sunt, * Q. nec Licurgae leges, nec Solonis, neque Carondae, neque Seleuci, nec nostras. XII. tabulas, nec plebiscita desydere. sed te existimo, tum populis, tum etiam singulis, hodierno sermone legem uiuendi, et disciplinam daturum. M. Est huius uere disputationis Quinte proprium, id quod expectas: atque utinam esset etiam facultatis meae. sed profecto ita se res habet: ut quoniam uirtutum emendatricem legem esse oportet, commenda-

tricemq; uirtutum: ab ea uiuendi doctrina ducatur:
ita fit ut mater omnium bonarum artium sapien-
tia sit: à cuius amore græco uerbo philosophia no-
men inuenit: qua nihil à dijs immortalibus uberius,
nihil florentius, nihil præstabilius hominum uitæ da-
tum est. hæc enim una nos, cum cæteras res omnes, tum
quod est difficillimum, docuit, ut nos metipsos nosce-
remus: cuius præcepti tanta uis, tanta sententia est: ut
ea non homini cuipiam, sed delphico deo tribuere-
tur. nam qui se ipse norit: primum aliquid sentiet se
habere diuinum: ingeniumq; in se suum, sicut simu-
lacrum aliquod dedicatum putabit: tantoq; munere
deorum semper dignum aliquid & faciet: & sentiet:
& cum se ipse perspexerit: totumq; tentarit: intelli-
get quemadmodum à natura subornatus in uitam ue-
nerit: quantaq; instrumenta habeat ad obtinendam,
adipiscendamq; sapientiam: quoniam principio, re-
rum omnium quasi adumbratas intelligentias animo
ac mente conxperit: quibus illustratus sapientia duce
bonum uirum, & ob eam ipsam causam cernat se
beatum fore. nam cum animus cognitis perceptisq;
uirtutibus à corporis obsequio, indulgentiaq; discesse-
rit: uoluptatemq; sicut labem aliquam dedecoris op-
presserit: omnemq; mortis dolorisq; timorem effu-
gerit: societatemq; carnis eiecerit: tum suis, omnibusq;
natura coniunctos, suos duxerit: cultumq; deorum, &
puram religionem suscepit: & exacerit illam, ut
oculorum, sic ingenij aciem ad bona deligenda & rei-
cienda contraria: quæ uirtus ex prouidendo est ap-
pellata prudentia: quid eo dici, aut excogitari poterit
beatius? idemq; cum cælum, terras, maria, omniumq;

DE LEGIBVS

verum naturam perspexerit: eaq; unde generata, quo
 recurrant, quando, quomodo obitura, quid in iis mor-
 tale, & caducum, quid diuinum, æternumq; sit uide-
 rit: ipsumq; ea moderantem & regentem penè pre-
 henderit: se seq; non unis circumdatum moenibus po-
 pularem alicuius loci, sed ciuem totius mundi, quasi
 unius urbis agnouerit: in hac ille magnificentia re-
 rum, atq; in hoc conspectu & cognitione naturæ, di-
 immortales quam ipse se noscet: quod Apollo præ-
 cepit pythius: quàm contemnet, quàm despiciet, quàm
 pro nihilo putabit ea, quæ uulgo dicuntur amplissima.
 atq; hæc omnia, quasi sepimento aliquo uallabit, dis-
 ferendi ratione, ueri, & falsi, iudicio, scientia, &
 arte quadam intelligendi quid quanq; rem sequatur,
 & quid sit cuiq; contrarium. cumq; se ad ciuilem so-
 cietatem natum senserit, non solum illa subtili dispu-
 tatione sibi utendum putabit: sed etiam fusa latius
 perpetua oratione: qua regat populos: qua stabiliat
 leges: qua castiget improbos: qua tueatur bonos: qua
 laudet claros uiros: qua præcepta salutis, & laudis,
 apte ad persuadendum edat suis ciuibus: quahorta-
 ri ad decus, reuocare a flagitio, consolari possit af-
 flictos: factaq; & consulta fortium & sapientum cum
 improborum ignominia sempiternis monumentis pro-
 dere. Quæ cum tot res tantæq; sint, quæ inesse
 in homine pspiciantur ab his, qui se ipsi uelint nosce-
 re: earum parens est educatrixq; sapientia. Atti. lau-
 data quidem a te grauius & uere sed quorsus hæc
 pertinent? M. Primum ad ea Pomponi, de quibus
 acturi iam sumus: quæ tanta esse uolumus. non enim
 erunt: nisi ea fuerint, unde illa manant, amplissima.
deinde

deinde facio & libenter, & ut spero, recte: quædam
cuius studio teneor, quæque me quicumque sum efficit, non
possum silentio præterire. Atti. reuera facis, et meri-
to, et ipse: fuitque id ut dicis in hoc sermone faciendum.

M. TVLLII CICERONIS DE LE-
GIBVS LIBER SECVNDVS

ATTICVS.

Ed uisne quoniam & satis iam de-
ambulatum est: & tibi aliud dicendi
initium sumendum est: locum mute-
mus? & in insula, quæ est in fibreno:
nam opinor illi alteri flumini nomen
esse: sermoni reliquo demus operam sedentes? M.
Sane quidem. nam illo loco libentissime soleo uti: siue
quid mecum ipse cogito: siue aliquid scribo, aut lego.

Atti. Equidem, qui nunc primum huc uenerim, sa-
tiari non queo: magnificasque uillas, & pauimenta mar-
morea, & laqueata tecta contemno. ductus uero a-
quarum quos isti tubos & euripos uocant: quis non
cum hæc uideat irriserit? itaque, ut tu paulo ante de lege
& iure differens ad naturam referebas omnia: sic in
his ipsis rebus, quæ ad quietem animi, delectationemque
quærentur: natura dominatur. quare antea mirabar,
nihil enim his in locis nisi saxa, & montes cogitabam:
idque ut facerem, & orationibus inducebar tuis, &
uersibus: sed mirabar, ut dixi, te tam ualde hoc loco
delectari. nunc contra miror, te, cum Roma absis: us-
quam potius esse. M. Ego uero cum licet plures dies

DE LEGIBVS

abesse, praesertim hoc tempore anni, & amoenitatem,
 & salubritatem hanc sequor. raro autem licet. sed
 nimirum me alia quoque causa delectat: quae te non attin-
 git ita. Atti. Quae tandem ista causa est? M. Quia,
 si uerum dicimus, haec est mea, & huius fratris mei,
 germana patria. hic enim orti stirpe antiquissima su-
 mus: hic sacra: hic genus: hic maiorum multa uestigia.
 quid plura? hanc uides uillam, ut nunc quidem est,
 lautius aedificatam patris nostri studio: qui cum esset
 infirma ualitudine: hic fere aetatem egit in litteris. sed
 hoc ipso in loco cum auus uiueret: & antiquo more
 parua esset uilla: ut illa curiana in sabinis: me scito esse
 natum. quare id est nescio quid: & latet in animo ac
 sensu meo: quo me plus hic locus fortasse delectet: si-
 quidem etiam ille sapientissimus uir, Itacham ut ui-
 deret, immortalitatem scribitur repudiasse. Atti. Ego
 uero tibi istam iustam causam puto: cur huc libentius
 uenias: atque hunc locum diligas. quin ipse: uere dicam:
 sum ipsi uillae amior factus, atque huic omni solo: in
 quo tu ortus, & procreatus es. mouemur enim nescio
 quo pacto locis ipsis: in quibus eorum quos diligimus,
 aut admiramur: adsunt uestigia. me quidem ipsae illae
 nostrae Athenae non tam operibus magnificis, exquisi-
 tisque antiquorum artibus delectant: quam recordatione
 summorum uirorum: ubi quisque habitare, ubi sedere,
 ubi disputare sit solitus: studiosaeque eorum etiam sepul-
 chra contemplor. quare istum, ubi tu es natus, plus
 amabo posthac locum. M. Gaudeo igitur me incuna-
 bula pene mea tibi ostendisse. Atti. Et quidem me co-
 gnosse admodum gaudeo. sed illud tamen quale est?
 quod paulo ante dixisti? hunc locum, idem ego te ac-
 cipio

cipio dicere arpinum, germanam patriam esse uestram. nunquid uos duas habetis patrias? an est illa una patria communis? nisi forte sapienti illi Catoni fuit patria non Roma, sed Tusculum. M. Ego mehercule & illi, & omnibus municipibus duas esse censeo patrias: unam naturæ: alteram ciuitatis. ut ille Cato, cū esset Tusculi natus, in populi ro. ciuitatem susceptus est. itaq; cum ortu tusculanus esset: ciuitate romanus: habuit alteram loci patriam: alteram iuris. ut uestri Attici, priusquam Theseus eosdem migrare ex agris, & in astu, quod appellatur, omnis se conferre iussit: & symphradas ex atticis: sic nos & eam patriam dicimus ubi nati: & illam qua excepti sumus. sed necesse est charitate eam præstare. qua reip. nomen uniuersæ ciuitatis est: pro qua mori, & cui nos totos dedere, & in qua nostra omnia ponere, & quasi consecrare debemus. dulcis autem non multo secus est ea, quæ genuit: quàm illa, quæ excepit. itaq; ego esse hanc meam patriam prorsus nunquam nego: dum illa sit maior: & hæc in ea contineatur.

Atti. Recte igitur magnus ille noster me audiēte posuit in iudicio: cum pro Ambio tecum simul diceret: Remp. nostram iustissimas huic municipio gratias agere posse: quod ex eo, duo sui conseruatores extitissent: ut iam uideam, adduci hanc quoq; , quæ te procreauit, esse patriam tuam. Sed uentum in insulam est. hac uero nihil est amoenius. ut enim hoc quasi rostro finditur Fibrenus: & diuisus æqualiter in duas partes latera hæc alluit: rapideq; dilapsus cito in unum confuit: & tantum complectitur quod satis sit modicæ palestræ loci. quo effecto, tanquam id habuerit ope-

DE LEGIBVS

ris, ac muneris: ut hanc nobis efficeret sedem ad disputandum: statim præcipitat in Lirem: & quasi in familiam patritiam uenerit, amittit nomen obscurius: Liremque multo gelidiorē facit. nec enim ullum hoc frigidius flumen attigit: cum ad multa accesserim: ut uix pede tentare id possim: quod in phædro Platonis facit Socrates. M. Est uero ita. sed tamen huic amœnitati, quam ex Quinto sæpe audio, thebanus Epirotes tuus ille nihil opinor concesserit. Q. Est ita ut dicis. caue enim putes attici nostri emathio, platanisque illis, quicquam esse præclarius. sed si uidetur constamus hic in umbra: atque ad eam partem sermonis, ex qua egressi sumus, reuertamur. M. Præclare exigis Quinte. at ego effugisse arbitrabar: & tibi nihil eorum deberi potest. Q. ordire igitur nam hunc tibi totum dicamus diem, maiore musarum primordio, sicut in arati carmine orsi sumus. M. Quorsum istuc? Q. Quia nunc itidem ab eodem, & cæteris dijs immortalibus sunt nobis agendi capiendæ primordia. M. Optime uero frater: & fieri sic decet. Videamus igitur rursus, priusquam aggrediamur ad leges singulas: uim naturamque legis. ne cum referenda sint ad eam nobis omnia: labamur interdum errore sermonis: ignoremusque uim sermonis eius, quo iura nobis diffinienda sint. Q. Sane quidem hercule est ista recta docendi uia. M. Hanc igitur uideo sapientissimorum fuisse sententiam: legem neque hominum ingenijs excogitatam: neque scitum aliquod esse populorum: sed æternum quiddam: quod uniuersum mundum regeret imperandi, prohibendique sapientia: ita principem legem illam, & ultimam, mentem esse dicebant

dicebant omnia ratione aut cogentis, aut uetantis dei. ex qua illa lex, quam dii humano generi dederunt, recte est laudata. est enim ratio, mensq; sapientis, ad iubendum, & ad deterrendum idonea. Q. Aliquoties iam iste locus à te tactus est. sed antequam ad populares leges uenias: uim istius cælestis legis explana, si placet: ne æstus nos consuetudinis absorbeat: & ad sermonis morem usitati trahat. M. A' paruis enim Quinte didicimus: si in ius uocat, atque eiusmodi leges alias nominare. sed uero intelligi sic oportet: & hæc, & alia iussa, ac uetita populorum, uim habere ad recte facta uocandi: & à peccatis auocandi: quæ uis non modo senior est quàm ætas populorum, & ciuitatum: sed æqualis illius cælum, atq; terras tuentis, & regentis dei. neq; enim esse mens diuina sine ratione potest: nec ratio diuina non hanc uim in rectis prauisq; sanciendis habere. nec quia nusquam erat scriptum, ut contra omnes hostium copias in ponte unus assisteret: à tergoq; pontem interscindi iuberet: ideo minus Coclitem illum rem gessisse tantam, fortitudinis lege, atq; imperio putabimus: nec si regnante Tarquinio nulla erat Romæ scripta lex de stupris: ideo non contra illam legem sempiternam Sextus Tarquinius uim Lucretiæ Tricipitini filiæ attulit. erat. n. ratio profecta à rerum natura, & ad recte faciendum impellens, & à delicto auocans. quæ non tum deniq; incipit lex esse, cum scripta est: sed tum, cum orta est. orta autem simul est cum mente diuina. quamobrem lex uera, atq; princeps, apta ad iubendum, & ad uetandum, ratio est recta summi Iouis. Q.

DE LEGIBVS

Assentior frater, ut quod est rectum, uerum quoque sit: neque cum literis, quibus scita scribuntur, auctoriat, aut occidat. M. Ergo ut illa diuina mens summa lex est: item cum in homine est perfecta: est in mente sapientis. quæ sunt autem uariæ, et ad tempus scriptæ, populi fauore magis, quam re, legum nomen tenent. omnem enim legem quæ quidem recte lex appellari possit, esse laudabilem quibusdam talibus argumentis docent. Constat profecto ad salutem ciuium, ciuitatumque incolumitatem, uitamque omnium quietam, et beatam, conditas esse leges. eosque qui primum eiusmodi scita sanxerunt, populis ostendisse, ea se scripturos, atque laturos: quibus illi ascriptis, susceptisque, honeste beateque uiuerent. quæque ita composita, sanctaque essent, eas leges uidelicet nominarunt. Ex quo intelligi par est: eos qui perniciose, et iniuste populis iussa descripserint: cum contra fecerint, quod polliciti, professique sint: quiduis potius tulisse, quam leges: ut perspicuum esse possit in ipso nomine legis interpretando, inesse uim, et sententiam iusti, et iuris colendi. quæro igitur Quinte a te, sicut illi solent: quo si ciuitas careat, ob eam ipsam causam, quod eo careat, pro nihilo habenda sit: id est ne numerandum in bonis? Q. Ac maximis quidem. M. Legi autem carere ciuitas an ne ob ipsum habenda nullo loco? Q. dici aliter non potest. M. Necesse est igitur legem haberi in rebus optimis. Q. Prorsus assentior. M. Quid quod multa perniciose, multa pestifere sciuntur in populis? quæ non magis legis nomen attingunt, quam si latores aliquas concessu suo sanxerint. nam neque medicorum præcepta dici uere possent: si quæ inscium imperiti pro salutaribus mortifera

mortifera conscripserint: neq; in populo lex, cui quid mali fuerit, ulla: etiam si perniciosum aliquid populus acceperit. ergo est lex iustorum, iniustorumq; distinctio, ad illam antiquissimam, & rerum omnium principem expressam naturam: ad quam leges hominum diriguntur: quæ supplicio improbos afficiunt: & defendunt, & tuentur bonos. Q. Præclare intelligo. nec uero iam aliam esse ullam legem puto non modo habendam: sed ne appellandam quidem. M. Igitur tu seias & Apuleias leges nullas putas? Q. Ego uero ne Lenias quidem. M. Et recte. quæ præsertim uno uersiculo senatus puncto temporis sublatae sint. lex autem illa, cuius uim explicauimus, neq; tolli, neq; abrogari potest. Q. Eas tu igitur leges rogabis uidelicet, quæ nunquam abrogentur. M. Certe, si modo acceptæ à uobis duobus erunt. sed ut uir doctissimus fecit Plato, atq; idem grauissimus, omniumq; princeps de rep. cum scripsit: idemq; separatim de legibus eius: id mihi credo esse faciendum: ut priusquam ipsam legem recitem: de eius legis laude dicam. quod idem & Zaleucum, & Charondam fecisse uideo: cum quidem illi non studij, & delectationis, sed reip. causa leges ciuitatibus suis scripserunt. quos imitatus Plato, uidelicet hoc quoq; legis putauit esse, persuadere aliquid: non omnia uel ac minis cogere. Q. quid quod Zaleucum istum negat ullum fuisse Timæus? M. At Theophrastus author, haud deterior mea quidem sententia: meliorem multi nominant: commemorant uero ipsius ciues, nostri clientes, locri. sed siue fuit: siue non fuit: nihil ad rem. loquimur quod traditum est. Sit igitur hoc iam à principio persuasum ciuib; dominos esse omniū

DE LEGIBVS

rerum, ac moderatores deos: eaq; quæ gerantur, eorum geri iudicio, ac numine: eosdemq; optime de genere hominum mereri: Et qualis quisq; sit, quid agat, quid in se admittat, qua mente, qua pietate religiones colat, intueri: piorumq; Et impiorum habere rationem. his enim rebus imbutæ mentes, haud sanè abhorrebunt ab utili, Et à vera sententia. quid est enim uerius? q̃ neminem esse oportere tam stulte arrogan-tem: ut in se mentem Et rationem putet inesse? in caelo mundoq; non putet? aut ea quæ uix summa ingenij ratione comprehendat: nulla ratione moueri putet? quem uero astrorum ordines, quem dierum, noctiumq; uicissitudines, quem mensium temperatio, quemq; ea quæ gignuntur nobis ad fruendum, non gratum esse cogant: hunc hominem omnino numerare qui decet? cumq; omnia, quæ rationem habent, præstent his, quæ sint rationis expertia: nefasq; sit dicere ullam rem præstare naturæ omnium rerum: rationem inesse in ea confitendum est. Vtiles esse autem opiniones has quis neget? cum intelligat quam multa firmentur iureiurando: quantæ salutis sint fœdera religionis: q̃ multos diuinij supplicij metus à scelere reuocarit: quamq; sancta sit societas ciuium, inter ipsos dijs immortalibus interpositis tum iudicibus, tum testibus. habes legis proœmium. sic enim hoc appellat Plato.

Q. Habeo uero frater: Et in hoc admodum delector: q̃ in alijs rebus, alijsq; sententijs uersaris, atq; ille. nihil enim tam dissimile est: q̃ uel ea quæ ante dixisti: uel hoc ipsum legis exordium. unum illud mihi uideris imitari orationis genus. M. Vellem fortasse. quis enim id potest, aut unquam poterit imitari? nam

sententias

sententias interpretari persfacile est. quod quidem ego facerem: nisi plane esse uellem meus. quid enim negocij est, eadem, prope uerbis iisdem conuersa dicere?

Q. Prorsus assentior. uerum, ut modo tu te dixisti, te esse malo tuum. sed iam exprome, si placet, istas leges de religione. M. Expromam equidem ut potero. Et quoniam Et locus, Et sermo familiaris est: legum uocem proponam. Q. Quidnam id est? M. sunt certa legum uerba Quinte, neq; ita prisca, ut in ueteribus his, sacratisq; legibus: Et tamen, quo plus authoritatis habeant, paulo antiquiora, quam hic sermo est. eum morem igitur, cum breuitate, si potero, consequar. leges autem à me edentur non perfectæ. nam esset infinitum. sed ipsæ summæ rerum, ac sententiæ.

Q. Itauero necesse est: quare audiamus uerba legis.

M. Ad diuos adeunto caste: pietatem adhibento: opes amouento. qui secus faxit, deus ipse uindex erit. Separatim nemo habessit deos: ne uenios, sed ne aduenas, nisi publice adscitos, priuatim colunto. constructa à patribus delubra habento. lucos in agris habento: Et larum sedes. ritus familiæ, patrumq; seruant. Diuos, Et eos, qui caelestes semper habit, colunto: Et ollos, quos in cælum merita uocauerine: Herculem Liberum, Aesculapium, Castorem, Pollucem, Quirinum. ast olla propter quæ datur homini ascensus in cælum: mentem: uirtutem, pietatem, fidem: earumq; laudum delubra sunt. nec ulla uitiorum sacra solemnia obeunto. feriis iurgia amouento: easq; in famulis operibus patratis habento. Itaq; ut ita cadat in annuis anfractibus, descriptum esto. certasq; fruges, certasq; bacas, sacerdotes publice libanto.

DE LEGIBVS

» hoc certis sacrificijs ac diebus. Itemq; alios addes. uber=
 » tatem lactis, foetusq; seruant. idq; ne committi possit:
 » ad eam rationem cursus annuos sacerdotes finiunt.
 » quæq; cuiq; diuo decoræ gratæq; sint hostiæ providen=
 » to: diuisq; alijs alij sacerdotes, omnibus pontifices, sin=
 » gulis flamines sunt. uirgines uestales in urbe custo=
 » diunt ignem foci publici sempiternum. quoq; & pri=
 » uatim, & publice modo, rituq; fiat, discunt ignari a
 » publicis sacerdotibus. eorum autem genera sunt duo:
 » unum quod præsit cerimonijs, & sacris: alterum quod
 » interpretetur fatidicorum & uatum effata incognita:
 » cum senatus populusq; ascuerit. interpretes autem io=
 » uis optimi maximi publici augures signis, & auspicijs
 » postea uident: disciplinam tenent. sacerdotes uincti,
 » uirgetaq; & salutem populi augurant. quiq; agere
 » rem duelli, quiq; popolare auspiciū, præmonent:
 » olliq; obtemperant: diuorumq; iras provident: ollisq;
 » parent: cæliq; fulgura regionibus ratis temperan=
 » to: urbemq;, & agros, & templa liberata, & ef=
 » fa habent. quæq; augur iniusta, nefasta, uitiosa, di=
 » ra defixerit, irrita, infectaq; sunt. quiq; non parue=
 » rit, capitale esto. foederum, pacis, belli, indutiarum, ora=
 » tores feciales iudices ne sunt. bella, disceptatio, prodi=
 » gia, portenta, ad ethriscos & aruspices si senatus iusse=
 » rit, deferunt. Ethruriaeq; principes disciplinā docent.
 » quibus diuis, creuerint procurant. Iidemq; fulgura
 » atq; obstita piant. nocturna mulierum sacrificia ne
 » sunt: præter olla, quæ pro populo rite fient. ne ue ini=
 » tiant, nisi ut assolet, cereri græco sacro. sacrum com=
 » missum quod neq; expiari poterit impie commissum
 » est. quod expiari poterit, publici sacerdotes expiant.

Ludis publicis, quod sine curriculo & sine certatione corporum fiat, popularem letitiam in cantu, & fidi-
bus, & tibijs moderant: eamq; cum diuum honore iungunt. Ex patrijs ritibus optima colunt. præter
ideæ matris famulos, eosq; iustis diebus, nequis stipem cogito. Sacrum sacro uel commendatum qui clepserit, rapseritq; patricida esto. periurij pœna diuina, exitium: humana dedecus. incestum pontifices supremo supplicio sanciunt. impius ne audeto placare donis iram deorum. sancte uota reddunt. pœna violati iuris esto. quo circa nequis agrum consecrato auri, argenti, eboris, sacrandi modus esto. sacra priuata ppetua manent. deorum manium iura sancta sunt. Hos leto dato diuos habent. sumptum in ollos luctumq; minuunt.

Atti. Conclusa est quidem a te tam magna lex, sane q̄ breuis: & ut mihi quidem uidetur non multum discrepat ista constitutio religionum a legibus Numæ nostrisq; moribus. M. An censes, cum in illis de rep. libris, persuadere uideatur Africanus omnium rerum publicarum nostram ueterem illam fuisse optimam: non necesse esse optimæ reip. leges dare consentaneas? Atti. Immo prorsus ita ceseo. M. Ergo ad ea expectate leges, quæ genus illud optimum reip. contineant. & si quæ forte a me hodie rogabuntur: quæ non sint in nostra re publica, nec fuerint: tamen erant fere in more maiorum qui tum ut lex ualebit. Atti. Suade igitur si placet istam ipsam legem: ut ego, ut & tu rogas, possim edicere. M. an tandem Attice non es edicturus aliter? Atti. prorsus maiorem quidem rem nullam sciam aliter in minoribus, si uoles, remittam hoc tibi. M. Atq; mea quidem sententia est.

DE LEGIBVS

at ne longum fiat uidete. Atti. Vtinam qdem: quid enim agere malumus? M. Caste iubet lex adire ad deos: animo uidelicet, in quo sunt omnia. nec tollit castimoniam corporis. sed hoc oportet intelligi: cum multum animus corpori praestet: obserueturq; ut casto corpore adeatur: multo esse in animis id seruadū magis. nā illud uel aspersione aquae, uel dierum numero tollitur: animi labes nec diuturnitate uanescere: nec manibus ullis elui potest. Quod autem pietatem adhiberi, opes amoueri iubet: significat probitatem gratam esse deo: sumptum esse remouendum. Quid est enim, cum paupertatem diuitijs, etiam inter homines esse æqualem uelimus: cur eam sumptu ad sacra adhibito deorum aditu arceamus? praesertim cum ipsi deo nihil minus gratum futurum sit: q̄ non omnibus patere ad se placandum, & colendum uiam. Quod autem non iudex, sed deus ipse, uindex constituitur: praesentis poenae metu religio confirmari uidetur. Suosq; deos, aut nouos, aut alienigenas coli confusionem habet religionum: et ignotas cerimonias esse sacerdotibus. nam a patribus acceptos deos ita placet coli: si huic legi paruerunt ipsi. Patrum delubra esse in urbibus censeo: nec sequor magos persarum: quibus authoribus Xerxes inflammasse templa graeciae dicitur: quod parietibus includerent deos: quibus omnia deberent esse patentia, ac libera: quorumq; hic mundus omnis templum esset, & domus. melius graeci, atq; nostri: qui ut augerent pietatem in deos: easdem illos, quas nos, urbes includere uoluerunt. affert enim haec opinio religionem utilem ciuitatibus. siquidem & illud benedictum est a Pythagora doctissimo uiro: tum maxime & pietatem

Et religionem uersari in animis: cum rebus diuinis operam daremus: Et quod Thales: qui sapientissimus inter septem fuit: homines existimare oportere deos omnia cernere: deorum omnia esse plena. fore enim omnes castiores: ueluti quo infans esset maxime religiosus. est enim quadam opinione species deorum in oculis, non solum in mentibus. Eandemque rationem luci habent in agris. neque ea, quae à maioribus prodita est cum dominis, tum famulis, posita in fundi, uillaeque conspectu religio patrum repudianda est. Iam ritus familiae patrumque seruari, id est, quoniam antiquitas proxime accedit ad deos: à dijs quasi traditam religionem tueri. Quod autem ex hominum genere consecratos, sicut herculem, Et ceteros coli lex iubet: indicat omnium quidem animos immortales esse: sed fortium, bonorumque diuinos. Bene uero: quod mens, pietas, uirtus, fides, consecratur manu: quarum omnium Romae dedicata publice templa sunt: ut illae qui habeant (habent autem omnes boni) deos ipsos in animis suis collocatos putent. nam illud uitiosum Athenis: quod Cylonio scelere expiato, Epimenide crete suadente fecerunt contumeliae fanum, Et impudentiae. uirtutes enim, non uitia consecrare decet. araque uetus stat in palatio febris: Et altera ex quilibet malae fortunae, detestataeque: quae omnia eiusmodi repudianda sunt. Quod si fingenda nomina uice poetae, Et potius uincendi, atque potiundi, statassandique cognomina, statoris, Et inuicti Iouis, rerumque expetendarum nomina, salutis, honoris, opis, uictoriae: quoniam quidem expectatione rerum bonarum erigitur animus. Recte etiam à Colatino spes consecrata est: fortunaque, sit

DE LEGIBVS

* uel huius diei: nam ualet in omnes dies uel respiciens ad opem ferendam: uel forum in quo incerti casus significantur magis: uel primigeniam a' gignendo: cum est * feriarum festorumq; dierum ratio in liberis quietem habet litium, & iurgiorum: in seruis operum, & laborum quas compositio anni conferre debet & perfectionem operum rusticorum. Quod tempus, ut sacrificiorum libamenta seruentur, foetusq; pecorum, quæ dicta in lege sunt: diligenter habenda ratio intercalandi est. quod institutum perire a' Numma, posteriorum pontificum negligentia dissolutum est. Iam illud ex institutis pontificum & aruspicum non mutandum est: quibus hostijs immolandum cuiq; deo: cui maioribus, cui lactentibus, cui maribus, cui foeminis. Plures autem deorum omnium, singuli singulorum sacerdotes, et respondendi iuris & confitendarum religionum facultatem afferunt. cumq; Vesta quasi focus urbis, ut græco nomine est appellata: quod nos prope' idem græcum interpretatum nomen tenemus: conspecta sit: ei colendæ uirgines præsint: ut aduigiletur facilius ad custodiam ignis: et sentiant mulieres in natura feminarum omnium deum castitatem pati. Quod sequitur uero non solum ad religionem pertinet: sed etiam ad ciuitatis statum: ut sine his qui sacris publice præsunt religioni priuatæ satisfacere non possint. continet enim reip. consilio & authoritate optimum semper populum indigere. descriptioq; sacerdotum nullum iustæ religionis genus prætermittit. nam sunt ad placandos deos alij constituti: qui sacris præfint solemnibus: ad interpretanda alij prædicta uatum: neq; multorum, ne esset infinitum: neq; ut ea ip=

sa, quæ suscepta publice essent, quisquam extra collegi-
um nosset. Maximum autem et præstantissimum in
re publica ius est augurum: cum est authoritati con-
iunctum. neque uero hoc quia sum ipse augur ita sen-
tio: sed quia sic existimari nos est necesse. quid enim
maius est? si de iure querimus: quàm posse à sum-
mis imperijs, & summis potestatibus comitia tollere?
concilia uel instituta dimittere? uel habita rescindere?
quid grauius? quàm rem susceptam dirimi: si uis
augur aliter dixerit? qd magnificentius? quàm pos-
se decernere ut magistratu se abdicent consules? quid
religiosius? quàm cum populo, cum plebe agendi ius,
aut dare, aut non dare? quid? legem, si non iure ro-
gata est, tollere? ut etiam decreto collegij, ut Lenias con-
silio Philippi, consules, & augures. nihil domi, nihil
foris per magistratus gestum, sine eorum authoritate
posse cuiquam probari? Atti. Age iam ista uideo: fa-
teorq; omnia esse magna. sed est in collegio uestro in-
ter Marcellum, & Appium optimos augures, magna
dissensio. nam eorum ego in libros incidi: cum alteri
placeat auspicia ista ad utilitatem esse reip. cõposita: al-
teri disciplina uestra quasi diuinari uideatur prorsus
posse. hac tu de re quero quid sentias? M. Ego ne?
diuinationẽ quam græci μαρτυριὴν appellant, esse cen-
seo: & huius hanc ipsam partem, quæ est in auibus
cæterisq; signis disciplinæ nostræ. quod cum summos
deos esse concedamus: eorumq; mente mundum regi et
eorundem benignitatem hominum consulere generi: et
posse nobis signa rerum futurarum ostendere: non ui-
deo cur diuinationem esse negem. sunt autem ea quæ
posui, ex quibus id, quod uolumus efficiatur, & cogitur.

DE LEGIBVS

Iam uero permultorum exemplorum & nostra plena est respublica, & omnia regna, omnesq; populi, cunctaeq; gentes, augurū praeclis multa incredibiliter uera cecidisse: neq; enim Polide, neq; Melampodis, neque Mopsi, neq; amphiarai, neq; Calchantis, neq; Heleni, tantum nomen fuisset: neq; tot nationes id ad hoc tempus retinuisent Arabum, Phrygum, Lycorum, Cilicum, maximeq; Pysidarum: nisi uetustas ea certa esse docuisset. nec uero Romulus noster auspiciato urbem condidisset: neq; Accij Nauij nomen memoria floreret tam diu: nisi hi omnes multa ad ueritatem, admirabilia dixissent. sed dubium non est, quin haec disciplina & ars augurum euanuerit iam, & uetustate, & negligentia: itaq; neq; illi assentior: qui hanc scientiam negat unquam in nostro collegio fuisse: neq; illi: qui esse etiam nunc putat. Quae mihi uidetur apud maiores fuisse dupliciter: ut ad reipublicae tempus nonnunq; ad agendi consilium sepiissime pertineret. Atti. Credo hercle ita esse: isti q; rationi potissimum assentior. sed redde caetera. M. Reddā uero, & si potero, breui. Sequitur enim de iure belli: in quo & suspiciendo, & gerendo, & deponendo, ius ut plurimum ualet, & fides. horumq; ut publici interpretes essent, lege sancimus. Iam de aruspicum religione, de expiationibus, & procurationibus, satis, superq; in ipsa lege dictū puto. Atti. Assentior: quoniam omnis haec in religione uersatur oratio. M. At uero quod sequitur quomodo aut tu assentiare: aut ego reprehendam sane quaero Tite. Atti. quid tandem id est? M. de nocturnis sacrificijs mulierum. Atti. Ego uero assentior: excepto praesertim in ipsa lege

lege solemnī sacrificio ac publico. M. Quid ergo ager
Iachus, Eumolpidaēq; nostri, & augusta illa myste-
ria? siquidem sacra nocturna tollimus? non enim po-
pulo romano, sed omnibus bonis firmusq; populis leges
damus. Atti. Excipis credō illa: quibus ipsi initiati su-
mus. M. Ego uero excipiam. nam mihi cum multa
eximia diuināq; uidentur Athenae tuae peperisse: atq;
in uita hominū attulisse: tum nihil melius illis mysterijs,
quibus ex agresti immaniq; uita exculti ad humani-
tatem, & mitigati sumus: initiaq; ut appellantur: ita
re uera principia uitae cognouimus: neq; solum cum
laetitia uiuendi rationem accepimus: sed etiam cum
spe meliore moriendi. quid autem mihi displiceat, in-
nocentes poëtae indicant Comici. qua licentia Romae
data, quid nam egresset ille? qui in sacrificium cogita-
tam libidinem intulit: quo ne impudentiam quidem
oculorū adijci fas fuit? Atti. Tu uero istam Romae
legem rogato: nobis nostras ne ademeris. M. Ad no-
stra igitur reuertor: quibus profecto diligentissime san-
ciendum est: ut mulierum famam multorum oculis lux
clara custodiat: initienturq; eo ritu cereri, quo Romae
initiantur. Quo in genere seueritatem maiorum, Sena-
tus uetus authoritas de bacchanalibus, & consulum
exercitu adhibito quæstio, animaduersioq; declarat.
Atq; omnia nocturna, ne nos duriores forte uidea-
mur: in media græcia Dyagondas Thebanus lege per-
petua sustulit. nouos uero deos, & in his colendis no-
cturnas peruigilationes, sic Aristophanes facetissimus
poëta ueteris comœdiæ uexat: ut apud eum Sabeius,
& quidam alij dii, peregrini iudicati, e ciuitate eijcian-
tur. Publicus autem sacerdos imprudentiam consilio

DE LEGIBVS

expiatam metu liberet: audaciam in admittendis religionibus foedis damnet: atque impiam iudicet. Iam ludi publici, cum sine cauea, circumque diuisi, sine corporum certationes, cursu, et pugillatione, luctatione, curriculisque equorum, usque ad certam uictoriam circum constitutis: cauea, cantu, uoce, ac fidibus, et tibijs: dum modo ea moderata sint: ut lege praescribitur. assentior enim Platoni: nihil tam facile in animos teneros, atque molles influere, quam uarios canendi sonos. quorum dici uix potest quanta sit uis in utranque partem. namque et incitat languentes: et languescit excitatos: et tum remittit animos: tum contrahit. ciuitatumque hoc multarum in graecia interfuit, antiquum uocum seruare modum: quarum mores lapsi ad molliciem pariter sunt immutati cum cantibus: aut hac dulcedine corrupte: laque depraui ut quidam putant: aut, cum seueritas eorum ob alia uitia cecidisset: tum fuit in auribus animisque mutatis, etiam huic mutationi locus. quamobrem ille quidem sapientissimus graeciae uir, longeque doctissimus ualde hanc labem ueretur. negat enim mutari posse musicas leges, sine mutatione legum publicarum. ego nec tam ualde id timendum, nec plane contemnendum puto. Illa quidem, quae solebant quondam complecti, seueritate iocunda Liuianis, et Neuianis modis: nunc ut eadem exultent: ceruices oculosque pariter cum modorum flexionibus torqueant. grauius olim ista uindicabat uetus illa graecia, longe prouidens, quam sensim perniciēs illapsa ciuium animos malis studiis, malisque doctrinis repente totas ciuitates euerteret. siquidem illa seuera Lacedaemon neruos iussit, quod plures quam septem haberet, in Timothei fidibus inde dēmi.

dem. deinceps in lege est: ut de ritibus patrijs, colantur optimi: de quo cum consulerent Athenienses Apollinem Pythium, quas potissimum religionis tenerent: oraculum editum est: eas quæ essent in more maiorum. quo cum iterum uenissent: maiorumq; morem dixissent sepe esse mutatum: quæsiuissentq; quem morem potissimum sequerentur e' uarijs: respondit optimum. Et profecto ita est: ut id habendum sit antiquissimum, Et deo proximum: quod sit optimum.

Stipem sustulimus: nisi eam quam apud paucos dies propriam ideæ matris excepimus. Implet enim superstitione animos: Et exhaurit domos. Sacrilego poena est: neq; ei soli, qui sacrum abstulerit: sed etiam ei, qui sacro commendatum. quod Et nunc multis fit infanis. Alexander in cilia deposuisse apud solem in delubro pecuniam dicitur: Et Atheniensis Clisthenes Iunoni Samiæ ciuis egregius cum rebus timeret suis, filiarû dotes credidit. Sed iam de periuris, de incestis nihil sane hoc quidem loco disputandum est. Donis impij, ne placare audeant deos, Platonem audiant: qui uetat dubitare quæ sit mente futurus deus: cum uir nemo bonus ab improbo se donari uelit. Diligentia uotorum satis in lege dicta est: ac uoti sponsio qua obligamur deo. Poena uero uiolatæ religionis iustam reusationem non habet. quid ego hic sceleratorum utar exemplis? quorum sunt plenæ tragædiæ. quæ ante oculos sunt, ea potius attingantur. Et si hæc commemoratio uereor ne supra hominis fortunam esse uideatur: tamen quoniam mihi sermo est apud deos, nihil reticebo: uelimq; hoc quod loquar dijs immortalibus gratum potius uideri, q̃ graue. Omnia autem tum

DE LEGIBVS

perditorum ciuium scelere discessu meo religionum iura
 polluta sunt: uexati nostri lares familiares: in eorum
 sedibus exaëdificatum templum licentiæ: pulsus a de-
 lubris is, qui illa seruauit. circumspectis hæc celeriter
 animus: nihil enim attinet quenquam nominari: qui
 sint rerum exitus consecuti. nos, qui illam custodem
 urbis omnibus ereptis nostris rebus, ac perditis, uiolari
 ab impijs passi non sumus: eamq; ex nostra do-
 mo in ipsius patris domum detulimus: iudicia senatus,
 Italiae, gentium deniq; omniū, conseruatae patriæ con-
 secuti sumus. quo quid accidere potuit homini præcla-
 * rius? quo scelere religiones prostratae, afflictæq; sunt:
 partim ex illis distractæ ac dissipatae iacent. qui uero
 ex his & omnium scelerum principes fuerunt: &
 præter cæteros in omni religione impij: non solum ui-
 ta cruciati, atq; dedecore, uerum etiam sepultura, ac
 iustis exequijs caruerunt. Quidam Equidem ista agnosco
 frater: et meritis dijs gratias ago. sed nimis sæpe secus
 aliquos uidemus euadere. M. non enim Quinte re-
 cte existimamus, quæ poena diuina sit: & opinionibus
 uulgi rapimur in errorem: nec uera cernimus. morte,
 aut dolore corporis, aut luctu, aut offensione iudicij,
 hominum miseria ponderamus: quæ fateor humana
 esse: & multis bonis uiris accidisse. sceleris est poena tri-
 stis: & præter eos euentus, qui sequuntur, per se ipsa
 maxima est. uidimus eos, qui nisi odissent patriam,
 nunquam inimici nobis fuissent, ardentes tum cupidi-
 tate tum metu, tum conscientia, quid agerent modo ti-
 mentes, uicissim contemnentes religiones: iudicia perru-
 pta, ab iisdem corrupta hominum, non deorum. repri-
 mam iam, & non sequar longius: eoq; minus, quo
 plus

plus poenarum habui, quàm petiui: tantum poenam merui, duplicem poenam esse diuinā: quod constaret et uexandis uiuorum animis: & ea fama mortuorum: ut eorum exitum & iudicio uiuorum, & gaudio comprobetur. Agri autem ne consecrentur Platoni prorsus assentior (qui si modo interpretari potuero) his ferè uerbis utitur. Terra igitur, ut focus, domicilium sacrum omnium deorum est. quo circa nequis iterū idem consecrato. aurum autem, & argentum, in urbibus & priuatim, & in fanis inuidiosa res est. tum ebur ex inani corpore extractum, haud satis castum donum deo. iam aes, atq; ferrum duelli instrumenta non fani: ligneum autem quodq; uoluerit uno è ligno cauato: itemq; lapideum. in delubris communibus testile: nec operosius, quàm mulieris opus menstruum. color autem albus præcipue decorus deo est, tum in cæteris, tum maxime in textili. tincta uero absint: nisi à bellicis insignibus. diuinissima autem dona habent, & formæ ab uno pictore, uno absolutæ die. itemq; cætera huius exēpli dona sunt. hæc illi placent. sed ego cætera non tam restrictè præfinio, uel hominum uitijs, uel subsidijs temporum uictus. terræ cultum segnorem suspicor fore: si ad eā tuendam ferroq; subiiciendam superstitionis aliquid accesserit. Atti. Habeo ista. nunc de sacris perpetuis, & de manium iure restat. M. O' miram memoriam Pomponi tuam. at mihi ista exciderant. Atti. Ita credo: sed tamen hoc magis eas res & memini, & expecto: quod & ad pontificium ius, & ad ciuile pertinent. M. Vera & apertissima sunt istis de rebus & responsa & scripta multa: & ego in

DE LEGIBVS

hoc omni sermone nostro quod ad cunq; legis genus
 me disputatio nostra deduxerit: tractabo quoad po-
 tero eius ipsius generis ius civile nostrum: sed ita, lo-
 cus ipse ut notus sit, ex quo ducatur quæq; res, &
 ars iuris: ut non difficile sit, quæcunq; noua causa
 consultatio ue acciderit: eius tenere ius: cum scias a
 quo sit capite repetendum. Sed iureconsultus siue erro-
 ris obijcendi causa: quo plura & difficiliora scire ui-
 deatur: siue quod similis ueri est, ignoratione docen-
 di: nam non solum scire aliquid, artis est: sed quædã
 ars etiam docendi: sepe quod positum est in una co-
 gnitione: id in infinita dispartiuuntur: uelut in hoc
 ipso genere, quam magnum illud scaeuolæ faciunt,
 pontifices ambo, & iudem iuris peritissimi. At inquit
 Publij filius ex patre audiui, pontificem neminem
 bonum esse, nisi qui ius civile cognosset. totumne? quid
 ita? quid enim ad pontificem de iure parietum? aut
 aquarum? aut ullo omnino? si ergo, quod cum reli-
 gione coniunctum est: id autem quantulum est? de sa-
 cris credo, de uotis, de ferijs, de sepulchris, & si qd
 eiusmodi est. Cur igitur hæc tanta facimus? cum cæte-
 ra perparua sint? De sacris autem, qui locus patet
 latius: hæc sit una sententia: ut conseruentur semper:
 & deinceps familijs prodantur: & ut in lege po-
 sui, perpetua sint sacra. hæc posita, hæc iura pontifi-
 cum, authoritate consecuta sunt: ut ne morte patris-
 familias sacrorum memoria occideret: ijs esset ea ad-
 iuncta: ad quos eiusdem morte pecunia uenerit. hoc
 uno posito, quod est ad cognitionem discipline satis:
 innumerabilia nascuntur: quibus implentur iuriscon-
 sultorum libri. quærentur enim, qui astringantur sa-
 cris

eris hæredum causa iustissima est. nulla est enim persona, quæ ad vicem eius, qui e' uita emigrauerit, propius accedat. deinde qui morte, testamento ue eius tantundem capiat, quantum omnes hæredes. id quoque ordine. est enim ad id quod propositum est, accommodatum. tertio loco, si nemo sit hæres: is qui de bonis, quæ eius fuerint cum moriturus, acceperit plurimum possidendo. quarto, si nemo sit, qui ullam rem ceperit: de creditoribus eius, qui plurimum seruet. extrema illa persona est, ut is, qui ei, qui mortuus sit pecuniam debuerit: neminiq; eam soluerit: perinde habeatur, quasi eam pecuniam ceperit. Hæc nos à Scæuola didicimus: non ita descripta sunt ab antiquis. nam illi quidem his uerbis docebant: tribus modis sacris astringi hæreditatem: aut si maiorem partem pecuniæ capiat: aut si maior pars pecuniæ legata est: aut si inde quippiam ceperit. sed pontificem sequamur. uidetis igitur omnia pendere ex uno illo quod pontificum pecuniam sacro coniungi uolunt. Iisdemq; ferias et cerimonias ascribendas putant. Atq; etiam dant hoc Scæuolæ: quod est partitio: ut, si in testamento deducta, scripta non sint: ipsiq; minus ceperint, quàm omnibus hæredibus relinquatur: sacris ne alligantur. in donatione hoc idem secus interpretantur: Et quod pater familias in eius donatione, qui in ipsius potestate esset, approbavit: ratum est. quod eo inscio factum est: si id is non approbat: ratum non est. His propositis quæstionculæ multæ nascuntur: quas qui intelligat: non si ad caput referat: per se ipse perspiciat. Veluti si nuntius quis cepisset, ne sacris alligaretur: ac post de eius

hæredibus aliquis exegisset pro sua parte id, quod
 ab eo cuius ipse hæres esset, prætermisum fuisset:
 eaq; pecunia non minor esset facta cum superiore
 exactione: quam hæredibus omnibus esset relicta:
 qui eam pecuniam exegisset, solum nisi cohæredibus
 sacris alligari. Quin etiam cauere, ut cui plus lega-
 tum sit: quam sine religione capere liceat: is per æs,
 & libram hæredem testamenti soluat: propterea quod
 eo loco res est ita soluta hæreditate: quasi ea pecunia
 legata non esset. hoc ego loco, multisq; alijs quæro
 a uobis Scæuolæ pontifices maximi, & homines meo
 quidem iudicio acutissimi, quid sit qd ad ius pontificiū
 civile appetatis? civilis enim iuris scientia pontificiū
 quodam modo tollitis. nam sacra cum pecunia pontifi-
 cum authoritate nulla lege coniuncta sunt. Itaq; usibus
 tantum modo pontificis esset: si pontificalis maneret au-
 thoritas. sed quod idem iuris civilis est spernitis: ac
 scientia illa eluditis. Placuit P. Scæuolæ, & Cornu-
 cano pontificibus maximis, idemq; cæteris: qui tantun-
 dem caperet, quantum omnes hæredes, sacris alligari.
 habeo ius Pontificiū. quid huc accessit ex iure civili?
 partitionis caput, scriptum caute, ut centum numi de-
 ducerentur. inuenta est ratio: cur pecunia sacrorum
 molestia liberaretur. quod si hoc qui testamentum fa-
 ciebat, cauere uoluisset: admonet iurisconsultus hic qui-
 dem ipse Mutius pontifex idem, ut minus capiat: q̃
 omnibus hæredibus relinquatur. super dicebant quic-
 quid cepisset, astringi. rursus sacris liberantur. Hoc
 uero nihil ad pontificiū ius, & e medio est iure ci-
 uili: ut per æs, et libram hæredem testamenti soluant:
 eodem loco res sit: quasi ea pecunia legata non esset. si
 is cui

is cui legatum est, stipulatus est id ipsum, quod legatum est: ut ea pecunia ex stipulatione debeatur: sitq; ea
* non doctum hominem sane: cuius fuit Aëtius
perfamilias: sed mensē credo extremum anni, ut
ueteres februarium, sic hic decembrem sequebatur.
Hostia autem maxima parentare: pietatis esse adiun-
ctum putabat. Iam tanta religio est sepulchrorum:
ut extra sacra, & gentem, inferri fas negent esse: idq;
apud maiores nostros Torquatus in gente popilia iu-
dicauit. Nec uero tam delphica lex quæ à necē appel-
latæ sunt, qua residunt mortui: quam cæterorum cæ-
lestium quieti dies, feriæ nominarentur: nisi maiores,
eos qui ex hac uita migrassent, in deorum numero esse
uoluissent. eas in eos dies conferre ius: ut nec ipstus, neq;
publicæ feriæ sint. totaq; huius iuris compositio ponti-
ficalis magnam religionem cerimoniamq; declarat.
neq; necesse est edisseri à nobis quæ finis funestæ fa-
milie: quod genus sacrificij lare ueruecibus fiat: quæ-
admodum os reiectum terræ obtegatur: quæq; in por-
ta confracta iura sint: quo tempore incipiat sepul-
chrum esse: & religione teneatur. At mihi quidem
antiquissimum sepulturæ genus, id fuisse uidetur: quo
apud Xenophontem Cyrus utitur. redditur enim terræ
corpus: & ita locatum, ac situm, quasi operimento ma-
tris obducitur eodemq; ritu in eo sepulchro, quod pro-
cul ad fontis aras, regem nostrū Numam conditū ac-
cepimus: gentemq; Corneliam usq; ad memoriam no-
stram, hac sepultura scimus esse humatam. C. marij
sitæ reliquias apud Anienem dissipari iussit Sylla ui-
ctor acerbiorē odio incitatus, quam si tam sapiens fuis-
set, quā fuit uehemens. quod haud scio an timens suo

DE LEGIBVS

corpore posse acidere, primus è patritijs Cornelijs igni
uoluit cremari. declarat enim Ennius de Africano.

Hic est ille situs

uere: nam siti dicuntur ij qui conditi sunt: nec tamen
eorum ante sepulchrum est quam iusta facta, & cor=
pus incensum est. & quod nunc cõmuniter in omni=
bus sepultispenitus, humati dicantur: id erat propri=
um tum in ijs, quos humus iniecta contegret: eumq;
morem ius pontificale confirmat. nam priusquam in
eos iniecta gleba est: locus ille ubi crematum est cor=
pus nihil habet religionis. iniecta gleba tumulis, &
humatus est: & gleba uocatur: ac tum deniq; multa
religiosa iura complectitur. itaq; in eo qui in navi ne=
catus, deinde in mare proiectus esset: decreuit P. Mu=
tius familiam puram quotos supra terram non exta=
re porcam hæredi esset. contra censet habendas tri=
duum ferias: & porco femina piaculum pati. si in
mari mortuus esset: eadem præter piaculum & feri=
as. Atti. Video quæ sint in pontificio iure. Sed quæro
quid nam sit in legibus. M. Pauca sane Tite, & ut
arbitror, non ignota uobis. sed ea non tam ad reli=
gionem spectant: q̃ ad ius sepulchrorum. hominem
mortuum inquit lex in duodecim tabulis, in urbe ne
sepelito: ne ue urito. credo uel propter ignis periculũ.
quod autem addit ne ue urito: indicat non qui uratur
sepeliri: sed qui humetur. Atti. qd? qui post duode=
cim in urbe sepulti sunt? M. Claros uiros credo Ti=
te fuisse: aut eos, quibus hoc ante hanc legem uirtutis
causa tributum est: ut Publicolæ, Tuberto: quod eorum
posterij iure tenuerunt: aut eos, si qui hoc, ut C. Fa=
bricius uirtutis causa consecuti sunt. sed in urbe sepe-

liri lex uetat. sic decretum a pontificum collegio, non
esse ius in loco publico fieri sepulchrum. nostis extra
portam collinam eadem honoris: & aram in eo loco
fuisse memorie proditum est: ad eam cum lamina es-
set inuenta: & in ea scriptum: domina honoris: ea
causa fuit ædis huius dedicandæ. sed cum multa in
eo loco sepulchra fuissent: exarata sunt. statuit enim
collegium locum publicum non potuisse priuata reli-
gione obligari. Iam cætera in duodecim, minuendi
sunt sumptus, lamentationesq; funeris, translata de
Solonis fere legibus: hoc plus inquit ne facito rogam:
ascia ne polito. nostis quæ sequuntur. Discebamus
enim pueri duodecim ut carmen necessarium: quas iã
nemo discit. Extenuato igitur sumptu tribus ricinijs,
& uinculis purpuræ, & decem tibicinibus, tollit
etiam lamentationem. mulieres genas ne radunt: ne
ue lessum funeris ergo habento. hoc ueteres inter-
pretes, Sextus Elius, L. Acilius non satis se intelligere
dixerunt: sed suspicari uestimenti aliquod genus fu-
nebris. Lelius lessum quasi lugubrem eiulationem. ut
uox ipsa significat. quod eo magis iudico uerum esse:
quia lex Solonis id ipsum uetat. hæc laudabilia &
locupletibus fere cum plebe communia. quod quidem
maxime e natura est: tolli fortunæ discrimen in mor-
te. cætera item funebria, quibus luctus augetur, duo-
decim sustulerunt. homini inqt mortuo ne ossa legito,
quo post funus faciat. excipit bellicā pegrināq; mortē.
Hæc præterea sunt in legibus de unctura: quæ serui-
lis unctura tollitur: omnisq; circūpotatio. quæ et recte
tollitur: neq; tolleretur, nisi fuissent. ne sumptuosa asper-
sione longæ coronæ, nec acerræ prætereantur. Illa iam

DE LEGIBVS

significatio est, laudis ornamenta ad mortuos pertinere: quod coronam uirtute paratam, & ei qui peperisset, & eius parenti sine fraude esse lex impositam iubet. credo quod erat factitatum: ut uni plura fierent: lectique plures sternerentur. id quoque ne fieret lege sancitum est. quia in lege cum esset, ne uel aurum addito, quod humane excipiat. Altera lex praecipit. altera lex uetat. ut cui auro dentes iuncti essent, astim cum illo sepeliretur: et ne se fraudi esto: et simul illud uidetote aliud habitum esse sepeliretur aere. Duae sunt praeterea leges de sepulchris. quarum altera priuatorum aedificijs, altera ipsis sepulchris cauet. nam quod rogi bustum uel nouum uetat propius sexaginta pedes adijci aedes alienas inuito domino: incendiū ueretur acerbum. Quod autem eorum id est uestibulum sepulchri bustum uel usucapi uetat: tuetur ius sepulchrorum. haec habemus in duodecim sane secundum naturam: quae norma legis est. reliqua sunt in more: funus ut inducatur: si quid ludorum domusque funeris utatur accenso, atque lictoribus: honoratorum uirorum laudes in concione memorantur: easque etiam ad cantus ad tibicinem prosequantur. cui nomen Nenia. quo uocabulo etiam graecos cantus lugubres nominant. Quae Gaudeo nostra iura ad naturam accommodari: maiorumque sapientia admodum delector. M. Sed credo Quinte ut caeteros sumptus, sic etiam sepulchrorum modum recte requiri. quos enim ad sumptus progressa iam ista res sit, in C. Figuli sepulchro uidisse credo minimam olim istius rei fuisse cupiditatem. alioquin multa extarent exempla maiorum. nostrae quidem legis interpretes, quo capite iubentur sumptus, & luctum remouere a deorum

manum iure, hoc intelligunt: in primis sepulchrorum
magnificentiam esse minuendam. nec hæc a' sapien-
tissimis legum scriptoribus neglecta sunt. nam &
Athenis iam ille mos a' Cecrope ut aiunt permansit:
hoc ius terra humandi: quam cum proximi fecerant:
obductaq; terra erat: frugibus obserebatur: ut sinus
& gremium quasi matris mortuo tribueretur: solum
autem frugibus expiatum: ut uiuis redderetur. seque-
bantur epulæ: quas inibant parentes coronati apud
quas de mortui laude: cum ni quid ueri erat prædi-
catum. nam mentiri nefas habebatur: adiusta coniecta
erant. Posteaquam ut scribit Phalereus, sumptuosa
fieri funera, & lamentabilia cœpissent: Solonis lege
sublata sunt. quam legem eisdem prope uerbis nostri
uiri in decimam tabulam coniecerunt. nam de tribus
ricinijs, & pleraq; illa Solonis sunt. de lamentis uero
expressa uerbis sunt. Mulieres genas ne radunto: ne' ue-
lessum funeris ergo habento. de sepulchris autem nihil
est apud Solonem amplius: q̃ nequis ea deleat: ne' ue-
alienum inferat: pœnaq; est, si quis bustum (nam id
puto appellari Tymbon) aut monumentum, inquit, aut
columnam uiolarit, deiecerit, fregerit. sed post aliquan-
to propter has amplitudines sepulchrorum: quas in
Ceramico uidemus, lege sanctum est ne quis sepul-
chrum faceret operosius, q̃ quod decem homines effe-
cerint triduo. neq; id opere tectorio exornari: nec her-
mas quos uocant: licebat imponi: nec de mortui laude
nisi in publicis sepulturis, nec ab alio nisi qui publice
ad eam rem constitutus esset, dici licebat. Sublata etiam
erat celebritas uirorum & mulierum: quo lamenta-
tio minueretur. Habet enim luctum concursus homi-

DE LEGIBVS

num. quo circa Pittacus omnino accedere quenquam uetat in funus aliorum. sed ait rursus idem Demetrius increbuisse eam funerum, sepulchrorumq; magnificentiam: quæ nunc ferè Romæ est. quam consuetudinem lege minuit ipse. fuit enim hic uir, ut scitis, non solum eruditissimus: sed & ciuis & reip. maxime tuendæq; ciuitatis paratissimus. Iste igitur sumptus minuit non solum pœna, sed etiam tempore: ante lucem enim iussit efferri. sepulchris autem nouis finiuit modum. nam super terræ tumulum noluit quid statui, nisi columellam tribus cubitis non altiore: aut mensam: aut labellum. & huic procuratori certum magistratum præfecerat. Hæc igitur Athenienses tui. sed uideamus Platonem: qui iusta funerum reijcit ad interpretes religionum. quem nos morem tenemus. de sepulchris autem dicit hæc. Uetat ex agro culto, eo'ue, qui coli possit, ullam partem sumi sepulchro: sed quæ natura agri tantummodo efficere possit: ut mortuorum corpora sine detrimento uiuorum recipiat: ea potissimum ut compleatur. quæ autem terra fruges ferre, & ut mater cibos suppeditare possit: eam nequis nobis minuatur ne'ue uiuus, ne'ue mortuus. Extrui autem uetat sepulchrum altius: q̃ quod quinq; diebus absoluerint: nec è lapide excitari plus, nec imponi q̃ quod capiat laudem mortui incisam, quatuor heroicis uersibus: quos longos appellat Ennius. Habemus igitur huius quoq; authoritatem summi uiri de sepulchris: à quo iterum funerum sumptus præfinitur ex censibus à minis quinq; usq; ad minam. Deinceps dicit eadem illa de immortalitate animorum, et reliqua post mortem tranquillitate bonorum: pœnis impiorum. Habetis

igitur explicatum omnem ut arbitror religionis locum. Q. Nos uero frater, & copiose quidem: sed perge ad cætera. M. Pergam equidem: & quoniam libitum est uobis, me ad hæc impellere: hodierno sermone conficiam spero: hoc præsertim die. uideo enim Platonem idẽ fecisse: omnemq; orationem eius de legibus peroratam esse uno æstiuo die. sic igitur faciam: & dicam de magistratibus. id est enim profecto, quod constituta religione rēp. contineat maxime. Atti. Tu uero dic & istam rationem quam cepisti tene.

M. TVLLII CICERONIS DE LEGI-

BVS LIBER TERTIVS.

MARCVS.

Equar igitur ut institui diuinum illum uirum: quem quadam admiratione commotus sæpius fortasse laudo q̃ necesse est. Atti. Platonem uidelicet dicis? M. Istum ipsum Attice. Atti.

Tu uero eum nec nimis ualde unquam: nec nimis sæpe laudaueris. nam hoc mihi etiam nostri illi, qui neminem nisi suum laudari uolunt, concedunt: ut eum arbitrati meo diligam. M. Bene hercle faciunt. quid enim est elegantia tua dignius? cuius & uita & oratio consecuta mihi uidetur difficillimam illam societatem grauitatis cū humanitate. Atti. Sane gaudeo qđ te interpellauit: quando quidem tam præclarum mihi dedisti iudiciij tui testimonium. sed perge ut cœperas.

M. Laudemus igitur prius legem ipsam ueris &

DE LEGIBVS

proprijs generis sui laudibus. Atti. Sane quidē: si-
 cut de religionum lege fecisti. M. Videtis igitur, ma-
 gistratus hanc esse vim, ut præsint: præscribatq; recta,
 & utilia, & coniuncta cum legibus? ut enim magi-
 stratibus leges, ita populo præsunt magistratus: uereq;
 dici potest magistratum legem esse loquentem: legem
 autem mutum magistratum. nihil porro tam aptum est
 ad ius, conditionemq; naturæ: quod cum dico legem,
 à me dici nihil aliud intelligi uolo, q̃ imperium: sine
 quo nec domus ulla, nec ciuitas, nec gens, nec hominum
 uniuersum genus stare, nec rerum natura omnis, nec
 ipse mundus potest. nam & hic deo paret: & huic
 obediunt maria terræq; & hominum uita iussis supre-
 mæ legis obtemperat. Atq; ut ad ceteriora ueniam &
 notiora nobis: omnes antiquæ gentes regibus quondam
 paruerunt. quod genus imperij primum ad homines
 iustissimos, & sapientissimos deferebatur. idq; in rep-
 nostra maxime ualuit: quoad ei regalis potestas præ-
 fuit. deinde etiam deinceps posteris prodebatur: quod
 & in his etiam qui nunc regnant manet. quibus autē
 regia potestas non placuit: non ij nemini, sed nō sem-
 per uni parere uoluerunt. nos autem quoniā leges da-
 mus liberis populis: quæq; de optima republica senti-
 remus in sex libris ante diximus: accommodabimus hoc
 tempore leges ad illum, quē probamus, ciuitatis statum.
 magistratibus igitur opus est: sine quorū prudētia ac
 diligentia esse ciuitas non potest: quorum descriptione
 omnis reip. moderatio continetur. Neq; solū ijs præscri-
 bendus est imperandi, sed etiā ciuibus obtemperandi
 modus. nam & qui bene imperat, paruerit aliquan-
 do necesse est: & qui modeste paret, uidetur qui ali-
quando

quando imperet dignus esse. itaq; oportet & eum qui
paret, sperare se aliquo tempore imperaturum: &
illum qui imperat, cogitare breui tempore sibi esse
parendum. Nec uero solum ut obtemperent, obedi-
antq; magistratibus, sed etiam ut eos colant, dili-
gantq;, præscribimus: ut Charondas in suis facit le-
gibus. noster uero Plato Titanum e' genere statuit
eos: qui ut illi cælestibus, sic hi aduersentur magi-
stratibus. Quæ cum ita sint: ad ipsas iam leges ue-
niamus si placet. Atti. Mihi uero & istud, & ordo
iste rerum placet. M. Iusta imperia sunt: ijsq; ciues
modeste, ac sine recusatione parento. magistratus nec
obedientem, & noxium ciuem multa, uinculis, uer-
beribusq; coercento: ni par, maior ue potestas, po-
pulusq; prohibessit. ad quos prouocatio esto, cum ma-
gistratus iudicassit, interrogassit ue, per populum mul-
tæ poenæ certatio esto. militiæ ab eo, qui impera-
bit prouocatio ne esto. quodq; is qui bellum gerat im-
perassit, ius ratumq; esto. minores magistratus pe-
riti iuris plures in prælia sunt. militiæ quibus ius-
si erunt imperanto: eorumq; tribuni sunt. domi pe-
cuniam publicam custodiunt. uincula fontium ser-
uant: capitalia uindicant: æs, argentum, aurum ue,
publice signant: lites contractas iudicant. quodcunq;
senatus creuerit agunt. suntq; ædiles curatores ur-
bis, annonæ, ludorumq; solemniū: ollisq; ad hono-
ris amplioris gradum, is primus ascensus esto. Cen-
sores, populi, ciuitatis, soboles familias, pecuniasq; cen-
sento: urbis templa, uias, aquas, ærarium, uestigia-
lia tuento: populiq; partes in tribus distribuunt. Exin
pecunia ciuitatis ordines partiunt. Equitum, pedi-

DE LEGIBVS

» tumq; prolem describunto: Caelibes esse prohibento:
 » mores populi regunto: probum in senatu ne relin-
 » quunto: bini sunt: magistratum quinquennium ha-
 » bent. reliqui magistratus annui sunt: eaq; potestas
 » semper esto. Iuris disceptator, qui priuata iudicet,
 » iudicari ne iubeat praetor esto: iuris civilis custos esto:
 » huic potestati parento. quotcunq; senatus creuerit, po-
 » pulus ne iusserit, tot sunt. regio imperio duo sunt: iusq;
 » praefundo, iudicando, consulendo, praetores, iudices co-
 » sules appellant. militiae summum ius habento: nemini pa-
 » rento: salus populi suprema lex esto. eundem magi-
 » stratum ni interfuerint X anni nequis capito. ciuita-
 » tem annali lege seruant. Ast quando duellum graui-
 » us, discordiae ciuium, estunto ne amplius sex menses si-
 » senatus creuerit: idem iuris quod duo consules tenun-
 » to: isq; aue sinistra dictus, populi magister esto. equita-
 » tem quicunq; regat habeto pari iure cum eo quicunq;
 » erit iuris disceptator. Ast quando consulis est, magistra-
 » tus ne populi, nec reliqui magistratus ne sunt. auspicia
 » patrum sunt: olliq; ex se produnt, qui comitijs crea-
 » re consules rite possint. imperia, potestates, legationes
 » cum senatus creuerit, populus ne iusserit, ex urbe
 » exeunt. duella iusta iure gerunt: socijs parcunt: se,
 » et seruos continent: populi sui gloriam augent: do-
 » mum cum laude redeunt: rei suae ergo ne quis lega-
 » tus esto. plebes, quos pro se contra vim auxilij ergo
 » decem creassit, tribuni eius sunt. quodq; ij prohibes-
 » sint: quodq; plebem rogassint: ratum esto: sanctiq; sun-
 » to: ne ue plebem orbam tribunis relinquunt. omnes
 » magistratus auspiciu, iudiciuq; habento: exq; ijs se-
 » natus esto: eius decreta rata sunt. Ast ni potestas par
 maior

maior'ue prohibet. S. C. praescripta servanto. Is or-
do vitio vacato: ceteris specimen esto. creatio magistra-
tuum, iudicia, populi iussa, vetita, cum suffragio consci-
scentur, optimatibus nota, plebi libera sunt. At si quid
erit, quod extra magistratus quo aerario ex usu sit qui
coercet, populus creato: eiq; ius coercendi dato. cum
populo, patribusq; agendi ius esto consuli, praetori, ma-
gistro populi, equitumq;: eiq; quem produnt patres
consulum rogandorum ergo: tribunisq;, quos sibi plebs
rogassit ius esto cum patribus agendi: idem ad plebem,
quod census erit, ferunto. quae cum populo, quae cum
patribus agentur, modica sunt. senatori q nec aderit,
aut causa, aut culpa esto. causas populi teneto. vis in po-
pulo abesto. par maior'ue potestas plus valeto. Ast qui
turbassit in agendo, fraus authoris esto: intercessor
rei male salutaris civis esto. Qui agent, auspicia ser-
vanto. Auguri publico parento. Promulgata, proposita,
in aerario cognita, agunto: nec plusquam de singulis re-
bus semel consulunto. rem populum docento: doceri a
magistratibus privatisq; patiunto. privilegia ne irro-
ganto de capite civis, nisi per maximum comitatum:
ollosq; quos censores in partibus populi locassint ne
ferunto: donum ne capiunto: ne'ue danto, ne'ue peten-
da, ne'ue gerenda, ne'ue gesta potestate. quod quis ea-
rum rerum migrassit noxae poena par esto. Censoris
fide legem custodiunto. privata ad eos acta referunto:
nec eo magis lege liberi sunt. Lex recitata est. discere,
& tabellam iubebo dari. Q. Quam breui frater
in conspectu posita est a te omnium magistratuum de-
scriptio: sed ea pene nostrae civitatis. & si a te paulu-
lum allatus est novi. M. Rectissime Quinte animad-

uertis. hæc est enim, quam Scipio laudat in libris: & quam maxime probat temperationem reipublicæ. quæ effici non potuisset: nisi tali descriptione magistratuum. nam sic habetote magistratibus, iisque qui præsunt, contineri rempublicam: & ex eorum compositione, quod cuiusque in republica genus sit, intelligi. quæ res cum sapientissime, moderatissimeque constituta esset à maioribus nostris: nihil habui sanè, non modo multum quod putarem nouandum in legibus. Atti. Reddes igitur nobis, ut in religionis lege fecisti admonitu, & rogatu meo: sic de magistratibus, ut disputes, quibus de causis maxime placeat ipsa descriptio. M. Faciam Atticæ ut uis: & locum istum totum, ut à doctissimis græciæ quæsitum, & disputatum est, explicabo: & ut institui nostra iura attingam. Atti. Istud maxime expecto differendi genus. M. Atqui pleraque sunt dicta in illis libris: quod faciundum fuit: cum de optima rep. quæreretur. sed huius loci de magistratibus sunt propria quædam, à Theophrasto primum, deinde à Dione stoico quæsitæ subtilius. Atti. Ain tandem? etiam à stoicis ista tractata sunt? M. Non sanè, nisi ab eo, quem modo nominavi: & postea à magno homine, & in primis erudito, Panætio. nam ueteres uerbo tenuis, acute illi quidem, sed non ad hunc usum popularem, atque civilem, de rep. differebant. ab hac familia magis ista manarunt Platone principe: post Aristoteles illustrauit omnem hunc civilem in disputando locum: Heraclidesque ponticus profectus ab eodem Platone. Theophrastus uero institutus ab Aristotele habitauit, ut scitis, in eo genere rerum: ab eodemque Aristotele doctus Dicaearchus huic rationi studioque non defuit. pest

fuit. post a Theophrasto Phalereus ille Demetrius, de quo feci supra mentionem: mirabiliter doctrinam ex umbraculis eruditorum, etioq; non modo in solē, atq; puluerem, sed in ipsum discrimen, aciemq; perduxit. nam & mediocriter doctos magnos in rep. viros, & doctissimos homines non nimis in rep. versatos multos commemorare possumus. qui uero utraq; re excelleret: ut & doctrine studijs, & regenda ciuitate princeps esset: quis facile præter hunc inueniri potest? Atti. Puto posse: & quidem aliquem de tribus nobis. sed perge ut cæperas. M. Quæsitum igitur ab illis est, placeret ne unum in ciuitate esse magistratum: cui reliqui parerent: quod exactis regibus intelligo placuisse nostris maioribus. sed quoniam regale ciuitatis genus probatum quondam, postea non tam regni, q̃ regis uitijs repudiatum est: nomen tantum uidebitur regis repudiatum: res manebit: si unus omnibus reliquis magistratibus imperabit. quare nec Ephori Lacedæmonie sine causa a Theopompo oppositi regibus: nec apud nos consulibus tribuni. nam illud quidem ipsum quod in iure positum est, habet consul: ut ei reliqui magistratus omnes pareant, excepto tribuno: qui post extitit: ne id quod fuerat, esset. hoc enim primum minuit consulare ius: quod extitit ipse, qui in eo non teneretur. deinde, quod attulit auxilium reliquis non modo magistratibus, sed etiam priuatis, consuli non parentibus. Q. Magnum dicis malum. nam ista potestate nata, grauitas optimatum cecidit: conualuitq; ius multitudinis. M. Non est ita. Quinte. non enim ius illud solum superbius populo, sed uolentius uideri necesse erat: quo postea q̃ modica & sapiens tempera-

DE LEGIBVS

tio accessit: conuersa lex in omnes est.

Multa defunt.

domum cum laude repedandum. nihil enim præter laudem bonis, atq; innocentibus, neq; ex hostibus, neq; à socijs reportandum. Iam illud apertum profecto est: nihil esse turpius, quàm quenquam legari nisi reip. causa. omitto quemadmodum isti se gerant, atq; gesserint: qui legatione hereditates, aut syngraphas suas persequuntur. in hominibus est hoc fortasse vitium. sed quæro quid hac re sit turpius? q̃ sine prouocatione senator? legatus sine mandatis, sine ullo reip. munere. quod quidem genus legationis ego consul, quanquam ad commodum senatus pertinere uideatur: tamen approbante senatu frequentissimo nisi mihi leuissimus tripl. intercessisset: sustulissim. tamen minui tempus: Et quod erat infinitum, annuum feci. ita turpitudine manet, diuturnitate sublata. sed iam si placet de prouincijs discedatur: in urbemq; redeatur. A. Nobis uero placet. sed ijs, qui in prouincijs sunt, minime placet. M. At uero Tite, si pareant his legibus: nihil erit his urbe, nihil domo sua dulcius: nec laboriosius, molestiusq; prouincia. Sed sequitur lex, quæ sancit eam tribunorum plebis potestatem: quæ in rep. nostra: de qua differi nihil necesse est. Q. At mehercule ego frater quæro de ista potestate quid sentias.

sentias. nam mihi quidem pestifera uidetur. quippe
quæ in seditione, & ad seditionem nata sit: cuius
primum ortum si recordari uolumus: inter arma ci-
uium & occupatis, & obsessis urbis locis procreatum
uidemus. deinde cum esset cito legatus, tanquam XII
tabulis, insignis ad deformitatem puer breui tem-
pore nescio quo pacto creatus: multoq; tetrior, &
foedior natus est. Quem enim ille non edidit: qui
primum ut imperio dignum fuit, patribus omnem
honorem eripuit: omnia infima summis paria fecit:
turbauit: miscuit: cum afflixisset principum graui-
tatem: nunquam tamen conquieuit. Atque ut Cn.
Flaminium, atq; ea quæ prisca sunt, relinquam. quid
iuris bonis uiris T. Gracchi tribunatus reliquit? & si
quinquennio ante, Decium Brutum, & Publium
Scipionem consules, quos, & quantos uiros, homo
omnium infimus, & sordidissimus tr. pl. C. Cu-
riatius in uincula coniecit: quod ante factum non
erat. C. uero Gracchus ruinis, & emissicijs, quas ipse
se proiecasse in forum dixit: quibus digladiarentur
inter se ciues: nonne omnem reip. statum permuta-
uit? quid iam de Saturnini supplicio reliquisq; di-
cam? quos ne depellere quidem a se sine ferro po-
tuit respublica. cur autem aut uetera, aut aliena pro-
feramus, potius, quàm & nostra, & recentia? quis
unquam tam audax, tam inimicus nobis fuisse? ut
cogitaret unquam de statu nostro labefactando: ni-
si mucronem aliquem tribunitium exacuisset in nos?
quem cum homines scelerati, ac perdit non modo
ulla in domo, sed ne ulla in gente reperirent: gen-
tes sibi in tenebris reip. perturbandas putauerunt.

quod nobis quidem egregium, & ad immortalita-
tem memoriae gloriosum: neminem in nos mercede ul-
la potuisse reperiri: nisi cui nec esse quidem licuis-
set tribuno. sed ille quas strages edidit? eas uideli-
cet: quas sine ratione, ac sine ulla spe bona, furor
edere potuit impurae beluae multorum inflammatus
furoribus. quamobrem in ista quidem re uehementer
syllam probo: qui tribunis plebis sua lege iniuriae
faciendae potestatem ademerit: auxilium ferendi reli-
querit: Pompeiumq; nostrum caeteris rebus omnibus,
semper amplissimis, summisq; effero laudibus: de
tribunitia potestate taceo: nec enim reprehendere li-
bet: nec laudare possum. M. Vitia quidem tribu-
natus praclare Quinte perspicis. sed est iniqua in o-
mni re accusanda praetermissis bonis, malorum enume-
ratio, uitiorumq; selectio. nam isto qdem modo uel con-
sulatus uituperabilis est: si consulū, quos enumerare no-
lo, peccata collegeris. ego enim fateor in ipsa ista po-
testate inesse quiddam mali. sed bonum quod est qua-
situm in ea sine isto malo non haberemus. nimia po-
testas est tribunorum plebis. quis negat? sed uis po-
puli multo sauior, multoq; uehementior. quae ducem
quod habet, interdum lenior est: quam si nullum ha-
beret. dux enim suo periculo progredi cogitat. po-
puli impetus periculi rationem sui non habet. at a-
liquando incenditur. & quidem saepe sedatur. quod
enim est tam desperatum collegiū? in quo nemo e de-
cem sana mente sit. quin per ipsum Tiberium grac-
chum non solum uetitus, sed etiam sublatus inter-
cessor fuerat. quid enim illū aliud perculit? nisi quod
potestatem intercedendi collegae abrogauit? sed tu sa-
pientia

pietia maiore nihilo uide concessa. plebi a' patri-
bus ista potestate arma ceciderunt: restincta seditio
est: inuentum est temperamentum: quo tenuiores cum
principibus æquari se putarint. in quo uno fuit ci-
uitatis salus. At duo Gracchi fuerunt. & præter
eos, quamuis enunures multos licet: cum deni crea-
rentur: nullos in omni memoria reperies perniciosos
tribunos. leues & non bonos fortasse plures. inui-
dia quidem summus ordo caret: plebs de suo iure
periculosas contentiones nullas facit. quamobrem aut
exigendi reges non fuerunt: aut plebi re, non uer-
bo danda libertas. quæ tamen sic data est: ut mul-
tis præclarissimis addiceretur, ut authoritati princi-
pum cederet. Nostra autem causa quæ optime & dul-
cissime frater incidit in tribuniciam potestatem: nihil
habuit contentionis cum tribunatu. non enim plebs
incitata nostris rebus inuidit: sed uincula soluta
sunt: & seruitia incitata, adiuncto terrore etiam
militari. neq; nobis cum illa tum peste certamen fuit:
sed cum grauissimo reip. tempore: cui si non cessis-
set: non diuturnum beneficij mei patria fructum tulisset:
atq; hoc rei exitus indicauit. quis enim non modo
liber, sed etiam seruus, libertate dignus fuit? cui no-
stra salus chara non esset? quod si is casus fuisset
rerum, quas pro salute reip. gessimus: ut non omni-
bus gratus esset: & si in nos multitudinis uis furen-
tis inflammata inuidia pepulisset tribunicia: quis in
me populum sicut Gracchus in Lenatem, Saturninus
in Metellum, incitasset? ferremus o' Quinte frater:
consolarenturq; nos non tam philosophi, qui Athe-
nis fuerunt: qui hoc facere debent: quamclarissimi

DE LEGIBVS

uiri, qui illa urbe pulsi carere ingrata ciuitate, quam manere in improba maluerunt. Pompeium uero quod una ista in re non ualde probas: uix satis mihi illud uideris attendere: non solum ei quod esset optimum uidendum fuisse: sed etiam quid necessarium. sensit enim deleri non posse huic ciuitati illam potestatem. quippe quam tantopere populus noster ignotam expetisset: qui posset carere cognita? sapientis autem ciuis fuit, causam nec perniciosam, & ita popularem, ut non posset obsisti, perniciose populari ciui non relinquere. Scis solere frater in huiusmodi sermone, ut transiri alio possit, admodum dici. Q. Prorsus ita est: haud equidem assentior: tu tamen ad reliqua pergas uelim. M. Perseueras tu quidem: & in tua uetere sententia permanes. Q. Non mehercule. Atti. Ego sane a Quinto nostro dissentio. sed ea quae restant audiamus. M. Deinceps igitur omnibus magistratibus auspicia, & iudicia dantur. iudicia, ut esset populi potestas: ad quam prouocaretur. auspicia, ut multos inuitiles comitatus, probabiles impedirent morae. sepe enim populi impetum iniustum, auspicijs dij immortales represserunt. ex ijs autem, qui magistratum coeperunt, quod senatus consulto efficitur: popularem sane neminem in summum locum nisi per populum uenire sublata cooptatione censoria. Sed praesto est huius uitij temperatio: quod senatus lege nostra confirmatur authoritas. Sequitur enim eius decreta rata sunt. nam ita se res habet: ut si senatus dominus sit publici consilij: quodq; is creuerit, defendant omnes: & si ordines reliqui, principes ordines consilio. remp. gubernari uelint: possit ex temperatione iuris, cum po-

testas in populo, authoritas in senatu sit: teneri ille moderatus, & concors ciuitatis status. præsertim si proximæ legi parebitur. nam proximum est. is ordo uitio caret: cæteris specimen esto. Q. Præclara uero frater ista lex: sed & altera, ut & uitio careat ordo: & ut censorem quærat interpretem. Atti. Ille uero & si tuus totus est ordo: gratissimamq; memoriam retinet consulatus tui: pace tua dixerim: non modo censores, sed etiam iudices omnes potest defatigare. M. Omitte ista Attice: non enim de hoc senatu, nec his de hominibus, qui nunc sunt: sed de futuris, si qui forte his legibus parere uoluerint: hæc habetur oratio. nam cum omni uitio carere lex iubeat: ne ueniet quidem in eum ordinem quisquam uitij particeps. id autem difficile factu est: nisi educatione quadam, & disciplina: de qua dicemus aliquid fortasse: siquid fuerit loci, aut temporis. Atti. Locus certe non deerit: quoniam tenes ordinem legum: tempus uero largitur longitudo diei. ego autem etiam si præterieris: repetam à te istum de educatione, et de disciplina locum. M. Tu uero & istum

* Attice, & si quem alium cæteris specimen esto: quod sic tenemus omnia. ut enim cupiditatibus principum, & uitij infici solet tota ciuitas: sic emendari & corrigi continentia. uir magnus, & nobis omnibus amicus L. Lucullus ferebatur quam commodissime respondisse: cum esset obiecta magnificentia uillæ tusculanæ: duos se habere uicinos: superiorem equitem romanum, inferiorem libertinum. quorum cum essent magnificæ uillæ: concedi sibi oportere, quod his qui tenuioris ordinis essent, liceret. non ne uides Luculle à te id ipsum natum? ut illi cuperent: quibus id, si tu non face-

DE LEGIBVS

res, non liceret. quis enim ferret istos? cum uideret eorum uillas signis, & tabulis refertas partim publicis, partim etiam sacris, & religiosis? quis non frangeret eorum libidines? nisi illi ipsi, qui eas frangere deberent, cupiditatis eiusdem tenerentur? nec enim tantum mali est peccare principes: quanquam est hoc magnum per se ipsum malum: quantum illud: quod permulti imitatores principum existunt. nam licet uidere, si uelis replicare memoriam temporum: qualescunque summi ciuitatis uiri fuerunt: talem ciuitatem fuisse: quæ cuncta mutatio morum in principibus extiterit: eandem in populo secuturam. idque haud paulo est uerius: quam quod Platoni nostro placet: qui musicorum cantibus ait mutatis, mutari ciuitatum status. ego autem nobilium uita, uictuque mutato: mores mutari ciuitatem puto. quo perniciosius de rep. merentur uitiosi principes: quod non solum uitia concipiunt ipsi: sed ea infundunt in ciuitatem: neque solum obsunt, quod illi ipsi corrumpuntur: sed etiam quod corrumpunt: plusque exemplo, quam peccato nocent. Atque hæc lex dilatata in ordinem cunctum coangustari etiam potest. pauci enim, atque admodum pauci, honore et gloria amplificati, uel corrumpere mores ciuitatis, uel corrigere possunt. sed hæc & nunc satis, & in alijs libris tractata sunt diligentius. quare ad reliqua ueniamus. Proximus autem est de suffragijs quæ iubeo nota esse optimatibus, populo libera. Atti. Ita mehercule attendi: nec satis intellexi, quid sibi lex, aut quid uerba ista uellent. M. Dicam Attice, & uersabor in re difficili, ac multum & sæpe quaesita: suffragia in magistratu mandando, aut de reo iudicando, quin in lege, aut rogatione clam an pa-

iam ferre melius esset. Q. An etiam id dubiū est? vereor ne a te rursus dissentiam. M. Non facies Quinte: nam ego in ista sum sententia, qua te fuisse semper scio: nihil ut fuerit in suffragiis uoce melius. sed obtineri an possit uidendum est. quare frater, bona tua uenia dixerim: ista sententia maxime, & fallit imperitos: & obest sepius reipublicæ, cum aliquid uerum, & rectum esse dicitur: sed obtineri id est obstiti posse populo negatur. primum enim obstititur, cum agitur seuerere: deinde ut opprimi in bona causa est melius: q̄ male cedere. Qui autem non sentit auctoritatem omnem optimatum, tabellariā legem abstulisse? quam populus liber nunquam desiderauit: idem oppressus dominatu, ac potentia principum, flagitauit. itaq; grauiora iudicia de potentissimis hominibus extant uoces, q̄ tabellæ. quamobrem suffragandi nimia libido in non bonis causis eripienda fuit potentibus: non latebra danda populo: in qua bonis ignorantibus quid quisq; sentiret tabella uitiosum occultaret suffragum. itaq; isti rationi, neq; lator quisquam est inuentus: neq; author unquam bonus. sunt enim quatuor leges tabellarie: quarum prima de magistratibus mandandis: ea est Gabinia lata ab homine ignoto, & sordido. secuta biennio post Cassia est de populi iudicio: ea a nobili homine lata est L. Cassio: sed pace familiarie dixerim, dissidente a bonis, atq; omnis runusculos populari ratione aucupante. Carbonis est tertia de iubendis legibus, ac uetandis, seditiosi atq; improbi ciuis. cui ne reditus quidem ad bonos, salutem a bonis potuit auferre. uno in genere relinqui uidebatur uocis suffragum: quod ipse Cassius exceperat: perduellio-

DE LEGIBVS

nis. dedit huic quoq; iudicio Caelius tabellam: doluitq;
 quoad uixit. sed ut opprimeret Caelius populum no-
 cuit & reipublicæ. & auus quidem noster singulari
 uirtute in hoc municipio, quoad uixit, restitit M. Gra-
 tidio, cuius in matrimonio sororem auiam nostram
 habebat: ferenti legem tabellariam. excitabat enim
 flens in simpulo ut dicitur Gratidius: quos post filius
 eius Marius in ægeæ excitauit mari: ac nostro quidem:
 qui cum res esset à se delata, Staurus consul: utinam
 inquit M. Cicero isto animo, atq; uirtute in summa rep.
 nobiscum uersari, quam in municipali maluisses. Q.
 Quamobrem quoniam non recognoscimus nunc leges
 populi romani: sed aut repetimus ereptas: aut novas
 scribimus: non quod ab hoc populo obtineri possit: sed
 qd optimum sit, tibi dicendum puto. nam Cassiæ legis
 culpam Scipio tuus sustinet: quo authore lata esse di-
 citur. tu si tabellariam tuleris: ipse præstabis. nec
 enim mihi placet, nec Attico nostro, quantum è uul-
 tu eius intelligo. Atti. Mihi uero nihil unq; populare
 placuit: eamq; optimam remp. esse ducō: quam hic con-
 sul constituerat: quæ sit in potestate optimorum. M.
 Vos demum ut uideo, legem antiquastis, sine tabella.
 Sed ego, & si satis dixit pro se in illis libris Scipio:
 tamen libertatem istam largior populo: ut & autho-
 ritate ualeant: & utantur bonis. sic enim à me lex
 est recitata de suffragiis. optimatibus nota, plebi li-
 bera sunt. quæ lex hanc sententiam continet: ut om-
 nes leges tollat, quæ postea latæ sunt: quæ tegunt omni
 ratione suffragium: ne quis inspiciat tabellam: ne ro-
 get: ne appellet. pontes etiam lex maria fecit angu-
 stos: quæ si opposita sunt ambitiosis, ut sunt: fere non

reprehendo. sin ualuerint tamen leges, ut ne sint ambitus: habeat sane populus tabellam, quasi iudicem libertatis: dummodo hæc optimo cuiq; & grauissimo ciui ostendatur: utroq; offeratur: uti sit ipsa libertas: in qua populo potestas honeste bonis gratificandi datur. Eoq; nunc fit illud quod à te modo Quinte dictum est: ut minus multos tabella condemnet, quam solebat uox: quia populo licere satis est. hoc retento reliqua uoluntas authoritati aut gratiæ traditur. Itaq; ut onittam, largitione corruptæ suffragia: non uides, si quando ambitus sileat, queri in suffragiis: quid optimi uiri sentiant? quamobrem lege nostra libertatis species datur: bonorum authoritas retinetur: contentionis causa tollitur. Deinde sequitur qbus ius sit cum populo agendi, aut cum senatu. grauis & ut arbitror præclara lex. quæq; in patribus aguntur modica sũto: idest modesta, atq; sedata. Author enim moderatur & fingit non modo mentem, ac uoluntates, sed pene uultus eorum, apud quos agit. quod si in senatu non difficile est: est enim ipse senator is, cuius non ad authorem referatur animus: sed qui per se ipse spectari uelit. huic iussa tria sunt: ut adsit: nam grauitatem res habet: cum frequens ordo est. ut loco dicat: idest rogatus. ut modo: ne sit infinitus. nam breuitas non modo senatoris, sed etiam oratoris magna laus est in sententia. nec est unq̃ longa oratione utendum: nisi aut spectante senatu, quod fit ambitione sæpissime, nullo magistratu adiunante, tolli diem utile est: aut cum tanta causa est: ut opus sit oratoris copia uel ad hortandum, uel ad docendum. quorum generum in utroq; magnus noster Cato est. Quodq; addit causas populi

DE LEGIBVS


teneto, est senatoris necessarium nosse rempublicam:
 idq; late patet: quid habeat militum: quid valeat
 aerario: quos socios resp. habeat: quos amicos: quos
 stipendiarios: qua quisq; sit lege, conditione, foedere:
 tenere consuetudinem decernendi: nosse exēpla maio-
 rum. uidetis iam genus hoc omne scientiæ, diligentiae
 memoriam esse: sine quo paratus esse senator nullo
 pacto potest. Deinceps sunt cum populo actiones: in
 quibus primum & maximum, uis abesto. nihil est
 enim exitiosius ciuitatibus: nihil tam contrarium iuri,
 & legibus: nihil minus ciuile est, & humanum: q̃
 composita, & constituta republica, quicquam agi per
 uim. parere iubet intercessori: quo nihil præstantius.
 impedi enim bonam rem melius, quàm concedi ma-
 le. Quod uero actores iubeo abesse fraude, id totum
 dixi ex Crassi sapientissimi hominis sententia: quam
 senatus est secutus: cum decreuisset C. Claudio con-
 sule designato Carbonis seditionem referente: eo inui-
 to, qui cum populo ageret, seditionem non posse fie-
 ri: quippe cui liceat consilium, simul atq; intercessum,
 turbariq; cœptum sit: dimittere. quod qui permo-
 uet cum agi nihil potest: uim querit. cuius impu-
 nitatem amitti hac lege quitur illud. intercessor rei
 malæ salutaris ciuis esto. quis non studiose reip. subue-
 nerit? hac tam præclara legis uoce laudatus? Sunt
 deinde posita deinceps, quæ habemus etiam in publi-
 cis institutis, ac legibus: auspicia seruant: auguri pa-
 rento. est autem boni auguris meminisse maximis reip.
 temporibus præsto esse debere: Ioui q; optimo maxi-
 mo se consiliarium, atq; administrum datum, ut si-
 bi eos, quos in auspicio esse iusserit: celiq; partes si-
 bi definitas

bi definitas esse traditas: e quibus sæpe opem referre
possit: deinde de promulgatione, de singulis rebus agen
dis, de priuatis, magistratibus'ue audiendis. tum leges
præclarissimæ de XII. tabulis trāslatæ duæ: quarū
altera priuilegia tollit: altera de capite ciuis rogari, nisi
maximo comitatu uetat. non dū initis seditiosis tribunis
plebis. Negocialis qdem, admirandum tantum maiores
in posterū prouidisse: in priuatos homines leges ferri no
luerunt. id est enim priuilegiū. quo quid est iniustus?
cum legis hæc uis sit. scitum est iussum in omnes, ferri
de singulis nisi centuriatis comitijs noluerunt. descriptus
n. populus censu, ordinibus, ætatibus, plus adhibet ad
suffragiū auxiliij: q̄ fuisse in tribus cōuocatus. quo uerius
in nostra causa uir magni ingenij, summaq; prudētia,
L. Cotta dicebat: nihil omnino actum esse de nobis
præterq̄ quod comitia illa essent armis gesta seruilibus:
propterea neq; tributa capitis: neq; comitia rata esse
possent: neq; ulla priuilegia: quo circa nihil nobis opus
esse lege: de quibus nihil omnino actum esset legibus.
sed uisum est & nobis, & clarissimis uiris melius, de
quo. C. Seruij et patroni tui sciuisse se aliquid dicerent:
de hoc eodē cunctam Italiam quid sentiret ostendere.
Sequitur de captis pecunijs, de ambitu legis. quæ cum
magis iudicijs q̄ uerbis sancienda sint: adiungitur, no
xiæ pœna par esto: ut in suo uitio quisq; plectatur: uis
capite, auaritia multa, honoris cupiditas ignominia
sanciantur. Extremæ leges sunt nobis non usitatæ, reip.
necessariæ. legum custodiam nullam habemus. itaq; hæ
leges sunt, quas apparitores nostri uolunt: à librarijs
petimus: publicis litteris consignatam memoriam publi
cam nullam habemus. Græci hoc diligentius: apud quos

DE LEGIBVS

πομπύλαυς creantur: nec hi solum litteras (nam id
 qdem etiam apud maiores nostros erat) sed etiā facta
 hominū observabant: ad legesq; reuocabant. Hæc detur
 cura censoribus: quando qdem eos in rep. semper uo-
 lumus esse: apud eosdē, qui magistratu abierint, edant,
 & exponant quid in magistratu gesserint: deq; ijs cen-
 sores præiudicent. hoc in græcia fit publice constitutis
 accusatoribus. qui qdem graues esse non possunt: nisi sine
 uoluntarij. Quocirca melius est rationes referri: cau-
 samq; exponi censoribus: integram tamen legem accu-
 satori, iudicioq; seruari. Sed satis iam disputatum est de
 magistratibus: nisi forte qd desideratis. Atti. Quid
 si non tacemus: locus tamen ipse admonet, quid tibi sit
 deinde dicendum. M. Mihi ne? de iudijs arbitror
 Pomponi. id est enim iunctum magistratibus. Atti.
 Quid? de iure populi ro. quemadmodū instituiſti dicen-
 dum nihil putas? M. Quid tandem hoc loco est quod
 requiras? Atti. Ego ne? quod ignorari ab ijs, qui in
 rep. uersantur, turpissimum puto. Nam ut modo a te di-
 ctum est: leges a librarijs lego: sic animaduerto quosq;
 in magistratibus ignoratione iuris sui tantum sapere
 quantum apparitores uelint. quamobrem, si de sacrorū
 alienatione dicēdū putasti: cum de religione leges pro-
 posueras: faciendū tibi est: ut magistratibus lege constitu-
 tis, de potestate, tū de iure disputes. M. Faciā breuiter:
 si consequi potuero. nā pluribus uerbis scripsit ad pa-
 trem suum M. Iunius sodalis: perite meo qdem iudi-
 cio, & diligenter. At de iure naturæ cogitari p nos, &
 quæ dicere debemus, de iure populi ro. quæ relictæ
 sunt, et tradita. Atti. Sic profecto censeo: et id ipsum
 quod dicis, expecto.

F I N I S.



M. TVLLII CICERONIS EX TIMEO.

PLATONIS DE VNIVERSITA

TE LIBER INCIPIT.

*U*ltæ sunt à nobis, & in Academicis
 conscriptæ contra physicos, & sæpe
 m P. Nigidio Carneadeo more & modo
 disputata. fuit enim uir ille cum cæ-
 teris artibus, quæ quidem dignæ libe-
 ro essent, ornatus omnibus: tum acer inuestigator, & di-
 ligens earum rerum, quæ à natura inuolutæ uiden-
 tur. deniq; sic iudico: post illos nobiles Pythagoreos,
 quorum disciplina extincta est quodammodo: cum ali-
 quot sæcula in Italia, Siciliaq; uiguisset: hunc extitisse,
 qui illam renouaret. qui cum me in Ciliciam profici-
 scientem, Ephesi expectauisset, Romam ex legatione ipse
 decedens: uenissetq; eodem Mytilenis mei salutandi, &
 uisendi causa Cratippus Peripateticorum omnium,
 quos quidem ego audiuerim, meo iudicio, facile prin-
 ceptis: perlibenter & Nigidium uidi: & Cratippum
 cognoui. Ac primum quidem tempus salutationibus,
 reliquum per cunctatione consumpsimus.

Desunt multa.

DE VNIVERSITATE

quid est, quod semper sit: neq; ullum habet ortum: & quod gignatur: nec unquam sit. quorum alterum intelligentia, & ratione comprehenditur: quod unum semper, atq; idem est: alterum quidem affert opinionem sensus, rationis expers, quod totum opinabile est. id gignitur, & interit: nec unquam esse uere potest. omne autem quod gignitur, ex aliqua causa gigni necesse est. nullius enim rei causa remota, reperiri origo potest. quocirca si is, qui aliquod munus efficere molitur, eam speciem, quæ semper est eadem, intuebitur: atq; eam sibi proponet exemplar: præclarum opus efficiat necesse est. sin autem illam, quæ gignitur: nunquam illam quam expetet pulchritudinem consequetur. omne igitur cælum siue mundus, siue quo alio uocabulo gaudet: hoc a nobis nuncupatus sit. de quo id primum consideremus, quod principio est in omni questione considerandum: semper ne fuerit nullo generatus ortu: an ortus sit: an ab aliquo temporis principatu ortus est: quandoquidem cernitur, & tangitur, & est undiq; corporatus. omnia autem talia sensum mouent: sensusq; mouentia quæ sunt, eadē in opinione confidunt: quæ ortum habere, gigni q; diximus. nihil autem gigni posse sine causis. atq; illū quidem quasi parentem huius uniuersitatis inuenire difficile: & cum iam inueneris indicare in uulgus nefas. rursum igitur uidendum ille fabricator tanti operis, utrum sit imitatus exemplar, id ne quod semper unum & idem, uti sui simile, an id quod generatum ortumq; dicimus. Atq; si pulcher est hic mundus, si probus eius artifex: profecto speciem æternitatis imitari maluit. sin secus: quod ne dictu quidem fas est: generatum exemplum est pro æterno

corporatus

æterno secutus. non igitur dubium, quin æternitatem
maluerit exequi: quandoquidem neq; mundo quicquam
pulchrius: neq; eius ædificatore præstantius. si ergo ge-
neratus: ad id est effectus, quod ratione sapientiaq; com-
prehenditur: atq; immutabili æternitate continetur. ex
quo efficitur, ut sit necesse hunc quem cernimus mun-
dum, simulachrum æternum esse alicuius æterni. diffi-
cillimum autem est in omni conquisitione rationis, ex-
ordium. de his igitur quæ diximus, hæc sit prima di-
stinctio, in omni oratione cum his rebus, de quibus ui-
detur explicata cognitio. itaq; cum de re stabili & im-
mutabili disputatur: oratio talis sit, qualis sit illa, quæ
neq; redargui, neq; conuinci potest. cum autem ingressa
est imitata, & effecta simulachra, bene agi putat, si
similitudinem ueri consequatur. quantum enim ad id
quod ortum est, æternitas ualet: tantum ad fidem ue-
ritas. quo circa si forte de deorum natura, ortuq; mun-
di differentes, minus id quod habemus animo conse-
quimur: ut tota dilucide, & plane oratio exornata
sibi constet: & ex omni parte secum ipsa consentiat:
haud sanè erit mirum: contentiq; esse debetis, si pro-
babilia dicentur. æquum est enim meminisse, & me,
qui disseram, hominem esse, & uos, qui iudicatis: ut
si probabilia dicentur, nil ultra requiratis. Quæ-
ramus igitur causam, quæ eum impullerit, qui hæc
machinatus sit, ut originem rerum, & molitionem
nouam quæreret. probitate uidelicet præstabat. pro-
bus autem inuidet nemini. itaq; omnia sui similia ge-
nerauit. hæc nimirum gignendi mundi causa iustissi-
ma: nam cum constituisset Deus bonis omnibus explere
mundum: mali nihil admiscere: quoad natura patere-

M. hinc

DE VNIVERSITATE

tur: quicquid erat quod in cernendi sensum caderet, id sibi assumpsit, non tranquillum & quietum, sed immoderate agitatam, et fluctuans. idque ex inordinato in ordinem adduxit. hoc enim iudicabat esse præstantius. fas autem nec est, nec unquam fuit, quicquam nisi pulcherrimum facere eum, qui esset optimus. cum ratione igitur habuisset: reperiēbat nihil esse eorum, quæ natura cernerentur, non intelligens intelligente in toto genere præstantius. quo circa intelligentiam in animo, animum conclusit in corpore. sic ratus est opus illud effectum esse pulcherrimum. quam ob causam non est cunctandum profiteri: si modo inuestigari aliquid coniectura potest: hunc mundum animal esse: idque intelligens: et diuina prouidentia constitutum. hoc posito quod sequitur uidendum est, cuiusnam animantium deus in fingendo mundo similitudinem secutus sit. nullius profecto, eorum quidem, quæ sunt nobis nota animantia: sunt enim omnia in quædam genera partita, aut inchoata, nulla ex parte perfecta. imperfecto autem nec absoluto simile pulchrum esse nihil potest. cuius ergo omne animal, quasi particula quædam est: siue in singulis, siue in diuerso genere cernatur: eius similem mundum esse dicamus. omnes igitur qui animo cernuntur, & ratione intelliguntur animantes, complexu rationis & intelligentiæ. sic ut homines, hoc mundo & pecudes, & omnia quæ sub aspectum cadunt comprehenduntur. quod enim pulcherrimum in rerum natura, & intelligi potest, & quod ex omni parte absolutissimum est: cum deus similem mundum efficere uellet: animal unum aspectabile, in quo omnia animalia continerentur effectat. recte ne igitur unum mundum dixerimus, an sint

Aspectabile

an sint plures, an innumerabiles, dictu uerius & melius. unus profecto: siquidem factus est ad exemplum. quod enim omnes animantis eos, qui ratione intelliguntur complectitur: id non potest esse cum altero. rursus enim alius animans, qui eum contineat sit necesse est, cuius partes sint animantes superiores: coelumq; hoc simulachrum illius ultimi sit, non proximi. quorum ne quid accideret, atq; ut hic mundus esset animanti absoluto simillimus, hoc ipso, quod solus atq; unus esset, ideo singularem deus hunc mundum, atq; unigenam procreauit. corporeum autem, & aspectabile, itemq; tractabile omne necesse est esse, quod natum est. nihil porro igni uacuum uideri potest: nec uero tangi quod careat solido: solidum autem nihil quod terræ sit expers. quamobrem mundum efficere moliens deus, terram primum, ignemq; iungebat. omnia autem duo ad coherendum tertium aliquid requirunt: & quasi nodum, uinculumq; desiderant. sed uinculorum id est aptissimum atq; pulcherrimum, quod ex se, atq; de his quæ astringit, quammaxime unum efficit. id optime assequitur, quæ græce ἀναλογία, latine (audendum est enim quoniam hæc primum a nobis nouantur) comparatio proportionē dici potest. quando enim trium uel numerorum, uel figurarum, uel quorumcunq; generum contingit, ut quod medium, sit uti primum proportionē, ita id postremo comparetur: uicissimq; ut extremum cum medio, sic medium cum primo conferatur: id quod medium est, tum primum fit: tum postremum: postrema uero & prima media fiunt. ita necessitas cogit, ut eadem sint ea quæ deiuncta fuerunt. eadem autem cum facta sint, efficitur, ut omnia sint unum. quod si

Unigena
Aspectabilis

ἀναλογία

DE VNIVERSITATE

universitatis corpus planum & æquabile explicare-
 tur: neq; in eo quicquam esset requisitum: unum inte-
 riectum medium, & seipsum, & ea quibus esset in-
 terpositum colligaret. sed cum soliditas mundo quære-
 retur: solida autem omnia uno medio nunquam, duo-
 bus semper copulentur: ita contingit ut inter ignem, &
 terram, aquam deus, animamq; poneret: eaq; inter se
 compararet: & proportionem coniungeret: ut quemad-
 modum ignis animæ, sic anima aquæ, quodq; anima
 aquæ, id aqua terræ proportionem redderet. qua ex con-
 iunctione cælum ita actum est, ut sub aspectum, et ta-
 ctum cadat. itaq; & ob eam causam, & ab ijs rebus
 numero quatuor, mundi est corpus effectum, ea con-
 structum proportionem, quam dixi: ex quo ipse se con-
 cordi quadam amicitia, & charitate complectitur:
 atq; ita apte cohæret: ut dissolui nullo modo queat,
 nisi ab eodem à quo est ligatus. earum autem quatuor
 rerum, quas supra dixi, sic in omni mundo omnes
 partes collocatæ sunt: ut nulla pars huiusce generis
 excederet extra: atq; in hoc universo inessent genera
 illa universa. id ob eas causas, primum ut mundus
 animans possit ex perfectis partibus esse perfectus:
 deinde ut unus esset, nulla parte unde altera gigne-
 retur relicta: postremo ne quis morbus eum possit,
 aut senectus affligere. omnis enim coagmentatio cor-
 poris, uel calore, uel frigore, uel aliqua impulsione
 uehementi labefactatur: & frangitur: & ad morbos
 senectutemq; compellitur. hanc igitur habuit rationem
 effectus mundi, molitorq; deus: ut unum opus totum,
 atq; perfectum ex omnibus totis, atq; perfectis absol-
 ueretur: quod omni morbo seniove careret. formam

Molitor

autem, & maxime sibi cognatam, & decoram dedit.
 à quo enim animante omnes reliquos contineri uellet
 animantes: hunc ea forma figurauit: qua una omnes
 reliquæ formæ concluduntur: & globosus est fabrica-
 tus: quod σφαῖρος græci uocant: cuius omnis extre-
 mitas paribus à medio radijs attingitur: idq; ita torna-
 uit, ut nihil effici possit rotundius: nihil ut asperitatis ha-
 beret, nihil offensionis, nihil inclusum angulis, nihil an-
 fractibus, nihil eminens, nihil lacunosum, omnesq; par-
 tes simillimæ omnium, quoad eius præstabat iudicio,
 dissimilitudini similitudo. omni autem totam figuram
 mundi leuitate circundedit. nec enim oculis egebat:
 quia nihil extra quod cerni posset relictum erat: nec
 auribus: quia ne quod audiretur quidem: neq; erant
 aere circumfusa extrema mundi: ut respirationem
 requireret. nec uero desiderabat, aut alimenta cor-
 poris, aut detractionem confecti, & consumpti cibi:
 neq; enim ulla decessio fieri poterat, neq; accessio. neq;
 uero erat unde: ita se ipse consumptione & senio ale-
 bat sui: cum ipse per se, & à se, & pateretur, &
 faceret omnia. sic enim ratus est ille, qui ista iunxit,
 & condidit: ipsum se contentum esse mundum: neque
 egere altero. Itaque nec ei manus affixit: quia nec ca-
 piendum quicquid erat, nec repellendum: nec pedes,
 nec alia membra, quibus ingressus corpore sustineret.
 motum enim dedit cælo eum, qui figuratus sit aptis-
 simus: qui unus ex septem motibus mentem atque
 intelligentiam cohiberet. maxima itaque una conuer-
 sione, atq; eadem ipse circum se torquetur, & uertitur.
 sex autem reliquos motus, ab eo separauit. itaq; eum
 ab omni erratione liberauit. ad hanc igitur conuersio-

σφαῖρος
 Globosus
 Tornare

DE VNIVERSITATE

nem, quæ pedibus & gradu non egeret, ingrediendi membram non dedit deus is, qui erat de aliquando deo futuro cogitans. leueme eum effecit, & undique æquabilem, & à medio ad summum parem, & perfectum, atque absolutum, ex absolutis, atque perfectis. animum autem ut in eius medio collocauit. ita per totum tetendit. deinde eum circundedit corpore: & uestiuit extrinsecus: cæloq; solinago & uolubili, & in orbem incitato complexus est: quod secum ipsum propter uirtutem facile esse posset: nec desiderat alterum satis sibi ipse notus, & familiaris. sic deus ille æternus hunc perfecte beatum deum procreauit. sed animum haud ita, ut modo locuti sumus, tum deniq; cum corpus ei effecisset inchoauit. neq; enim esset rectum minori parere maiorem. sed nos multa inconsiderate ac temere dicimus. deus autem & ortu & uirtute antiquiorem genuit animum: eumq; ut dominum atq; imperantem obedienti præfecit corpori: idq; molitus tali quodam est modo. ex materia, quæ indiuidua est, & quæ semper uniusmodi, suiq; similis, & ex ea quæ corporibus diuidua gignitur, tertium materiae genus admiscuit ex duobus in medium: quod esset eiusdem naturæ: & quod alterius: idq; interiecit inter indiuiduum, atq; id quod diuiduum esset in corpore. ea cum tria sumpsisset: unam in speciem temperauit: naturamq; illam, quam alterius diximus uel cum eadem coniunxit fugientem: & eius copulationis alienam permiscens cum materia, cum ex tribus effecisset unum: id ipsum in ea quæ deuit membra partitus est. iam partes singulas ex eodem, et ex altero, & ex materia temperauit. fuit autē talis illa partitio. unam principio partē detraxit

ex toto secundam autem primæ partis duplam. deinde
 tertiam quæ esset secundæ sesquialtera, primæ tripla.
 deinde quartam, quæ secundæ dupla esset. quintam
 inde quæ tertiæ tripla. tum sextam octuplam primæ.
 postremo septimam quæ septem, & uiginti partibus
 antecederet primæ. deinde instituit dupla & tripla
 intervalla explere, partes rursus ex toto desecans: quas
 intervallis ita locabat: ut in singulis essent bina media.
 uix enim audeo dicere medietates: quas græci *meßo-*
titas appellant. sed quasi ita dixerim ita intelligatur.
 erit enim planius. earum alteram, eadem parte præ
 stantem extremis, eademq; superatam, alteram pari
 numero præstantem extremis pariq; numero supe
 ratam. sesquialteris autem intervallis, & sesquitertijs,
 & sesquioctavis sumptis, ex his colligationibus in
 primis intervallis, sesquioctavo intervallo, sesquitertia
 omnia explebat: cum particulam singulorum relin
 queret. eius autem particulæ intervallo relicto habebat
 numerus ad numerum eandem proportionem, com
 parationemq; in extremis: quam habent CCLVI
 cum CCXLIII atq; ita permistum illud, ex quo hæc
 secuit: iam omne consumpserat. hanc igitur omnem
 coniunctionem duplicem in longitudinem diffidit: me
 diæq; accommodans mediam, quasi decussavit: deinde
 in orbem torfit: ut & ipse secum, & inter se ex com
 missura, quæ e regione esset, iungerentur: eoq; motu
 cuius orbis semper in eodem erat, eodemq; modo cie
 batur undiq; est eos circumplexus. atq; ita cum alterum
 esset exteriorem amplexus orbem: illum eiusdem natu
 ræ, hunc alterius notavit: eamq; quæ erat eiusdem
 detorsit à latere in dextram partem: hanc autem citi-

*Medietates**D. rursus**C. in m. us*

DE VNIVERSITATE

nam & a media linea direxit ad leuam. sed principatum dedit superiori: quam solam indiuiduam reliquit. interiore autem cum in sex partes coeli diuississet: septem orbis disparis duplo, & triplo intervallo moueri iussit, contrarijs inter se cursibus. eorum autem trium fecit pares celeritates: sed quatuor, & inter se dispares, & dissimiles trium reliquorum. animum igitur cum ille procreator mundi deus, ex sua mente & diuinitate genuisset: tum deniq; omne quod erat concretum, atq; corporeum substernebat animo: interiusq; faciebat: atq; ita medio medium accommodans copulabat. sic animus a medio profectus, extremitatem coeli a suprema regione rotundo ambitu circuniecit: seseq; ipse uersans, diuinæ, sempiternæ, sapientisq; uitæ induxit exordium. & corpus quidem coeli spectabile effectum est. animus autem oculorum effugit obtutum: est autem animus ex omnibus rationis, contentionisq; (ἀρμονία græce) sempiternarum rerum, & sub intelligentiam cadentium, compos & particeps: quo nihil ab optimo & præstantissimo genitore melius procreatum. quippe qui ex eadem uinctus, alteraq; natura, adiuncta materia temperatione trium partium, proportionem compacta, seipse conuersans, cum materiam mutabilem arripuisset: & cum rursus indiuiduam atq; simplicem: per quam omnis mouetur, discernitq; quid sit eiusdem generis, & quid alterius: & cætera diiudicat, quid cuiq; rei sit maxime aptum: quid quoq; loco, aut modo, aut tempore contingat: quæq; distinctio sit inter ea, quæ gignantur, & ea quæ sunt semper eadem. & in his quæ mutantur, cum in eodem, & in altero mouetur: ipsa per sese sine uoce, & sine ullo so-

no, cum eandem partem attingit, qua sensus fieri potest: orbis illius generis alterius immutatus & rectus, omnia animo mentiꝫ; denunciat: tum opiniones, adfensionesꝫ; firmæ ueræꝫ; gignuntur. cum autem in illis rebus uertitur, quæ manentes semper eadem, non sensu sed intelligentia continentur.

De sunt nonnulla.

ita uim suam natura conuertit: ut terram Lunæ cursus proxime ambiret: eiꝫ; supra terram proxima Solis circunuectio esset. lucifer deinde & sancta Mercurij stella, cursum habent solis celeritati parem, sed uim quandam contrariam: eadꝫ; conuersione quam inter se habent lucifer, Mercurius, Sol aliꝫ; , alios uincunt, uicissimꝫ; uincuntur. Reliquorum syderum, quæ causa collocandi fuerit, quæꝫ; eorum sit collocatio in sermonem alium differendum est: ne in eo quod attingendū fuit, q̃ in eo, cuius causa id attigimus, longior ponatur oratio. quando igitur unumquodꝫ; eorum syderum, cursum decorum est adeptum: ex quibus erat motus temporis consignandus: colligatisꝫ; corporibus uinculis animalibus: tum animantia orta sunt: eadꝫ; imperio

DE VNIVERSITATE

parere didicerunt, tunc ex alterius naturæ motione transuersa, in eiusdem naturæ motum incurrentia, in eaq; hærentia, atq; impedita, cum alia maiorem lustrarent orbem: alia minorem: tardiusq; maiorem: celeriusq; minorem: motu unius eiusdemq; naturæ, quæ uelocissimo mouebantur, ea celeritate uinci à tardioribus, & cū superabant, superari uidebantur. omnis enim orbis eorum, quasi facilitatis inflexione uertebatur. quam bisariam contrarie simul procedentia efficiebant: ut quod esset tardissimum, id proximum fieret celerrimo. atq; ut esset mensura quædam euident: quæ in istis octo cursibus celeritates, tarditatesq; declararet: deus ipse solem, quasi lumen accendit ad secundum supra terram ambitum: ut quammaxime cœlū omnibus colluceret: animantesq;, quibus uis esset doceri, ab eiusdem motu & ab eo, quod simile esset, numerorum naturam, uimq; cognoscerent. nox igitur & dies ad hunc modum, & ob has generata causas, unum circuitum orbis efficit, sapientissimum, atq; optimum. mensis autem quando luna lustrato suo cursu, Solem consecuta est: annus ubi Sol suum totum confecit, & peragrauit orbem. cæterorum autem syderum ambitus ignorantes homines, præter admodum paucos, neq; nomen appellant: neq; inter se numero commetiuntur. itaq; nesciunt hos syderum errores id ipsum esse, quod rite dicitur, tempus, multitudine infinita, uarietate admirabili præditos. attamen illud prospici, & intelligi potest, absoluto, perfectoq; numero temporis, absolutum, perfectumq; annum, tunc compleri deniq; cum se octo ambitus confectis suis cursibus ad idem caput rettulerunt: cumq; eos permensus est idem, et semper sui similis orbis. has
igitur

igitur ob causas nata astra sunt: quæ per cælum pe-
netrantia solstitiali se & brumali reuocatione conuer-
terent: ut hoc omne animal, quod uidemus, esset illi ani-
mali, quod sentimus, ad æternitatis imitationem simil-
limum. & cætera quidem usq; ad temporis ortum im-
pressa ab illis, quæ imitabatur, effinxerat. sed quia
nondum omne animal in mundo intus incluserat: ex
ea parte deficiebat ad propositum exemplar imagi-
nis similitudo. quot igitur, & quales animalium for-
mas mens, in speciem rerum intuens, poterat cernere:
totidem, & tales in hoc mundo secum cogitauit effin-
gere. erant autem animantium genera quatuor, quorū
unum diuinum, atq; coeleste: alterum pennigerum &
aërium: tertium * terrestre quartum. diuinæ ani-
mationis maxime speciem faciebat ex igne: ita ut splen-
didissimus esset, & aspectu pulcherrimus. cumq; simi-
lem uniuersitatis naturæ efficere uellet: ad uolubilitatē
rotundauit: comiteq; eum sapientia q̄optimæ mentis
effecit: circumq; cælū æqualiter distribuit: ut hunc ua-
rietate distinctū, bene græci νόμος, nos lucentē mun-
dum nominaremus. dedit autem diuinis duo genera mo-
tus: unum quod semper esset in eodem æque, & idem
in omnibus, atq; uno modo celeraret: alterum quod
ante mouit in quam partem a' conuersione eiusdem,
& similis, pelleretur. quinq; autem reliquis motibus
orbem eum esse uoluit expertem, immobilem, &
stantem. ex quo genere ea sunt sydera, quæ infixæ
cælo non mouentur loco: quæ sunt animantia, eaq;
diuina: ob eamq; causam, suis sedibus in hærent: &
perpetuo manent. quæ autem uaga & mutabili ratione
labuntur, ita generata sunt: ut supra diximus. iam

Animatio

Rotundum

Nomos

Celerans

DE VNIVERSITATE

uero terram altricem nostram, quæ transfecto axe
sustinetur: diei noctisq; effectricem, eandemq; custo=
dem: antiquissimam deorum uoluit esse eorum, qui
intra coelum gignerentur. fulsiones autem deorum,
et inter ipsos deos conuersiones, quæq; in orbibus
eorum conuersiones, antecessi nesq; eueniant, cumq;
inter se pene contingant, eos qui propè copulentur
contraria regione, et pone quos, aut ante labuntur,
quisq; temporibus à nostro aspectu oblitescant, rur=
susq; emersti errorem incutiant rationis expertibus, si
uerbis explicare conemur, nullo posito sub oculis simu=
lacro: earum rerum frustra suscipiatur labor. Sed
hæc satis sunt dicta nobis: quæ de deorum qui cer=
nuntur, quiq; orti sunt natura præfati sumus, habeant
hunc terminum. reliquorum autem, quos græci δαίμονας
appellant: nostri opinor, laris: si modo hoc recte con=
uersum uideri potest: et nosse, et nunciare ortum
eorum maius est: quàm ut profiteri scribere nos audeamus.
credendum nimirum est ueteribus et priscis, ut aiunt,
uiris, qui se progeniem deorum esse dicebant. itaq;
eorum uocabula nobis prodiderunt. nosse autem gene=
ratores suos optime poterant: ac difficillime factum est à
dijs ortis fidem non habere: quanq; nec argumentis,
nec rationibus certis eorum oratio confirmatur: sed
quia de suis rebus notis uidentur loqui: ueteri legi,
moriq; parendum est. sic igitur, ut ab his est tradi=
tum, horum deorum ortus habeatur, atq; dicatur: ut
oceanum salaciamq; cæli satum terræq; conceptu gene=
ratos, editosq; memoremus: ex his phorcyn, Saturnum
et opem: deinceps Iouem, atq; Iunonem, reliquos,
quos fratres inter se, agnatosq; usurpare, atq; appel=
lare

Fulsio

Poni

δαίμονας
Laris

salaciam
phorcyn

lare uidemus, & eorum ut utamur ueteri uerbo,
profapiam. quando igitur omnes, & qui mouentur. *In sapia*
palamq; ostenduntur, & qui ea tenus nobis decla-
rantur, quo ipsi uoluit, creati sunt: tum ad eos is
deus, qui omnia genuit, fatetur. hæc uos qui deorum
satu orti estis attendite: quorum operum ego parens
effectorq; sum, quæ per me facta, non sunt dissoluta
me inuito: quanq̃ omne colligatum, solui potest. sed
haud quaq̃ boni est, ratione uinctum uelle dissoluere.
sed quoniam orti estis; immortales uos quidem esse,
& indissolubiles non potestis: neutiq̃ tamen dissolue-
mini: nec uos ulla mortis fata periment: nec fraus ua-
lentior, q̃ consilium meum: quod maius est uinculum
ad perpetuitatem uestram: q̃ illa quibus estis, tum
cum gignebamini, colligati. quid sentiam igitur cogno-
scite. tria nobis genera reliqua sunt: eaq; mortalia:
quibus prætermisiss, cœli absolutio perfecta non erit.
omnia enim genera animalium complexu non tenebit.
teneat autem oportebit, ut eodem nequid absit, quæ a
me ipso effecta sint, quod deorum uitam possit adæ-
quare. ut igitur mortali generentur conditione, uos su-
scipite: ut illa gignatis: imiteminiq; uim meam: qua
in uestro ortu me usum esse meministis: in quibus qui
tales creantur, ut deorum immortalium, quasi genti-
les esse debeant: diuini generis appellentur: teneantq;
omnium animantium principatum: nobisq; iure &
lege uolentes pareant: quorum uobis initium, statusq;
traditur a me: uos autem ad id, quod erit immortale,
partem atexitote mortalem. ita orientur animantes:
quos & uiuos alatis: & consumptos sinu recipiatis.
hæc ille dixit. deinde ad temperationem superiorem

DE VNIVERSITATE

reuerſit : in qua omnem animum uniuerſæ naturæ temperans permiſcebat : ſuperisq; permiſſionis reliquias fundens æquabat, eodẽ modo ferme : niſi quod non ita incorrupta , ut ea quæ ſemper idem , ſed à dijs ſecundum ſumebat , atq; tertium . toto igitur omnino conſtituto ſyderibus parem numerum diſtribuit animorum : & ſingulos adiunxit ad ſingula : atq; ita quaſi in currum uniuerſitatis impoſuit : commonſtrauitq; leges fatales, ac neceſſarias : & oſtendit primum ortum unum fore omnibus : eumq; moderatum , atq; conſtantem , nec ab ullo imminutum : conſatis autem, & quaſi ſparſis animis , fore uti certis temporum intervalis , oriretur animal : quod eſſet ad cultum deorum aptiſſimum . ſed cum duplex eſſet natura generis humani: ſic res habebant: ut præſtantius genus eſſet eorum , qui eſſent futuri uiri . cum autem animis corpora , cum neceſſitate inſeuiſſet : cumq; ad corpora neceſſitate acceſſio fieret , tum abſceſſio : neceſſe erat ſenſum exiſtere unum , communemq; omnium uehementiore motu excitato, coniunctoq; naturæ : deinde uoluptate & moleſtia mixtum amorem: poſt iram & metum, & reliquos motus animi, comites ſuperiorum, & his etiam contrarios diſſidentes : quos qui ratione rexerit, iuſte uixerit: qui autem his ſe dederit, iniuſte . atq; ille , qui recte & honeſte curriculum uiuendi à natura datum confecerit : ad illud aſtrum , quo cum aptus fuerit reuertetur : qui autem immoderate & intemperate uixerit : eum ſecundus ortus in figuram muliebrem transferet: & ſi ne tum quidem finem uitiorum faciet : grauius etiam iactabitur : & in ſuis moribus ſimillimas figuras pecudum , & ferarum transferetur:

transferetur: neq; malorum terminum prius aspiciet:
 q̄ illam sequi coeperit conuersionem quam habebat in
 se eiusdem, & unius simul innatam & insitam. quod
 tum eueniet, cum illa quæ ex igne, aere, aqua, atq;
 terra turbulenta, & rationis expertia insederint:
 deniq; ratione depulerit: & ad primam atq; optimā
 affectionē animi puenerint. Quæ cum ita designasset:
 seseq; si quid postea fraudis, aut uitij euenisset, extra
 omnem culpam, causamq; posuisset: aliosq; in terra,
 alios in Luna, alios in reliquas mundi partes, quæ
 sunt ad spatiorum temporis significationem notæ con-
 stitutæ, spargens quasi serebat. Post autem sationem
 eam, dijs, ut ita dicam, iunioribus permisit, ut cor-
 pora mortalia effingerent: quantumq; esset reliquum
 ex humano animo, quod deberet accedere, id omne
 & quæ sequentia essent perpolirent, & absoluerent:
 deinde ut huic animanti principem quā se ducemq;
 præberet: uitamq; eius pulcherrime regeret, & gu-
 bernaret: nisi quatenus ipse beneficijs, sua culpa sibi
 aliquid miserie quæreret. atq; is quidem qui cuncta
 composuit, constanter in suo manebat statu. qui autem
 erant ab eo creati, cum parentis ordinem cognouis-
 sent, hunc sequebantur. itaq; cum accepissent im-
 mortale principium, mortalis animantis, imitantes ge-
 nitorem & effectorem sui, particulas ignis, & terræ,
 & aquæ, & aëris a mundo, quas rursus redderent,
 mutuabantur: easq; inter se copulabant, haud iisdem
 uinculis, quibus ipsi erant colligati: sed talibus quæ
 cerni non possent, propter paruitatem: crebris quasi
 cuneolis iniectis, unum efficiebant ex omnibus corpus:
 itemq; in eo influente atq; effluente animo diuino am-

*Par uisus
 cum moris*

DE PETITIONE CONSULATVS

Poni

bitus illigabant. itaq; illi in flumen immersi, neq; tenebant: neq; tenebantur: sed vi magna tum ferebant: tum ferebantur. ita totum animal movebatur illud quidem, sed immoderate & fortuitu: ut sex motibus ueheretur: nam & ante & pone, ad laeuam, & ad dextram, et sursum, et deorsum, modo huc, modo illuc.

Multa desunt.

sed si in splendore confedit: tum uel eadem species, uel interdum immutata redditur: cum ignis oculorum, cum eo igne, qui est ob os offusus, se confundit, & contulit. dextra autem uidentur, quæ laeua sunt: quia contrarijs partibus oculorum, contrarias partes attingunt. respondent autem dextra dextris, laeua laeuis conuersione luminum: cum ea inter se non cohaerescunt. id fit, cum speculorum leuitas hinc, illincq; altitudinem assumpsit: & ita dextra detrusit in laeuam partem oculorum: laeuaq; in dextram. supina etiam ora cernuntur depulsione luminum: quæ conuertens inferiora reddit, quæ sunt superiora. atqui hæc omnia ex eo genere sunt, quæ rerum adiuvant causas. quibus utitur ministerijs deus, cum optimi speciem, quo ad fieri potest effecit. sed æstimant pleriq; non hæc adiuvantia causarum, sed has ipsas esse omnium causas: quæ uim habeant frigoris & caloris, concretionis, & liquoris: careant autem omni intelligentia, atq; ratione.

ratione. quæ nisi in animo, nulla alia in natura reperi-
antur. animus autem sensum omnem effugit oculo-
rum. at ignis, & aqua, & terra, & aer corpora
sunt: eaq; cernuntur. Illum autem qui intelligentiæ
sapientiæq; se amatorem profitetur, necesse est intelli-
gentis sapientisq; naturæ primas causas conquirere:
deinde secundas causas rerum earum, quæ necessario
mouent aliàs, ipsæ ab alijs mouentur. quo circa nobis
sic cerno esse faciendum: ut de utroq; nos quidem di-
camus genere causarum separatim: tam de his, quæ
cum intelligentia sunt efficientes pulcherrimarum re-
rum, atq; optimarum: & de his, quæ uacantes, pru-
dentia, inconstantia, perturbata, quæq; efficiunt. ac de
oculorum quidem causis, ut haberent eam uim, quam
nunc habent, satis ferme esse dictum puto. maxima
autem eorum utilitas donata humano generi deorum
munere deinceps explicetur. rerum enim optimarum
cognitiones nobis oculi attulerunt. nam hæc quæ est
habita de uniuersitate oratio, a nobis haud unq; esset
inuenta: si neq; sydera, neq; Sol, neq; cælum sub oculo-
rum aspectum cadere potuissent. nunc uero dies noc-
tesq; oculis cognitæ, tum mensium, annorumq; conuer-
siones, ad numerum machinatæ sunt: & spatium tem-
poris dimensæ sunt: & ad quæstionem totius naturæ
impulerunt. quibus ex rebus philosophiam adepti
sumus: quo bono nullum optabilius, nullum præstan-
tius, neq; datum est mortalium generi deorum con-
cessu, atq; munere: neq; dabitur.

Multa desunt.

C iiii

**Q. CICERO DE PETITIONE CON-
SVLATVS AD M. TVLLI-
VM FRATREM.**

T si tibi omnia suppetunt: quæ consequi ingenio, aut usu homines, aut diligentia possunt: tamen amore nostro non sum arbitratus alienum, ad te perscribere ea, quæ mihi ueniebant in mentem, dies ac noctes de petitione tua cogitanti: non ut aliquid ex ijs noui adijcerem: sed ut ea, quæ in re dispersa, atq; infinita uiderentur esse, ratione, et distributione, sub uno aspectu ponerentur. quanquam plurimum natura ualet: tamen uidetur in paucorum mensium negotio posse simulatio naturam uincere. Ciuitas quæ sit cogita: quid petas: qui sis. prope quotidie ad forum tibi descendi meditando hoc sit: nouus sum: consulatum peto: Roma est. nominis nouitatem dicendi gloria maxime subleuabis. semper ea res plurimum dignitatis habuit. non potest qui dignus habetur patronus consularium: indignus consulatu putari. quamobrem, quoniam ab hac laude proficisceris: Et quicquid es, ex hoc es: ita paratus ad dicendum uenito: quasi in singulis causis iudicium de omni ingenio futurum sit. Eius facultatis adiumenta, quæ tibi scio esse seposita, ut parata ac prompta sint cura: Et sepe quæ de Demosthenis studio Et exercitatione scripsit Demetrius recordare. deinde Et amicorum multitudo, Et genera appareant. habes enim ea, quæ noui habuerunt omnes: publicanos, totum fere equestrem ordinem, multa præterea

DE PETITIONE CONSULATVS

municipia, multos abs te defensos homines cuiusq; ordinis, aliquot collegia, præterea studio dicendi conciliatos plurimos adulescentes, quotidianam amicorum assiduitatem & frequentiam. hæc cura & ut teneas commendando, et rogando, & omni ratione efficiendo, ut intelligant qui debent tua causa, referendæ gratiæ, & qui uolunt, obligandi tui tempus sibi aliud nullum fore. etiam hoc multum uidetur adiuuare posse nouum hominem: hominum nobilium uoluntas, & maxime consularium. prodest, quorum in locum ac numerum peruenire uelis, ab his ipsis illo loco, ac numero dignum putari. hi rogandi omnes sunt diligenter: & ad eos allegandum: persuadendumq; est ijs: nos semper cum optimatibus de repub. sensisse: minime populares fuisse: si quid locuti populariter uidemur: id nos eo consilio fecisse: ut nobis Cn. Pompeium adiungeremus: ut eum, qui plurimum posset, aut amicum in nostra petitione haberemus: aut certe non aduersarium. præterea adulescentes nobiles elabora ut habeas: uel ut teneas studiosos quos habes. multum dignitatis afferent. plurimos habes: perfice ut sciant, quantum in his putes esse. si adduxeris, ut ij qui nolunt, cupiant, plurimum quidem proderunt. ac multum etiam nouitatem tuam adiuuat: q̃ eiusmodi nobiles tecum petunt: ut nemo sit, qui audeat dicere, plus illis nobilitatem, q̃ tibi uirtutem prodesse oportere. Iam P. Galbam, & L. Cassium summo loco natos, quis est qui petere consulatum putet? uides igitur amplissimis ex familijs homines, qui sine neruis sint tibi pares esse non posse. At Antonius & Catilina molesti sunt. immo homini nouo, industrio, innocenti, disertio, gratioso

Augur.

apud eos qui res iudicant, optandi competitores, ambo
sicarii, ambo libidinosi, ambo egentes. eorum alterius
bona proscripta uidimus: uocem denique audiuius iu-
rantis se Romæ, iudicio æquo cum homine græco cer-
tare non posse: Et ex senatu eiectum scimus. optima
uero censorum existimatione in prætura competitorem
habuimus, amico Sabidio, Et Panthera: quod ad tabu-
lam, quos poneret non habebat. quo tamen in magi-
stratu amicam, quam palam domi haberet, de ma-
chinis emit. In petitione autem consulatus auspices
omnes hic compilare per turpissimam legationem ma-
luit: quam adesse: Et populo Ro. supplicare. Alter
uero diu boni, quo splendore est? primum nobilitate
eadem qua Catilina. num maiore? non, sed uirtu-
te. Quamobrem qui inanius umbram suam metuit,
hunc negliges quidem? natum in patris egestate, edu-
catum in sororis stupris, corroboratum in cæde ciuium,
cuius primus ad remp. aditus in equitibus Romanis
occidendis fuit. Nam illis quos meminimus gallis, qui
tum Ticinniorum, ac Vanniorum, ac Tanusiorum
capita demebant, Scylla unum Catilinam præfecerat.
in quibus ille hominem unum optimum Q. Cau-
cilius sororis suæ uirum, equitem Ro. nullarum
partium, cum semper natura, tum etiam ætate iam
quietum, suis manibus occidit. quid ego nunc dicam
petere eum tecum consulatum, qui hominem charis-
simum populo Ro. M. Marium inspectante Po. Ro.
uirgis per totam urbem ceciderit? ad bustum egerit?
ibi omni cruciatu lacerarit? uiuo stanti collum gladio
sua dextera secuerit: cum sinistra capillum eius a-
uertice teneret: caput sua manu tulerit: cum inter di-

DE PETITIONE CONSVLATVS.

Eximius.

gitos eius rivi sanguinis fluere. qui postea cum histrionibus, & cum gladiatoribus ita iuxta: ut alteros libidinis, alteros facinoris adiutores haberet. qui nullum in locum tam sanctum ac tam religiosum accessit: in quo non, & si in alijs culpa non esset, tamen ex sua nequitia dedecoris suspensionem relinqueret: qui ex curia Curios, & Annios, ab atrijs, Sapalas, & Caruilios, ex equestri ordine, Pompilios, & Cneios sibi amicissimos compararit: qui tantum habet audaciae: tantum nequitiae: tantum denique in libidine artis, & efficacitatis: ut parentum prope in gremijs praetextatos liberos constuprarit. quid ego nunc tibi de Africa. quid de testum dictis scribam? nota sunt: & ea tu saepius legito. Sed tamen hoc mihi non praetermittendum uidetur, quod primum tam egens ex eo iudicio discessit: quam quidem iudices eius ante illud iudicium fuerunt. deinde tam inuidiosus: ut aliud in eum iudicium quotidie flagitetur. Res se sic habet: ut magis timeat, etiam si quieuerit: quam ut contemnat, siquid commouerit. Quanto melior tibi fortuna petitionis data est: quam nuper homini nouo C. Caelio. ille cum duobus hominibus, ita nobilissimis petebat: ut tamen in ijs omnia pluris essent quam ipsa nobilitas: summa ingenia, summus pudor, plurima beneficia, summa ratio, ac diligentia petendi. tamen eorum alterum, cum deesset alter, Caelius etiam cum multo esset inferior genere, superior nulla re pene, superauit. quare si facies ea, quae tibi natura, & studia, quibus usus es semper, largiuntur: quae temporis tui ratio desiderat: quae potes: quae debes: non erit difficile certamen ijs competitoribus, qui nequa-

quam sunt tam genere insignes, quam uitijs nobiles: Quis enim reperiri tam improbus ciuis potest? qui uelit uno suffragio duas in rem publicam scias discrim- gere? Quoniam igitur quæ subsidia nouitatis habe- res, & habere posses exposui: nunc de magnitudi- ne petitionis dicendum uidetur. Consulatum petis: quo honore nemo est, qui te non dignum arbitretur: sed multi, qui inuideant. petis enim homo ex equestri loco summum locum ciuitatis: atq; ita summum: ut forti homini, diserto, innocenti, multo ille idem ho- nos plus amplitudinis, quam cæteris asserat. noli pu- tare eos, qui sunt eo honore usi, non uidere, tu cum idem sis adeptus: quid dignitatis habiturus sis. eos ue- ro qui consularibus familijs nati, locum maiorum con- secuti non sunt: suspicor tibi, nisi qui admodum te amant, inuidere. etiam novos homines prætorios exi- stimo, nisi qui tuo beneficio iuncti sunt, nolle abs te se honore superari. iam in populo quam multi in- uidi sunt: quam multi consuetudine horum annorum ab honoribus nouis alienati. uenire tibi in mentem certe scio, esse etiam nonnullos tibi iratos ex ijs causis, quas egisti necesse est. iam illud tute circumspecto: quod ad Cn. Pompeij gloriam augendam tanto studio te dedisti: num quos tibi putes ob eam causam esse ami- cos? quamobrem cum & summum locum ciuitatis pe- tas: & uideas esse studia, quæ tibi aduersentur: ad- hibeas necesse est omnem rationem, & curam, & laborem, & diligentiam. Et petitio magistratuum diuisa est in duarum rationum diligentiam: quarum altera in amicorum studijs, altera in populari uolun- tate ponenda est. Amicorum studia, beneficijs, &

DE PETITIONE CONSVLATVS

officijs, & uetustate, & facilitate, ac iucunditate naturæ parata esse oportet. sed hoc nomen amicorum in petitione latius patet quàm in cætera uita. quisquis est enim, qui ostendat aliquid in te uoluntatis: qui colat: qui domum uentitet: is in amicorum numero est habendus. sed tamen, qui sunt amici ex causa honestiore, cognationis, aut affinitatis, aut sodalitatis, aut alicuius necessitudinis, his, charum & iucundum esse maxime prodest. deinde ut quisq; optimus, ac maxime domesticus, ut is amet quisq; fidelissimum esse te cupiat, ualde elaborandum puto, ut tribules, ut uicini, ut clientes, ut deniq; liberti, postremo etiam seruitus. nam ferè omnis sermo ad forensem famam à domesticis emanat authoribus. deinde instituendi sunt cuiuscunq; generis amici ad speciem hominis illustris honore ac nomine: qui etiam si suffragandi studia non nauant: tamen afferunt petitori aliquid dignitatis ad iustitiam obtinendam. Magistratus, ex quibus maxime Cons. deinde Tr. Pl. ad conficiendum centurias homines excellenti gratia, qui tribuent centuriam, ut aliquod ex te beneficium, aut habent, aut ut habeant sperent, eos prorsus magnopere compara & confirma. nam per hos annos homines ambiciosi uehementer omni studio, atq; opere laborarunt, ut possent à tribulibus suis ea, quæ peterent, impetrare. hos tu homines quibuscunq; rationibus poteris, ut ex animo, atq; ut ex illa summa uoluntate tui studiosi sint, laborato. Quod si satis grati homines essent: illa omnia parata esse debebant. sicut parata esse concesso. nam hoc biennio quattuor sodalitates ciuium ad ambitionem gratiosissimorum tibi obligasti: M. Fun-

dani . Q. alli, Cn. Cornelij, L. Corniui : & horum in causis ad te deferendis quidnam eorum sodales receperint & confirmarint, scio . nam intersui . quare hoc tibi faciendum est : ut idem ab ijs quod debent exigas, sepe commonendo, rogando, confirmando, curando ut intelligant nullum tempus aliud se unquam habituros restituendæ gratiæ . profecto homines & spe reliquorum tuorum officiorum, etiam recentibus beneficijs ad studium seruandum excitabuntur . et omnino quoniam eo genere amicitiarum petitio tua maxime initiata est, quod causarum defensionibus adeptus es : fac ut plane ijs in rebus quos deuinctos tenes, descriptum, ac dispositum suum cuique munus sit . Et quemadmodum memini, q nulla in re illis unquam molestus fuisti, sic cura ut intelligant omnia te, quæ ab illis tibi deberi putaris, ad hoc tempus reseruasse . Sed quoniam tribus rebus homines maxime ad beneuolentiam, atq; hæc suffragandi studia ducuntur : beneficio, spe, adiunctione animi, uel uoluntate : animaduertendū est, quemadmodū cuique horum generi sit inseruendum . Minimis beneficijs homines adducuntur, ut satis causæ putent se ad studium suffragationis dedisse : ne dum ij quibus saluti fuisti : quos tu habes plurimos . & intelligant, si hoc tuo tempore non satisfecerint, se probatos nemini unquam fore . Quod cum ita sit : tamen rogandi sunt : atq; etiam in hanc opinionem adducendi : ut qui nobis adhuc obligati fuerint, ijs uicissim nos obligari adhuc posse uideamur . qui autem spe tenentur : quod genus hominum multo est diligentius, atq; officiosius : ijs fac ut propositum, ac paratum auxilium tuum esse uideatur : deniq; ut spe-

DE PETITIONE CONSULATVS.

Statorem te suorum officiorum esse intelligant diligenter: ut uidere te plane, atq; animaduvertere quantum ab unoquoq; proficiatur appareat. tertium illud genus est studiorum uoluntarium: quod agendis gratijs, accommodandis sermonibus ad eas rationes propter quas quisq; studiosus esse uidebitur, significanda ergo illos pari uoluntate, adducenda amicitia in spem familiaritatis, et consuetudinis confirmari oportebit. Atq; in ijs omnibus generibus iudicato et perpendito quantum quisq; possit: ut scias & quemadmodum cuiq; inseruias: & quid à quoq; expectes, & postules. Sunt enim quidam homines in suis ciuitatibus, & municipijs gratiosi: sunt diligentes, & copiosi: qui etiam si antea non studuerunt huic gratiae: tamen ex tempore elaborare eius causa, cui debent, aut uolunt, facile possunt. His hominum generibus sic inseruiendum est: ut ipsi intelligant te uidere quid à quoq; expectes: sentire quid accipias: meminisse quid acceperis. Sunt autem alij: qui aut nihil possunt: aut etiam odio sunt tribulibus suis: nec habent tantum animi, aut facultatis, ut enitentur ex tempore. hos internoscas: & uideto: ne spe in aliquo maiore posita, praesidij parum comparetur. & quanquam partis & fundatis amicitijs fretum ac munitum esse oporteret: tamen in ipsa petitione amicitiae permultae, ac perutiles comparantur. nam in caeteris molestijs, habet hoc tamen petitio commodi: ut possis honeste, quod in caetera uita non queas: quosq; uelis adiungere ad amicitiam: quibus cum si alio tempore agas, ut te utantur: absurde facere uideare. in petitione autem nisi id agas, & cum multis, & diligenter: nullus petitor esse uideare.

deare. Ego autem tibi hoc confirmo, esse neminem: nisi si aliqua necessitudine competitorum alicui tuorum sit adiunctus: a quo non facile si contenderis impetrare possis: ut suo beneficio promereatur, se ut ames: & sibi ut debeas: modo intelligant te magni aestimare: ex animo agere: bene se ponere: fore ex eo non breuem & suffragatoriam, sed firmam & perpetuam amicitiam. nemo erit, mihi crede, in quo modo aliquid uirtutis sit: qui hoc tempus sibi oblatum amicitiae tecum constituendae: praetermittat: praesertim cum id tibi casus afferat: uti tecum petant, quorum amicitia, aut contemnenda, aut fugienda sit: & qui hoc, quod ego te hortor, non modo non assequi, sed ne incipere quidem possint. Nam quid incipiat Antonius homines adiungere, atque inuitare ad amicitiam? quos per se suo nomine appellare non possit? mihi quidem stultius nihil uidetur: quam existimare eum studiosum tui: quem non noris. Eximiam quandam gloriam, & dignitatem, ac rerum gestarum magnitudinem esse oportet in eo: quem homines ignoti, nullis suffragantibus meritis honore afficiant. namque ut homo iners, sine officio, sine ingenio, cum infamia, nullis amicis septus, hominem plurimorum studio, atque omnium bona existimatione munitum, praecurrat, si ne magna culpa negligentiae fieri non potest. quamobrem omnes centurias multis & uariis amicitijs, cura ut confirmatas habeas: & primum id quod ante oculos est, Senatores, equitesque romanos, ceterorum hominum novos homines & gratiosos complectere. multi homines urbani & industrii, multi libertini gratiosi. in foro namque uersantur. quos per te, quos

DE PETITIONE CONSULATVS

per communes amicos poteris sumere, cura ut tui cupi-
 di sint: elaborato: appetito: allegato: summo bene-
 ficio te afficere ostendito. deinde habe oratores urbis
 totius, collegum omnium pagorum, uicinitatum. Ex
 ijs principes ad amicitiam tuam si adiunxeris: per
 eos reliquam multitudinem facile tenebis. postea to-
 tam Italiam fac ut in animo, ac memoria tibi distri-
 butam, comprehensamq; habeas: ne quod municipium,
 coloniam, praefecturam, locum deniq; Italiae ne quem
 esse patiare: in quo non habcas firmamenti, quod
 satis esse possit. perquiras etiam & inuestiges ho-
 mines ex omni regione: eosq; cognoscas: appetas: con-
 firmes: cures ut in suis ciuitatibus tibi aliquos pe-
 tant: & tua causa, quasi candidati sint. uolent te
 amicum, si suam a te amicitiam expeti uidebunt. id
 ut intelligant, oratione, quae ad rationem pertinet,
 consequere. homines municipales, ac rustici no-
 mine tantum noti in amicitia se esse arbitrentur. si
 uero etiam praesidij se aliquid sibi constituere putant:
 non amittunt ocaasionem promerendi. Hos caeteri, &
 maxime tui competitores, ne norunt quidem: tu &
 nosti: & facile cognosces: sine quis amicitia esse non
 potest. neq; id tamen satis est, tam & si magnum
 est: sed ut consequatur spes utilitatis, atq; amicitiae:
 ne nomenclator solum, sed amicus etiam bonus esse
 uideare. Ita cum & hos ipsos propter suam ambi-
 tionem, qui apud tribules suos plurimum gratia pos-
 sint, studiosos in centurijs habebis: & caeteros, qui
 apud aliquam partem tribulium propter municipij,
 aut ciuitatis, aut collegij rationem ualent, cupidos
 tui constitueris: in optima spe esse debebis. Iam equi-
 tum

tum centuriae multo facilius mihi diligentia posse teneri videntur. primum cognoscendi sunt equites: deinde adipiscendi. multo enim facilius illa adolescentulorum ad amicitiam aetas adiungitur. deinde habebis tecum ex iuuentute optimum quemque, et studiosissimum humanitatis. tum equester ordo sequetur illius auctoritatem ordinis: si abs te adhibebitur ea diligentia: ut non ordinis illius auctoritatem solum voluntate, sed etiam singulorum amicitijs eas centurias confirmatas habeas. iam studia adolescentulorum, in suffragando, in obeundo, in nunciando, in affectando mirifice, et magna et honesta sunt. Et quoniam affectationis mentio facta est: id quoque curandum est: ut quotidiana cuiusque generis, et ordinis, et aetatis utare. nam ex ea ipsa copia, coniectura fieri poterit, quantum sis in ipso campo virium, ac facultatis habiturus. Huius autem rei tres partes sunt: una saluatorum cum domum veniunt: altera deductorum: tertia affectatorum. In saluatoribus, qui magis vulgares sunt: et ad hanc consuetudinem, quae nunc est plures veniunt: hoc efficiendum est: ut hoc ipsum minimum officium eorum, tibi gratissimum esse videatur. Qui domum tuam venient, ijs significato te animaduvertere: et eorum amicis, qui illis renuncient, ostendito: saepe ipsis dicito: sic homines saepe, cum obeunt plures competitores: et vident unum esse aliquem, qui haec officia maxime animaduvertat: ei se dedunt: deserunt ceteros: minutatim ex communibus proprij, ex fucosis firmi suffragatores euadunt. Iam illud teneto diligenter: si eum, qui tibi promiserit, fucum, ut dicitur, facere uelle senseris: ut te id audisse aut

Fucum f

DE PETITIONE CONSVLATVS

scire dissimules: si quis tibi se purgare uolet, quod suspe-
 ctū esse arbitretur: affirmes te de illius uoluntate nun-
 quam dubitasse: nec debere dubitare. is enim qui se
 non putat satisfacere, amicus esse nullo modo potest.
 Scire autem oportet quo quisq; animo sit: ut etiam
 quantum cuiq; confidas constituere possis. Iam dedu-
 ctorum officium, quod maius est q̄ saluatorum, hoc
 gratius tibi esse significato, atq; ostendito: Et quoad eius
 fieri poterit, certis temporibus descendito. magnam
 affert opinionem, magnam dignitatem, quotidiana
 in deducendo frequentia. Tertia est ex hoc genere,
 assidua affectatorum copia. in ea quos uoluntarios
 habebis, cura ut intelligant te sibi in perpetuum sum-
 mo beneficio obligari. qui autem tibi debent, ab ijs
 planē hoc munus exige: qui per ætatem, ac negotium
 poterunt, ipsi tecum ut assidui sint. qui si sectari non
 poterunt: necessarios suos in hoc munere constituent.
 Valde ego te uolo, Et ad rem pertinere arbitror,
 semper cum multitudine esse. Præterea magnam affert
 laudem, Et summam dignitatem: si ij tecum erunt,
 qui a te defensi, Et qui per te seruati, ac iudicijs li-
 berati sunt. hæc tu planē ab ijs postulare: ut quoniam
 nulla impensa, per te alij rem honestam, alij salu-
 tem, ac fortunas omnes obtinuerunt: nec aliud ul-
 lum tempus futurum sit, ubi tibi referre gratiam pos-
 sint: hoc te officio remunerent. Et quoniam in ami-
 corum studijs, hæc omnis oratio uersatur: qui locus
 in hoc genere cauendus sit prætermittendum non ui-
 detur. fraudis, atq; insidiarum, Et perfidia ple-
 na sunt omnia. non est huius temporis perpetua illa
 de hoc genere disputatio: quibus rebus benciolis, Et
simulator

simulator dijudicari possit. tantum est huius temporis
 admonere. Summa tua uirtus eosdem homines, & si-
 mulare tibi esse amicos, & inuidere coget: quamo-
 brem ἐπιχάρμυζον illud teneto: nervos atq; artus esse
 sapientiæ, non temere credere. & cum tuorum ami-
 corum studia constitueris: tum etiam obrectatorum,
 atq; aduersariorum rationes, & genera cognoscito.
 hæc tria sunt: unum ex ijs, quos læsisti: alterum,
 qui sine causa non amant: tertium, qui competitorum
 ualde amici sunt. Quos læsisti cum contra eos pro ami-
 co diceres, his te purgato plane: necessitudines comme-
 morato: in spem adducito: te in eorum rebus. si se in
 amicitiam conuulerint, pari studio, atq; officio futurum
 spondeto. Qui sine causa non amant, eos, aut beneficio,
 aut spe, aut significando tua erga illos studia futura
 delinies, dans operam, ut de illa animi prauitate de-
 ducas. Quorum uoluntas erit abs te, propter compe-
 titorum amicitias alienior: his quoque inserui oratione
 qua superioribus: & si probare poteris, te in eos ipsos
 competitores tuos beneuolo esse animo ostendito. Quo-
 niam de amicitijs constituendis satis dictum est: dicen-
 dum est de illa altera parte petitionis, quæ in popu-
 lari ratione uersatur. Ea desiderat nomenclationem,
 blanditiam, assiduitatem, benignitatem, rumorem,
 spem in re publica. Primum id quod facis, ut homines
 noris, significa ut appereat: & auge: ut quotidie me-
 lius fiat. nihil mihi tam popolare, neque tam gratum
 uideatur. Deinde id quod natura non habes, induc in
 animum ita simulandum esse, ut natura facere uideare-
 nam comitas tibi necesse est, ea, quæ bono ac suauis ho-
 mine digna sit. sed opus est magnopere blanditia: que

ἐπιχάρμυζον

12 D Am
†. 17Nomenclationem
hæc.

DE PETITIONE CONSVLATVS

etiam si uitiosa est, & turpis in cætera uita: tamen in petitione necessaria. Tibi enim cum deteriore aliquem assentando facit: improba est: cum amicio rem: non tam uituperanda. petitori uero necessaria est: cuius & frons, & uultus, & sermo, ad eorum, quoscunque conuenerit, sensum, & uoluntatem commutandus est. Tam assiduitatis nullum est præceptum: uerbumque ipsum docet, quæ res sit. prodest quidem uehementer nusquam deesse. sed tamen hic fructus est assiduitatis, non solum esse Romæ, atque in foro: sed assidue petere: sæpe eosdem appellare: non committere, ut quisque possit re dicere quod eius sit consequi possis: si abs te non sit rogatum: & ualde ac diligenter rogatum. Benignitas autem late patet: & est in re familiari. quæ quanquam ad multitudinem peruenire non potest: tamen ab amicis laudatur: & multitudini grata est. est in conuiuijs: quæ facite abs te, & amicis tuis concelebrentur: & passim, & tributum: est etiam in opera: quam per uulga, & communia. cura ut aditus ad te diurni atque nocturni pateant, neque foribus solum ædium tuarum, sed etiam uultu, & fronte, quæ est animi ianua. quæ si significant uoluntatem abditam esse ac reclusam: parui refert patere hostium. homines enim non modo promitti sibi, præsertim quæ a candidato petant, sed etiam large ac honorifice promitti uolunt. quare hoc quidem facile præceptum est: ut quod acturus sis, id significes te studiose, ac libenter esse facturum. illud difficilius, & magis ad tempus, quam ad naturam accommodatum tuam: quod facere non possis, ut id in cande neget: quorum alterum est boni uiri alterum boni petitoris. nam cum id petitur, quod honeste, aut
 sine

sine detrimento nostro promittere non possumus: quomodo si quis roget, ut contra amicum aliquam causam recipiamus: belle negandum est: ut ostendas necessitudinem: demonstrates quam moleste feras: alijs te id rebus exacturum esse persuadeas. Audiui hoc dicere quendam de quibusdam oratoribus, ad quos causam suam detulisset: gratiorem sibi fuisse orationem eius, qui negasset: quam illius, qui recepisset. Sic homines fronte, & oratione magis, q̄ ipso beneficio, réq; capiuntur. Verum hoc probabile est. illud alterū subdūrum tibi homini plane perito suadere. sed tamen tempori tuo consulam. qbus enim te propter aliquod officiū necessitudinis assuturū negaris: tamen ū possunt abs te placati æquiq; discedere. qbus autē itircō negaris, qđ te impeditū esse dixeris aut amicorū negocijs, aut grauioribus causis, aut ante susceptis: inimici discedunt: omnesq; hoc animo sunt, ut sibi te mentiri malint, quam negare, C. Cotta in ambitione artifex dicere solebat: se operam suam, quod non contra officium rogaretur, polliceri solere omnibus: impartire ijs, apud quos optime poni arbitraretur. ideoq; se negare nemini: quod sæpe accideret causa, cur is, qui pollicitus esset uacius foret plusq̄ putaret: neq; posse domum eius compleri, qui tantummodo reciperet, quantum uideret se obire posse. casu fieri, ut agantur ea, quæ non putaris: illa quæ credideris in manibus esse, ut aliqua de causa non agantur. deinde esse extremum, ut irascatur is, cui mendacium dixeris. id est promittas: & incertum est, & in diem, & in paucioribus. sin autem id neges: statim abalienant se, & inimizantur. plures enim multo sunt qui rogant, ut uti liceat opera alterius: q̄

DE PETITIONE CONSVLATVS

qui utantur. quare satius est, ex ijs aliquos aliquando tibi in foro irasci: quàm omnes continuo domi: presertim cum multo magis irascantur ijs, qui negent, quàm ijs, quem uideant ea causa impeditum, ut facere quod promisit cupiat, si ullo modo possit. Ac ne uidear aberrasse à distributione mea: qui hæc in hac populari parte petitionis disputem: hoc sequor: hæc omnia non tam ad amicorum studia, quàm ad popularem famam pertinere. Et si inest aliquod dictum ex illo genere benigne respondere, studiose inservire negocijs amicorum, ac periculis: tamen hoc loco ea dico: quibus multitudinem capere possis: ut de nocte domus compleatur: ut multi spe tui præsidij teneantur: ut amiciores abs te discedant quàm accesserint: ut quam plurimorum aures optimo sermone compleant. Sequitur enim, ut de rumore dicendum sit. cui maxime seruiendum est. sed quæ dicta sunt omni superiori oratione: eadem ad celebrandum rumorem ualent: dicendi laus, studia publicanorum, et equestris ordinis, hominum nobilium uoluntas, adolescentulorum frequentia, eorum qui abs te defensi sunt, assiduitas, ex municipijs multitudo eorum, quos tua causa uenisse appareat, bene homines nosse, comiter appellare, assidue, ac diligenter petere, benignum, ac liberalem esse, bene loqui existimare, domus ut multa nocte compleatur, omnium generum frequentia adsit, satisfiat oratione omnibus, re, operaque multis proficiat, in id quod fieri potest laborare, et arte, et diligentia, non ut ad populum ab ijs omnibus fama perueniat: sed ut in ijs studijs populus ipse uersetur. Iam urbanam illam multitudinem, et eorum studia qui conciones tenent,

quæ


quæ adeptus es in Pompeio ornando, in Manlii causa recipienda, Cornelio defendendo: excitanda nobis sunt: quæ adhuc habuit nemo: quin idem splendorem omnium, uoluntatesq; haberet. Efficiendum etiam illud est, ut sciant omnes, Cn. pompeii summam erga te esse uoluntatem: & uehementer ad illius rationes te id assequi, quod petis pertinere. Postremo tota petitio cura ut pompæ plena sit, ut illustris, ut splendida, ut popularis: ut habeat summam speciem, ac dignitatē: ut, etiam si quid possit, ne competitoribus tuis existat, aut sceleris, aut libidinis, aut largitionis accommodata, ad eorū mores, infamia. Atq; etiam in hac petitione maxime uidendum est, ut spes recip. bona de te sit, & honesta opinio. Nec tamen in petendo resp. compescenda est, neq; in Senatu, neq; in concione. sed hæc sunt tibi retinenda ut Senatus te existimet ex eo, quod ita uixeris, defensorem authoritatis suæ fore: equites Romanos, & locupletes ex uita acta te studiosum ocij ac rerum tranquillarum: multitudo, ex eo duntaxat quod oratione in concionibus, ac iudicio popularis fuisti, te a suis commodis alienum non futurum. Hæc mihi ueniebant in mentem de duabus illis commotionibus matutinis: quo tibi quotidie ad forum descendenti, meditandum esse dixeramus. nouus sum: Consulatum peto. tertium restat, Roma est: ciuitas ex nationum conuentu constituta: in qua multæ insidiæ, multa fallacia, multa in omni genere uitia uersentur: multorum arrogantia, multorum contumacia, multorum maleuolentia, multorum superbia, multorum odia ac molestia perferenda est. Video esse magni consilij, atq; artis, in tot hominum cuiusq; modi uitij, tantisq;

DE PETITIONE CONSVLĀTVS

uersantem, uitare offensionem: uitare fabulam: uitare insidias: esse unum hominem accomodatum ad tantam morum, ac sermonum, ac uoluntatum uarietatem. quare etiam atq; etiā perge tenere istam uiam, quam instituisti: excelle dicendo: hoc & tenentur Romæ homines: & alliciuntur: & ab impediendo, ac lædendo repelluntur. & quoniam in hoc uel maxime uitiosa est ciuitas: quod largitione interposita uirtutis, ac dignitatis obliuisci solet: in hoc fac ut te bene noris: id est ut intelligas eum esse te: qui iudicij ac periculi metum maximum competitoribus asferre possis. fac itaq;, ut se abs te custodiri, atq; obseruari sciant. cum diligentiam tuam, tum auctoritatem uimq; dicendi, tum profecto equestris ordinis erga te studium pertinuerint. Atq; hæc ita te uolo illis proponere: ut uideare occasiorem non meditari: sed ut hoc terrore facilius hoc ipsum quod agis consequare. Et plane sic contende omnibus nervis, ac facultatibus: ut adipiscamur quod petimus. video esse nulla comitia tam inquinata largitione: quibus non gratis aliquæ centuriæ renuncient, suos sibi maxime necessarios. Quare si aduigilamus pro rei dignitate: & si nostros ad summum studium beneuolos excitamus: & si hominibus studiosis gratiosiq; nostri, suum cuiq; munus describimus: & si competitoribus indicia proponimus: si ex equestribus metum innuicimus: diuiores ratione aliqua cohercemus: perfici potest, ut largitio nulla fiat: aut nihil ualeat. Hæc sunt quæ putauī, non melius scire me q̄ te: sed facilius his tuis occupationibus colligere unum in locum posse: & ad te perscripta mittere. quæ tamen ita scripta sunt: ut non ad omnes, qui honores petant, sed

ad te proprie, & ad hanc tuam petitionem valeant.
Tamen si siquid mutandum esse videbitur: aut om-
nino tollendum: aut siquid erit præteritum: uelim hoc
mihi dicas. Volo enim hoc commentariolum petiti-
onis, haberi omni ratione perfectum.


FINIS.





VENETIIS IN AEDIBVS
ALDI ET ANDREAE,
ASVLANI SOCERI,
MENSE AVGVSTO
M. D. XXIII.

abcdefghijklmnopqrstuvwxyz
A B C D.


Omnes quaterniones.











Aldine

523

C568d

v. 2

c

